


香山縣志



香山縣志序



考諸封建之世國無
大小各有史官秦以
來郡縣天下而列國

序

一

之史廢風俗一書肇
自東京後之人踵其
法因職方之所隸詳
載其疆域人民官師

貢賦謠俗嗜好之各
殊取扶風漢史之一
體而名之曰志然則
志之作也其猶史氏
之遺乎今

序

皇上統壹函夏拓地廣
於曩代命官敷治無
間遠邇翰迺得以鞮

材學製待臯香山香
山僻處邊徼大海環
其外或疑德化未易
覃被上賴文武諸大

序

吏以及良二千石宣
威布愷下吏敬承風
旨可以爲所得爲翰
竊幸受事來墾地日

益訟獄日損科第蔚
興寡廉鮮恥之事不
作日與僚屬交勉以
職業與士課文藝與

序

民行鄉飲酒禮朔望
講讀

聖諭迪之罔弗勸董之
罔弗懲未聞以不率

煩大憂者然後知

德化所覃被至深且遠
也縣舊有志成於盛
明嘉靖間距今百數

序

十年時代既易制置
亦殊

天子目營四海可保和
殿大學士奏

勅直省郡縣修輯志書
上之史館彙成一統
志翰恭逢盛事思以
上副

序

朝廷采風問俗之意是
用稽諸典籍旁及方
聞借資哲匠剖析義
例自夏徂冬歷三時

而告厥成焉雖見聞
寡陋不免保殘守缺
之譏而一時公論出
其中萬世公論出其

序

中亦期不悖於史氏
之遺意而已矣

昔癸丑冬十有一月
知香山縣事申良翰

謹序



序

香山縣志目錄

知香山縣事申良翰纂修

縣 丞王祚貞校訂

典 史呂從仁董刻

卷之一 輿地

縣全圖 縣治圖 學宮圖 前山寨圖

濠鏡澳圖 沿革 星野 疆域

形勝 山川 水土 井泉

潮汐 陵墓 氣候 風俗

香山縣志目錄

卷之二 建置

公署 行署附 學宮 學田附 城池 都圖

壇廟 倉庫 坊表 教場

勝蹟 八景附 墟市 關梁 津渡

卷之三 食貨

戶口 土田 寄庄附 稅糧 賦役

雜辦 鹽法 魚課 水利

物產

卷之四 秩官

訓武

卷之五宦

縣尹列傳二十四人

縣佐列傳二人

教職列傳二人

武職列傳一人

雜職列傳一人

卷之六選舉

薦辟

進士

鄉舉

歲貢

恩貢

拔貢

例貢

例薦

香山縣志目錄

武舉

武勳

吏材

封贈

錄職

例授

卷之七人物

名臣列傳二十八人

名賢列傳二十四人

孝子列傳三人

高士列傳十人

義勇列傳九人

列女列傳三十七人

耆壽列傳十三人

卷之八藝文

疏三首

議一首

牒文一首

序 二首

引 三首

記 十首

碑 五首

銘 一首

文 一首

辭 三首

告辭 一首
賦 一首

詩 百十四首

卷之九 兵防

衛所

屯田

前山寨

營堡

汛哨

卷之十 外志

澳瘳

祥異

寺觀

仙釋

香山縣志目錄

三

藝術

述聞

集中人物藝文兩卷或原本不載年歲或

哀輯時分蚤暮間有先後舛錯釐正未遑

頤埃異日

香山縣志目錄 終

香山縣志舊序

夫志何爲者也其殆肇諸周官乎太宰以六典佐治而大司徒掌土地之圖人民之數於賓興賢能尤數數焉庶富而施教典故當爾也乃保章之辨封域春官統之職方之圖民物夏官統之司民之登版秋官統之匠人之授田冬官統之六典之書則掌於太史凡辨法者考焉邦國四方之志則承其疏者也周之邳隆其以人才爲本者典志之作也其斯而已矣周官法度久廢不行迄漢建武中始詔南陽撰作風俗

香山縣志

卷之一

一

故沛三輔有耆舊節士之序魯廬江有名德先賢之贊郡國之書由是彬如也其存而傳者袁康之越絕書惟重計倪常璩之華陽志博收名士由是言之志而舍人才尙何志哉我聖祖開天召儒修志總以太史固周官法度也文獻昭垂三百禩闕睢麟趾之意洽而菁莪棫樸之治成矣逮今皇上重光先烈化洽四海凡有土地人民政事者必務得人焉有徒志而文者市人猶且得而誹之敝邑褊小僻在海嶼未可謂無人顧簡冊久佚可使寂而隳與舊志創自永樂

中邑人容君悌與迄成化甲辰庠生黃君經增損以爲新志詳於鳥獸草木而名宦人物則畧至是賢令文巖鄧君復延縣文學齊君啓和郎君良胡君禮開局纂修補其未備俾予裁定予方在謝未能也乃令門人楊上舍維震輩撰次論贊比及祥禫躬爲潤色昭其晦芟其蕪立綱振目稍可觀省凡八卷云是故風土以觀美惡民物以察登耗政事以審弛張教化以知興替黎獻以考盛衰藝文以備徵信雜志以辨妖祥一邑之事亦略具矣矧邑負仁山以施仁政周香山縣志 卷之一 二

官之本其在茲哉予不敏忝從太史氏後是用僭言於首

香山縣志卷之一

知香山縣事申良翰纂修

香山縣儒學教諭歐陽羽文編輯

輿地志總序

縣全圖 縣治圖 學官圖 前山寨圖

濠鏡澳圖 沿革 星野 疆域 形勝

山川 水土 井泉 潮汐 陵墓

氣候 風俗

序曰人不天不因天不人不成古志之矣香山治

香山縣志

卷之一


一

者古東筦香山鎮也其都里或割之南海或割之番禺新會按圖觀之皆境內土也南北縱之得百幾十里東西橫得百幾十里其外繚以大海而其他都里附之此土之外犬牙錯入他縣者蓋無幾香之宜爲縣人也而天實爲之非按圖不能知也古之學者左挾圖右抱書是以知其險易知其近遠知其肥瘠高下而後政治之張弛緩急輕重布之今爲圖附焉於是縣全圖有縣治圖有學圖有寨圖有澳圖有學之寨之澳之或沿或革人也其所以

宜澳宜寨宜學宜沿宜革者皆天也古之爲治者以地準天以天正地或揆之以日或測之以星然後相陰陽觀流泉陟嶽降原契龜洽筮而後民居可得而定也因析彛隩可得而時也息游啓閉可得而依也墳壤白黑可得而別也夫然後天心順地宜得寒暑均風雨時去其沴戾流其惡滯是以民無瘡癘物無夭札禮樂成而歌頌起矣今之志分野揆測之意也志山川形勝陟嶽降原之意也疆域以定其界山川以臚其名形勝以明其勢而


後圖之所載犁然畢備且夫川流山峙者天也或憑之或帶之或導之以爲利守之以爲險皆人也山有井泉以疏以鑿有丘墓以封以樹水有潮汐以迎以候所以教民遠斥鹵利舟楫設網罟而養生送死也若夫山糾水繆嵐霧噴薄鬱之則溼蒸之則熱足以中肌膚噤毛髮者則歸之氣候氣候出之者天參之者地亦猶風俗然人爲之而亦由地與天何也其貞淫淑慝者人也然而千里不同風百里不同族豈惟千百里哉五家之衆一闕之

市皆有之是故君子之治民也不教粵廬不教燕
罇調燮克友之道則有之夫然後土以爲風而下
以爲俗風俗成而天人之道備矣





蓮峰山




街

照牆

儒學

街



貝灶

香山場

望樓

圍牆

望樓

田

菜園

田

兵房

更鋪

民房

倉庫

生廟

山頭園民塔

田

前村

更鋪

馬房

關帝廟

都司

香案

中軍廳

兵房

民居

市豐前

石龜潭
炮臺

水塘

倉庫

水塘

觀音
天妃宮

白石村下

田

田

沿革

香山古揚越地本禹貢揚州之外境秦始皇三十三年分揚越為桂林象南海三郡其時香地屬南海秦末趙尉佗據郡稱南越王拆南海郡置番禺縣香地隸焉晉成帝咸和六年拆南海之東為東官郡晉恭帝元熙三年復拆南海之西為新會郡地又分屬焉新會郡置封樂封平二縣封樂為今縣之西南谷字等都封平為今縣之古鎮都若大攬小攬則屬南海黃圃潭洲則屬番禺黃角則屬東莞郡也隋開皇十

香山縣志

卷之一

一

年廢東莞郡為寶安縣新會郡為岡州香地全屬南海唐至德二年更寶安為東莞縣設鎮香山是為文

順鄉專屬東莞

文順鄉為今之仁厚良字龍眼得能四大恭常谷字等都皆屬東莞其餘

各鄉都仍前分屬南番岡州

宋元豐五年廣東運判徐九思用進

士梁杞言

杞香山人

請建為縣不果行止設寨官一員仍

屬東莞宋紹興二十二年進士陳天覺

覺香山人

建言請

改鎮為縣以便輸納東莞縣令姚孝資以其言得請於朝遂割南海番禺東莞新會四縣地隸之仍鎮名為香山縣屬廣州府元至元十九年改為廣州路明

朝洪武元年平定嶺南設廣東行中書省九年改中書省為布政司地屬嶺南道廣州府香山縣

香山縣志

卷之一

二

星野

舊志云天文分野星紀之分當應南斗十一度女七度於辰爲丑鄭玄云分野之占星紀爲吳越南斗牽牛星紀也廣州爲越明矣范曄云星紀起斗十二度至須女七度於辰在丑吳越之分野屬揚州焉後之以事變驗分野者則曰漢景帝元年金水合於婺女婺女越也二年水火合於斗斗吳也又爲粵故周亞夫破七國吳王亡走粵粵攻殺之此其驗也其後熒惑守南斗而越相呂嘉弑其王及太后梁大通中熒

香山縣志

卷之一

十一

惑在南斗而嶺南賊起大同中葦出南斗而李賁反於交州發吳越兵討之益信其屬斗非誣然余考今世占玩諸書皆以斗屬吳牛屬江淮之間女崙屬越自錢塘以東連閩及越似與范曄之言合蓋星紀在天起於斗而終於女其應在地起於吳而終於越爾然或疑嶺外曠遠非一次所及况蕞爾一邑烏足當之則必日月不照容光容光不照非日月矣吾故論次其言庶幾觀星者因其分野以爲一邑脩備焉得云天道渺遠儒者所不敢知乎

疆域

北至廣州府城四百里而遙新志北至鴻鴈海尾海
二百里及抵紫泥巡檢司乃番禺地界水程約二
日

西北至南海縣泌冲都一百二十里而近

西北至順德縣治一百二十里水程一日半

東北至東莞縣治三百里而遙水程二日餘南海衛
同

東南至東莞縣界大奚山一百五十里而遙

香山縣志

卷之一

十二

東至新安縣靖康歸德一百里而近新志東至零丁
洋一百六十里為新安界

西至新會縣治一百五十里而近西至鱣鱘瀝海九
十里為新會縣界水程一日至新會縣治

西南至新寧縣潮居都一百八十里而近新志西南
到廣海衛三百里水程三日餘

入京師七千八百八十五里水驛七十二馬驛十九
皆自北路而達

摠按地方廣二百九十二里袤二百一十二里海嶼

周迴凡七百里陸路東至大字都鷄拍村西至龍
眼都疊石村南至蒸常都沙尾村北抵縣港爲水
道通廣府河道

香山縣志

卷之一

形勝

君子之登臨也有樂焉有憂焉望其山川玩其雲物
茹幽而擷秀欣然樂也至於茂林叢薄不有鳴張而
狐伏者乎南望引領稽天浴日不見邊際不有長鯨
恠鱔將乘風藉浪以肆其毒於吾民者乎於是盡然
憂之且志其樂也是故志吾香者不志其樂志其憂
志其憂者不志其緩志其急香之急誠在海矣故於
海獨詳焉

濠鏡澳者邑之南陞孤懸海上者也陸行百二十里

香山縣志

卷之一

又十三

可至設關焉關之外割而住海外諸番者千有餘家
諸番人隨山勢高下築宮室樹卉木結臺榭月有廩
給食吾香之粟而居積其貨番船來往萬里倏忽有
司不得稽按先臣龐一鵬嘗憂之疏見藝文志

入關而東沿乎海者吾香東陞也曰吉大有砲臺迤
北曰鷄拍有砲臺曰角頭山有砲臺又迤北曰平頂
有砲臺曰涌口門有砲臺又極北曰東洲門在邑之
東北極矣其挿而入於海也望之如牛角然自東洲
迤西曰榕樹門則入縣正北矣自榕樹門來者有二

港一曰小隱口再曰東濠口今兩口爲之設哨船矣
兩口之間曰水洲山山設砲臺以扼其中哨兩口以
張其翼曰是固吾北維乎而榕樹之外獨缺東洲之
守是捨其極衝而防其次衝也防其正北而捨其東
北也是可憂也

自東濠口而西曰縣港口水由番莞來至浮虛鋪錦
之海而極濶至是稍收焉直吾香之西北也謂其直
入吾縣設哨焉使番莞嚴握其外吾香於黃角黃
圃握其衝則犄角成而縣之西北固矣夫番莞豈不
香山縣志 卷之一

十四

誠內地乎然檣帆風馬咫尺千里恐呼之或不及籲
之或不應未可紓吾憂也

自縣港口而入曰張婆澳有砲臺又稍入置柵水中
曰上柵憂其寇之闌入也亦憂其奸之逸出也又入
則縣治矣過縣治而南曰沙涌曰下柵其制猶之上
柵也又南曰曲涌有砲臺又南曰第一角海邑之西
南門戶也有哨焉昔之人曰花茂曾守此矣則未知
其僅一二三哨船焉否也

自第一角而南望盡遷沒矣山島聳峙曠無人烟迤

東地勢稍折而入曰北臺。曰深灣。有砲臺焉。又迤東曰蠓殼頭。蠓殼之挿而入於海之南向西。猶東洲門之挿而入於海之東向北也。蠓殼而西望會之厓門。猶東洲而東望筦之虎頭門也。捨蠓殼不守。守第一角。猶捨東洲門不守。守榕樹門以內也。非不守也。力不及也是可憂也。由蠓殼又東曰南野角。曰蘇子埔。有砲臺曰茅灣村。有砲臺曰秋風角。有砲臺。又東則香山寨矣。有鎮兵以分其憂者此也。過寨而東。邑之迤南盡矣。又爲吉大。

環香皆水也。猶之廣郡諸縣落之皆水也。縣治而外其附近者曰龍眼都。縣治在其東。龍眼在其西。龍眼之西亦縣之西。阻沙爲口曰象角口。有哨焉。有臺焉。自象角口入而近乎縣也。曰獅子浴。有哨焉。出象角而南曰竹仔林。有哨焉。是皆縣之西陲也。自象角口而西北望。原田錯繡曰大攬都。則入於內而近順德矣。有臺焉。有哨焉。自竹仔林而西北望曰古鎮。鎮近新會。有臺焉。有哨焉。自竹仔林而南望層巒曰黃梁都。民已遷矣。地已墟矣。可不憂黃梁。夫必遷其民。墟

其地而後可不也。此豈設險守國意耶。地必有形。廣狹大小。袤延險易。皆形也。有形而後有勝。守此可以兼彼。策此可以應彼。故曰勝也。香浮海中寸寸可也。尺尺宜守也。於是因其有口者以駐哨。哨卽勝也。因其地之稍高可望者以築臺。臺卽勝也。然而臺不數人。哨不數舟。臺之相去或十里。或數十里。舟之相去。近或數十里。遠或百里。以爲傳烽遞警可也。以之截殺堵禦則踈矣。况其地廣大而多山川之。在香會寧三縣之。棄而弗守。尤有可香山縣志 卷之一 十五 憂者存焉。故曰形勝志憂也。

山川

仁山在城內位子其陽爲縣治上有書院其陰爲仕學臺其左曰豐樂園今臺園久廢其北曰慶壽山城跨其上前有無量寺東南曰豐山昔僅培樓近民居已平西曰武山城垣跨之上爲戰臺今毀其三平於築城時是謂七星峰

大北山在縣東一里平遠延綿東界牛起灣南北皆田西曰蓮峰其高數十丈卽舊寨山也元僞千戶王一據之元末海賊李祖三盧實善相繼劫掠宣香山縣志

卷之一

十六

差朶羅歹屯守其上

南濠雲亭峰西北臨田其上北曰金鼓角山昔海隅嘗聞金鼓之聲故云金鼓朝陽列八景

挿笏山一名獺窟在縣北一里峙海之旁四面接田設有烽堠舊有西林菴

石岐山在縣西北一里原設有烽堠遙與蓮峰相對土燥多石直抵於海其陽爲何學士赤松堂

老安山在縣西南半里爲縣水口衝要西臨于海

筆架山在縣南一里三峰聳秀中峰特出其上後易

名東林黃經構山海齋誦讀其下易名東林與
林對

長洲山在縣西二里四水中石岐海東西濠濬西獅子濬北王屋洲海南八景長洲烟雨

貴峰山本名大尖山在縣南四十里高三百餘丈爲縣治之前案其東有野牛徑南有小尖峰箬葉嶺壽星塘山在縣南二十里塘水方數畝山在其陰舊傳蓬萊仙寓此見藝文志西有宋疑塚在墳頭岡梅花水出焉其陽爲六十陂大嶺石溪瀑布出焉

香山縣志

卷之一

十七

又瀦爲大龍潭自柯本窳至阪道馬鞍嶺而伏虎岡仙人墮出焉越龍衮坑至西坑尾望鹿石三株松嶺以抵於碧雲峰皆仙靈所宅也

金紫山在縣東南十里伏虎岡北嘗有石泉寒冽不竭入景金紫巖溜

北臺山在縣南四十里東接貴峰西臨海梅花水北下

南臺山在縣南六十里梅花水南與北臺對峙南臺秋月見八景有觀音巖

香鑪山在縣南六十里峰岷幽峻東介白銀水西
海北爲南臺至橫坑南接嶺山牛

布出焉下爲大井以抵於冲天燕峰其西爲沙角
徑

湖洲山在縣南二十里孤峭臨海一名文筆八景阜
峰文筆

灣月山在縣南二十里又名鹿鳴嶺與湖洲山相接
羣峰森列擁峙縣案爲一邑大觀

鴻鶴嶺山一名鴻鶴尖秀峰插天三面臨海

香山縣志

卷之二

十八

右山俱良字都十里內

象角山在縣西十里西北臨海舊志宋亡時一夜號
慟至曉見小石室立於上俗呼佛仔屋

石門山郡志作石門掩峒在縣西十里東臨海

疊石山在縣西十餘里龍自新會圭峰渡海而來石
骨嶙峋爲縣治右弼之障

青薑山在縣西南七里高潔雄偉

右山俱龍眼都三十里內

烏巖山在縣東南六十里東抵雲梯諸山赴海西介

香鑪北爲千秋嶺紅旗峒西北抵相合山至于海
嶺巖崖幽暗人跡罕至宋末鄧光薦避元亂居此
題詩於崖見藝文志

長江山在縣東南三十里共山高聳南接烏巖衆水
出焉北合神涌人於海又有相合山峭峻形肖土
有劉公峯

紫馬嶺四面皆田地接庫涌嶺有天池芟荷見八景
舊志云元末浚南濠此池涸

葫尾山在縣東南五十里其西爲鰲頭北臨海烽堠
香山縣志 卷之一 十九

大園山在縣東南四十里南接八廉障西爲神涌海
上有山曰三洲

右山得能都東六十里內

烟筒山在縣東五十里上有石巖清泉山焉俗呼盧
亭井

四巖山在縣東六十里高聳北臨海其東曰日角山
三面臨海

東洲山在縣東七十里海中潮汐湍激舟不可渡曰
東洲門其上北海中曰壺頭山與東莞交界海中

有大小虎頭門以形似名卽秀山

右山四字都東七十里內

黃道山在縣東二十里西村奇秀高潔宋黃道人修道故址也下有新美齋爲鄉人王蔣陳梁義塾

雲梯山在縣東七十里張許二道人嘗結庵絕頂今石扁猶存

牛山山在縣東八十里臨海一名東山

南萌山在縣東八十里東北臨海近豐阜湖

右山大字都東七十里內

香山縣志

卷之一

二十

葫蘆山在縣南八十三里石壁峭立如門其勢甚峻林木陰森行人樵夫憊焉又有佛屋門其東北曰東嶺北接烏巖其西南曰西嶺北接香鑪而山盆盤蔚西嶺之陽有水射嶺瀑布南注其南有北含山

大芒山在縣南九十里雍陌村勢如奔龍昂首睨于巨海

五桂山在縣南八十五里爲谷字恭常各都諸山之祖週迴二百餘里巖壑瀑布可與羅浮諸勝相

山左有大小花園產各異花甚多其陽產神仙茶俗名五鬼山

稜角山在縣東八十里高潔峻峭地抵北含南面海下有龍井懸瀑中有石如魚元尹黃棠有詩見藝文峰四曰十二嶺峰曰鷹竇峰南野角有石俗曰黃巢藏人往取之得一二古磁器曰了髻峰昔寨其上曰茅灣峰峰下五眼井冬暖夏寒與溫泉相望茅灣峰在正午位爲邑治第二案山右山谷字都東南八十里內

鳳凰山在縣東南一百里高深形肖東介南坑北接官塘岡西爲金竹園白蛾石古壑諸峰南赴海香山塲之祖山舊傳有仙女池仙果或人見之其陽有尖峰嶺石牛嶺在香山塲後風門凹嶺峰堠銀涌角峰峰堠鷄拍村銀礦今絕翠眉山西臨海秋風角山五峰如梅花然故語云梅花飛上秋風角石甌山鳳凰東南香山塲前藍屏山上南高深大嶺頭峰峰堠榴花山藍屏之南產榴花東南巨海相望而趨南者也

望門山在縣東南一百一十里起自北嶺延袤二十里如旗至海門突起羣岫隔九星大洋內色鄉都外泊艘艦漁樵蜩集

南蕉山與鳳凰山對峙絕頂有泉清澈不竭曰龍潭前有三軍巖舊志宋末有陳媪者據險率衆爲亂因名其子曰勇子後降于元

右山恭常都東南一百二十里

飛駝山卽大攬山在縣北七十里山勢蜿蜒中開屏嶂左爲落霞峰下有開元梅花諸泉

香山縣志

卷之一

二十三

鳳山卽小攬山去縣北七十里峰巒秀峙紆而西指蘊靈盤結有泉石之美山下有翁孩園

圓攬山在縣北七十里

浮虛山在縣北七十里平潔峙海中隨波上下因名八景浮虛春濤

右大攬都西北七十里內

永泰山在縣東北海中一百里大海之東口三角大海之西日坡頭皆護浮虛

塔山在縣西一百里大黃涌村高突以形似名其

陽聚平山民耕其上

馬鞍山在縣西一百二十里形勢雄峻爲郡治案山
烏洲山在縣西北一百里海中

百富山在縣西北八十里海洲村

古鎮山在縣西北八十里海中西接新會

右由黃旗都西北八十里內

黃揚山在縣西南七十里負北面石山幽深峻極宋
鄧光薦避元亂於此結廬隱居其陽有赤坎岡張
世傑所墾地有赤坎村大人嶺烽堠

香山縣志

卷之一

二十三

荔枝山在縣西南八十里山多荔枝因名其陽有林
子後嶺烽堠

龍歸巖山在縣西南九十里相傳宋有結庵者今湮
高城山在縣西南六十里高峻森叢疊岫層巒周廻
如城郭元末民避寇居之

右山黃梁都西南八十里內今黃梁都於康熙元
年奉 遷未復

九星洲山九峰分峙多石巖石屋靈草石上溜水井
美爲番船往來所汲曰天塘水

零丁山下有零丁洋文天祥詩見藝文志

金星山二峰相峙趨向如龍中有小嶼如珠

小橫琴山下有雙女坑舊志樵夫見二女溪上就視之化雙鯉

大橫琴山幽峻爲寇所伏元末海寇王一據之洪武二十八年寇平詔虛其地

深井山卽仙女澳也亦名井澳在橫琴下宋端宗御舟嘗至此景炎二年十二月帝舟入海至仙女澳丙寅風大作舟敗幾溺帝驚悸得疾嘗一却元兵

香山縣志

二十四

於此

三竈山二石形似故名與橫琴相對皆抵南番大洋本宋黃字上下二圍元海寇劉進據之明初寇平復入黃梁都有田三百餘頃皆極膏腴編民糧差後居民吳進深通番爲亂洪武二十六年都指揮花茂奏殲渠魁悉遷餘黨其田永下許耕以上諸山康熙元年奉

右在南洋不在版圖者其諸島今列于左曰

小湖洲

馬眉山

大磨山

小磨山

大羅洲

小羅洲

白焦

俗謂海旁
岐石為焦

芒洲

散洲

白藤洲

鷓鴣洲

桑洲

赤洲

擔竿洲

南山亭

竹洲

粉洲

大托

小托

大淋

小淋

文灣

連灣

二灣

三門

浪白

倒觸

宿聚

鬼叫

臯蘭

鹿脰

潭洲

鷄籠

王魚洲

石巖有王
魚之神

洲嶼

了洲

銀坑

山高潔特
多麋鹿

香山縣志

卷之一

二十五

箔洲

孿洲

游魚洲

大吉山山

之東中水曰內十字門

小吉山山之西北中水

曰乾門

澳山山之東南西對橫琴水中曰外十字門其民皆

島彙也今遷

石岐海在縣西北地接浮虛南入洋八景石岐晚渡

港口在石岐上流水小而淺湖平可濟汝涸則難乃

北鄙之咽喉也正德間為寄庄豪右所築今通之

分流海在港口上流東注於東洲門北通於廣

浮虛海在分流上源勢若滔天號爲巨浸

倒流海在浮虛之上其中巨嶺激水湍急迴流深險
小黃圃海衆水輻輳水寇之衝舊置巡檢司民稍安
堵今宜專哨鎮守以握其衝

象角頭海在縣西二十里西接鯨鯢瀝北連大攬其
勢汪洋風起浪湧舟不可艤晴則水光接天往來
晏然

第一舟海在縣南海門淺隘南抵大洋乃縣南之咽喉也明初都指揮花茂防寇於此民呼曰花夫人

香山縣志

卷之一

二十六

馬頭

烏沙海在三竈東成化中番船侵擾歲令官軍千人防之

大龍潭在庫涌村後山頂有潭飛瀑舊傳有靈物蜿蜒出入人或見之歲旱致禱或龜魚出則雨今不驗

蜺涌在沙岡頭東自庫涌西北濠赴於海宋端平中縣令梁益謙決以導出自縣東襟帶環繞

梅花水在縣南五十里合烏巖香爐白銀等水西爲

橫坑入北臺海鯨龍水西出又西合梅花水

白銀水在縣南八十里溪旁有銀樹西北合梅花水
入於海

春坎坑西北合梅花水長江水北出又北合神涌水
入於海

金斗灣在恭常谷字都界水頗濶海物錯出故名

疊石海在縣西五十里旁有巨巖鄉人置鱓斝魚筒
採捕鮮物邑人利之

石溪在縣東一百五十里谷字都有水如瀑布

香山縣志

卷之一

二十七

銀涌在縣東一百五十里有石如龜每潮生石上浪
白如銀因名

橫坑水在縣南五十里乃梅花諸水之總流也

宮花水在縣東三十里出自長江山衆流之源灌溉
得能一都之田歲旱無患

天井湖在恭常都下柵村自南山竹門瀉出下深二
丈許其水清澈歲旱鄉人取湖水至旱福場所祈雨
立應

旱福場在縣東九十里恭常都下柵村石牛潭側鄉

人以石爲壇或歲旱於天井湖取水至場用水牛
一隻燃火四旁迫之牛狂觸場中於是地損水動
祈雨立應

水土

水色近縣治以北者清且緝前山近洋則碧而黑若
西漲暴下則黃濁惟黃濁故海旁多積淤以成田碧
黑者其性勁其味鹹故煮之成鹽下海之船日以輕
者水鹹且勁入木而堅其質故也其土五色上多黃
下多紫兼有赤埴白壤焉

井泉

大井在縣治西北仁厚街

義濟井在縣治西六十步宋貢士鄭度穿

沙井在西門內武山下其泉自石中出其美可愛

白水井在縣南一里地名沙岡頭其井最古鄉人共

汲

舊志云黎家巷即此處

黃婆泉在縣南二里許味清冽閩茶家皆取汲於此
蓋以其近也

象乳泉在縣南十里飛鷺山之北味甘冽小嶺僧慧

香山縣志

卷之一

三十

融掬之而其因闢焉

萬年井在蓮峰麓今涸

冬滿井在義祠後石山下夏平冬滿因名

溥惠井在縣東北了村集真堂前

舊志集福去縣東二里

滿水井在縣東七里佛仔屋下泉湧不息味清美

長命井在縣東小北了村三里

漢水井在北山村

金紫泉在縣東十里味甘冽與巖溜相去百餘武差

勝

金竹泉在縣十一里味較金紫差冽

大井在龍眼都濠兎村與潘家村相對四面澄徹歲

旱灌溉田苗

潘家井在龍眼都潘家村深尺許底有沙如珍珠泉

水上湧不舍晝夜行人將近一二丈冷氣侵迫其

流灌溉鄉田五六頃入於海

紫馬泉在縣東十餘里出紫馬嶺下因名

丹泉在縣南八十五里五桂山攀天嶺之石巖味香

冽

香山縣志

翰香泉在縣西南八十里陳公石之左

五眼井在谷字都茅灣村下冬煖夏寒與溫泉相望

龍井在縣西南八十里谷字都山上天然石甃也深

約二丈濶二丈餘雨盛則垂水天晴則懸瀑舊志黃裳

有詩日井面虹霓隨日見山頭雲雨不時來

開元泉在縣北七十里小攬之飛駝山

潮汐

候潮之法以太陰每日所躔天盤子午卯酉之位而定其消長月臨於午則爲長之極歷未及申酉則爲消之極消極復長以至於子又爲長之極自是至卯而消復至於午而極盛此其大較也然月順天右行積三十日始一周天每日臨子午卯酉四位時有先後故潮因之亦有晝夜早暮之不同云香山水國也潮汐分爲五節初一初二初三初四初五初六初七初八初九二十二二十三二十四日潮夏辰冬午春秋巳時汐夏戌冬子春秋亥時此則謂香山縣志

卷之一

三十二

之平初四初五初六初七初八初九二十二二十三二十四日潮未春秋午時汐夏亥冬丑春秋子時此則謂之落水勢微劣初七初八初九二十二二十三二十四日潮夏寅冬辰春秋卯時汐夏申冬戌春秋酉時此則謂之敗魚蝦退散罟網不施初十十一十二二十五二十六二十七日期皆同上惟春則巳時汐皆同上惟春則亥時此則謂之起種植醞釀醫灸忌行十三十四十五二十八二十九三十日期皆同上惟夏卯冬巳春秋辰時汐夏酉冬亥春秋戌時此則謂之旺其期與閩楚

不同蓋地氣使然宋余襄公言晦望前三日潮勢長
後二日勢極大卽此起旺之期月弦之際潮之去來
合沓不盡卽此落敗之期俗亦曰合踏水蓋潮勢微
劣不能進退也

陵墓

宋疑陵在縣南五十里壽星塘北其蹟五處在墳頭岡者號大墓行朝錄云祥興元年九月壬申朔葬端宗於崖山陵曰永福則此為疑陵明矣蓋遺黎為之諱其處也又有全太后疑陵在縣南梅花水坡上宋史載全太后與瀛國公入燕後削髮為尼卒於北未嘗南來也

舊志宋末航海至元十四年十一月移師香山宋太后全氏殂殯於梅花水出殯之日擗擲數十父老鄉民莫得而近焉

香山縣志

卷之一

宋太傅張世傑墓潮居里赤坎村說郭云世傑當景炎帝殂復擁立祥興於海上與元張弘範各軍於南北岸一夕忽大風雨戰皆不利世傑舟覆而薨翌早諸軍捐歛焚尸島上傑胆大如斗更焚不化諸軍號慟須臾雲中現金甲神人大聲云太上以我馳驅關係不小已多方措設恢復矣由是諸軍心皆不移葬之赤坎村陸秀夫作詩挽之有句云曾聞海上鐵斗膽猶見雲中金甲神蓋忠義英烈雖亡猶耿耿也秀夫從龍於淵蓋在世傑之後云

相傳謂世傑塋陽江縣潮居里赤坎村今考陽江無此里亦無此村則此爲真墓無疑矣

明副使黃銓祖墓在蛤婆嶺

明知縣黃瑜祖墓在大北了山父墓在壽星塘

明大學士何吾駒墓在縣北七十里小攬村鳳山曾祖誥贈大學士何純墓在縣南五十里黎村山祖誥贈大學士何世睿墓在縣北七十里大攬飛駝山父誥贈大學士何述鉉墓在縣南二十里鹿鳴嶺

氣候

香之風氣與廣郡同蓋炎蒸嘗熱風雨暫寒其生嘗
早其肅嘗遲何者偏方土薄故陽澳之氣常泄瀕海
地卑故陰濕之氣常盛陰陽之氣既偏而相搏故一
日之內氣候屢變晝則多燠夜則稍寒一歲之間暑
熱過半窮臘久晴或至搖扇夏月連陰復生凄寒地
使然也漢書曰楊粵之民其湊理疏其性耐暑者此
也物生其間冬春之交桃李已花微霜或降物亦蕃
茂然生而不力氣嘗宣泄肅而不嚴氣不收斂故也

香山縣志

卷之一

三十六

若夫夏月暑雨天昏如夕東北疾風揚沙走石名曰
青凍天黑無雨西北風駛其聲如雹一日而止名曰
赤游天容澹澹日光漸現無雨而風旋起旋變名曰
狂龍夏秋之交日光明滅四風挾雨不雷不電名曰
颶母作則伐木發屋人無寧處損稼敗舟其禍彌酷
然或一歲一見或屢歲一見颶風之起也先東而北
其止也回南蕩西必四風齊歷晝夜而息北則廣郡
所同然也吾故論其氣候而附述月令生物農事於
後以備考焉


孟春之月東風徐來桃李盛花柳眼微青生菜秀柔
桑可采老圃種薑剪韭仲春之月農播早穀燕子時
至木綿橘柚以次花早蠶抽絲雷發聲蟪蛄鳴蚯蚓
出秧針微綠季春之月南風至解褐衣袷梅李與杜
杞子熟催耕鳴蛙鼓噪農夫急蒔孟夏之月黃梅雨
榴花明紫菱出水早荔可食仲夏之月荔子丹芒菓
熟花下割藕早穀登場穀名拋犁望自種至熟凡一
百日
季夏之月姜薦新龍眼熟蘋婆解殼是日也新谷全
獲農種晚稻孟秋之月桐子結實香櫞橄欖皆登晝

燠夜涼仲秋之月芙蓉開桂芬馥梨栗熟月下剝柚
解芋秋粘始獲季秋之月菊盛開蘋花繡渚農收大
粘孟冬之月蔗甜橙黃橘綠晚稻全登是月也氣乍
寒乍燠衣急脫急着仲冬之月微霜下丹楓不落山
花時放是月也農練谷屯困涸塘以漁季冬之月朔
風栗烈梅花盛放玉蘭解芥葛可食上農舉鋤爲開
歲計南風微至青陽漸暢

風俗

邑民稟山海之氣土薄水駛其氣清其質柔其音唇舌其聲羽其調十里而殊或有客話有東話客話自城內外及恭常之半爲一通於四境東話良字之半及龍得四大等爲一外有谷字近於潮閩譯以客話乃通城中或近於廣而音稍重惟小攬音近郡城黃旗之半近順德又其半及黃梁古鎮近新會 其習尚則重族閥閱必論世系富而非類者不與婚古有以金銀之飾分貴庶男子之屐履

分良賤今則無矣 其人民 惟習詩書事農圃不務工商土曠人稀生理鮮少家無百金取給於漁農田園貧者佃富人之田衆其力役日入倩舊謂田主曰使頭自稱曰田客其後反以佃戶之首爲使頭以別於田主織縫貿販東莞之民也耕獲版築新會之民也斧斤木石順德之民也皆僱覓爲之無務工商者 其禮度 男女冠笄一遵古制 婚姻以揆擲爲禮富室益以金帛 喪循家禮間有用浮屠者 大家有溺風水者經數年下



香山縣志卷之二

知香山縣事申良翰纂修

邑人何準道編輯

建置志總序

公署

行署附

學宮

字田附

城池

都圖

壇廟

倉庫

坊表

教場

勝蹟

八景附

墟市

關梁

津渡

序曰制之大同者時與地不得而異也地之各異者名與數不得而同也邑雖小必備官則必有聽

香山縣志

卷之二

一

政之堂退息之所將以臨民出治必廣教化庠序所以弼教也垣墉濠塹以域人民里巷村落以別萃聚以修祀事則有壇壝以備儲積則有廩藏坊表以旌賢哲教場以誥兵戎流覽憑吊於是乎有勝蹟貿遷化居於是乎有墟市旱資車水資舟於是乎有關梁津渡或從異或從同備載之使來者得以覽觀焉

公署

縣治宋紹興二十二年始建於仁山下邑人劉必從宅也元末被寇徙于蓮峰山建寨據守明洪武三年縣丞冲敬復于舊址創建洪武三十年知縣周願成化中知縣朱顯弘治中知縣黎燦嘉靖中知縣鄧遷皆因舊重脩總計深三十餘丈廣一十七丈伍尺

正堂三間

舊曰仁政堂知縣朱顯易公生明林上元易牧愛

川堂一間

知縣鄧遷新創

後堂三間

知縣黎燦建扁日後樂

香山縣志

卷之二

二

吏房七間

今圯

庫樓一座

在堂東邊

儀仗庫一間架閣庫三間幕廳一座三間

知縣周願建

儀門三間東西旁門二間東西二廊

儀門外

譙樓三間

獄房三間

土地祠三間在儀門左其右為題名碑亭

大門一座三間外為旌善申明二亭

大門左右中甃甬道闢其南為照墻拓東西路各

八尺

仁山書院在縣署後仁山上為堂三間堂後為仕學臺為亭一間臺東為豐樂園南北為垣各十二丈有奇政暇與師生講習之所以上俱嘉靖二十四二十六年知縣鄧遷建

知縣廨舍後堂門樓一間今廢前廳三間廨左有通

知縣毛毓祥後廳三間耳房二間夾廊二間廚舍建申良翰脩

各具

縣丞廨舍在正門樓一間前廳三間夾室二間廊

香山縣志

卷之二

三

三間後廳三間今頽圮

主簿廨舍在正門樓一間前廳一間耳房一間後

廳三間廊二間官裁署廢

典史廨舍在儀左門樓一間前廳三間後廳三間夾

室二間廊二間

千戶所在縣治東五十步洪武二十三年副千戶

陳豫建千戶林興拓而新之久就埋地嘉靖間千

戶余德繼成之然亦多所缺畧至嘉靖二十二年

千戶王邦復請于上司稍加脩葺

正堂一座三間

儀門一間

東西百戶所八間

獄房三間

鎮撫廳一間

旗纛廟一座三間

門樓一座三間

大攬巡檢司

在縣北七十里大攬都村即舊香山寨明洪武三十三年巡檢張學重建

正廳三門左右廟二間鼓樓三間
國朝正廳三門左右廟二間鼓樓三間
年遷界裁缺康熙年展界復設衙宇頽

香山縣志 卷之二

四

廢司官僦寓

小攬民房

黃圃巡檢司

在縣北一百里小黃圃村明弘治九年知縣黎燦建正廳二間後廳三間

門樓一間

國朝康熙

年遷界裁缺 年展界復設衙宇頽廢

僦寓民房

豐盈倉在城中豐山左洪武中建廩十一廳一正

德嘉靖間倉廩浸壞十二年典史萬坤歷節請建

之官廳三間倉二座每座三間門樓一間官廨缺

今廢知縣胡戴仁改建衆母庵二星亭

香山場鹽課司在縣東南一百五十里恭常都木

宋金斗場洪武元年大使曹瑛創建永樂九年大使曹伯良修久圯正德間大使劉九章重建前廳三間後廳三間東西廊一間門樓一間今廢

河泊所在縣西域外石岐山下洪武十四年設本所官夏凱創今廢

醫學在縣治西永樂元年六月本學訓術程勝祿創建今廢

陰陽學在縣治東永樂二年十一月本學訓術鄭恕創建久廢

香山縣志

卷之二

五

僧會司

在縣東

道會司

在武鎮街久廢

接官亭一座三間在縣西石岐山下爲奉接詔赦及送迎使客於此正德間典史林賜重建

按公署之制所以敷政出治也文事武備分職不同自濠鏡入隸輿圖而詰戎之體日肅其後員裁而署廢或員存而署圯矣

行署附

市政分司在縣治東達德街深十六丈廣九丈正

堂三間後堂三間夾室前後四間廊二間皂隸廊房東西各三間儀門二間扁曰句宣今廢

按察分司在縣治東北拱辰街深十四丈廣八丈

正堂三間川堂一間後堂三間夾室二間廊二間

皂隸房東西各三間儀門三間大門三間扁曰嶺

南道嘉靖二十六年知縣鄧遷重建今廢

府館在縣治西深十丈廣五丈正堂三間後堂三

間廊二間皂隸廊房東西各三間大門三間同知

高緩扁曰黃堂分館今廢

香山縣志 卷之二

前山寨去縣南一百二十里恭常都前山村明天

啓元年建正堂一座三間川堂一間後衙正廳一

座三間左為鐘樓右為書房一座三間廳後燕室

一座三間厨舍各具後倚山大堂前為露臺臺下

為方墀中為通道東西兩廊為牢舍稿房甬道南

為儀門一座三間左為土地祠又南為大門一座

三間前為東西轅門鼓吹亭二所

學宮

儒學在縣治東一里蓮峰山之陽宋紹興二十六年
建淳祐四年主簿宋之望徙建於城內西南隅景定
中縣令洪天驥擴之建四齋元至元二十二年明倫
堂毀縣尹王天祥重建泰定丙寅縣尹左祥徙復蓮
峰舊址元燬於兵燹明洪武三年縣丞冲敬復建後
就頽壞正統元年提學僉事彭珣重建歲久圯正德
五年知縣梁榮易櫺星門柱以石創泮亭及脩廟廡
堂齋久之俱爲颶風推毀正德十六年教諭顏階申
香山縣志 卷之二

七

請別置講堂於城東北隅七年知縣林士元奉學副
使蕭鳴鳳檄始分豐盈倉之半而創建焉萬歷三十
三年知縣王好善用邑人言申請提學副使朱燮元
遷復蓮峰舊址工未告竣知縣羅繼宗捐俸銀陸百
兩克成之向有先聖四配十哲遺像及奉 旨易以
本主知縣蔡善繼建亭於明倫堂之後蓮峰之麓而
奉祀焉扁其亭曰小魯
先師廟一座五間廟前爲露臺翼以兩廡各五間臺
前爲戟門三間門前爲泮池池前爲櫺星門三間廟

後爲明倫堂一座三間堂左爲啓聖祠一座二間堂
前爲露臺翼以兩齋由東齋以出爲義路門由義路
直出爲儒學門由西齋以出爲禮門門今毀教諭訓
導廨舍在明倫堂西齋之左今毀舊制有博文齋三
三間饌堂三間
神廚三間今毀

敬一箴亭久廢碑文五座暨之明倫堂東西二邊

名宦祠在儀門左祀宋縣尹姚孝資梁益謙洪天驥
元縣尹王天祥左祥張執明知縣周願蔡惟溥馮誠
朱顯揚昂林士元黃正色教諭林希哲顏階

香山縣志

卷之二

八

國朝張令憲凡十六人

鄉賢祠在儀門右祀漢廷尉陳臨唐尚書僕射鄭愚
宋判鄆州梁杞邑士陳天覺侍郎馬南寶明署學容
悌與知縣黃瑜副使黃鑰學正黃經凡九人後增祀
宋孝子阮與子嘉靖二十八年增祀都事徐伯良崇
禎間增祀孝廉何述恭通判何述忠

國朝增祀諸暨縣知縣毛可珍

附田一項十二畝九分八釐按一項在龍一三甲
劉鳳戶內原係劉鳳戶丁指送入學一十二畝九

分八釐在場二三甲盧建猷戶內每年除納稅糧外共徵租銀二十二兩二錢二分零貯縣以備學道項下賑給貧生及印刷教條諸費

國朝 年遷界除荒實徵銀八兩二錢二分零

香山縣志

卷之二

九

城池

宋始開設土垣號鐵城初陳天覺奏允欲就其鄉釜
冲建置象以非形勢爭之不可乃陰布鐵砂于今城
址曰建城必須貴地地貴者土重乃取二處土稱之
竟以鐵砂土重遂建因號鐵城元因之周四百五十
丈門四南曰阜民西曰登瀛東曰啟秀北曰拱辰明
洪武二十六年守禦千戶陳豫廣之展作磚城高一
丈七尺上廣一丈下廣一丈八尺周圍六百三十六
丈雄堞三千六百四十門四各以方名樓四敵樓四

香山縣志

卷之二

十

兵馬司四水關二

一明關覆以樓介西南
一暗關介東南

警鋪十二弘治間知縣劉信於磚城外擴地二丈許
築壕垣高七尺長圍如城廣名曰子城嘉靖甲辰颶
風雨水壞東南一帶知縣鄧遷修復以完其水濠五
百四十七丈旱塹一百四十六丈凡濠塹周六百九
十三丈闊四丈五尺深一丈三尺其延袤視城有加
云崇禎十三年知縣顧其言奉旨增築原窩鋪一十
四間增造一十一間

按南門原建在丙方正薰街歷數百年崇禎十一

年八月里人建言謂各縣南門俱從縣治正開今
香山門在南徧非所以壯一邑之觀署縣事順德
知縣劉大垣然其言遂請開今門堪輿家僉謂香
於凌壓舊開丙門一以接來青街巽方之氣一以
避客山壓主之嫌此迎吉銷煞法云伏見白開正
門以來民俗日非弊有不可勝言者僉議改復此室
皆空且厥俗日非弊有不可勝言者僉議改復此室

都圖 街巷鄉村附

仁厚鄉仁厚坊故延福里香山鎮宋既建縣改良字

團明洪武十四年編籍立仁厚坊舊二城中居民隸

馬城中街十三日治安直巨縣前武鎮所前直正薰

亦曰阜民正在達德東門直迎恩西門直武山跨北城

警鋪拱辰北門直舊塞所前橫英武舊七娘廟水關

縣治西永寧西城武山仁厚仁山西北以仁慶警鋪

巷二曰韓家縣東三黃婆縣東南

南門外街三曰仁和蘇州上截來青蘇州中截

香山縣志

卷之二

五

東林山南巷九曰主帥民安俱在仁田頭山頭來青

過沙倉廂東林山西邊丸山橋仔頭中心

東門外街三曰新街月子岡壽山蓮塘巷一曰

北了蓮峯南舊街

北門外巷二曰教場沙岡尾

西門外街一曰迎恩直至石岐開

仁厚鄉良字都故延福里香山鎮在縣東南舊四順

間朱沈姚三姓為二十里內村十八曰北山大陂

張笏澳員山仔魚步牛起灣龍塘墳頭

新村 北臺 徑口又名鼓地 橋頭 石頭 上堂

沙涌 宋端宗幸其地 曲涌 深灣 三家

德慶鄉龍眼都故永樂都龍眼里上圍下圍在縣西

南二十里番九本九番景泰初黃寇反後建存其六

三十里海中村二十八曰青薑 土灰 疊石 大

涌 小洋 婆石 南村 阪尾 竹仔林 象角

頭 劉坑 沙圃 山尾 岐坑 沙棚下 塘下

大石頭 石門 濠涌 坎下 吳家 潘家坑

蠓鬼 山溪角 旁頭 路頭 田邊 草尾園

香山縣志 卷之二 十三

永樂鄉得能都故延福里得能字圍在縣東十里番

三 六十里內村二十四曰破鑊 長江 中心

長橋 三角塘 大王 斜旗 新村 釜涌 連

岡 大嶺 宮花 西了 陂頭 斜東 李家

濠頭 登家井 員山 葫尾 窈窕 張家邊

南洋 土灰嶺

長樂鄉四字都故延福里四字圍在縣東五十里番

二 八十里內村十四曰東了 神涌 小運 大

車 赤坎 茶園 濠涌 大圍 南邊塘 林屋

邊 麻子 黎村 山蕉坑 禽子徑 莆山西江尾
永樂鄉大字都故延福里大字園在縣東六十里
二 七十里內村十五曰土草蔞 背頭 西村
大畧頭 合水口 石門坑 厓口 沁頭 平田
一名 石門 南蔞 牛沙 平步頭 涌口 龍
東山 屈頭

豐樂鄉谷字都故延福里谷字園在縣東南八十里
畝二 九十里內村十五曰雍陌 塘砌 西山
前壘 烏石 白石 西臨巨海 大圃 神灣 古侑 石

香山縣志 卷之二

塘 詹涌 平嵐 那園 茅灣 平湖

長安鄉恭常都故延福里恭字園常字園在縣東南
一百里畝二 一百二十里內村二十二曰上柵

北山 南大涌 神園 界涌 那州 蟻潭 東

岸 下柵 神前 樓前 網涌 鷄拍 唐家

翠眉 竈背 上涌 南坑 吉大 前山 沙尾

今 奇獨澳 遷今

寧安鄉大攬都故永寧鄉湖居里在縣北七十里
畝三萬曆三十年加設一畝

七十里村二曰大攬 小攬

古海鄉黃旗都故潮居里在縣北一百里舊黃

舊後存三黃
今分為四

八十里村五曰大黃圃 小黃圃 古鎮 黃旗角

今潭洲今遷

按潭洲黃旗角西鄉一面與順德縣東門城外相

接三面距順得各鄉小河環繞河外諸鄉累累相

湖居鄉黃梁都故延福里黃字園在縣西一百五十

里舊二地距縣治七十里云百五十里者本未遷而

香山縣志

卷之二

十五

八十里村十七曰赤坎 乾霧 泥灣 荔枝山

龍壇 西坑 斗門 螺涌 長沙 岡灣 大羅

涌 小羅涌 大瀝岐 小瀝岐 三竈 南山

按黃梁一都與縣治新似屬稍遠而新會則甚近原

從新會割附香山今新會梅角村與黃梁烟火相

接康熙八年已經展復獨黃梁格於寨議不得行

僑立都黃以籍寄庄戶者有三曰番禺都黃一曰新

會都黃三曰順德都黃五

初番禺新順各縣大家隨田寄籍散隸各都不知

糧後官司責在里甲代輸累至傾家嘉靖元年知

縣袁錦申請撫按督造衙門刺其籍令自勾

官設為黃籍各以其縣名都蓋天下郡邑所無也

後其里
役凡有徵辦反為邑民之累
黨無一名赴縣着

香山縣志

卷之二

壇廟

社稷壇在縣西門外石岐山下壇方二丈五尺周圍三十丈石主高二尺五寸徑一寸北向成化間知縣朱顯改門南入建齋宿所一座三間廚庫共一座三間其社稷主合為一牌題曰縣社之神縣稷之神以木為之硃漆青書高二尺二寸博四寸五分厚九分跌高四寸五分博八寸五分厚四寸五分臨祭設於壇上祭畢歲之年久壇位崩圯嘉靖二十四年知縣鄧遷重建培築石壇一座并設香案位及拜壇共三成周圍砌蠟牆各一十三丈有奇北為神道西為社稷壇門樓又西為省牲之所

山川壇在縣南門外東林山下壇如度周圍二十八丈成化間知縣朱顯建門樓一間屋三間內不設石主立神牌三其一書本縣境內山川之神其一書風雲雷雨之神其一書本縣城隍之神臨祭設風雲雷雨居中山川居左城隍右皆祭畢歲之年久壇各位崩圯嘉靖二十六年知縣鄧遷重建培築石壇一座并設香案位及拜壇共三成周圍砌蠟牆各一十

三丈有奇南為神道東南為山川壇門樓又東為省牲之所

厲壇在縣北門外獺窟山上壇如度周圍二十三丈設神牌二於壇下左右題曰本縣無祀鬼神年久壇位崩圯嘉靖二十六年知縣鄧遷建石壇一座并設香案位及拜壇共三成濶四丈五尺深七尺五寸

按三壇壇屋傾圯門樓亦廢每年僅於其地行祭禮

城隍廟在縣東側洪武元年縣丞冲敬創建知縣朱顯重修嘉靖二十年知縣鄒驗重建前堂三門正當三間齋宿房三間廊二間夾室二間道士房三間店房七間鼓樓三間萬曆二十七年知縣孟習孔耆民周鎮等重修邑人曹啟益為文記之

里社在縣治西北永寧街
文昌宮在縣治東北舊學址萬曆四十三年知縣但啟元教諭魯惟曾創建大堂三間中門三間門樓三間崇禎十七年知縣顧其言遷像於西門外西山蔡侯祠順治四年六月內知縣劉起鳳教諭王威玉遷

復舊宮

關帝廟二一在迎恩街西武山下嘉靖二十八年香山所千百戶建一在教場演武亭舊址康熙元年五月內邑人建

天妃廟二一在官船廠備倭官船灣泊之所正德中千戶盛紹德立德後廢嘉靖二十四年指揮田輓重建一在石岐西山下萬曆間知縣但啟元等建

按壇則不屋達天陽也廟則不壇兼人享也此誠幽明屈伸之義矣傳曰國之大事在祀與戎誠使先時敬其事祀時盡其誠神其享之安有廢圮之足虞耶

倉庫

賑濟倉宋端平中立縣令梁益謙捐俸率民上粟備
荒元至大中置常平倉豐年則買穀貯倉歲歉則減
價平糶延佑四年詔立義倉泰定三年勸民納粟補
官有差明洪武初年令天下縣分各立預備四倉官
為糶穀收貯以備賑濟就擇本地年高篤實人民管
理正統五年立南北賑濟倉二處南倉在南門外麻
洲街倉廂巷北倉在東門外蓮塘街勸令富民輸粟
饑年計口給貸豐年按領徵還成化二十三年計穀

壹萬柒千貳百柒拾陸石正德四年知縣梁崇追回
先年大戶領去官錢糶穀銀捌百兩正德十四年穀
銀兩項耗沒殆盡尚有里長輩領出官錢糶穀壹千
陸百三十九石伍斗陸升皆未上納廩亦頽毀此前
弊之可監也嘉靖二十二年知縣羅岐申請改建於
縣治儀門外東西兩翼名預備倉二十五年知縣鄧
遷勘量三竈餘田歸官者歲收其穀入倉備賑申詳
守道允行今詳錄於左

勘得黃梁都三竈地方土名橫界蕉園即聖堂等
田段一項土名春花園東自春花園山嘴北至聖

堂屋邊東邊橫四百三十步中直六三百一十步內除水渠
步西橫三百三十步中直六三百一十步內除水渠
不科外實該田玖頃陸拾壹畝肆分一頃土名春
花園東自春花園山嘴西至石嘴北邊橫四百一
十五步中橫二百四十五步南邊橫四百一十二步
自北而南直長三百五十五步內除水渠不科外實
田四頃柒拾叁畝六分一頃土名南坑葉屋邊一
直南至南村山岑中直一百步橫各二百五十七
步內除水渠不科外實田一項零陸畝叁分叁釐
共該田壹拾伍頃肆拾壹畝叁分叁釐今惟裁節
豪強依別省公田進納租事例盡數歸官聽令黃梁
都一將二畝附近排年唐國進黃梁等共二十一畝
候允將前田分為二十一分每分該管田七十三
畝三分九厘六毫通年每畝進納官租八斗內將
一斗照依輕齋折色每米壹石納銀叁錢事例解
赴布政司收庫以備餉軍餘穀七斗各赴本縣預
備倉上納通年該租穀壹千零七十八石七斗三

井一合以備賑濟凶年之用下廟造冊就本都冊
附立預備倉一戶將前田稅畝每畝陸米三升耗
米二合一勺共該陸稅一十五頃四十一畝三分
三厘共該正耗米四十九石四斗七升六合七勺
並各排年唐國進等姓名各收籍該冊庶地有常
產歲有常歛豈惟凶荒足賴而地方軍旅亦足支
持矣

按倉之設所以重民生也法立弊滋古今一轍道
在得人以善法耳語曰無治法有治人今觀鄧令
勘詳官租入倉備賑一則經畫之善愛民之深可
謂至矣

預備倉在縣儀門外之右貯本色米石每年兌支寨

兵及積貯以備賑

豐盈倉在城內達德街橫街豐山左洪武建廩十二所廳一座正德嘉靖間倉廩浸壞十二年典史萬坤力請建之官廳一座三間倉二座每座三間門樓一間崇禎末年傾圮順治中知縣胡戴仁改創痘母庵以祀痘神後更名眾母庵

常平倉在城內西門永寧街倉一座三間門樓一座崇禎末年頽廢

公帑庫在縣治內後堂之左磚樓一座凡縣所徵起運存留折色雜派稅契地租及一切贖贖賑貯焉吏一人司其管鑰

龍亭庫在縣治大堂之右貯龍亭及一切儀仗

坊表

忠孝節義名邦坊知縣用維持建於石岐接官亭正
壩頭分列宋明忠臣孝子節婦義士姓氏

進士坊在縣左為進士黃鏞立

擢秀坊在縣左為舉人黃瑜立

解元進士坊在縣右為進士黃佐立

濟美坊在縣東為舉人田宏立

進士坊在縣南麻洲尾為進士徐觀立

登科坊在縣南來青街為長史盧瑞立

進士第坊在縣南來青街為知縣盧淵立

經元坊在縣東蓮塘街為舉人鄭鴻立

鳴鳳坊在黃梁都荔枝山為舉人黃鏞立

旌表坊在大攬都為義民何圖源立

進士坊在黃旗都古鎮村為知府馬駟立

擢桂坊在黃旗都古鎮村為舉人蒲伯齡立

宮詹學士坊在武鎮街為禮部侍郎謚文裕黃佐立

大京兆坊在迎恩街為府尹袁三接立

熙朝宰輔坊在縣治照牆前為大學士何吾駒立

南宮奮翮坊在縣左為科舉人題名立
北闕蜚聲坊在縣左為科進士題名立
三元啟運坊在文廟照牆西知縣周維持立
五星聚奎坊在文廟照牆東知縣周維持立
兩都京兆坊在石岐接官亭後為府尹袁三接立
六朝元壽坊在達德街為大賓儒官百歲黃化立
岐海流芳坊在石岐津頭通縣士民為知縣鄧遷立

教場

教場在縣治東北地名沙岡有亭曰演武地勢平縱橫數百步宋元前不可考矣明洪武間地隸香山所操練屯軍每月朔望千百戶掌印官親為點操猶存司馬法遺意焉迨後承平日久屯政漸弛天啟間巡視海道年一按臨檄行前山寨及諸路屯軍示期演武亭點閱參將以下介冑前導擺列隊伍旌旗鎧仗間不如法者即行糾罰閱畢分隊較射中不及數法不少貸以故軍容猶整肅

國朝屯田雖存軍皆散逸教場雖隸所轄然舖舍日增幅頓漸狹操練之地漸成市易之區其演武亭久已傾圮邑人奉漢壽亭侯而廟之矣

勝蹟附八景

宋行宮在沙涌侍郎馬南寶宅端宗駐蹕之所後崩於碭州復殞于此自閩入廣行宮三十餘處此其一也

孝義坊在四字都赤坎村宋孝子阮與子宅廢今

儒學故址在水關街宋淳祐中宋之望遷建於此迄元至正間廢

新美齋在四字都西村黃道山下宋景定甲子鄉人王蔣梁陳四氏創建義塾以訓鄉族子弟齊名邑令

香山縣志

卷之二

三

洪天驥題額有記見藝文志

故鎮即宋金斗鹽場在縣東南一百五十里地名濠潭舊為金斗鎮屬東莞宋紹興改為香山場後遷於場前村址廢

尉司廨宋景定二年主簿吳子斌創于縣治之西五十步至元三十一年主簿夾谷信童改創縣治直街之西廨址久廢

稅務廨在縣治東三十步自宋歸附後始創洪武元年重建尋併于縣址久廢

放生池在縣治右八十步仁厚街西長一百步元祝
聖放生處自嘉靖二十一年丁未修志歷今康熙十
二年癸丑相去一百二十七年池人民間
今不
可考

北臺洞在縣南五十里北臺山南有小龍潭歲旱以
白鵝祝之燒白石投洞內輒雨

紅旗洞在縣南五十里中有石船有穴名狂魚出來
形居洞側昔人葬此其後家生一子驍勇能以席為
船入城市又以石化為船可渡海後母發塚子死石
船猶存

書山縣志卷之二

二十七

石龍潭在縣東三十里黃洞巖天成如壇清泉湧出
歲旱鄉人禱雨於此

迎陽石在麻洲街尾亂石中此石特出高約十丈餘
大四五丈許上平可坐十餘人壁峙路中成化間巡
海都督張通題字畫盈尺遒勁古媚林木陰森佳境
也石舊名掛榜自張易以今名其地遠近一帶人事
視昔盛衰頓殊康熙元年六月內颶風淫雨石旁古
榕吹折石因仆地是年登賊竊發香之各鄉焚劫殆
無虛日

羅鼓岡在谷字都大芒山西有石擊之作金華聲舊傳山上有石鼓自鳴聲聞數里後人以銅釘鑿其上走泄氣脉為冷熱池云

沙橋在谷字都東三十里過逕山嶺甚峻曰退出嶺嶺間阪道十二曰沙橋自上視下其深不測

冷池在谷字都大芒山下舊志已涸洪武以來源泉復出清澈甘冽呼為石井

熱池在谷字都雍陌村南水沸如羹蝦蟳投之輒熟石龜亭在縣東三十里大嶺村元至正年達魯花赤

香山縣志 卷之二

三

亦思馬思建元季燬于火

觀潮亭在縣西南官濠舊天妃宮前元至正二年主簿王仕俊創元季燬于火

迎恩亭在縣西一里石岐街元季燬

麗澤亭在麻洲街通邑居民為揚紹孫建正統年圯興賢坊在縣西元縣尹左祥建洪武二十六年開展城池遂廢

元舊縣土城洪武二十六年開展城池建守禦千百所改築故址遂為軍營

南宥堂石塔宋紹興中立有唐礪村今

天王堂石塔高二丈許元至正間立在谷字都雍陌

村今

燕子石在縣東一百一十里近海旁以形似名舊志

賴商死于山上一宿蟻啣坭成墳號貢章墓疑孔璋

墓也

花碇在龍眼都沙洲下萬曆三十三年乙巳知縣張

大猷建

花塔在石岐鳳山上萬曆三十六年戊申知縣蔡善

繼建

香山縣志

卷之二

三九

光碇在縣城上東南隅天啟六年丙寅縣丞沈應美

建

八景附

金鼓朝陽

石岐晚渡

浮虛春濤

南臺秋月

阜峰文筆

天池芟荷

金紫巖漏

長洲烟雨

墟市

南門市在南門外城下

教場墟在縣城外東北三六九日

石岐市在西門外石岐埠

坑口墟在龍眼都坑口村單日

山仔墟在龍眼都田邊村西雙日

南萌墟在大字都二五八日

下棚墟在恭常都一四七日

平嵐墟在谷字都三六九日

香山縣志

卷之二

三

雍陌墟在谷字都二五八日

長沙墟在香山場三六九日

翠眉市在翠眉村

行流市在小攬都

按市以聚貨通交易便有無也近則兵民雜處抑

價強買之徒徃徃肆其凌奪貿易之民惴惴裹足

欲使商賈皆悅而願藏焉不亦難乎

關梁

石岐關隘在縣西二里

東洲門關隘在縣東八十里

乾霧關隘在黃梁都一百五十里

今遷

大人嶺關隘在黃梁都一百五十里

今遷

南門橋在縣南城城外舊石門二板梁成化間知縣朱顯覆以亭為柱二十四後圯弘治間鄉人楊璧等捐貲建石拱橋崇禎十二年因改南門橋在門之左形家謂之送水僉議折毀但新橋建造未成行

香山縣志

卷之二

三

人病涉今於橋之舊址代以木梁

新橋建於娘媽廠西關之下明末創建橋基工至今未竣

西門橋在城西內外二所內瓦磚梁外板梁嘉靖十二年易以石

西關橋俱木梁在水關內外三所一外二內黃橫底城墻者今易以石

東關橋在縣東內外二所內瓦磚外石梁

蘇師橋在城南外東濠口元至正二年縣尹汪篔建

架木為梁後圯成化間楊璧捐貲建石門木梁
橋仔頭在縣南麻洲街尾元時鄉民郭復創成化中
知縣朱顯建石梁四嘉靖七年鄉人會資重修行
人便之

天王橋在縣南橋仔頭村宋端宗駐蹕沙涌過此橋
因名天王橋有通濟亭峙其南後毀洪武間知縣
沙彥和建石門二石梁八成化間僧智能建木梁
八正德間監生蔡曰良損資建木梁六嘉靖二十
六年間舉人鄭之藩重建

石頭橋在石頭村二石板

婆石橋在龍眼都婆石村宋時杜氏媪建崇禎年門
高光謨劉巽乾湯斯漢損工重修

普濟橋在能得都宮花村宋嘉定四年僧法隆創木
梁嘉定十二年邑人劉文保易石梁十二

神涌橋在得能都南陽村

大墟橋在大字都南蔞村

南塘橋在四字都南邊塘村宋立石

天妃橋在恭常都濠潭村天妃廟前元民周元建石

為梁

譚婆橋在塘礪村鄉人譚婆創建

減池橋在塘礪村

馬坑橋在恭常都白石村元民鮑錄事建石梁

白石橋在恭常都白石村元民周元建石

三板橋在谷字都雍陌村

雙美橋在大攬都洪武中巡檢陳忠建

大寧橋在小攬村

津渡

長洲橫水渡在石岐頭龍眼一都往來由之係長洲人自充

西河渡由長洲至山谿角兩鄉里排輪充

沙涌渡在沙涌開通龍眼里壕涌壕兔高姓準額

廣州渡六發自石岐通於廣州五羊驛皆順德人開

擺

江門渡發自石岐

甘竹渡

香山縣志

卷之二

三十四

佛山渡發自石岐通於南海之佛山順治間順德人

開擺

黃連渡三發自石岐通於黃連村前康熙元年順德人始為開擺盡奪香山小民之利

江門渡發自石岐通於新會之江門新會民開擺

按渡有額上禁森嚴凡土著里排始得納餉

今渡額率為異縣姦民詭冒山里排名色攬奪

且其間多有漏餉私置者利歸異縣害貽土著矣

卷之二終



香山縣志

地 330.81
32.1
2



知香山縣事申良翰纂修

邑人劉相編輯

食貨志總序

戶口

土田

附寄庄

稅糧

賦役

雜辦

鹽法

魚課

水利

物產

序曰昔者先王任土作貢則壤成賦定時役民蓋以民之所係重也故司民之日有祀獻民之數有

香山縣志

卷之三

一

拜周禮大司徒以保息六養萬民其為民慮者詳且遠也徐幹有言曰夫治平在庶功興庶功興在事役均事役均在民數周民數周為國之本故民數者庶事之所自出也莫不取正焉以分田里以合貢賦以制廩祿以起徭役推是道也治理之盛衰視乎民數之登耗聞之養民之道在去其害民者即如寄庄九畝貽累土著魚鹽諸利盡歸勢要區區下邑石田鹵淤為獲幾何利則奪之害則貽之民何以堪議者謂宜陞縣為州使轄新順諸邑

然而畫疆分治歷數百年驟議變更亦非通達國
體之論今香山戶口凋殘初遷續遷之土田未盡
展復賦稅遠不逮舊額本富之業山澤之產不爲
民利而反爲民害欲大去其害民者而形或格之
勢或禁之嗚呼亦盡吾力所能爲而已矣作食貨

志第三

香山縣志

卷之三

戶口

元以前靡得而考元制戶分南北仍及僧道可考者

惟大德八年戶壹萬壹千叁百柒拾玖 南人戶

壹萬壹千叁百肆拾捌 北人戶貳拾捌 僧道

戶陸拾捌

明洪武十四年詔天下始造黃冊

洪武二十四年戶捌千捌百捌拾捌 口叁萬陸千

柒百伍拾捌

永樂十年戶陸千陸拾肆 口叁萬肆千貳拾肆

黃梁

香山縣志

卷之三

三

都三圖四圖居三窳者遷邊衛戶口始減

正統七年戶伍千伍百零貳 口貳萬叁千伍百伍

拾柒

正統十四年戶伍千壹百壹拾伍 口貳萬壹千肆

百叁拾伍

黃寇併黃旗等都六戶口減於前者十一

天順六年戶肆千捌百肆拾陸 口壹萬玖千肆百

柒拾柒

成化八年戶肆千捌百叁拾壹 口壹萬捌千伍拾

叁

成化十八年戶肆千陸百捌拾肆 口壹萬陸千捌拾貳

弘治五年戶肆千玖百壹拾叁 口壹萬柒千壹百

陸拾肆 黃旗大纜二都各勾壹圖戶口旋增

弘治十五年戶肆千玖百柒拾伍 口壹萬柒千柒

百壹拾捌

正德七年戶伍千柒拾伍 口壹萬柒千捌拾捌

嘉靖元年戶伍千肆百壹拾壹 口壹萬柒千柒百

玖拾伍

香山縣志 卷之三 四

嘉靖十一年戶陸千伍拾肆 口壹萬捌千玖拾

嘉靖二十一年戶陸千伍拾肆 口壹萬捌千玖拾

隆慶以後圖籍無存槩不可考

國朝順治八年戶伍千柒拾壹 口貳千伍百叁拾

壹 故絕婦女口柒拾貳實存口貳千肆百伍拾玖

康熙十一年戶伍千柒拾壹 口壹千捌百伍拾陸

口玖分

康熙元年奉遷除去口貳百壹拾捌
康熙叁年續遷除去口玖百伍拾貳口貳分

共遷去口壹千壹百柒拾口零貳分
實存界內口壹千叁百陸拾捌口捌分

旨	康熙八年奉	口玖拾捌	口
康熙九年復	口柒	口伍分	
康熙十年復	口陸拾肆	口捌分	
康熙十一年復	口叁拾壹	口陸分	
其復回	口貳百零壹	口玖分	
今實有	口壹千肆百伍拾玖	口壹分	
尙未復	回	口玖百陸拾捌	口叁分

香山縣志

卷之三

上田

元大德捌年田地叁千壹百壹拾頃壹拾捌畝

明洪武貳拾肆年田地山塘叁千玖百零貳頃肆拾畝肆分捌釐伍毫

永樂拾年田地山塘肆千叁百柒拾捌頃伍拾捌畝叁分壹釐壹毫

正德柒年田地山塘伍千肆百壹拾伍頃伍拾畝零柒釐肆毫

景泰叁年田地山塘伍千壹百陸拾叁頃貳拾陸畝

香山縣志

卷之三

六

零陸釐陸毫

天順陸年田地山塘伍千貳百伍拾陸頃柒拾叁畝柒分貳釐伍毫內官田地貳百伍拾貳頃肆拾柒畝陸分玖釐貳毫

成化捌年田地山塘伍千肆百捌拾壹頃貳拾伍畝叁分貳釐叁毫

成化拾捌年田地山塘伍千伍百陸拾貳頃陸拾叁畝柒分貳釐叁毫

弘治伍年田地山塘伍千柒百頃零叁畝伍分

弘治拾伍年田地山塘伍千柒百叁拾貳頃陸分玖釐伍毫

正德柒年田地山塘伍千柒百陸拾玖頃壹拾陸畝柒分玖釐伍毫

嘉靖元年田地山塘伍千捌百壹拾壹頃貳拾叁畝柒分貳釐叁毫

嘉靖拾壹年田地山塘伍千捌百壹拾貳頃陸拾捌畝柒分貳釐叁毫

嘉靖貳拾壹年田地山塘伍千捌百伍拾陸頃玖拾

香山縣志 卷之三 七

伍畝玖分貳釐伍毫

萬曆玖年清丈

崇禎伍年田地山塘夏鹵共柒千肆百玖拾玖頃零柒畝柒分零柒毫

崇禎拾伍年田地山塘夏鹵共柒千伍百伍拾玖頃壹拾壹畝貳分玖釐貳毫

國朝順治拾肆年田地山塘夏鹵共柒千零壹拾伍頃叁拾伍畝伍分柒釐柒毫

康熙元年田地山塘夏鹵共柒千零柒拾伍頃叁拾

伍畝伍分柒釐七毫

一田陸千玖百貳拾陸頃伍拾貳畝陸分玖釐

上則田伍千零伍拾貳頃捌拾叁畝零柒釐壹毫

中則田捌百陸拾肆頃陸拾肆畝壹分伍釐

下則田壹千零捌頃叁拾叁畝捌分叁釐壹毫

一斥鹵田陸拾柒畝伍分叁釐壹毫

一夏稅田肆畝壹分零柒毫

一地壹百肆拾壹頃伍拾陸畝陸分貳釐

香山縣志 卷之三 八

上則地玖拾柒頃壹拾畝零叁釐壹毫

中則地壹拾捌頃零貳分壹釐叁毫

下則地壹拾捌頃壹拾玖畝貳分肆釐

一官夏稅地壹拾柒畝貳分零叁毫

一民夏稅地捌頃零玖畝玖分叁釐叁毫

一山壹拾肆畝玖分貳釐柒毫

上則山壹拾畝零陸分貳釐柒毫

中則山壹畝正

下則山叁畝叁分正

一塘柒頃壹拾壹畝叁分肆釐

上則塘柒頃零叁畝柒分柒釐壹毫

中則塘肆畝貳分壹釐玖毫

下則塘叁畝叁分伍釐

康熙元年奉遷去田壹千壹百捌拾頃零壹拾畝零壹分伍釐壹毫叁絲貳忽伍微尙實存伍千捌百玖拾伍頃貳拾伍畝肆分貳釐伍毫陸絲柒忽伍微

康熙叁年續遷去田地肆千伍百捌拾肆頃壹拾玖

香山縣志

卷之三

九

畝壹分肆釐叁毫貳絲貳忽尙實存壹千叁百零叁頃叁拾叁畝捌分柒釐貳毫肆絲伍忽伍微

康熙捌年展界就年墾復田地肆百陸拾叁頃貳拾伍畝捌分零壹毫叁絲柒忽

康熙玖年墾復田地捌拾伍頃捌拾叁畝伍分壹釐壹毫貳絲陸忽玖微

康熙拾年墾復田地貳百貳拾肆頃伍拾柒畝零陸釐玖毫陸絲柒忽肆微

康熙拾壹年墾復田地叁百頃零壹拾肆畝叁分伍

釐玖毫肆絲肆忽叁微伍僉

康熙拾壹年實在上中下田山塘夏稅農桑斤鹵共
稅貳千零柒拾伍頃貳拾捌畝叁分柒釐貳毫捌
絲貳忽叁微玖纖

康熙拾貳年實在上中下山塘夏稅農桑斤鹵共稅
貳千壹百叁拾壹頃玖拾捌畝壹分陸釐壹毫陸
絲伍忽貳微玖纖

寄庄附

寄庄人戶吾廣各縣有之而奸詭推避不畏法度者
惟香山而已本縣田糧貳萬貳千有奇寄庄順德縣
官民米肆千肆百伍拾玖石伍斗肆升捌合貳勺新
會縣官民米貳千陸百貳拾捌石陸斗玖升肆勺番
禺縣官民米肆百肆拾玖石陸斗伍升肆合南海縣
官民米伍百肆拾叁石捌斗柒升壹合伍勺嘉靖元
年造冊知縣袁鏞申允添設順德新會番禺九都圖
人戶自爲里甲委官林應驄臨縣查議申允行令前

香山縣志

卷之三

十一

項寄庄錢糧各縣徑自徵解嘉靖十四年巡按御史
戴璟據本縣知縣黃正色申議前事備行布按二司
會議詳允行令各縣寄庄糧米水夫差役等項銀兩
聽各縣徑自徵解其積久錢糧新會縣拖欠嘉靖二
十六年豐盈倉米伍百貳拾肆石柒斗壹升叁合柒
勺十七年本倉米貳百零陸石十八年本倉米肆百
壹拾肆石十九年本倉米壹百壹拾貳石叁斗陸升
貳合二十一年梧州廣備倉米銀貳百壹拾壹兩貳
錢柒分零肆毫又查各年水夫銀兩除遠年積欠不

開外自嘉靖二十三年起至二十六年止番禺縣每
年該水夫銀叁拾叁兩陸錢陸分貳釐貳毫各年共
該銀壹百叁拾肆兩陸錢肆分捌釐捌毫南海縣每
年該水夫銀叁拾伍兩捌錢零玖釐貳毫各年共該
銀壹百肆拾叁兩貳錢叁分陸釐捌毫順德縣每年
該水夫銀肆百陸拾肆兩壹錢玖分玖釐陸毫各年
共該銀壹千捌百伍拾陸兩柒錢玖分捌釐肆毫新
會縣每年該水夫銀貳百叁拾叁兩玖錢柒分柒釐
叁毫各年共該銀玖百叁拾伍兩玖錢零玖釐貳毫

總欠各年水夫銀貳千貳百壹拾伍兩肆錢陸分柒
釐其里長九名向不着役嘉靖二十四年巡按御史
陳儲秀據本縣申行提始到縣着役奸頑難信知縣
鄧遷申文請依舊例各挨圖堡相近別簽領袖名役
分管糧料水夫等項銀兩仍編各縣收頭人役在官
經收管解其糧米儘派起運各倉差役儘編上司柴
薪等用中或倚恃各縣奸頑不服聽本縣徑申令于
上司衙門提究完納及着役其料價除嘉靖十四年
以後隨糧帶徵外自嘉靖九年至十二年共欠料價

銀壹千捌百伍拾陸兩中間里甲消長更改不常欲
槩行追解恐難完銷勘合乞聽本縣查各都圖所欠
水夫銀及差等項無礙銀兩追納到官傾支頂解以
足欠數其原欠數額續後追補還官又查前奉巡按
案驗各縣寄庄糧米儘撥起運各倉中有不敷方將
香山縣正額糧撥奏其香山縣儘撥本縣豐盈倉上
納寄庄儘撥司府柴薪解戶等項中有不敷方將香
山縣丁糧湊編或恃異縣奸頑不服聽本縣重治又
乞清查冊籍庫銀以祛宿弊本縣見貯只有嘉靖二

十一年黃冊僅存其餘俱稱久已湮濶可見里胥奸
弊故行毀棄見今本縣失額田糧壹百餘石又有本
縣人民冒入寄庄都內飛詭姓名申有戶籍田米而
無人民承認殆將百十餘戶若不查理積弊愈滋又
寄庄各縣歷年據各都圖送納糧米水夫徭役等項
銀兩各貯寄該庫每縣庫貯多至四五百兩少亦不
下二三百兩各縣不發前來本縣節蒙 上司催取
就將別項見銀動支代解彼此懸隔施行實難合候
允日乞聽本縣備將本府貯庫嘉靖元年十一年二

十一年黃冊請發前來令各該都圖見年并攢造里長共騰一部在縣備照仍前各冊實在舊管并推收各項下逐一稽查要見前項飛詭等弊逐項改正造冊通詳完日申繳還府其各縣見貯在庫但係香山縣錢糧銀兩亦候允日聽本縣關取回縣逐項備查應支解者支解應給發者給發應存留者貯庫存留分別明白通將查行過數日申允施行

稅糧

元旱田畝稅貳升水田畝稅伍升至元初正耗米壹千貳拾叁石玖斗玖升伍合壹勺稅丁捌千肆百伍拾玖丁大德八年田地叁千壹百壹拾項壹拾捌畝民糧捌千叁百壹拾石官糧叁千伍百石學租壹百捌拾石柴斗壹升至正二十一年田地稅米壹千叁百柒拾伍石柒斗

洪武二十四年田地山塘叁千玖百零貳頃肆拾畝肆分捌釐伍毫夏稅麥壹拾石貳斗壹升柒合伍勺

香山縣志

卷之三

十五

秋糧米壹萬捌千陸百伍拾玖石貳斗壹升柒合伍勺永樂十年田地山塘肆千叁百柒拾捌頃伍拾捌畝叁分壹釐壹毫夏稅麥壹拾叁石伍斗貳升肆合壹勺秋糧米壹萬捌千柒百陸拾石壹斗貳合壹勺正德七年田地山塘伍千肆百壹拾伍頃伍拾畝柒釐肆毫夏稅麥同前秋糧壹萬玖千捌百叁拾貳石景泰三年田地山塘伍千壹百陸拾叁頃貳拾陸畝陸釐陸毫夏稅麥同前秋糧米貳萬貳百肆拾叁石肆斗柒升伍合貳勺

天順六年田地山塘伍千貳百伍拾陸頃柒拾叁畝
柒分貳釐伍毫內官田地貳百伍拾貳頃肆拾柒畝
陸分玖釐貳毫夏稅麥始改升科米陸拾石壹斗壹
合壹勺自後皆同秋糧米貳萬叁百陸拾肆石伍斗
伍升叁合壹勺

成化八年田地山塘伍千肆百捌拾壹頃貳拾伍畝
叁分貳釐叁毫秋糧米貳萬壹千陸百陸石叁斗玖
升柒合陸勺內官米肆千叁百有奇每石折納銀叁
錢貳分官米折銀自此始

香山縣志

卷之三

十六

成化十六年田地山塘伍千伍百陸拾貳頃陸拾叁
畝柒分貳釐叁毫秋糧米貳萬壹千柒百陸拾陸石
玖斗叁升捌合肆勺

弘治五年田地山塘伍千柒百頃零叁畝伍分秋糧
米貳萬貳千壹百叁拾肆石貳斗陸升叁合叁勺

弘治十五年田地山塘伍千柒百叁拾貳頃陸分玖
釐伍毫秋糧貳萬貳千貳百捌拾壹石捌斗叁升貳
合壹勺

正德七年田地山塘伍千柒百陸拾玖頃壹拾陸畝

柒分玖釐伍毫秋糧貳萬貳千肆百叁拾石零貳升壹合捌勺

嘉靖元年田地山塘伍千捌百壹拾壹頃貳拾叁畝柒分貳釐叁毫秋糧貳萬貳千伍百陸拾伍石陸升肆合貳勺

嘉靖拾壹年田地山塘伍千捌百壹拾貳頃陸拾捌畝柒分貳釐叁毫秋糧貳萬貳千伍百陸拾玖石陸斗玖升捌合柒勺

嘉靖貳拾壹年田地山塘伍千捌百伍拾陸頃玖拾

香山縣志

卷之三

十七

伍畝玖分貳釐伍毫秋糧貳萬貳千柒百壹拾壹石捌斗叁升壹合捌勺

今據貳拾壹年秋糧扣之本縣官民米壹萬肆千陸百叁拾石零陸升柒合柒勺寄庄新會縣官民米貳千陸百貳拾捌石陸斗玖升肆勺順德縣官民米肆千肆百伍拾玖石伍斗肆升捌合貳勺番禺縣官民米肆百肆拾玖石陸斗伍升肆合南海縣官民米伍百肆拾叁石捌斗柒升壹合伍勺夫寄庄權豪日就富強土著士民苦罹捐瘠已非一日之故矣嘉靖拾肆年巡按御史戴環設法禁之云訪得按屬州縣有等富豪人戶置買別縣田產立作寄庄坐享租利不行納糧貽累里排代其賠贖及至輪編差役則又恃其隔涉不服拘喚又有恃稱權豪親戚影射近據香山縣申前辦行布政司計議看得香山糧止貳萬而寄庄已及捌千糧差節年被

情實可憫今後寄庄香山田上要報佃戶姓名
於該縣附記稅糧納在順德新會番禺南海徑
自起運香山隔海俱作存留以示寬恤
均平銀兩計田算銀進解廣州府轉發香山縣
支用均徭亦於各縣編派司府等項差徭自後
各縣人民並不許置買香山等縣田土寄庄違
者人官仍問罪廣州府務查照此條嚴併以抑
勢豪兼併之勢以杜奸頑慣賴之害以阻里排
影射之風各府州縣寄庄俱做此
徵派施行刻此條于廣東通志

萬曆玖年

清丈知縣馮生虞親履田畝視土肥瘠審
地險易定為上中下三則而農桑夏稅片

鹵各為區別井井不紊田與順德接壤實逼處
此虞善為區畫務今稅準其畝毋匿毋溢載在
魚鱗號冊香民萬世之利也冊向貯縣
堂櫃內順治壬辰逆賊破城焚燬殆盡

崇禎伍年田地山塘夏鹵共柒千肆百玖拾玖頃零

香山縣志

卷之三

十八

柒畝柒分零柒毫該官民夏鹵米貳萬伍千陸百玖

拾捌石伍斗壹升玖合壹勺

崇禎拾伍年田地上塘夏鹵共柒千伍百伍拾玖頃

壹拾壹畝貳分玖釐貳毫該官民夏鹵米貳萬伍千

捌百壹拾石肆斗伍升玖合伍勺

朝順治拾肆年田地山塘夏鹵柒千零壹拾伍頃叁

拾伍畝伍分柒釐柒毫共官民夏鹵米貳萬肆千柒

百壹拾伍石玖斗貳升肆合壹勺

康熙元年田地山塘夏鹵共柒千零柒拾伍頃叁拾

國

伍畝伍分柒釐柒毫該官民夏鹵米貳萬肆千柒百壹拾伍石玖斗貳升肆合壹勺

一起科

一田陸千玖百貳拾陸頃伍拾貳畝陸分玖釐
上則田伍千零伍拾貳頃捌拾叁畝零柒釐壹毫
每畝科官正耗米陸合柒勺肆抄壹撮積
壹頃肆拾捌畝叁分肆釐伍毫為糧壹石共
米叁千肆百零陸石壹斗壹升叁合貳勺又
科民正耗米叁升零捌勺壹抄陸撮積叁拾
貳畝肆分伍釐零陸絲為糧壹石共米壹萬
伍千伍百柒拾石零捌斗零叁合壹勺
中則田捌百陸拾肆頃陸拾肆畝壹分伍釐每
畝科官正耗米陸合柒勺肆抄壹撮積壹頃
肆拾捌畝叁分肆釐伍毫為糧壹石共米伍
石捌拾貳石捌斗伍升肆合玖勺又科民正

香山縣志

卷之三

十九

耗米貳升叁合肆勺叁抄零肆圭叁粟肆粒
積肆拾貳畝陸分柒釐玖毫為糧壹石共米
貳千零貳拾伍石捌斗捌升玖合陸勺
下則田壹千零捌頃叁拾叁畝捌分叁釐壹毫

每畝科官正耗米陸合柒勺肆抄壹撮積壹
頃肆拾捌畝叁分肆釐伍毫為糧壹石共米
陸百柒拾玖石柒斗貳升零玖勺又科民正
耗米壹升捌合肆勺捌抄玖撮陸圭積伍拾
肆畝零捌釐肆毫為糧壹石共米壹千捌百
陸拾肆石叁斗柒升柒合貳勺

一斥鹵田陸拾柒畝伍分叁釐壹毫每畝科民正
耗米肆合貳勺捌抄積貳拾叁畝叁分陸釐
肆毫為糧壹斗共米貳斗捌升玖合
一夏稅地肆畝壹分零肆毫每畝科夏米貳升壹

合肆勺以肆分陸釐柒毫貳絲為糧壹升共
米捌升柒合玖勺

一地柒百肆拾壹頃伍拾陸畝陸分貳釐
上則地玖拾柒頃壹拾玖畝零叁釐壹毫每畝科

官正耗米陸合柒勺肆抄壹撮積壹頃肆拾捌畝叁分肆釐伍毫為糧壹石共米陸拾伍石肆斗伍升伍合叁勺又科民正耗米叁升零捌勺壹抄陸撮積叁拾貳畝肆分伍釐零陸絲為糧壹石共米貳百玖拾玖石貳斗貳升肆合叁勺

中則地壹拾捌頃零貳分壹釐叁毫每畝科官正耗米陸合柒勺肆抄壹撮積壹頃肆拾捌畝叁分肆釐伍毫為糧壹石共米壹拾貳石壹斗叁升伍合貳勺又科民正耗米貳拾貳石壹斗叁升伍合貳勺零肆圭積肆拾貳畝陸分柒釐玖毫為糧壹石共米肆拾貳石壹斗柒升玖合柒勺

下則地壹拾捌頃壹拾玖畝貳分肆釐陸每畝科官正耗米陸合柒勺肆抄壹撮積壹頃肆拾捌畝叁分肆釐伍毫為糧壹石共米壹拾貳石貳斗陸升叁合伍勺又科民正耗米壹升捌合肆勺捌抄玖撮陸圭積伍拾肆畝零捌

香山縣志

卷之三

釐肆毫為糧壹石共米叁拾叁石陸斗叁升柒合壹勺

官夏稅地壹拾柒畝貳分零叁毫每畝科夏稅米壹斗柒升壹合貳勺積伍畝捌分肆釐壹

毫為糧壹石共米貳石玖斗肆升伍合壹勺民夏稅地捌頃零畝玖分叁釐叁毫每畝科夏稅米貳升壹合肆勺積肆拾陸畝柒分貳釐捌毫為糧壹石共米壹拾柒石叁斗叁升貳合陸勺

一山壹拾肆畝玖分貳釐柒毫

上則山壹拾畝零陸分貳釐柒毫每畝科官正耗米陸合柒勺肆抄壹撮積壹畝肆分捌釐叁毫肆絲為糧壹升共米柒升壹合陸勺又科民正耗米叁升零捌勺壹抄陸撮積叁畝貳分肆釐伍毫為糧壹斗共米叁斗貳升柒合伍勺

中則山壹畝科官正耗米陸合柒勺肆抄壹撮又科民正耗米貳升叁合肆勺叁抄

下則山參畝叁分年畝科官正耗米陸合柒勺肆抄壹撮積壹畝肆分捌釐叁毫肆絲為糧壹升共米貳升貳合貳勺又科民正耗米壹升捌合肆勺捌抄玖撮陸圭以伍分肆釐零捌絲為糧壹升共米陸升壹合

一塘柒頃壹拾壹畝叁分肆釐上則塘柒頃零叁畝柒分柒釐壹毫每畝科官正耗米陸合柒勺肆抄壹撮積壹頃肆拾捌畝叁分肆釐伍毫為糧壹石共米肆石柒斗肆升肆合壹勺又科民正耗米叁升零捌勺壹抄陸撮積叁拾壹石陸斗捌升柒合肆勺中則塘肆畝貳分壹釐玖毫每畝科官正耗米陸合柒勺肆抄壹撮積壹畝肆分捌釐叁毫肆絲為糧壹升共米貳升捌合肆勺又科民正耗米貳升叁合肆勺叁抄零肆圭以肆分貳釐陸毫柒絲為糧壹升共米玖升捌合玖勺

香山縣志

卷之三

下則塘叁畝叁分伍釐每畝科官正耗米陸合柒勺肆抄壹撮積壹畝肆分捌釐叁毫肆絲為糧壹升共米貳升貳合陸勺又科民正耗米壹升捌合肆勺捌抄玖撮陸圭以伍合肆釐零捌絲為糧壹升共米陸升壹合玖勺

派徵則例

一糧科官米每石派銀貳錢柒分貳釐玖毫伍絲伍忽民米每石派銀陸錢伍分零伍毫陸絲夏稅農桑米每石派銀肆錢伍分魚課米每石派銀叁錢肆分柒釐陸毫叁絲捌忽

一肆差民米無優免每石派搖羗民壯水夫均平銀肆錢叁分叁釐伍毫捌絲貳忽民米有優免每石派均平銀壹分柒釐叁毫柒絲

米忽 人丁無優免每丁派強差民壯均平
銀壹錢陸分玖釐零伍絲伍忽 男婦每丁
日派鹽鈔銀貳分捌釐
零叁絲陸忽

官民田地山塘夏稅農桑魚課等米依則派撒列
後

一官米肆千柒百陸拾叁石肆斗叁升捌合陸

勺肆抄壹撮內 除陸科米壹百陸拾捌石肆
斗柒升陸合柒勺肆抄壹撮

摘出另項徵作
贏餘充餉外 尙實米肆千伍百玖拾肆石

玖斗陸升壹合玖勺每石派糧料銀貳錢柒

分貳釐玖毫伍絲伍忽共銀壹千貳百伍拾

香山縣志 卷之三 三十二
肆兩貳錢壹分柒釐捌毫不派四差

一民米壹萬玖千捌百伍拾捌石陸斗陸升零

壹勺叁抄內 除陸科米伍百貳拾伍石伍斗
捌升柒合貳勺叁抄摘出另項

徵作贏
餘充餉 尙實米壹萬玖千叁百叁拾叁石零

柒升貳合玖勺每石派糧料銀陸錢伍分零

伍毫陸絲共銀壹萬貳千伍百柒拾柒兩叁

錢貳分叁釐玖毫又派四差銀肆錢叁分叁

釐伍毫捌絲貳忽共銀捌千叁百捌拾貳兩

肆錢柒分貳釐肆毫每石總派糧料肆差銀

壹兩零捌分肆釐壹毫肆絲貳忽共銀貳萬

零玖百伍拾玖兩柒錢玖分陸釐叁毫內除官

紳舉貢監生員吏承優免米壹千叁百玖拾石零伍斗壹升肆合肆勺例免叁差該銀伍

百柒拾捌兩柒錢叁分玖釐捌毫不編外實編銀貳萬零叁百捌

拾壹兩零伍分陸釐伍毫

夏稅米貳拾石零叁斗陸升伍合陸勺內除陸科米

貳石玖斗伍升伍合叁勺摘出另項徵作贏餘充餉外尙實米壹拾柒

石肆斗壹升零叁勺每石派倉糧銀肆錢伍

分共銀柒兩捌錢叁分肆釐陸毫

農桑原額米肆斗玖升每斗派倉糧銀肆分伍

香山縣志 卷之三

釐共銀貳錢貳分零伍毫

魚課米柒百陸拾玖石玖斗玖升叁合屬河泊所自所

裁革歸併本縣帶徵每石派銀叁錢肆分柒釐陸毫叁

絲捌忽共銀貳百陸拾柒兩陸錢柒分玖釐

又一項地畝餉銀以通縣官民夏稅農桑田地

山塘原額稅共柒千零柒拾伍頃叁拾伍畝

伍分柒釐柒毫照萬曆肆拾捌年例派每畝

派銀柒釐零叁絲零捌微叁纖壹沙共派銀

肆千玖百柒拾肆兩伍錢陸分叁釐壹毫水

脚銀壹分伍釐該水脚銀柒拾肆兩陸錢壹分捌釐肆毫總計通縣官民夏稅農桑魚課共米貳萬肆千柒百壹拾伍石玖斗貳升捌合壹勺連原額男婦丁口共編派壹條鞭銀貳萬叁千玖百叁拾貳兩肆錢柒分柒釐陸毫又地畝連水脚銀伍千零肆拾玖兩壹錢捌分壹釐伍毫總共銀貳萬捌千玖百捌拾壹兩陸錢伍分玖釐壹毫又新增人丁派叁差鹽鈔除抵故絕婦女額銀外尙銀伍拾捌

香山縣志 卷之三

兩陸錢捌分伍釐肆毫通共銀貳萬玖千零肆拾兩零叁錢肆分肆釐伍毫

康熙元年奉遷去田壹千壹百捌拾頃零壹拾畝零壹分伍釐壹毫叁絲貳忽伍微尙實在稅伍千捌百畝拾伍頃貳拾伍畝肆分貳釐伍毫陸絲柒忽伍微

實徵地丁銀柒千玖百壹拾壹兩零叁分壹釐伍毫玖絲貳忽陸微
實徵本色米柒千叁百伍拾柒石叁斗壹升肆合貳勺

康熙叁年續遷去田地肆千伍百玖拾壹頃玖拾壹畝伍分伍釐叁毫貳絲貳忽尙實在稅壹千叁百零叁頃叁拾叁畝捌分柒釐貳毫肆絲伍忽伍微

實徵地丁銀叁千陸百捌拾玖兩陸錢陸分壹釐貳毫陸絲貳忽捌微

實徵本色米壹千柒百伍拾陸石捌斗伍升捌
合壹勺陸抄玖撮壹圭叁粟陸粒陸截

康熙捌年奉
旨展界就年墾復田地肆百陸拾叁頃貳拾伍畝捌
分零壹毫叁絲柒忽

康熙玖年墾復田地捌拾伍頃捌拾叁畝伍分壹
釐壹毫貳絲陸忽玖微

康熙拾年墾復田地貳百貳拾肆頃伍拾柒畝零
陸釐玖毫陸絲柒忽肆微

康熙拾壹年墾復田地叁百頃零壹拾肆畝叁分
伍釐玖毫肆絲肆忽叁微伍合

共墾復田地山塘共稅壹千零柒拾叁頃捌拾
畝零玖分玖釐壹毫柒絲伍忽陸微伍合

康熙拾壹年實在上中下田山塘夏稅農桑斤兩
併捌年起開墾陸科共稅貳千零柒拾伍頃

貳拾捌畝叁分柒釐貳毫捌絲貳忽叁微玖
合

實徵地丁銀陸千柒百壹拾肆兩玖錢陸分零

香山縣志 卷三

柒毫叁絲壹忽叁微伍合
實徵本色米壹千玖百伍拾石

康熙拾貳年實在上中下田山塘夏稅農桑斤兩
併開墾陸科共稅貳千壹百叁拾壹頃玖拾

捌畝壹分陸釐壹毫陸絲伍忽貳微玖合
實徵地丁銀陸千捌百肆拾伍兩零肆分叁釐

叁毫貳絲捌忽貳微玖合
實徵本色米壹千玖百伍拾石

魚課米額徵柒百陸拾玖石玖斗玖升叁合

食口鹽糧賦役全書額計共男婦壹萬叁千玖百

陸拾柒丁口康熙元年叁年奉遷除去丁陸千柒

百叁拾伍丁捌分除去口玖百伍拾貳口零貳

分共除去丁口柒千陸百捌拾捌口康熙捌年玖

年拾年拾壹年復回人丁壹千叁百肆拾玖丁叁分陸釐復回口貳百口零玖分

康熙拾壹年屆冊并拾貳年額徵人丁陸千捌百貳拾伍丁壹分壹釐食鹽課銀壹千陸百貳拾捌

口通計共丁口捌千肆百伍拾叁丁壹分壹釐派

徵丁口搖差民壯均平鹽課銀壹千叁百貳拾叁

兩貳錢陸分捌釐壹毫伍絲捌忽遇閏加銀柒拾陸兩玖錢陸分

玖釐零伍絲肆忽陸微玖忽

按明洪武初男女成丁者歲給鹽叁觔徵米捌

香山縣志

卷之三

升永樂貳年大口支鹽壹拾貳觔納鈔壹拾貳

貫小口半之正統叁年令戶口俱半徵全惟官

吏并隨宦大口後不給鹽徵鈔如故又折以銀

每鈔壹貫折銀叁釐然州縣所納多寡或異至

於男女或同派或異派或派以米非其舊矣今

遡所自始俾考世者思其立法初意焉

賦役

里甲之制明洪武拾肆年始詔天下編賦役黃冊以壹百壹拾戶爲里里爲壹冊冊爲一畝在城曰坊在鄉曰里俱以丁糧多者爲長其餘分爲拾甲每甲之長亦各有拾其不任役附於里甲之後者謂之畸零拾甲之長統所屬拾戶當年應役者曰里長凡里之錢糧公事追徵勾攝皆里長任之其休役者曰排年但任徵納本甲之糧米而已例凡拾歲而一周也至於賦役舊額各里甲隨丁田賦

香山縣志

卷之三

二十七

錢於官以待一年之用者曰均平此錢賦甲首歸休里長應役追後公費日繁徃徃多出均平之外明嘉靖拾捌年當事者議增均平之額分爲叁等曰歲辦曰額辦曰雜辦天啓間均平額銀又復裁解公務繁興民窘日甚

國朝賦役全書悉照萬曆肆拾捌年例派一切無藝之往俱爲停汰獨香山一遷再遷賦額僅存拾之一二流亡困苦一覽瞭然今照全書備載俾知今昔懸殊亦詳畧之不容混者也

康熙拾壹年分徵解起運存留兩項糧銀肆千伍百伍拾玖兩肆錢肆分玖釐玖毫柒絲貳忽伍微參纖

一留縣備支官役經費銀壹千玖百伍拾伍兩捌錢捌分陸釐捌毫陸絲遇閏加銀壹百零叁兩貳錢零貳釐貳毫叁絲捌忽肆微貳纖

一復回黃圃司官役俸銀存留銀肆拾兩零陸錢肆分陸釐陸毫陸絲

按香山自遷折之後墜復無幾拾壹年全徵銀

香山縣志

卷之三

二十八

兩於舊額存留一項尙缺叁千壹百伍拾壹兩零壹分陸釐全書雖有起運之名而實於存留項下尙未足也今仍照舊額起運存留各項各色一一具載於後使讀賦役者知香山錢糧視諸舊額一旦缺少至此則民之窮困流離可知矣

折色起運并留充兵餉軍器原額銀壹萬肆千壹百零柒兩貳錢柒分伍釐捌毫又地畝并驛傳節裁銀伍千零陸拾肆兩壹錢捌分壹釐伍毫

共銀壹萬玖千壹百柒拾壹兩肆錢伍分柒釐叁毫

一折色起運

京庫銀貳千叁百肆拾玖兩伍錢壹分肆釐貳毫每年兩帶徵滴珠銀壹分水脚銀貳分共銀柒拾兩零肆錢捌分伍釐肆毫滴珠銀傾捌錠內起解水脚銀拾壹官役盤費鋪墊料銀壹百貳拾柒兩貳錢叁分玖釐伍毫地畝餉銀肆千玖百柒拾肆兩伍錢陸分叁釐壹毫水脚銀柒拾肆兩陸錢壹分捌釐肆毫水脚銀給差官役解運盤費驛傳節裁銀壹拾伍兩均一料銀柒百伍拾伍兩伍錢伍分伍釐四司料銀肆百肆拾兩零壹錢壹分玖釐陸毫竹本翠毛等料銀貳拾陸兩玖錢貳分壹釐壹毫

香山縣志

卷之三

二十九

魚油翎料并水脚共銀貳拾伍兩壹錢叁分壹釐貳毫遇閏加銀貳兩伍錢壹分貳釐玖毫

以上捌項俱解布政司差官類解赴部

留備軍器

軍器料銀叁拾肆兩柒錢柒分肆釐玖毫解布政司支脩整軍器

一留克兵餉

原廣西梧州府廣備倉米銀壹千捌百叁拾壹兩壹錢玖分柒釐壹毫水脚銀貳兩肆錢叁分伍釐伍毫今留本省支給兵食

解司備用軍餉米銀壹千玖百貳拾陸兩柒錢壹分陸釐肆毫又派移抵議豁清油片糖農艇春花園等項稅餉銀叁百玖拾伍兩伍錢叁分貳釐貳毫共銀貳千叁百貳拾貳兩貳錢肆分捌釐陸毫

本府永豐倉米銀壹千玖百貳拾柒兩捌錢貳分捌釐叁毫

本縣豐盈倉米銀貳百柒拾玖兩貳錢零玖釐

赤毫

本縣扣留庫原備支折色俸月糧改克兵餉銀

肆百肆拾兩

本縣儒學倉米銀壹百玖拾肆兩肆錢

原總兵廩糧今改克兵餉銀柒兩捌錢肆分捌釐貳毫遇閏加銀肆錢玖分零玖毫

原給中營操軍月餉改充兵餉銀貳拾玖兩捌錢壹分玖釐柒毫過閏加銀柒兩玖錢壹分

魚課米銀貳百肆拾貳兩伍錢肆分柒釐捌毫

以上九項留充兵餉共銀壹萬零貳百柒拾伍兩零玖分玖釐肆毫水脚銀貳兩肆錢

叁分伍釐伍毫過閏加銀貳拾捌兩陸錢壹分貳釐貳毫留支新定經制官兵糧食

內水脚銀給解役盤費用

存留搖差民壯鹽鈔驛傳均平共銀玖千捌百貳

香山縣志

卷之三

三十

拾伍兩貳錢零壹釐捌毫

內除驛傳節裁銀壹拾伍兩列在起

運項下解部充餉外

尙銀玖千捌百壹拾兩零貳錢零

壹釐捌毫又新增人丁銀伍拾捌兩陸錢捌

分伍釐肆毫內

一搖差銀貳千捌百陸拾貳兩捌錢玖分零伍毫過閏加銀壹百玖拾兩零貳錢肆分肆厘

柒毫

民壯銀肆千肆百肆拾肆兩貳錢捌分貳釐肆

毫過閏加銀叁百肆拾陸兩

戶口鹽鈔原額銀叁百捌拾肆兩玖錢陸分陸

釐過閏加銀叁拾貳兩零捌分零伍毫

叁項共銀柒千陸百玖拾貳兩壹錢叁分捌釐

玖毫過閏加銀伍百陸拾兩捌錢玖分零伍

毫過閏加銀壹百玖拾兩零貳錢肆分肆厘

布政司原解戶肆百名每名編水脚銀伍拾兩
免差充餉銀叁拾兩共銀叁百貳拾兩解布

提學道 政司備支

俸銀陸拾貳兩零肆分肆釐遇閏加銀伍兩壹
錢柒分零叁毫

薪銀柒拾貳兩遇閏加銀陸兩
叁項遞年解司貯候隨銜支送餘剩充餉

蔬菜焗炭銀伍拾兩遇閏加銀肆兩壹錢陸分
陸釐陸毫

心紅紙張銀伍拾兩遇閏加銀肆兩壹錢陸分
陸釐陸毫

脩宅家伙銀伍拾兩
更換桌圍銀伍拾兩

吏書拾陸名每名歲支工食銀壹拾貳兩共銀
壹百玖拾貳兩遇閏加銀壹拾陸兩

門子肆名每名歲支工食銀柒兩貳錢共銀貳
拾捌兩捌錢遇閏加銀貳兩肆錢

香山縣志

卷之三

三十一

快手拾貳名每名歲支工食銀柒兩貳錢共銀
捌拾陸兩肆錢遇閏加銀柒兩貳錢

皂隸拾貳名每名歲支工食銀柒兩貳錢共銀
捌拾陸兩肆錢遇閏加銀柒兩貳錢

輪傘扇夫柒名每名歲支工食銀柒兩貳錢共
銀伍拾兩零肆錢遇閏加銀肆兩貳錢

聽事吏貳名每名歲支工食銀柒兩貳錢共銀
壹拾肆兩肆錢遇閏加銀壹兩貳錢

舖兵貳名每名歲支工食銀柒兩貳錢共銀壹
拾肆兩肆錢遇閏加銀壹兩貳錢

本府遞運所大使
以上壹拾項俱解布政司貯支

俸銀壹拾玖兩伍錢貳分遇閏加銀壹兩貳錢
貳分陸釐陸毫

薪銀壹拾玖兩遇閏加銀壹兩
書辦壹名歲支工食銀柒兩貳錢於順治玖年

肆月會議每月給銀伍錢歲共給銀陸兩貳
扣銀壹兩貳錢解部遇閏加銀陸錢照前會

議給銀伍錢裁扣銀壹錢解部
皂隸貳名每名歲支工銀食柒兩貳錢共銀壹

拾肆兩肆錢於順治玖年肆月會議每名給

銀伍錢歲共給銀壹兩貳錢照前會議每名

錢解部遇閏加銀壹兩貳錢照前會議每名

給銀伍錢共銀壹兩扣銀貳錢解部

以上肆項解府貯支

本縣知縣俸銀貳拾柒兩肆錢玖分遇閏加銀貳兩貳錢

玖分零捌毫

薪銀叁拾陸兩過閏加銀叁兩

心紅紙張油燭銀叁拾叁兩過閏加銀貳兩伍

錢

脩宅家伙銀貳拾兩於順治玖年肆月會議全

裁解部

迎送上司傘扇銀壹拾兩

吏書拾貳名每名歲支工食銀壹拾兩捌錢共

銀壹百貳拾玖兩陸錢於順治玖年肆月會

議每名月給銀伍錢共給銀柒拾貳兩裁扣

銀伍拾柒兩陸錢解部遇閏加銀壹拾兩零

捌錢照前會議每名給銀伍錢共銀陸兩裁

香山縣志

卷之三

門子貳名每名歲支工食銀柒兩貳錢共銀壹

拾肆兩肆錢於順治玖年肆月會議每名月

給銀伍錢歲共給銀壹兩貳錢照前會議每

肆錢解部遇閏加銀壹兩貳錢照前會議每

名給銀伍錢共銀壹兩裁扣銀貳錢解部

皂隸拾陸名每名歲支工食銀柒兩貳錢共銀

壹百壹拾伍兩貳錢於順治玖年肆月會議

每名月給銀伍錢歲共給銀玖拾陸兩裁扣

銀壹拾玖兩貳錢解部遇閏加銀玖兩陸錢

照前會議每名月給銀伍錢共銀捌兩裁扣

銀壹兩陸錢解部

馬快捌名每名歲支工食草料銀壹拾捌兩共

銀壹百肆拾肆兩順治玖年肆月會議

每名月給工食銀伍錢草料銀玖錢歲共給銀

壹百叁拾肆兩肆錢裁扣銀玖兩陸錢解部
過閏加銀壹拾貳兩照前會議每名月給工
食銀伍錢草料銀玖錢共銀壹拾壹兩貳錢
裁扣銀捌錢解部

民壯伍拾名每名歲支工食銀柒兩貳錢共銀
叁百陸拾兩於順治玖年肆月會議每名月

給銀伍錢共給銀叁百兩裁扣銀陸拾兩解
部遇閏加銀叁拾兩照前會議每名給銀伍

燈夫肆名每名歲支工食銀柒兩貳錢共銀貳
拾捌兩捌錢於順治玖年肆月會議每名月

給銀伍錢歲共給銀貳拾肆兩裁扣銀肆兩
捌錢解部遇閏加銀貳兩肆錢照前會議每

名給銀伍錢共銀貳兩裁扣銀肆錢解部
禁卒捌名每名歲支工食柒兩貳錢共銀伍拾

柒兩陸錢於順治玖年肆月會議每名月給
工食銀伍錢歲共給銀肆拾捌兩裁扣銀玖

兩陸錢解部遇閏加銀肆兩捌錢照前會議
香山縣志

香山縣志

卷之三

每名給銀伍錢共銀肆兩裁扣銀捌錢解部
脩理倉監刑具銀貳拾兩

傘扇轎夫柒名每名歲支工食銀柒兩貳錢共
銀伍拾兩零肆錢於順治玖年肆月會議每

名月給銀伍錢歲共給銀肆拾貳兩裁扣銀
捌兩肆錢解部遇閏加銀肆兩貳錢照前會

議每名給銀伍錢共銀叁兩伍錢裁扣銀柒
錢解部

庫書壹名歲支工食銀壹拾貳兩於順治玖年
肆月會議每月給銀伍錢歲共銀陸兩裁扣

銀陸兩解部遇閏加銀壹兩照前會議給銀
伍錢裁扣銀伍錢解部

倉書壹名歲支工食銀壹拾貳兩於順治玖年
肆月會議每月給銀伍錢歲共給銀陸兩裁

扣銀陸兩解部遇閏加銀壹兩照前會議給
銀伍錢裁扣銀伍錢解部

庫子肆名每名歲支工食銀柒兩貳錢共銀貳
拾捌兩捌錢於順治玖年肆月會議每名月

給銀伍錢共銀貳拾肆兩貳錢肆分遇閏加銀肆兩貳錢肆分
解部過閏加銀貳兩肆錢肆分照前會議每年各給
銀伍錢共銀貳兩貳錢肆分遇閏加銀肆兩貳錢肆分
斗級肆名每名歲支工食銀柒兩貳錢共銀貳
拾捌兩捌錢於順治玖年肆月會議每名月
給銀伍錢共銀貳拾肆兩肆錢肆分照前會議
解部過閏加銀貳兩肆錢肆分照前會議每年各給
銀伍錢共銀貳兩肆錢肆分照前會議每年各給

縣丞

俸銀貳拾肆兩叁錢零貳釐遇閏加銀貳兩零
貳分伍釐貳毫

薪銀貳拾肆兩遇閏加銀貳兩正
書辦壹名歲支工食銀柒兩貳錢於順治玖年

肆月會議每月給銀伍錢共給銀陸兩貳錢肆分
銀壹兩貳錢解部過閏加銀陸錢照前會議
給銀伍錢肆分照前會議
門子壹名歲支工食銀柒兩貳錢於順治玖年
肆月會議每月給銀伍錢共銀陸兩貳錢肆分

香山縣志

卷之三

銀壹兩貳錢解部過閏加銀陸錢照前會議
給銀伍錢肆分照前會議

皂隸肆名每名歲支工食銀柒兩貳錢共銀貳
拾捌兩捌錢於順治玖年肆月會議每名月

給銀伍錢肆分共給銀陸兩貳錢肆分照前會議
捌錢解部過閏加銀貳兩肆錢肆分照前會議每
名給銀伍錢肆分共銀貳兩肆錢肆分照前會議
馬夫壹名歲支工食銀柒兩貳錢於順治玖年

肆月會議每月給銀伍錢肆分共給銀陸兩貳錢肆分
扣銀壹兩貳錢肆分照前會議
議給銀伍錢肆分照前會議

典史

俸銀壹拾玖兩伍錢貳分遇閏加銀壹兩陸錢
貳分陸釐陸毫

薪銀壹拾貳兩遇閏加銀壹兩正
書辦壹名歲支工食銀柒兩貳錢於順治玖年
肆月會議每月給銀伍錢肆分共給銀陸兩貳錢肆分
銀壹兩貳錢肆分照前會議

門子給銀伍錢裁扣壹錢解部

肆月會議每月給銀伍錢廣共銀陸兩裁扣

給銀伍錢裁扣壹錢解部

皂隸肆名每名歲支工食銀柒兩貳錢共銀貳

拾捌兩捌錢於順治玖年肆月會議每名月

給銀伍錢共銀貳拾肆兩裁扣銀肆兩捌錢

解部遇潤加銀貳兩肆錢照前會議每名給

銀伍錢共銀貳兩肆錢照前會議每名給

馬夫壹名歲支工食銀柒兩貳錢於順治玖年

肆月會議每月給銀伍錢歲共給銀陸兩裁

扣銀壹兩貳錢解部遇潤加銀陸錢照前會

議給銀伍錢裁扣壹錢解部

本縣儒學教諭

俸銀壹拾玖兩伍錢貳分遇潤加銀壹兩陸錢

貳分陸釐陸毫

薪銀壹拾貳兩遇潤加銀壹兩正

香山縣志

卷之三

原設訓導貳員順治拾陸年奉裁壹員康熙貳年

香山全裁

名山大縣無訓導止存教諭壹員原設齋夫陸

今裁去叁名止存叁名歲支工食銀柒拾貳兩

叁拾陸兩遇潤加銀叁兩月小除一日不給

原設門斗伍名堂齋叁名偏齋貳名今奉裁止

留堂齋叁名每名工食銀柒兩貳錢該歲支

銀貳拾壹兩陸錢遇潤加銀每名陸錢小月

則扣除一日不給

原設膳夫貳名每名歲支工食銀貳拾兩共銀

肆拾兩歲支與通學廩膳生員貳拾名為廩

夫之用今奉部文叁分裁貳止該銀壹拾叁

兩叁錢叁分叁釐每廩生該領銀陸錢陸分

陸釐

原書辦壹名歲支工食銀柒兩貳錢康熙叁年

奉文裁去全無支給司吏壹名亦同

原教官年員歲支喂馬草料銀壹拾貳兩今奉

部文全裁不結
原設斗級壹名
聖殿門子壹名
庫子貳名
奉

香山 文汰除
巡檢司 巡檢

俸銀壹拾玖兩伍錢貳分
過閏加銀壹兩陸錢

薪銀壹拾貳兩
過閏加銀壹兩正
書辦壹名
歲支工食銀柒兩貳錢
於順治玖年

肆月會議每月給銀伍錢
歲共給銀陸兩
裁扣銀壹兩貳錢
解部過閏加銀陸錢
照前會

皂隸貳名
每名歲支工食銀柒兩貳錢
共銀壹拾肆兩肆錢
於順治玖年肆月會議
每名月

給銀伍錢
歲共銀壹拾貳兩
裁扣銀貳兩肆錢
解部過閏加銀壹兩貳錢
照前會議
每名

錢解部過閏加銀壹兩貳錢
照前會議
每名給銀伍錢
共銀壹兩貳錢
解部

黃圃 俸銀壹拾玖兩伍錢
貳分
過閏加銀壹兩陸錢

香山縣志 卷之三 三十六

貳分陸釐陸毫
薪銀壹拾貳兩
過閏加銀壹兩

書辦壹名
歲支工食銀柒兩貳錢
於順治玖年

肆月會議每月給銀伍錢
歲共給銀陸兩
裁扣銀壹兩貳錢
解部過閏加銀陸錢
照前會

議給銀伍錢
裁扣銀壹錢
解部

皂隸貳名
每名歲支工食銀柒兩貳錢
共銀壹拾肆兩肆錢
於順治玖年肆月會議
每名月

給銀伍錢
歲共給銀陸兩
裁扣銀壹兩貳錢
解部過閏加銀陸錢
照前會議
每名

肆月會議每月給銀伍錢
歲共給銀陸兩
裁扣銀壹兩貳錢
解部過閏加銀陸錢
照前會議
每名

名給銀伍錢
共銀壹兩
裁扣銀貳錢
解部

豐盈倉大使
俸銀壹拾玖兩伍錢
貳分
過閏加銀壹兩陸錢
薪銀壹拾貳兩
過閏加銀壹兩
書辦壹名
歲支工食銀柒兩貳錢
於順治玖年

照前會議給銀伍錢裁扣銀壹錢解部
皂隸貳名每名歲支工食銀柒兩貳錢共銀
壹拾肆兩肆錢於順次九年肆月會議每
名月給銀伍錢歲共給銀壹拾貳兩貳錢扣
銀貳兩肆錢解部遇閏加銀壹兩貳錢照
前會議給銀伍錢共銀壹兩貳錢扣銀貳錢
解部
會試舉人水手編銀壹百捌拾肆兩貳錢
本縣儒學廩生貳拾名每名歲支廩糧銀柒
兩貳錢共銀壹百肆拾肆兩
本縣石岐餉兵叁名每名歲支工食銀陸兩
共銀壹拾捌兩遇閏加銀壹兩伍錢
以上俱留縣備支
通共留支經費銀貳千陸百陸拾玖兩零柒
分陸釐捌銀壹百捌拾貳兩貳錢叁分玖
釐布政司解戶水脚銀叁百貳拾兩又會
議裁扣充餉銀貳百肆拾肆兩肆錢閏銀
壹拾捌兩柒錢

卷之三

差壯鹽鈔餘剩銀肆千肆百伍拾捌兩陸錢
陸分貳釐玖毫閏銀叁百陸拾柒兩叁錢

捌分陸釐貳毫
驛傳銀壹千陸百玖拾捌兩零壹分肆釐柒
毫內

本府遞運所支應銀貳百零肆兩零玖分捌
釐壹毫

西南驛支應銀貳百陸拾柒兩叁錢肆分叁
釐

橫石驛支應銀叁百捌拾肆兩肆錢捌分陸
釐肆毫

安遠驛支應銀肆百肆拾兩零叁錢伍分陸
釐陸毫

以上留支銀壹千貳百玖拾陸兩貳錢捌
分肆釐壹毫解府貯支

驛傳餘剩銀肆百零壹兩柒錢叁分零陸毫
均平銀肆百貳拾兩零肆分捌釐貳毫內

歲辦

拜牌習儀香燭派銀柒錢

春秋二祭派銀柒拾陸兩零貳分捌釐內祭

文廟銀叁拾陸兩陸錢貳分捌釐

啓聖鄉賢各官銀壹拾叁兩玖錢肆分

山川銀壹拾叁兩玖錢捌分

社稷銀壹拾壹兩肆錢捌分

無祀鬼神每年叁祭派銀壹拾伍兩柒錢伍

分陸釐

曆日派銀貳拾肆兩貳錢伍分

門神桃符派銀伍錢

迎春土牛芒神春花春鞭祈雨祈晴日食月

食香燭謝雷祭品等項派銀壹兩

鄉飲酒禮二次派銀陸兩伍錢

委官往與抽盤洋船支應夫馬廩給中火銀

伍拾兩

本縣朔望行香合用香燭講書給賞紙筆派

銀陸兩會議全裁解司轉解充餉

孤老口糧柴布派銀肆拾兩零陸錢陸分

卷之三

額辦

察院按臨考觀風生員合用紙劄花紅每年

派銀肆兩

朝

觀官員酒席造冊紙劄每年派銀肆兩

本府官吏朝

觀盤纏每年派銀叁兩叁錢捌分叁釐肆毫解府

本縣官吏朝

觀盤纏每年派銀叁拾貳兩陸錢陸分陸釐柒毫

迎宴新科舉人旗扁花紅酒席每年派銀貳

兩陸錢玖分陸釐陸毫

起送會試舉人酒席每年派銀柒錢陸分陸

釐柒毫

科舉生員花紅酒席盤纏每年派銀叁兩叁

錢叁分叁釐肆毫

資新進士旗扁花紅羊酒每年派銀壹兩陸

錢陸分陸釐柒毫

科學歲貢生花紅羊酒盤纏每年派銀叁拾

兩伍錢 歲考生員童生入學合用果餅銀肆兩

雜辦 歲派銀肆拾肆兩玖錢零肆釐叁毫留縣貯

詔敕香燭陞任官員執事祭江猪羊卷廂紅線脩補

衙門分司公館什物造冊騰錄書手工食

總案官員提兵經過辦柴燭小菜上司使

容下程檢驗什物木鐸老人布帛與木盡

事宜俱於前銀內支應

以上留支銀叁百伍拾兩零叁錢壹分壹釐

捌毫又會議裁扣朔望行香充餉銀陸兩

均平餘剩銀陸拾叁兩柒錢叁分陸釐肆毫

又新增人丁銀伍拾捌兩陸錢捌分伍釐肆

毫

以上存留各款原額銀玖千捌百壹拾兩零

貳錢零壹釐捌毫又新增人丁銀伍拾捌

兩陸錢捌分伍釐肆毫共銀玖千捌百陸

拾捌兩叁錢貳分伍釐貳毫內解戶水脚

拾捌兩叁錢貳分伍釐貳毫內解戶水脚

銀叁百貳拾兩各官經費衙役工食驛傳

均平等銀肆千叁百壹拾伍兩陸錢柒分

雜辦

歲派

衙門

總案

容下

事宜

以上

均平

又新

以上

均平

均平

均平

均平

均平

均平

均平

均平

零柒升伍合陸勺照倉糧例派該銀叁兩
 陸錢叁分肆釐共銀柒百陸拾叁兩玖錢
 零肆釐陸毫內除銀肆拾肆兩陸錢貳分
 解鹽課提舉司抵補香山場巡絕丁課外
 尚銀柒百壹拾玖兩貳錢捌分肆厘陸毫
 又續銀陸科官米貳百肆拾叁石零捌升
 壹合伍勺照前例派該銀陸拾陸兩叁錢
 伍分零叁毫民斥米柒百肆拾貳石伍斗
 貳升陸合貳勺照前例派該銀捌百零伍
 兩零叁厘捌毫夏稅米叁拾石零柒斗肆
 升玖合柒勺照前例派該銀壹拾叁兩捌
 錢叁分柒厘叁毫共銀捌百捌拾伍兩壹
 錢玖分壹厘肆毫內除壹拾壹兩壹錢伍
 分伍厘解鹽課提舉司抵補香山場巡絕
 丁課餉滴珠外尚銀捌百柒拾肆兩零叁
 分陸厘肆毫通共銀壹千伍百玖拾叁兩
 叁錢貳分壹厘不入條鞭另項徵作贏餘
 充餉



雜辦

宋制土貢雜派不及香山元制貢用藥物香山惟蛤蚧柴拾對民已不勝其擾矣明洪武初定制貢麋鹿牛等皮貳百張里長派大戶收解翎毛參萬參千壹百玖拾根後革去今於均平錢內解舊額皮張而已其後增翠毛生漆馬牙等香黃白等蠟胖襖珍珠枝圓皮硝銅鐵香魚細布魚子禽鳥等物

農桑絲洪武貳拾肆年定肆兩玖錢夏稅戶辦按農桑絹課始自宋令長吏勸民廣植農桑有伐以爲薪

者罪之而調其絹絲以供軍南渡後軍儲不足絲綿竝半折錢疋伍千元制伍戶稅絲壹劬明洪武初令民有不種桑麻木綿者罰之布帛又令民得於在官曠地種桑每畝肆拾株科絲伍錢每絲壹劬肆兩成絹壹疋長參丈餘而吾邑惟報數止此遂爲定額非有業戶主名可以徵納惟有司措辦而已

鹽糧永樂中壹千叁百捌拾定陸百文計口辦按此即戶口食鹽鈔也自宋有之謂之鹽產錢元易以鈔今因之

酒醋等項課程鈔洪武貳拾肆年肆百柒拾貳定肆千壹百拾伍文成化中壹拾玖定肆千伍百玖拾叁文按推酒始自漢至宋以廣爲瘴鄉遂弛其禁號萬戶酒元始復稅鈔陸拾壹定伍拾叁兩叁錢陸分今用鈔因元制也元又有商稅務用歲課鈔貳拾玖定壹拾貳兩捌分洪武貳拾肆年商稅鈔壹百貳拾陸定貳貫壹百貳拾肆文天順以前猶然成化初始除之

房地洪武初設官房肆百玖拾陸間歲賃鈔陸拾陸定壹千伍百叁拾陸文按此自宋有之

鄰境課程鈔洪武貳拾肆年貳百玖拾肆定肆貫肆百文此附課鈔永樂拾年壹百玖定叁貫伍百捌拾文按此不知所始

魚油洪武貳拾肆年叁千貳百陸拾捌觔壹拾伍兩玖錢貳分
成化後令蛋戶折鐵壹百陸拾壹觔壹兩陸錢陸分
肆釐每觔折錢柒紋有閏月加鐵捌拾陸觔貳兩柒錢陸分
陸釐肆毫折陸百零叁文業戶折錢貳千捌百陸拾肆觔壹拾肆兩貳錢折錢貳萬

伍拾貳文有閏月加鐵貳百捌拾陸觔柒兩伍錢貳分折錢貳千零伍文按宋禁民煮鐵興敗入海惟課其治洪武中罷坑冶鐵課敷於拾年里甲出辦後以魚油代之

魚膘洪武貳拾肆年陸拾捌觔壹兩柒錢成化後令蛋戶折魚線膠捌觔拾伍兩陸錢貳分壹釐伍毫觔折錢貳百柒拾貳文有閏月加膠拾肆兩叁錢陸分貳釐壹毫有奇業戶折膠貳拾玖觔壹拾叁兩肆錢伍分有閏月加膠貳觔拾伍兩柒錢肆分伍釐按此



不知所始

白蠟價銀陸拾柒兩叁錢捌分肆釐捌毫柒絲伍忽編入正供內徵解

本色芽茶價銀壹兩叁錢叁分貳釐捌毫柒絲伍忽編入正供內徵解

本色紫榆木花梨木生熟銅魚線膠廣膠共銀陸兩捌錢柒分陸釐陸毫肆絲柒忽捌微柒纖伍沙編入正供內徵解

雕漆衣裝額無定徵或編入正供銀兩或改徵本色

米石一聽糧道頒發額冊起徵

沉香藥材另徵本色貳觔解司彙解

南工部匠壹百捌拾貳名每名徵銀肆錢伍分叁釐陸毫共銀捌拾貳兩伍錢伍分伍釐貳毫遇閏每名徵銀肆錢玖分壹釐肆毫共銀捌拾玖兩肆錢叁分肆釐捌毫

按白蠟茶芽諸款嘉靖貳拾肆年以前尚未有徵南工部匠銀兩康熙元年始有旅納賦役之外徵及於工亦會計者一時權宜之術也

鹽法

香山場鹽課司解編民二里今存一百一十戶五百一丁歲辦大引鹽一千四百九十一引九十八觔一十二兩洪武二十四年鹽丁竈戶二萬成化八年竈戶一百一十口五百單一元制歲辦鹽一千三百引給工本鈔一千兩

竈鹽宋紹興設立香山場草蕩池塢不一俱憑竈丁煎鹽辦課每丁一日一夜計煎鹽若干週年三百六十日夜共計煎鹽若干應徵鹽一大引入官折色銀肆錢陸分伍釐元明初竈戶六圖竈排竈甲約六七

卷之三

四十五

百戶正統間被寇蘇有卿黃簫養劫殺鹽場竈丁時鹽道吳廷舉奏奉勅合查民戶煎食鹽者撥補竈丁僅湊鹽排二十戶竈甲數十戶分上下二柵許令築塢煮鹽自煎自賣供納丁課其東南浮生盡被隣邑豪宦高築基塋障隔海潮內引溪水浸漑禾苗以致鹽漏無收歲徒賠課其中又多逃亡故絕者以故萬曆四十四年知縣但啓元清審詳豁九十七丁將陞科糧銀四十五兩壹錢零柒釐抵補丁課天啓五年裁汰場官鹽課併縣徵解順治初年額五百九十八

丁康熙元年沙尾北山等鄉奉遷除去一百五十四丁現存在籍僅有四百四十四丁逃亡虛賠康熙六年復加三十二丁共四百七十六丁計徵課銀二百二十一兩三錢四分今四大恭常各都場外民戶煎鹽賣商不納丁課場內辦課竈丁反與華商煎鹽計工糊口此則今日鹽法之大較者也

鹽埠原額引一百四十三道續增引九道共行引一百五十二道正加額引紙價共一百六十七兩六錢伍分六釐許商人徑赴鹽課提舉司承納另納水客

引餉銀兩告給旗票印烙船隻東莞歸德等處場買鹽運回經縣盤驗嗣派發龍眼都大小欖黃旗都燈籠洲等處水陸地方散賣萬曆末年竈戶因場竈無鹽告承涯口小埠引十五道續加引五道共行引二十道正加餉引紙價銀場餉共銀叁拾兩零陸分商人徑赴鹽課提舉司承納同大埠事例往別場買鹽運回場內竈丁方挑往沙岡南萌平嵐下圍等墟販賣辦納丁課蓋竈丁販鹽原與大埠商鹽並行通濟順治初埠商楊福梁從興告承猶分大小二埠康熙

元年遷折邊界海禁森嚴準商於香山場買鹽自此始康熙 年奉文禁革竈戶譚公試又以排商兼承兩準康熙八年民戶張業興承頂始禁竈丁不得挑販康熙九年準引張業興具呈在縣通詳准改場引納餉康熙十年民戶黃汝久鄧履道分承兩準令縣場地方俱屬民戶煎鹽民戶承販竈戶不過辦納丁課而已

魚課

明洪武二十四年河泊所額設蛋戶陸畝立有里

一如縣制有大畧小畧手畧畧門竹箔篾箔攤箔大

箔小箔大河箔小河箔背風箔方網轉旋網竹箔

箔魚籃蟹籃大畧竹篾等戶壹拾玖色貳千陸百貳

拾戶每歲縣差甲首一戶赴所辦納各色課程自黃

寇作亂蛋戶逃亡併為壹畝嘉靖間額徵魚課米壹

千貳百肆拾貳石伍斗肆升叁合蓋因邑田沿海一

帶稅業俱係別縣寄庄田歸勢豪則田畔之水準海

卷之三 四十八

面之畧門亦將併而有所以課米日就消耗所既

裁革併縣帶徵

國朝魚課額徵米柒百陸拾玖石玖斗玖升叁合白

康熙元年遷去土名金星門東洲門鈎準竹仔林疊

石壩穀頭卷米石高欄大石兜等處其課米叁

百陸拾壹石叁斗肆升柒合零玖抄玖撮

康熙叁年遷去土名箇瀝木鷺遷南邊角烏壩沙

尾觀音沙湖洲過流山蕉坑羊蹄石等處課米

叁百玖拾玖石捌斗肆升肆合柒勺

康熙玖年復回土名羹箕環吉大水流行蒲石涌沙

埔共課米貳拾石零貳斗肆升壹合

康熙拾年復回土名山仔下師公廟課米叁斗

康熙拾貳年徵銀柒兩零貳分叁釐陸毫

水利

明洪武二十七年勅示天下凡有陂塘湖堰可以瀦畜備燠旱者或宣洩以防霖潦者皆因地勢脩治勿妄興工役掊尅吾民仍遣監生人材分詣天下督史民修築水利香山陂湖不過三五處而已

九山陂丈許在良字都西邊巷田中叢淺民賴之豐阜湖在四巖山中海水所匯上接溪澗四大兩都之利

官花水出自長江山眾水之源泛流柴木灌溉田疇得能一都賴之其利甚溥

爛坭陂在得能都長江村永樂二年縣丞彭興志奏灌南澤等村田

吊鬼陂在各字都大圃村田中

竹徑陂在得能都三角塘村田永樂二年縣丞彭興志築灌村田餘流入於大王嶺新村釜涌諸村初丞之築陂也邑民劉母羅捐田爲址故名羅婆陂弘治初圯民復苦之知縣劉信捐俸補築民樂其利



物產

穀品四曰稻曰豆曰芝麻曰麥

鹽品二曰煎鹽曰曬鹽

布品二曰綿布曰麻

畜品八曰牛曰羊曰犬曰豕曰貓曰鷄曰鶩曰鴨

桑品二曰黃曰青

麻品五曰黃曰青曰白曰苧曰絳

灰品七曰西灰曰冬瓜曰杏灰曰黃灰曰節灰曰絲灰曰苦灰

卷之三

五十

蔬品二十二曰薑曰葱曰薤曰蒜曰蕎曰芥曰蘿蔔

曰芋曰蕨曰薯曰笋曰菌曰茄曰莧曰藤曰蒼蓬

曰茼蒿曰菠菱曰青菜曰白菜曰鶩眼曰石髮

菓品三十曰荔枝曰龍眼曰栗曰柑曰橙曰橘曰桔

曰桃曰李曰梅曰梨曰石榴曰柿曰蓮曰菱角曰

蔗曰蘋婆曰盧橘曰柚曰橄欖曰蕉子曰金斗曰

黃皮曰人面曰茨菰曰楊桃曰不納子曰波羅曰

芒菓曰桂木

藥品十四曰茴香曰當歸曰荊芥曰薄荷曰霍香曰

宿砂曰牛膝曰天南星曰何首烏曰木鼈曰牽牛
曰天門冬曰山藥曰史君子

花品十九曰蘭曰菊曰月桂曰蓮曰瑞香曰素馨曰
茉莉曰佛桑曰木槿曰含笑曰夜合曰蜀葵曰海

棠曰薔薇曰狗牙曰露頭曰鳳尾曰長春曰鷄冠
曰指甲曰荼靡曰鹿葱曰荳蔻曰芙蓉曰山茶曰

羊蹄曰鷹爪曰剪春羅曰紅槿

竹品十三曰菴曰箭曰紫曰筋曰勒曰油曰鶴膝曰

鷄距曰線曰大點曰觀音曰篁曰金

卷之三

鮮品不一曰魚曰鰕曰鱉周禮冬而薦
鱉者是也

錯品亦不一曰鳳尾魚子曰鶯毛魚曰蠟賊曰銅鼓

細鰕曰水母曰海胆

皮品五曰麋曰鹿曰虎曰豹曰山馬

腊品六曰香狸曰鹿腿曰麋腿曰山猪曰猴乾曰鷓

鴉

酒品二曰板杏曰黃酒曰燒酒

食品三曰麵食曰餠食曰粉食

石品五曰赤石潭洲黃曰雲母出大襄東林曰瑜石制粉可為藥

魚狗 烏頭 山鷓 鶉鴒

介屬

蟹 蠶 蠨 蝮 蜆 龜 螃 蜊 蚶 蜆 蛤 蚶

螺 蝮 龜 鱉 沙白 海鏡 瓦屋 鮫 鯉 甲

指甲 西施舌 一名沙螺 即江瑤柱

羸屬

蠶 天蠶 田鷄 石鱗魚 金龜子 螻 蝻

蠶 蚩 蛤 蚶

草屬

香山縣志 卷之三 五十三

芝 菖蒲 蕒 稗 山茨菰 野禾 白蕉

盧會 紫蘇 蕙 荻 蒼耳 益母 馬鞭 顯茄

蘆 荻 葦 芒 蘆 蒸 香茅 扶留 落

鶴仙 茱風 蒟瓜 斑杖 葎 茗 艾

木屬

楠 松 荆 檀 椰 荖 杜仲 相思 南極

榕 枇杷 柯 必栗 羊角 春花 木綿 柳

烏白 刺桐 枕 榔 槁 何 栢 槐 樟

黃 檗 穀 青 藍 丁 蘭 山 棗 山 藍 山 藤

皂角 山竹 鴨脚 山赤 杉木 稠木 黃楊


水松 攬

按邑天順間於山之要害設為烽墩編其鄉民為望山夫以瞻望寇盜而山海之利採取有時其後虛應故事始革罷之故山自梅花以東南臺以南多深山大林或窮日行空翠濛濛杳無人跡成化以前壽星塘猶有赤蝦子如猴而人笑木抄相牽魚貫而下至地乃滅世訖謂山靈窟宅云今則向無人踪烟火相接矣嘉靖中吳縣豪右糾合鄉民無所不到其鉅木以為材其雜木以為炭獲利甚富趨者益眾南臺以南山漸以童而焚之氣與日爭楮矣

香山縣志

卷之三

五十四



香山縣志卷之四

知香山縣事申良翰纂修

邑人楊晉編輯

秩官志總序

知縣

縣丞

主簿

典史

教諭

訓導

武職

雜職

序曰周禮設官分職以為民極帥其屬以掌邦治三百六十所由備也邑有長猶古之諸侯邑百里

香山縣志

卷之四

一

得稱邦長自丞尉以下至於司一鄉位一事皆其屬凡田賦戶口之贏絀徭役獄訟之重輕禮樂教化之修舉山谿扼塞之警備令司之令而外次第分理之其稱職者例得書其或不盡稱職者例亦無不得書由其名以思其人因其人以論其世勸戒之心可以油然而興矣作秩官志第四

知縣

宋姚孝資 紹興十九年任見宦蹟

范文林 乾道五年在任

梁益謙 乾道七年任淳熙元年得代見宦蹟

趙懌夫 端平元年任三年十月卒於官
有惠政及人子孫富藉黃梁都

洪天驥 景定二年以宣教
郎知縣事見宦蹟

元答失蠻 惠而不擾貞元三年得代民懷去思

那海 至順元年在任

劉忽進義 大德八年八月到任愛恤窮民每勸農
以酒食勞其勤苦刊小學孝經授民子

香山縣志 卷之四

弟職田察貧者給牛種使耕減其
租民愛之皇慶二年陞恩南知州

亦思馬思 至正三年在任

朶羅歹 至正未任 已上達魯花赤監縣
貫通志云元末縣尹朶羅歹移縣治古塞

山此至正疑
順帝至正

李越 至元十四年任

陳勇子 本邑人至元十四年任

王天祥 至元二十一年任二
十六年得代見宦蹟

黃裳 元貞二年任大德四年三月得代賦性慈柔臨下
以簡教民以孝悌忠信賦稅不擾而辦尤善吟咏

劉仁秀 大德四年任卓有風采撫民如子
動循禮法重修縣治輪奐一新

李玠 大德中任

程慶祖 至大二年任正直廉能他邑難平之訟司府每咨判折又重建鼓樓四年卒於官士

民哀悼

黃達 延佑七年任

左祥 泰定三年任五年得代見宦蹟

韓文衍 至順元年任

曾純卿 元統二年任崇儒下士惠慈及民後至元三年得代去之日歌咏載道

汪箎 至正元年任

張執樂 溫 至正四年任見宦蹟

香山縣志

卷之四

李斌 本縣人至正十四年任 已上達魯花赤所監縣尹

明朱彥達 洪武五年任有才幹愛民下士奉公不擾卒於官

沙彥和 洪武九年任廉明剛勁時廢事草創凡經所規度者樂為定制十一年滿任

趙彥芳 浦江人儒士洪武十九年任卒於官子孫入籍良字都

王英 莆田人監生洪武二十七年任廉幹愛民卒於官

周頤 洪武二十九年任見宦蹟

蔡惟溥 永樂二年任見宦蹟

陳思恭 藤縣人監生永樂十四年任

馮誠 宣德元年任見宦蹟

黃新 建陽人監生

何起中 淳安人監生正統六年任

周訓 吉水人舉人正統九年任

謝祺 寧都人舉人景泰四年任

莫如顯 桂平人舉人天順六年任

張綱 信豐人監生天順八年任

陳瑜 建寧人監生成化元年任

胡奇 桂林人舉人成化五年任六年憂去

楊俊 監生成化七年任

香山縣志

卷之四

四

唐綱 全州人舉人成化十年任

朱顯 成化十四年任見宦蹟

劉信 晉江人監生成化二十一年

黎燦 新喻人監生弘治三年任

楊昂 弘治十四年任見宦蹟

馮良弼 宜山人舉人弘治十六年調自順德後免

陳澤 福寧人監生弘治十八年任

蔣達 全州人舉人正德三年任憂去

梁榮 鄭西人例監正德四年任催科用兇民款十人持斧前驅謂之斧手癩疾者繼之稍

綏即被破滅有大口領出賑濟穀及任官銀八百餘兩而私匿者聞之寒心盡納還官以是有能名鄉試入外簾自捷騰錄生幾死巡按御史王昊以酷吏懲之六年賂免黜調廣昌去

潘 琨 婺源人舉人正德六年任七年憂去

王 玉 浦城人監生正德八年任

孫 嵩 長興人監生正德十二年任卒於官

袁 鏞 桂林人舉人嘉靖元年任

楊 夔 桂林人舉人嘉靖二年任

梁朝用 懷集人舉人嘉靖五年任以貪免

香山縣志 卷之四

林士元 嘉靖七年任見宦蹟

孔 恕 懷集人舉人嘉靖十一年任一月憂去

李懷靜 長樂人舉人嘉靖十一年任

黃正色 嘉靖十四年任不一月改調南海見宦蹟

鄒 驗 麻城人舉人嘉靖十五年任端慎不阿為

羅 岐 慈溪人例貢嘉靖二十一年任

鄧 遷 閔縣人舉人嘉靖二十三年任

周 行 舉人隆慶元年任龍溪人見宦蹟

馮生虞 大足人進士萬曆九年任清文有功

齊世臣 萬曆十二年任

鄧思啟 萬曆十五年任

余文燿 萬曆十六年任

孟習孔 萬曆二十七年任

張大猷 萬曆二十九年任見宦蹟

王好善 藤縣人舉人萬曆三十三年任見宦蹟

羅繼宗 萬曆四十一年任

蔡善繼 湖州人進士萬曆三十六年任見宦蹟

但啟元 江西舉人萬曆四十二年任見宦蹟

劉維棟 萬曆四十四年任

香山縣志 卷之四

曾棟 臨川人進士萬曆四十五年任

王如春 湖廣人進士萬曆四十六年任見宦蹟

周維持 金壇人進士天啟元年任欽取見宦蹟

荆勉述 南京人舉人天啟六年任七年卒於官

虞國鎮 浙江人進士崇禎四年任欽取翰林

毛毓祥 南京人進士崇禎十年任

顧其言 南京人進士崇禎十四年任行取見宦蹟

毛羽皇 南京人進士乙酉年任

國朝劉起鳳 順治二年任

張令憲 無錫人貢生順治七年任壬辰殉難見宦蹟

沈蘭 浙江人貢生順治十二年任見宦蹟

胡戴仁 容城人拔貢順治十四年任

姚啟聖 會稽人解元康熙三年任

曹文燾 北京人舉人康熙七年任

申良翰 陝西人舉人康熙十年任



縣丞

明冲 敬 洪武元年任見宦蹟

劉景濟 福建人材洪武十九年任性寬政勤薄於自已厚以愛民二十二年憂去

彭 豫 洪武二十六年任見宦蹟

萬鈞英 南昌人吏永樂七年任憂去

教孟墳 洪熙元年任

陳希清 宣德元年任

廖義寬 蒼梧人監生正統五年任

林 寶 羅源人監生正統七年任

香山縣志

卷之四

陸 端 宜山人監生正統十年任

謝伯宗 石首人吏景泰元年任

郭 升 宣城人吏景泰四年任

賈仲舉 繁昌人景泰七年知縣降尋復職去

蔡 端 福州人監生天順元年任

李政受 御州人吏天順七年任

葉 普 甌寧人監生成化二年任

辛 高 貴縣人監生成化五年任

蒲 茂 泉州人監生成化十五年任

林貴 福建人監生成化十七年任

蔡燦 上猶人監生成化二十年任

閔律 南昌人吏弘治八年任憂去

李傑 湖廣人監生弘治十五年任

邵秀 貴溪人監生弘治十八年任卒

龔世祿 建寧人監生正德四年任

張璿 武緣人監生正德六年任卒於官

楊濟 華容人監生正德九年任卒於官

張馨 高安人監生正德十二年任卒於官

香山縣志

卷之四

九

陳汝廉 莆田人吏嘉靖三年任

梅鏞 遷江人監生嘉靖五年任

楊瑀 鄞縣人吏嘉靖七年任

黃勝 寶慶人吏嘉靖十二年任

陳銘 桂林人監生嘉靖十五年任

李大翔 承天人監生嘉靖二十二年任

吳推 高安人吏嘉靖二十三年任

姚南金

朱廷植

周家鼎 浙江人監生崇禎三年任

艾徐英 南京人監生

王國柱 四川人貢生崇禎六年任

陳宗器 陝西人恩貢崇禎八年任

盧大鎔 例貢江南人

國朝劉邦彥 福建人

劉鼎 福建人貢生順治八年任

馮祖快 江南人貢生順治十二年任

李延槩 華亭人進士康熙四年任卒於宦

香山縣志

卷之四

十

王祚貞 山西人貢生康熙八年任

主簿

宋趙希瓊 淳佑中任以文學知名

宋之望 莆田人淳祐中任長於吏事
留心學校遷學於城之西

吳子斌 景定中任

元夾谷信童 至元三十年在任

張方毅 天曆二年任

黃弘益 至順中任元統間得代廉正
儉約得治體

唐 堅 至正初任二年得代賦性寬
厚不形喜怒民甚愛之

王仕俊 至正三年任 已上兼尉

香山縣志 卷之四 十一

明張遵古 洪武元年任六年卒於官

宣惟芳 洪武六年任卒於官

費仲羽 洪武十三年任

蔡 俊 建昌人使永樂二年任憂去

沈 震 永樂十四年任

林 沂 宣德二年任

周 成 邳城人監生正統元年任

萬添得 巴陵人吏正統十年任

周 監 景泰元年任

曾端 汝陽人監生景泰六年任

羅尚英 泰和人吏天順元年任

程中 嘉定人吏成化二年任憂去

徐明 監生成化七年任

鄭緣 賓州人監生成化十四年任

張銘 監生成化十七年任

廖清 寧化人監生成化二十二年任

莫器 平樂人監生弘治五年任

植璉 容縣人監生弘治六年任致仕

香山縣志

卷之四

徐鵬 餘饒人承差弘治十三年添設巡捕

李銘 湖廣人吏弘治十四年任

裴進 貴溪人監生弘治十八年任

林軒 黃巖人吏正德六年任

吳德玉 莆田人吏正德九年任

吳西周 安仁人吏嘉靖六年任憂去

龐高 陸川人監生嘉靖九年任

賴文遠 永安人監生嘉靖十三年任

郭輅 贛縣人監生嘉靖二十二年任

二十四年致仕

李希賢

福清人吏員嘉靖二十五年任以後奉裁

香山縣志

卷之四

十三

典史

明馮楚南

洪武三年任案牘
清理贊政有方

潘子和

閩縣人洪武一
二十年任

韓獨清

四明
人

陳伯寧

永樂元
年任

顧榮

永樂
間任

梁傳

永樂十
六年任

顧貞

正統十
年任

顧顯

吳縣人正統
十二年任

香山縣志

卷之四

十四

扶永

潛山人景泰
六年任

舒愈堅

進賢人天順
八年任卒於官

劉志文

成化二
年任

徐端

成化
間任

胡瑄

武陵人成化
二十一年任

梁昂

分宜人宏治
四年任

林天序

仙游人宏治
八年任

李評

孝感人宏治
十八年任

汪浩

懷寧人正德四
年任卒於官

林陽 莆田人吏正德七年任致仕

蘇佑保 莆田人吏嘉靖元年任

陳籛 侯官人吏嘉靖五年任

萬坤 南昌人吏嘉靖十一年任賦性剛勁好詰奸慝十四年免

黃文爵 衡州人吏嘉靖十五年任後以事去

劉憲 豐城人吏嘉靖十六年任卒於宦

陳舜睿 進賢人承差嘉靖二十年任

周誌 鄞縣人吏嘉靖二十四年任

陳大章

香山縣志 卷之四

林九思 萬曆二十七年

屠思忠

羅懋宏

蔣傑 直隸人吏員

國朝 林逢聖

余良臣 浙江人順治十四年任

張雲程 北京人康熙元年任

呂從仁 北直人康熙八年任

教諭

元阮 泳 本縣人至元中任

陳 汾 至順中任

湯以禮

黎復叟

郭 至 俱至順天曆中任

高玄生 邑人泰定中任

明李 昌 南海人洪武三年任陞徽州府經歷

齊 宣 鄱陽人洪武二十四年任

香山縣志

卷之四

林應福 清流人舉人永樂五年任

林希哲 莆田人舉人宣德二年任文行兼優和易
雍容人樂從之隨賢愚皆自取益嘗倡義

修學廟未成而卒在
任四年士風丕振

夏文質 樂平人舉人宣德七年任

鄧 烈 正統八年任致仕

張 輝 平南人舉人景泰元年任卒於官

徐 碧 樂平人舉人景泰五年任

羅 魁 南昌人舉人天順元年任

林 堂 閩縣人監生成化三年任憂去

施觀 延平人舉人成化九年任

方繹 莆田人舉人成化十七年任

吳欽 南昌人歲貢成化二十一年任卒於官

黃濟 橫州人舉人弘治二年任

揚維甫 長樂人舉人弘治十一年任文學優長勤於教誨隣邑士聞風相從在任九年憂去

俞玘 武進人歲貢正德三年任陞雷州教諭

秦邦儒 宣山人舉人正德六年任

顏階 龍溪人舉人正德十六年任見名宦

劉文昌 廬陵人歲貢嘉靖八年任

香山縣志 卷之四

郭文習 福安人舉人嘉靖十四年任十六年憂去

周煒 臨川人歲貢嘉靖十七年任

齊啟和 懷安人歲貢嘉靖二十五年任

李重華 萬曆二十四年任

湯塾 萬曆四十二年

魯惟曾 雲南人

周棟 天啟元年任

林震元 莆田人舉人天啟二年任

王傳造 廣西人舉人崇禎二年任憂去

李能蕙 海鹽人舉人崇禎四年任陞知縣

梁永年 雷州人舉人崇禎七年任陞知縣

陳鶴齡 博羅人舉人崇禎十年任陞知縣

黃衡祚 肇慶人貢生十五年任

徐龍徵 南海人舉人乙酉年任

國朝王威玉 福建人歲貢順治三年任

詹啟祚 澄海人舉人順治十四年任

歐陽羽文 南雄人歲貢康熙五年任

訓導

香山縣志 卷之四 六

明李文煒 洪武三十年卒於官

歐厥中

馮景 豐城人永樂中任

何雅言 臨川人舉人

皮瑩 吉水人儒士正統六年任長於議論猶精

自失卒曲指授以成

王泗 長汀人舉人正統七年任

鄭萬奎 永樂人舉人正統八年任嚴毅方正長於文學陞廣州府教授

鄭安定 上杭人舉人正統間任

朱淑恭 吉水人監生景泰三年任

尹京 吉水人儒士景泰間任

林公傑 長樂人舉人景泰五年任

陳塾 慈溪人舉人天順五年任卒於官

王浩 閩縣人舉人天順八年任

徐軫 侯官人舉人成化元年任

許克 吉水人舉人成化八年任

蕭奇 南昌人歲貢成化間任

萬繪 安福人歲貢成化十六年任

香山縣志

卷之四

十九

秦祖勝 宜山人舉人弘治元年任

周振 南靖人歲貢弘治三年任學行俱優非公

亭於宮前聚徒講
解陞威恩教諭

雷東良 藍山人歲貢弘治十年任

姜潤 玉山人歲貢弘治十一年任

冷景 大竹人歲貢正德四年任憂去

丘嶠 龍巖人歲貢正德四年任文品兼優講學不倦
捐俸易櫺星門以石柱陞東陽教諭

蔡肅 寧都人歲貢正德七年任憂去

鐘佩 武平人歲貢正德九年任卒於官

楊松 建寧人 歲貢正德十年任 卒於官

王宸 瓊山人 舉人 正德十五年任 憂去

蔡節甫 建陽人 歲貢嘉靖元年任 憂去

馮春 宜山人 歲貢嘉靖元年任 卒於官

魏元桂 古田人 歲貢嘉靖七年任

彭常 建昌人 歲貢嘉靖七年任

潘緯 柳城人 歲貢嘉靖十五年任 二十二年陞

張拱 定海人 歲貢嘉靖十七年任 二十四年陞

郎良 建德人 歲貢嘉靖二十二年任

香山縣志

卷之四

二十

胡禮 安溪人 歲貢嘉靖二十五年任

李炳 萬曆二十四年任

梁肇宗 天啟元年任

脫羣士 歲貢天啟元年任

陳鏘 東莞人 歲貢天啟四年任

伍倫親 廣西人 歲貢天啟七年任

蔡夢嵩 福建人 歲貢天啟七年任

余洪謨 江西人 貢生 崇禎九年任 卒於官

李占春 雲南人 崇禎九年任 陞仁化學正

盧揚中 碣石人貢生崇禎九年任卒於官

林 幹 歲貢崇禎十二年任

胡大聘 曲江人歲貢崇禎十二年任

蘇時望

正合浦人貢生崇禎十三年任陞水春縣學

李應泰

廣西人貢生崇禎十五年任

譚天性

梁昌人歲貢崇禎十五年任

羅圻彥

福建人順治五年任陞縣

余鼎藩

潮州人歲貢順治十四年任

陳際明

羅定人順治十六年任

武職

明參將胡文烜浙江人武進士萬曆四十八年任

梁鵬浙江人武進士天啟二年任

蔡一申湖廣人武進士天啟四年任

高應岳紹興衛鎮撫天啟五年任

陳學捷浙江人武舉天啟六年任

鄭夢熊江南人武進士天啟七年任

柴選雲南人武進士崇禎二年任

耿國忠江西人世襲指揮使崇禎五年任

蔡時春江南人武進士崇禎五年任

楊元四川人武進士崇禎八年任

王化行湖廣人世襲千戶崇禎十二年任

程之藩江南人崇禎十四年任

金世任浙江人崇禎十四年任

馬吉翔文安人武舉崇禎十六年任

國朝馬雄飛北直人武舉順治二年任

蔡奎福建人武生順治五年離汛奉革

張弘德湖廣人官生順治五年任

楊汝栢陝西人官生順治五年任

佟宇賡江南人官生順治九年任失守自盡

馬應魁廣東人武生鎮標中軍遊擊順治十五年

任

徐迅江南人武舉鎮標右營司^部順治十八年任

張仲才陝西人鎮標左營都司康熙元年任

丁國棟北直人官生康熙元年任卒於官

劉之英陝西人武生康熙二年任

副總兵曹志陝西人生員康熙四年任

香山縣志 卷之四

劉世亨四川人康熙五年任

張友才遼東人右路鎮標中軍遊擊康熙六年任

彭繼勳遼東人康熙七年任

潘拱宸直隸人武進士提標右營康熙十二年任^署

張光煥直隸人武科康熙十二年任

明中軍守備李守爵

國朝中軍守備王良

中軍守備何方榮^{城守}

中軍都司陳國棟

中軍守備李世德 城守

右營都司張光斗

中軍守備李文才 城守

中軍都司劉崐玉

中軍守備喬文煥

右營都司田雄

中軍守備馬文璧 城守

中軍都司石安邦

中軍守備姚德新

香山縣志

卷之四

五

右營都司趙光熙 武進士

中軍守備吳貴 城守

中軍都司劉世虎

中軍守備朱成 城守

中軍守備陳璠 武進士

中軍守備張行珍 武舉 榆林人

明千戶陳豫 全椒人

錢智 南陵人

劉成 真定人

田旺 仁和人

王智 真定人

林興 福清人

何文兆直人

李才衡州人

明百戶周聰鳳陽人

桑春咸山人

盛華

周子銘武進人

王忠河間人

穆茂永嘉人

馬祥燕山人

李觀

蔡俊曲浦人

王名永興人

毛通原浙蘇餘姚縣人明洪武初有祖諱金鎮守湖廣來陽縣由來陽轉調香山守禦所

張彪江陰人

明鎮撫姚亨博平人

梁寅南昌人

香山縣志

卷之四

二十五

國朝守禦千總蕭正人靜海人順治十八年任康熙三

年奉裁回

揚邦傑泰州人康熙九年任

雜職

國朝香山司劉恩徽州人康熙八年任

黃圃司黃維道直隸人康熙八年任

四卷終



香山縣志

地330.19/
3211
33

香山縣志卷之五

知香山縣事申良翰纂修

邑人毛定周編輯

宦蹟志總序

縣尹列傳

縣佐列傳

教職列傳

武職列傳

雜職列傳

序曰古稱吏治之盛無如東西兩京乃前史所載如卓茂之治密魯恭之治中年周紆之治雒陽蓋

香山縣志卷之五

一

亦不多見焉豈循吏之難其人哉抑聞見不詳闕遺往往而有也令之於民親矣求其可稱之蹟或散失不傳或傳其一二端無忝乎親民之實者指未易數屈舊志所不載靡得而考焉嘉隆而降至於今為令幾三十人其有蹟可傳率三分而得一嗚呼盛矣邑之官不自令止則宦蹟亦不自令止令以下為蹟益難則為傳益寡人貴自樹立東西京有以嗇夫亭長入為卿貳者矣令之職在親民令以下亦各舉其職吏治蒸蒸何遠不如古所云

耶作宦蹟志第五

香山縣志

卷之五

二

縣尹 二十四人

宋姚孝資紹興十九年以右從政郎知東莞縣事治
田才精敏下令闔境築堤護田水利大興民蒙其惠時
香山鎮惟設塞官一員役屬東莞輪役往來不便庫
涌士人陳天覺請建塞為縣孝資如其言疏聞從其
所請於是敦武毅尉邕州副將劉必從捐其租地以
為縣治

梁益謙以吏最聞乾道七年來為令自紹興壬申初
邑於是十九年矣前此吏茲土者惟知奉行文書未

嘗留心教化至范文林則崇建寺觀民苦工築益謙
代之脩舉百度氣象一新首重學校課督士子增學
田貳頃有奇疏南濠水以灌陂田捐俸置賑濟倉恒
以催科為末務士民德之咸相戒勿違教令淳熙元
年受代而去人思之不置乃為立德政碑

洪天驥字逸仲晉江人少有異質貫通經史百家淳
祐七年登進士初為建寧尉折獄誨士見稱於時調
連州推官未上寶祐改元差監惠民南局四年較藝
南宮得文天祥卷置之上第人服其明尋罷歸六年

淮閩辟致為屬景定二年通班授宣教郎知香山縣
至之日以教養人材為首務脩復大成殿明倫有堂
主敬美身賓賢登俊有齋皆捐俸入為之歛不及民
其為政一裁於義俗譁戢其尤桀黠者曰此囚牙
訟師去則吾民安矣邑以大治經略使洪勳趙汝暨
雷宜中及倉憲交以邑最上咸淳元年轉奉議郎二
年差監行在雜貨務後除大理寺丞終知潮州與兄
文毅公天錫文學齊名時謂二洪卒文天祥狀其行
實所著有東巖集

元王天祥大名滑州黃縣人官至將仕郎至元間來
為縣尹視篆之初以崇儒為先務脩葺學校重建講
堂勸農省役百廢畢舉成卒廝隸之違法者嚴懲之
翕然稱治縣宇廢自宋末攜父老求訪故址得諸草
萊中乃捐貲脩復至今沿之在任七年輿情愛戴如
一日云

左祥旸江人初任翰林從事受知于學士吳澄泰定
乙丑授承直郎來為縣尹留心政教嘗作勸學文以
訓舍學子弟一時士風皆知嚮往習俗偷薄則刻諭

俗編以警切之自是頑梗之民漸知革心矣尋遷儒學脩義齋時與士子講濂洛關閩之學咸有所依歸既調官潮州路經歷猶留心學制有未備者移書必備而後已吳澄稱其政有三善後改知增城其政如香山擢知萬州卒今香山增城皆祠之

張執樂溫

舊志三名蓋化于元俗新志名執字樂溫恐非

字敬之冀州南宮

人以椽為辰溪簿有能聲至正四年擢縣尹廉謹自勵卓有獻為首飭學校次脩縣治求訪民瘼罷歲科柴炭政以不擾為本丙戌秋季童入寇海上奉檄平

香山縣志

卷之五

五

之民賴以安凡百叢務黎然悉舉解字橋梁一侈前觀而民不知役滿任去民為立德政碑

明周願萊陽人洪武二十九年以監生任知縣時霖雨害稼方嗷嗷告災而朝命秋糧先撥官軍郡符催逼甚嚴願即捐俸代貧民輸納性尤明敏決斷滯獄囹圄為之一空招徠逃民田野盡闢夏秋二稅不待督責其勤于政理善于撫字為廣州諸邑之最及去老幼扳轅留之

蔡惟溥泉州晉江人永樂三年以進士任知縣賦性

純篤喜怒不形勸勉學校撫集逃民不施鞭扑而百廢悉舉時有三虎為患乃設方畧率以捕獲之閭里以安

馮誠饒州浮梁人永樂間以進士任知縣為政威而不猛寬而有制廉而不矯甚得牧民之道時海濱渾田豪右占據興訟連年不決誠為斷之兩造慙服其訟始息

朱顯延平人成化十四年以舉人任性敏捷政尚扶弱抑強積年健訟十餘輩聞而畏之終其任匿不敢

香山縣志

卷之五

六

出在任寡交接鮮所許可鄉紳中惟長樂令黃瑜次則樂會令柳齊每至即延款竟日去任之日謂人曰黃柳二公俱正直可為矜式每相對未嘗干我以私也解字橋梁經顯營建者皆可久遠凡所施設吏民不欺軍士之悍戾寄庄之豪狡者咸不敢犯揚昂字孔顯建安人少師文敏公榮之孫以蔭入監弘治中知縣事里胥以其出於相裔也或遠近焉昂曰是欲為陽鱈耶斥而遠之饋送一無所受莅政豈弟上下皆稱其廉能巡按御史聶賢疏言宜治繁劇

遂調順德其政如香山時

林士元福州閩縣人由舉人嘉靖七年知縣事士元
慈仁不擾撫愛小民每受訟牒怡聲與之細語盡廉
得其情出言必由衷吏不忍欺士民以是親之久則
如家人父子然一訊卽吐露情實凡百搏節浮費廉
靜不渝上下安焉初學宮在蓮峰山下日久廢壞科
第闕如士元聞諸提學副使蕭鳴鳳相土定基撫按
皆報可始遷入城中殿廡堂齋號舍悉有條理所費
約而易成諸生連有捷鄉書者會當道巡至順德檄
香山縣志

卷之五

士元躬送案卷先諭意索賄士元執不與乃謂人犯
不致欲凌辱之士元奮衣起曰朕民膏脂以奉上寧
死不恐爲也竟不受辱而出卽疏言毋老乞改教職
授潮州府學教授怡然就道去

黃正色字士尚常州江陰人初以進士爲令守制服
闕詣銓部座主霍韜時爲侍郎心知其廉能欲用爲
南海令而廖輕在任乃言於尚書汪鏐曰吾欲正色
暫令近縣可乎且香山雖僻而糧逾二萬亦進士所
宜可令也鏐從之正色雖知韜意至任盡心民事明

奕通敏決斷如流發奸摘伏出人意料每語人曰吾南海令也暫令此爾初澤田多為順德新會暨番禺士夫豪民所奪謂之寄庄戶糧至萬餘石連年逋脫糧役貽累里甲代償民苦之正色首祛其弊詳撫按司府令寄庄戶各就近倉輸納解運邑翕然稱便視事不一月聞廖輕擢判肇慶正色曰吾行矣尋改調南海以績最入為監察御史

周行字鹿野福建龍溪舉人隆慶元年任潔已惠民以寄庄逋逃請陞邑為州順德縣爭之不果時彙商麗處澳門番船至奉檄盤驗有例金峻拒不納惟禁水陸私販及誘賣子女等弊而已

馮生虞字德卿四川大足人由進士萬曆九年任嘗奉文度田單騎齋具不費民間一錢隨土地廣狹盈縮計弓計區以定畝尺寸不忒其度辨晰肥磽分上中下三等始造魚鱗歸號冊民便之

張大猷字武程楚黃人萬曆乙未進士以異蹟調繁來香山會大璫李鳳入粵督稅議駐節縣內大猷抗言曰香山斗大孤城俗凋民瘵近海瘴屬砭人肌骨

建牙于邑誠與稅使非宜若夫彞情巨測易動難制
萬一巡行其地倉卒有變犯及命使如朝廷威德何
議上大璫色沮御史諸大夫咸躩之卒賴中止未幾
姦人投璫羅織邑民四十餘人璫命私人逮之銀鐺
子也于稅府何罪脫有罪皆吾爲父母者過請得代
爲排解如必欲致之有張某在事且不可諸人終不
能恣所欲居久引還中使御之莫可如何也俄復有
他縣人揭報香邑鷄拍諸山有礦可采大璫令樹旗

列厰集亡命千百分踞諸山淫掠橫行不可嚮邇遠
近震動大猷蜜偵其山原無砂礦諸人借名嘯聚日
行詐挾于是臚列受害姓名事款蜜聞之制按立擒
首惡置之法然後闕白稅使稅使終莫能芘自是為
之歛迹居嘗以廉潔自勵每謂移風易俗存乎經術
慨然以教化爲己任鄉邑分立文社捐俸建育英館
為課業所建妙林塔以興文運得一賢士則欣欣獎
掖一時文風丕變其後捷南宮居鼎軸者皆其品藻
士也民有訟者委曲諭以大義兩發其天良平遣之

而已在邑六年以治行第一徵就道邑民父老子弟
追走數百里曰公實生我何忍捨我去呼號挽舟楫
至不能行者累日

王好善字性夫廣西藤縣舉人城東北福山下學宮
隘而就圯好善毅然以改遷為已任復蓮花峰下舊
址庀材鳩工好善俸措居多

蔡善繼字五岳湖州人以進士萬曆三十六年任多
異政發摘若神境內豪訟者咸相戒匿影甫履任偵
知澳彙情形條議制澳十則上之大中丞悉如其議

未幾嶼弁以法繩彙目彙叫囂將變善繼單車馳
澳數言解散縛悖彙至所堂下痛笞之故事彙人無
受笞者善繼素以廉介為彙人所憚臨事控制有法
故彙遂凜凜弭耳受笞而去也平居善詞賦書法適
逸文士也而履危定變直談笑視之後任嶺西道適
再粵總制何士晉下令墮澳城臺一切機宜悉借籌
於善繼香之民蓋始終賴其衽席云
但啟元號五湖江^廬西星子人由鄉進士來任先是邑
有鹽場竈戶輸課煎鹽其後苗田多而斥鹵少煎鹽

之地日削丁頽猶循舊版以故逃亡故絕者多虛丁
賠課爲累甚大啟元於萬歷四十年清審鹽場丁口
憐其疲弊一再申請力爲豁去玖拾柒丁歲代解課
肆拾伍兩有奇而後竈民有更生之望矣建祠立碑
在恭常都翠微村其他蹟多不傳

王如春湖廣人以進士任有兼人才工算數吏不敢
爲奸一日召邑之醫者試之曰民吾赤子也奈何令
庸醫殺之遣之出境又召邑之爲堪輿者曰是皆妄
言覓食耳愚民信之爲禍其家不小亦悉遣之邑大

驚服他邑之奸民爲訟師於香邑者悉繩以法下令
曰凡有訟悉以情直言偽者先治其誣然後視事由
直於是肅然其試士也必自爲文以爲多士式讌邑
之縉紳必游詠終日圍棋搏蒲之屬悉具舉觴謂客
曰客能勝令令當引滿令勝客乎幸無辭羣應曰諾
於是卒無有能勝令者遂皆扶醉出蓋其意氣自命
多如此

周維持字爾調南直金壇人萬曆己未進士泰昌元
年庚申任樂易親民喜造士設仁山書院課諸生有

仁山會課稿辛酉邑舉鄉薦五人一解額一連榜進士皆仁山首擢士

顧其言字公綸松江人進士崇禎十三年庚辰任時御史柳寅東按郡半采峻肅下吏憚之其言直陳地方豪猾民隱艱難正論侃侃立談移日猾吏聞之逃匿吏治既肅乃敷文教與諸士講求古學勤課藝士一經拔識如登龍門焉縣城故庠薄其言捐俸增築建甕城城外建臺自顏曰鬱金曰來青鄉村嚴保甲盛守禦備鄰境賴以安歲饑出積儲勸賑恤荒不爲香山縣志 卷之五 十一

屬事聞詔進給事中去之日士民遮留塞路涕泣如失慈母云

國朝張令憲字胥游南直無錫人貢士順治八年任時省郡初定粟米芻藁之供倍徃昔日督諸里胥諭以理勢俾罔干於法會歲饑首逆梁子直率衆倡亂城陷令憲從容罵賊曰城破身死分所宜然父子遂遇害事聞 詔贈太僕寺卿蔭一子入監讀書

沈蘭字丹穎浙之德清人貢士順治十一年之任途遇盜行李蕭然里胥密以金相饋拒弗受至之日齋

宿告城隍著誓章以見志必手書而口誦之為治禁
差擾戢悍卒輕徭溥賦務與民休息每朔望後一日
延紳士於堂課文講學一時得士為盛

縣佐 二人

明冲敬洪武元年來爲丞當草創之初才幹有爲縣治舊在城內元末徙于連峯經兵燹而廢敬至首訪在城舊署而經營之廨宇旣成百家務悉辦乃擇居止躬勸農桑招撫存恤流移四集凡所弛張編氓稱便時有狂寇倭至人情洶洶敬率民捍禦寇遁去一縣賴以安敬不自爲功輿論多之銳情政事竟以勞瘁卒于官

彭豫字與志吉安泰和人舉明經爲萬安訓導以言事擢縣丞香山在海島間地遠俗囂前爲縣者率尚猛豫至卽寬其教條省其刑罰廢墜具舉流亡來歸濱海諸屯帥暴橫爲民害者徃徃擇民膏腴田誣以荒廢據占自利郡縣不能制豫曰帥欲病吾民乎豫在不可得也乃悉追還民倭寇出沒海上飄忽若風雨民無戎械莫能禦豫教之樹柵積石以待計獲其艦自是不敢近俗蓄蠱毒中者輒死豫廉得之誅徙其家後莫有犯者氓以男女質錢久則沒爲奴婢諭而復之者二十餘人縣有大惰持長吏短長淫臧以

逞前此長吏縮手不敢詰豫悉寘諸法奸宄斂跡歲
早衆禱不應豫曰吾無以文爲也乃謝去里巫躬率
父老百拜籲天與民請命越二日大雨霑足歲得上
熟民舍火且延及公解豫正衣冠向火拜告曰解舍
儲錢穀甲兵之籍有不幸吏固甘罪誠恐大擾民耳
須臾風返火滅公暇卽詣學訓迪諸生遂有登科者
時外裔貢方物自香山入京典其事者失封緘朝廷
遣御史按問事連豫其子啟和願以身代邑民皇皇
恐豫得重罰會赦獲免民大喜迎以歸坐是不得遷

在邑六年考績平于京邸民悼惜之豫每歲兌秋糧
于千戶所終日坐倉兩平收受糧無虛耗民受實惠
俗有耐久坐者必曰爾學彭明府耶

教職 二人

明顏階字德升漳州龍溪人正德十六年以舉人來
爲教諭莊重醇雅克端師範富有學術訓迪惟勤諸
生中有號爲學霸者犯令輒威以夏楚督課每作文
以示程式咸斐然向風首建遷學之議繼毀淫祠以
立社學禁師巫以崇正教嘉靖初與脩武宗實錄脩
辭精確提學副使魏校開席講學委階督諸生之在
道聽講者階終日端坐無惰容言必中節提學特加
禮遇巡按御史徐敷以異材旌焉嘗攝縣事廉幹綽
有餘裕在任七年擢貴州印江知縣

陳鶴齡惠州舉人任儒學教諭醇雅蘊籍每諸生進
謁略去禮法講文義竟日無倦色諸生中有不能供
膏火給喪葬者恒捐貲佐之飭士習勤會課以砥礪
名節爲已任


武職一人

明金世任字泰元浙之義烏人本名家子以儒術于
有司不用則舍而學兵法崇禎間來任前山叅將特
以威信爲澳彘所攝服與縣令協和共事嚴飭士伍
毋敢厲民而士經其節制則又無不一當百者是時
連歲荒侵沿海諸鄉間相聚爲盜世任曰是豈民得
已耶每奉上檄追捕馘渠散脅多所存恤

明周嘉懋浙江人機警有勇略崇禎十四年任香山巡司諸鄉萑苻不靖晝夜無寧晷嘉懋率鄉兵禦之多保障功時邑令顧其言指授機宜故嘉懋得因以自效云

按舊志諸雜屬姓名多湮沒然猶表其尤者元至大間香山場管勾有史從善賦性廉明課以時辦上不欺公下不損民至今稱之永樂中河泊所官有徐希賢廉靜頗知文學扁所居曰梅溪小隱日

惟吟咏其間怡然自適成化間倉大使有湯思和儒雅頗涉獵書史工篆好吟咏醫學訓科有陳禮番禺人術業精專雅好吟咏子駿世其職亦以術鳴弘治初今附書于此無使其弗聞焉



香山縣志之六

知香山縣事申良翰纂修

邑人歐應辰編輯

選舉志總序

薦辟 進士 鄉舉 歲貢 恩貢

拔貢 例貢 例薦 武舉 武勳

吏材 封贈 錄廕 例授

序曰入其邑詩書絃誦之聲泠泠如也雖學道則然哉而科目之盛可知矣今以詩書絃誦爲求科

目焉爾然則不重科目將并詩書絃誦而廢之可乎廢之則三綱淪五常數邑無以爲邑人無以爲人是故選舉之重科目所以囿天下於詩書絃誦而陰驅潛率之於三綱五常之路也選舉必首薦辟謂其近於古也進士次之舉人次之歲恩貢又次之所以出於詩書絃誦者一而食報殊焉吾不得而齊也例監貢次之武舉又次之夫詩書絃誦之道或者得其精焉或者得其狃焉家有可輸之資惡其藏於家也身有可賈之勇不必藏於己也若

夫棄詩書習法令以吏爲師秦人之弊儒者所深
惡及漢用掾史以文無害起家其後多以經術文
飾吏事爲大臣有文武材者史不勝書嗟乎詩書
絃誦亦安在可廢乎哉近之以淑其身上以報其
親下以貽其子孫分途異致科目爲多可以知所
重矣香山稱海濱鄒魯自有明以來名卿輩望雖
盛衰不常乎而詩書絃誦之風至今不絕詩書絃
誦之風不絕而他可無論也作選舉志第六

薦辟

漢

陳

臨

香山縣志

卷之六

三

進士

唐

鄭愚

開成二年

宋

梁杞

慶曆二年

嚴建忠

紹興二十年

官至參議

梁現

嘉熙二年

趙時鏞

淳祐十年 官承節郎本宋宗室
邑合驛夫之子黃梁都人番禺

明

洪武拾捌年乙丑科

周尚文

仁厚坊人
官御史

景泰伍年申戌科

香山縣志

卷之六

四

徐

觀

麻洲街人官南
京刑部郎中

成化貳年丙戌科

馬

駟

黃旗都古鎮人新
會庠官慶遠知府

成化拾壹年乙未科

黃

銓

黃梁都人官廣西按察司副使整
飭柳慶南寧兵備分巡右江道

成化貳拾年甲辰科

盧

淵

麻洲街人官江
西新淦知縣

正德拾陸年辛巳科

黃

佐

字才伯仁厚坊人歷官南京國子
監祭酒贈禮部古侍郎諡文裕

嘉靖貳拾年辛丑科

何派行 字芳洲大攬都小攬人歷官太僕寺正卿

嘉靖肆拾壹年壬戌科

袁三接 字平洲大攬都海洲人歷官府尹

萬曆肆拾壹年癸丑科

李孫宸 字佑襄大攬都小攬人官至南京禮部尚書贈太子太保謚文介

萬曆肆拾柒年己未科

何吾駒 字龍友大攬都小攬人官至左柱國太傅兼太子太師吏部尚書中

極殿大學士鼎革後未請謚

香山縣志

卷之六

五

天啓貳年壬戌科

盧兆龍 字本潛大攬都小攬人歷官吏科都給事申掌計典陞太常寺少卿

崇禎拾年丁丑科

鄭一岳 字子賡蓮塘人官丹徒知縣行取

國朝

順治玖年壬辰

梁雲扶 字克濟大攬都小攬人官高密縣知縣陞吏部主事

鄉舉

宋 紹興叁拾年

陳嘉績 蒲山人

淳祐元年

李廷賓

淳祐伍年

楊達行

寶祐陸年

高維岳

香山縣志

卷之六

六

景定元年

鄭 度

元 至元元年

阮 泳

阮士桂

明 洪武拾柒年甲子科肆拾伍名

第壹名周尙文 仁厚坊人官御史

洪武貳拾年丁卯科伍拾名

貳拾名繆伯榮 龍眼都人

洪武貳拾叁年庚午科伍拾名

肆拾柒名林 茂 小黃圃人官御史

洪武貳拾玖年丙子科捌拾伍名

肆拾柒名林 廣 龍眼都人
平樂教諭

柒拾名歐觀生 仁厚坊人廣府庠
官紹興府教諭

第叁名李 庚 良字都整頭人官
建寧教授

拾肆名許士良 泮沙人官廣西
懷遠訓導

建文元年巳卯科陸拾名

貳拾肆名林 泰 麻子人官浙
江樂清知縣

永樂元年癸未科陸拾伍名 先年壬午靖難
故改期癸未

第肆名楊 閏 麻洲街人四川
卯縣教授

陸拾叁名蔡子璋 麻洲街人四川
重慶府教授

永樂叁年乙酉科壹百叁拾名

柒拾陸名陳嘉猷 龍眼都人

玖拾陸名董 升 曲涌人交趾
清沔知縣

永樂陸年戊子科壹百伍拾伍名

叁拾壹名歐 光 麻洲街人交趾衙儀
知縣陞交州府同知

叁拾玖名鄭 思 蓮塘人交趾
歷底江知縣

捌拾貳名楊宗善後坑人交趾古欄知縣

壹百壹拾叁名嚴旻濠涌人廣西恩城知州

壹百貳拾叁名蒲伯齡古鎮人交趾利仁知州

永樂玖年辛卯科壹百玖拾名

玖拾肆名曹登蘇洲街人

永樂拾貳年甲午科玖拾名

第肆名黎誠涌口人廣西宜山訓導

永樂拾伍年丁酉科壹百壹拾名

壹百壹拾名阮景閏龍眼都人

香山縣志

卷之六

永樂貳拾壹年癸卯科壹百伍拾名

拾捌名陳茂大攬人

捌拾伍名徐常蘇洲街人

宣德元年丙午科肆拾名

貳拾叁名林舉泰之孫福建龍溪教諭

宣德肆年巳酉科肆拾名

第柒名鄭宗維烏石人

拾陸名黃昭蘇洲人廣西羅城教諭

宣德柒年壬子科叁拾捌名

貳拾肆名黃

衡青薑人福建順昌教諭

宣德拾年乙卯科肆拾名

第伍名鄧

志

下柵人廣西遷江教諭

第捌名周

宗

蘇洲街人廣西來賓教諭

正統叁年戊午科肆拾名

叁拾叁名林

暉

舉之從子廣西慶遠府同知

正統玖年甲子科伍拾名

第拾名會

賢

蘇洲街人

拾貳名盧

瑞

蘇洲街人見儒林長史子淵丁酉

香山縣志

卷之六

九

拾柒名丘

斌

官塘人廣西平樂訓導

景泰元年庚午科玖拾貳名

捌拾伍名徐

觀

蘇洲街人甲戌進士刑部郎中

景泰肆年癸酉科壹百壹拾捌名

叁拾叁名馬

駟

古鎮人新會學成化丙戌進士官至慶遠知府

景泰柒年丙子科柒拾伍名

伍拾柒名黃

瑜

字廷美仁厚坊人長樂知縣孫佐進士曾孫在

素舉人

天順叁年乙卯科柒拾伍名

貳拾肆名唐

儀 仁厚坊人廣西柳州教授

成化元年乙酉科柒拾伍名

柒拾叁名黃

銞 字世美黃梁都人乙未進士副使

成化柒年辛卯科柒拾伍名

肆拾貳名鄭

慈 宗維之子湖廣臨武知縣以清謹聞于時

成化拾年甲午科柒拾伍名

第叁名鄭

鴻 蓮塘人孫之藩辛卯

成化拾叁年丁酉科柒拾伍名

貳拾伍名盧

淵 蘇洲街人瑞之子甲辰進士江西新淦知縣

香山縣志

卷之六

十

陸拾伍名賈

鑾 仁厚坊人廣西貴縣知縣

成化貳拾貳年丙午科柒拾伍名

第捌名田

宏 千戶所人知州

肆拾叁名馬

鵬

弘治捌年乙卯科柒拾伍名

柒拾名鄧公善

古鎮人福建羅源知縣

柒拾伍名黃

經 字子常蘇洲街人仲翁孫應天府中式見人物

學正

正德伍年庚午科柒拾伍名

第壹名黃佐 瑜之孫府學祭酒

叁拾名容師成 烏石人

正德拾壹年丙子科柒拾伍名

肆拾伍名鄭棊 蓮塘人江西上猶知縣

嘉靖元年壬午科柒拾伍名

貳拾貳名鄧公度 下柵人公善第知縣

嘉靖拾年辛卯科柒拾伍名

第柒名鄭之藩 鴻之孫蓮塘人

嘉靖拾叁年甲午科柒拾伍名

香山縣志

卷之六

十一

拾陸名何派行 字方洲小攬人辛丑進士官至太僕寺少卿

貳拾玖名梁燾 于戶所人教諭

肆拾玖名劉士騰 字蒼崖大攬人安仁知縣

伍拾貳名何梁 小攬人從化學

嘉靖叁拾肆年乙卯科柒拾伍名

肆拾肆名黃在素 字幼璋廣州府學瑜會孫佐之子

嘉靖肆拾年辛酉科柒拾伍名

貳拾陸名袁三接 字平洲大攬都海洲人壬戌進士府日

肆拾捌名郭紹鸞 字瀛川仁厚坊人兵部司務子尚敬

嘉靖肆拾叁年甲子科柒拾伍名

拾叁名何述瓚 字嵩玄小攬人忠胞弟

拾玖名何述忠 字惺字小攬人溫州府同知

叁拾捌名馮應鰲 字立字廣州學官同知

伍拾柒名楊應魁 字星台南門外人

隆慶元年丁卯科柒拾伍名

伍拾叁名陳大廷 字穗台小攬朝北里人番禺附學生官至彭澤

縣知縣

伍拾陸名何大勛 字願齋小攬人番禺學

隆慶肆年庚午科柒拾伍名

柒拾伍名錢觀光 字大字西門人

萬曆元年癸酉科柒拾伍名

陸拾叁名鄭同寅 字惺所蓮塘人德化縣知縣

柒拾名馮紹京 字念江海州人通判

萬曆肆年丙子科柒拾伍名

第捌名楊文俊 字華南南門人

萬曆柒年乙卯科柒拾伍名

陸拾伍名何孫謀 字翼軒大攬都小攬人浙江湖州同部

萬曆拾年壬午科柴拾伍名

參拾玖名何若麟字文閣縣前街人學正陞新城知縣轉姚安通判

萬曆拾叁年乙酉科柴拾伍名

柒拾叁名唐政字益所麻洲街人順寧府判

萬曆拾陸年戊子科柴拾伍名

拾玖名何日辛字銘我大攬都小攬人

貳拾壹名郭尙敬字吉吾仁厚坊人沙縣知縣

萬曆貳拾貳年甲午科柴拾伍名

參拾壹名梁鍾英改名中朗字昭有小攬人歷官刑部郎中

香山縣志

卷之六

肆拾玖名麥德孚字聚我小攬人桂平知縣

萬曆貳拾伍年丁酉科柴拾伍名

伍拾貳名王廣祚字佐明北門街人

萬曆貳拾捌年庚子科柴拾伍名

參拾壹名何述文字太岐小攬人

肆拾陸名何日寅字贊明小攬人

肆拾捌名何日文字綱初小攬人住龍山東筦庠

萬曆參拾壹年癸卯科柴拾伍名

貳拾伍名毛元愷字金城改名可珍北門人官諸暨知縣

肆拾壹名梁斗耀字節章黃梁部人

萬曆叁拾肆年丙午科柒拾伍名

貳拾玖名何吾駒字龍友小攬人已未進士官至太傅中極殿大

學士吏禮兵三部尚書

萬曆叁拾柒年巳酉科柒拾伍名

第捌名張子麟字鷓洲小攬人

叁拾捌名黃振光字積字長洲人

萬曆肆拾年壬子科柒拾伍名

第貳名李孫宸字伯襄小攬人癸丑進士官至南禮部尚書

柒拾貳名何藻字采侯小攬人官至戶部主事

萬曆肆拾叁年乙卯科捌拾名

肆拾肆名蕭來鳳字羽庭龍眼里人官南寧府同知

伍拾名劉廷玠字霞城龍眼里人

天啓元年辛酉科捌拾叁名

第壹名伍瑞隆字國開大攬人官大梁兵備道

拾貳名何吾濬字長發小攬人官富陽知縣

伍拾叁名梁昌字丕康小攬人朗之姪永康知州

柒拾柒名盧兆龍字亦潛小攬人壬戌進士官吏科都太常寺卿

捌拾名李

樞字衡我沙涌人
官贛榆縣知縣

天啓肆年甲子科捌拾名

參拾名梁國棟字景升
都人官知縣

天啓柒年丁卯科捌拾名

第拾名鄭一岳字于賡蓮塘人丁丑進
士官丹徒知縣行取

崇禎玖年丙子科捌拾名

第貳名梁荷乾字思澹黃
梁都人

崇禎拾貳年巳卯科捌拾名

貳拾伍名梁雲扶字克濟小攬人順治壬
辰進士官高密知縣行取

香山縣志

卷之六

十五

吏部
主事

崇禎拾伍年壬午科捌拾陸名

貳拾伍名何準道字旦兼
小攬人

參拾捌名麥廷賓字賓叔
小攬人

乙酉年閩廣兩省仍舉鄉試香山中式二

人一爲五十一名何執中小攬人一爲

五十三名高有馮龍眼里人後廢

國朝

順治捌年辛卯科

拾叁名李大受字遜廣北門街人

順治拾壹年甲午科

貳拾陸名李六吉字橋公大攬人見任順峨知縣

順治拾肆年丁酉科

第貳名毛定周字景紹西門永寧街人

陸拾名高之霖字沛卿小攬人

捌拾名何之遜字梅郎小攬人

康熙伍年丙午科以策論試士

肆拾名歐應辰字憲君黃旗都海洲人

康熙捌年巳酉科復八股取士

第貳名何鑑字公衡小攬人

肆拾名霍文寅字鳴君南海人寄籍

康熙拾壹年壬子科

肆拾名李騰元字道猷大攬人

肆拾叁名李龍翔字御昇正薰街人

歲貢 恩貢 拔貢

元

嚴士芳四字都人 延祐三年任閩縣教諭

嚴齡孫四字都人 至正十八年任香山訓導

明

嚴以成四字都人 洪武十一年任香山訓導

楊子誠 蘇洲人 引禮舍人

簡文興四字都人

陳濟興 良字都人 入國學 上章言事 奉使同州

香山縣志

卷之六

十七

還御書曰 能幹監生陳濟興 厚資之 未用卒

溫子立 良字都人

高觀名 良字都人

黃德懋 龍眼都人 廣西平樂教諭

徐伯良 蘇洲人 都察院都事

蕭允德 龍眼都人 廣西都司都事

徐勝宗 龍眼都人 廣西北流訓導

陳宗龍 龍眼都人

李仙養 龍眼都人

林 藪四字都人交趾富良知縣

許 勝大字都人廣西慶遠通判

陸 平龍眼都人交趾古費知縣

鮑彥廉泰常都人交趾支封王簿

陳 康龍眼都人

蕭 榮龍眼都人交趾古欄縣丞

周 鼎恭常都人北京撫寧衛經歷

陳 聚龍眼都人

林敬從龍眼都人

林月新龍眼都人

黃仲翁龍眼都人

鄭舉齊谷字都人

黃 敬得能都人

阮 澹谷字都人

蔡 觀良字都人

鄭谷純恭常都人

張瑞夫大字都人交趾利仁州同知

蔡子良良字都人

馬駿恭常都人江西泰和縣丞

伍遜龍眼都人

孫顯谷字都人廣西北流主簿

殷以敬良字都人

黃憲仁厚坊人

鄭恒谷字都人廣西田州府檢校

張廣和良字都人

秦勝昌蘇洲人廣西永淳巡檢

陳鑾仁厚坊人南京忠義衛經歷

盛明大字都人陝西贊皇縣丞

陳太佑四字都人江南永豐縣丞

脩廣順龍眼都人直隸大名府照磨

聶聰恭常都人

王英廣蘇洲人廣西平樂府通判

伍紹昌龍眼都人

黃志福得能都人

黃伯良大字都人

黃 璘四字都人

黃 恩谷字都人直隸胥門遞運所官

柳 齊蘇洲人瓊州府樂會知縣性端嚴有守
在任五年以持正忤時歸

陳堡成成化二年任賀縣縣丞四字都甫山人
黃二福谷字都人雷州衛知事

鄭 常谷字都人

歐如淵蘇洲人

溫南金蓮塘人直隸武進主簿

香山縣志

卷之六

二十

歐 瓊塹頭人

鄭 逵蓮塘人

譚 寬仁厚坊人北京興武衛經歷

劉 湘龍眼都人江西豐城縣丞

林 定蘇子人廣西宣化教授

姚 明蘇洲人

鄭 賢雍陌人湖廣宜章知縣

李 濬庚之孫塹頭街良字都人成化捌年歲

貢官韶州府學訓導

鄭述蓮塘人江西貴溪訓導

李貴雍陷人江西南安府訓導

徐禎蘇洲人福建漳浦訓導

陳文昌莆山人廣西潯州訓導

陳韜茶園人應天寧國訓導

陳賓蓮岡人

陳昭敏蓮岡人

容彬烏石人福建寧德訓導

徐統蘇洲人廣西思恩訓導

陸京谷字都人

吳定塹頭人廣西平樂訓導

黃經

溫瑞北丫人

高鴻大欖都人

蔡日良蘇洲人

楊元潭洲人

黃球仁厚坊人

劉譯龍眼都人廣西北流訓導

程定蘇洲人淮安府學教授

鄭 侯蓮塘人歲貢

汪 翰沙岡頭人廣西平樂訓導

劉 恩蘇洲人

楊 謨蘇洲人萬州訓導

楊 沂仁厚坊人福建永安訓導

方恒實蓮塘人

黃廷璽黃梁都人永寧訓導

唐 寶儀之子廣西荔波知縣陞四川烏蒙通

判

田 範宏之弟廣西北流教授

李尙忠黃旗角人江西廬陵訓導

何子明仁厚坊迎恩街人福建延平府經歷

歐尙文仁厚坊人福建龍溪訓導

蒲蕃舉古鎮人

楊 楷南門人七品散官

曹仲良仁厚坊人福建侯官教諭

程九達定之子福建龍溪訓導

袁 全千戶所人贛縣教諭

吳 漢麻洲人高川石城縣訓導

馮紹京黃旗都海洲人官知州

麥時茂黃旗都人福建南平訓導

歐 熙仁厚坊人江西金谿訓導

馬上裏古鎮人

黃廷珂黃梁都人嘉靖壬辰歲貢

李祖伯沙涌人嘉靖乙卯年

鄭士美蓮塘人嘉靖三十年

楊 濱仁厚坊人嘉靖三十年

侯尚賓嘉靖三十年錢塘教諭

鄭士煥蓮塘人隆慶年歲貢

何大勛小欖人隆慶六年選貢

楊邦權仁厚坊人任江西萍鄉訓導

梁夢雷小欖人萬曆年歲貢任肇慶府訓導

以子中朗貴贈奉直大夫刑部郎中

鄭一相蓮塘人萬曆年歲貢

黃 黃梁都人萬曆五年丁丑歲貢潮州教

授署海陽縣

鄭邦棻蓮塘人號同野萬曆九年選貢江西教

諭陞廣西荔浦縣知縣賓飲十九次

鄭奎蓮塘人萬曆拔貢江西臨江府推官

禰國彥仁厚坊人萬曆十六年歲貢贛州教諭

禰忠萬曆十九年歲貢

曹啟益字文泉萬曆年間選貢知州

侯仰萬曆二十五年博羅縣訓導

鄭士熙濠頭人萬曆二十一年選貢山東長清

縣知縣

黃炳黃梁都人萬曆二十六年潮州教諭

林灝古鎮人萬曆二十五年歲貢初授廣西

鬱林州興業縣教諭陞福建汀州府清流縣

知縣

曹士選小欖人萬曆二十七年己亥選貢

何龍躍迎恩街人號昆川萬曆三十一年歲貢

繆士傑龍眼都人萬曆四十二年選貢任河南

河內縣主簿陞潁川府衛經歷鄉正賓九次

年八十一

李厥躬萬曆三十年壬寅恩貢

何廷梅躍龍之子號衍窓萬曆戊午歲貢大啓
六年授開建訓導後陞瓊州府學教授

鄧璿

蕭崇脩

盧錦麻洲人號斐泉歲貢

蕭鳴鳳小攬人廣西賀縣教諭

利觀光小攬人文昌訓導

香山縣志

卷之六

二十五

鄭洪範平田人瓊州教諭

何鳳文天啓元年恩貢

梁光裔天啓五年歲貢乾霧人

詹露歸善教諭陞廣西王府長史

何源道小攬人崇禎元年恩貢三年庚午科副
榜

李果奇小攬人崇禎七年恩貢授行人司行人

何同德小攬人信宜訓導

羅懋賢小攬人訓導陞湖廣祈陽縣知縣

黃中鼎長洲人崇禎壬午年瓊州訓導陞桂林府教授

何吾周小欖人高州府教授

伍雲古鎮人崇禎八年拔貢瓊州教授

何廷煒小欖人崇禎庚辰特賜進士

麥龍徵小欖人崇禎己卯科副榜

何邇道崇禎十六年歲貢歷任工部主事

何吾駢乙酉科副榜恩貢

麥恂小欖人崇禎十五年

香山縣志

卷之六

袁昌會海洲人

梁中翊小欖人崇禎十五年副榜准貢

余述周乙酉年歲貢

楊晉南門人順治六年考損四年分歲貢十

三年題准廣東通省舊貢

毛天瓚

高贊

麥震專

毛天翥

國朝

梁士楚坎下人順治八年貢

繆志和順治八年歲貢准恩貢

梁國章黃梁都人順治十一年

李果植小攬人順治十四年貢

梁 遇小攬人順治

李蒼琳小攬人順治甲午科副榜准貢

何之遜小攬人順治十三年恩貢

蘇日煥古鎮人順治十七年貢

香山縣志

卷之六

二十七

何 楫小攬人康熙元年歲貢准恩貢

梁宮捷黃梁人康熙元年歲貢

鄭士式黃梁人康熙十年庚戌歲貢是年廷試

陳 顯小攬人康熙壬子年歲貢是年赴廷試

嚴 規濠涌人康熙甲寅年歲貢是年赴廷試

例貢

明

楊集

揚維震南門人廩入太學嘉靖三十二年授福

建沙縣縣丞有政聲陞光祿寺丞見人物

鄭鞏蓮塘人四川彭山縣主簿

鄭卓

鄭孔先蓮塘人廣西布政司檢校

方士彥濠涌人萬曆四十八年任大同宣府經

香山縣志

卷之六

二十八

歷有治聲奉使外國稱職

劉君表大欖人崇禎甲戌年授鴻臚寺序班

楊邦樞隆慶年王府典儀

楊邦臬徽州檢教

鄭朝陞萬曆六年

鄭岳生萬曆三十四年

何吾翀萬曆四十八年廩生克國學

鄭延禧萬曆二十六年

鍾仕俊天啓年

梁凌之天啓三年

方應隆濠涌人天啓 年

梁大畿天啓 年

方祚昌濠涌人天啓六年

鄭廷璿崇禎壬午年

方展梧濠涌人崇禎 年

鮑士良山場人崇禎八年

國朝

鄭光裕康熙十一年

例薦

明

簡 昱得能都人知縣

魏觀安大欖都人恭和江口巡檢

郭 輔良字都人浙江長興知縣

黃觀仕龍眼都人應天府上元縣知縣

馬子浩恭常都人孟津典史

袁志堅大欖都人程鄉典史

李文貴大欖都人直隸鳳陽典史已上俱洪武

香山縣志

卷之六

三十

七年例以人才薦

何延玉小欖人中書舍人陞大理寺右寺副兩

奉恩綸

區大緯由國學授吉安州州同歷任內閣中書

科舍人

何子朗由廩生授侍詔歷任禮部儀制司員外

郎

劉 相大欖人由歲貢徵辟授廣西平樂府昭

平縣知縣歷陞兵部職方同

國朝

方日升龍眼都人授封川縣儒學教諭

楊思誠授茂名縣教諭陞高州府學正

余鼎乾

方應伍龍眼都人授曲江縣訓導

繆志文龍眼都人授番禺縣訓導

舊志薦辟文武資格混不可詳者附列于後

宋

劉中行良字人邕州提學

香山縣志

卷之六

三十一

陳姚孫三水巡檢

劉必從長洲人邕州副將

趙若舉見勇義

黃勝翁廣西養利州吏目謂以才舉宋無此

目

元

李璋通州縣尹

李瓊淮南制置司咨議

陳勇子

李斌

董舜英孝廉英德縣尹

陳子禮香山寨巡檢

吳恕福州石保巡檢

郭復黃田場管勾至元三十一年任滿復仕

嘗捐已財脩學宮置田

阮彥明海康主簿

程世安處州慶陽縣丞

梁茂實石岐寨巡檢

香山縣志

卷之六

三十三

陳可用南海主簿

高允升惠州豐湖書院山長

高允得韶州湘江書院山長按元制在學司直

進身即得為山長高氏兄弟非薦辟明矣

武舉

明

田 輓嘉靖元年中式十三年再舉

楊 機南門人生員

梁善衡嘉靖二十二年第二名

麥 揮嘉靖

何大任二十五年再舉

王 綽千戶嘉靖三十四年

楊維新南門人

香山縣志

卷之六

三十三

劉宗漢嘉靖丙午己酉乙卯連三科

鄭于明蓮塘人嘉靖己酉科

馬 頤百戶所人

楊遇春南門人嘉靖乙卯科

黃胤芳隆慶庚午科

毛元欽萬曆辛卯科

毛 瀚萬曆戊午科

鍾仕韋天啓丁卯科

蔡震一所百戶崇禎癸酉科

劉潛大欖都人崇禎癸酉科授香山寨防倭

武勳

明

高彥恒龍眼都人寧夏百戶

彭信良字都人萊州百戶

楊茂牛起灣人南京金山衛百戶

程觀明大字都人海寧百戶

周德得能都人萊州百戶

梁貴福恭常都人南京錦衣衛指揮

麥揮嘉靖己未進士

香山縣志

卷之六

三五

何吾巖邑庠生崇禎二年赴兵部請纓劄授守

備奉咨回兩廣軍前効用隨征劉香功授遊

擊十二年督鑄大銃解運赴北京序勞實授

叅將管東山陽江諸營著績歷陞廣東都使

司

何兆寧思恩總兵官

吏林

明

黃瑄南京寶源局副使成化二年勅命授登仕郎

韓敬良字都人廣西上思州吏目

歐阿長四字都人江浦典史

黃凱龍眼都人廣西太平倉大使

林瓊龍眼都人同前職

張萬奇黃旗都人晉江縣縣丞年九十有五

香山縣志

卷之六

三六

黃金英龍眼都人新化縣丞

蔡人秀四字都人宜山主簿

林瓊俊四字都人漳浦主簿

阮瑜四字都人湖廣臨武典史

陳禧

鄭倫得能都人鳳陽府倉副使

林烏陳四字都人古田桐木鎮巡檢

陳于谷字都人蕪安典史

鄭大成南京徽州婺源縣典史

劉 鶚龍眼都人嘉靖間任興化衛經歷
黃龍起小隱人萬曆己亥任河南武安縣典史

封贈

明

陳祖佑天順元年以子鑾貴勅封徵仕郎南京忠義後衛經歷司經歷

徐致中成化元年以子觀貴誥命詞畧曰惇崇善行晦迹丘園因子受封益有年矣子今叙陞特封爾為奉政大夫南京刑部河南清吏司郎中

譚清成化十七年以子寬貴勅贈徵仕郎興武香山縣志

卷之六

三十八

衛經歷司經歷

黃隆成化十八年以子鑰貴勅命詞畧曰養恬弗耀為善足稱慶澤所鍾致有合子茲特贈爾為文林郎南京大理寺評事

黃畿嘉靖四年以子佐貴勅命詞畧曰丘園逸士嶺海名家早究力於羣經久馳聲於儒彥仁能周族猶高月旦之評孝以事親克盡天倫之美茲特贈爾為文林郎翰林院編脩何世隆以子派行贈太僕寺卿

袁景升以子三接贈府尹

何純以曾孫吾騶正一品誥贈左柱國特晉光祿大夫太傅兼太子太師吏部尚書中極殿大學士

何世睿以孫吾騶正一品累贈左柱國特晉光祿大夫太傅兼太子太師吏部尚書中極殿大學士

何述鉉以子吾騶正一品累贈左柱國特晉光祿大夫太傅兼太子太師吏部尚書中極殿

香山縣志

卷之六

三十九

大學士

李惇號鈞石以曾孫孫宸累贈光祿大夫太子太保南京禮部尚書

李詒德號平湖以孫孫宸累贈光祿大夫太子太保南京禮部尚書

李厥永號寧灣以子孫宸累贈光祿大夫太子太保南京禮部尚書

梁夢雷肇慶司訓以子中朗贈奉直大夫刑部郎中

何述祿以子富陽縣知縣吾濬勅封文林郎
梁弘綱以子藤縣知縣梁昌勅封文林郎
毛鳶以子毛可珍知諸暨縣勅贈文林郎
郭文綸以子紹鸞貴勅封登仕郎

錄廕

明

何胤榴以祖吾騶經筵日講纂脩實錄成叙勞

廕入監讀書

何宗道以祖吾騶內閣考滿廕入監讀書

李果植小欖貢生以父孫宸廕未仕

李世綸小欖人以祖孫宸廕未仕

例授

明

何圖源大欖都人正統八年 勅命略曰爾能
出穀一千石用助賑濟有司以聞朕甚嘉之今
特賜勅獎諭勞以羊酒旌為義民仍免本戶雜
泛差役三年

鄭本端

劉道延

高斗輔

以上三人俱出穀六百石命有司徵為義民

香山縣志 卷之六 四十二

表門

唐澄儀之父成化七年壽八十八給授冠帶

何庸小欖人成化十一年輸租於邊授七品散

黃鏞黃梁都人鏞之弟

程廸定之父弘治十二年壽八十六

鄭善弘賢之父壽八十一歲

黃流經之父正德元年壽八十四

鄭宗瀾蓮塘人正德十四年壽八十一

鄭光儀雍陌人嘉靖元年壽八十三

黃有純黃梁都人鄉飲賓壽八十八

黃字衡邑庠壽九十六以上俱給授冠帶

鄭偉蓮塘人萬曆間授七品散官

何夢熊小欖人天啓七年禮部給授冠帶

何岐昌小欖人崇禎五年壽七十禮部給授冠

帶

何順生字伯承小欖人崇禎八年禮部給授冠

帶

李孫宸小欖人崇禎九年禮部給授冠帶

何倫先小欖人邑庠生教授生徒著有五經講

意崇禎六年奉禮部劄送授訓導

香山縣志卷之七

知香山縣事中良翰纂修

邑人何鑑編輯

人物志總序

名臣列傳

名賢列傳

孝子列傳

高士列傳

義勇列傳

列女列傳

耆壽列傳

序曰孔子曰十室之邑必有忠信香雖下邑然山川之所孕結代有偉人崛起臣品無論尊卑士行女貞無論常變莫不惇倫植節修行砥名與日月

香山縣志卷之七

一

爭光雖聞有越乎中道如刳股廬墓未嫁守貞能人之所不能不免賢者之過要皆根於天性發乎至誠不要名不炫異將以風厲末俗亦曷可少哉忠信常有好學不常有孔子之所謂學非如後世之通經取科第抑學前人之嘉言懿行而已灤城蘓氏以為透民之法遠莫如近近莫如其所與競近而所與競孰與里閭族黨之賢人君子表而出之使來者慨然而興起不亦善乎作人物志第七

名臣列傳

漢陳臨字子然建安時人也郡舉孝廉官至蒼梧太

守推誠而理導人以孝悌民有遺腹子為其父報怨
殺人者為吏所獲臨知其無嗣令其妻侍獄中後產
一男郡人歌曰蒼梧府君恩廣大能令死囚有後代
後徵為廷尉歿郡人以五月五日祠臨東城門上令
小童潔服舞之其後子孫藩盛播於嶺徼世以為陰
德所致云

唐鄭愚家世毀富駟僅布滿谿谷皆執衣鼎食愚幼
穎力學嘗作詩曰臺山初罷霧岐海正分流漁浦颺
來笛鴻逵翼去舟隱然有濟川之志識者知其公輔
器也開成二年登進士釋褐秘書省校書郎累遷尚

香山縣志 卷之七 二

書郎咸通初為桂管觀察使所至廉察吏弊闔境肅
然三年嶺南西道節度使蔡京苛慘淫刑為邕州軍
士所逐詔以愚代之瘡痍嗷嗷方撫循不暇會南詔
入寇安南都護蔡襲告急勅發荆南湖兩道兵二千
桂管義征子弟三千詣邕州受愚節度而嶺南東道
又奏蠻兵必向邕州宜先保護未可馳赴乃勅愚分
兵備禦而所發諸道兵竟不進襲又奏求益兵愚支
捍半載邕州得免無虞朝廷復督責之愚乃自言儻
臣無將畧請任武臣於是詔義武節度使康承訓代
為節度使發荆襄洪鄂四道兵萬人與之俱亟往救

襲則已無及矣承訓上言愚在鎮善禦守狀朝廷於是始知愚之功詔為禮部侍郎咸通八年知貢舉舊制詩賦多出古句為題士習蹈成篇時詔放雲南子弟還國愚以此試之士多閣筆及放榜鄭洪業第一人及第輿論咸頌其公云黃巢平後廣州殘破僖宗中和初命愚出鎮南海以撫綏功召拜尚書左僕射後三載愚薨無子詩文多散逸不傳僅見一二首則皆竒作也初愚之涖桂也同平章事魏公崖鉉在荆南愚以鉉負海內重望乃袖文卷着錦半臂謁之鉉訝愚自為進士未嘗以文章及門寘素不視惟留夜

香山縣志 卷之七 三

飲愚辭出更衣窻從竊謂此去應是慚其不稱耳既而復易紅錦就席尤加煥麗眾莫能測鉉因愚出閱其所業歎賞至再曰真銷得錦半臂也

宋梁祀延福里人性醇謹好學通五經慶曆六年登進士初為連州司理獄詳明及為桂陽令涖政以惠民為本恤孤寡抑奸猾作陂池教種藝平賦役弭盜賊庶務悉舉虔商有擾市廛者設方畧毆逐之邑以大治嘉祐中遷比部員外郎尋以朝奉郎通判鄂州軍事俗尚巫鬼為置局醫斥去淫邪陋俗為之變熙寧初致仕與運判徐九思建議請立香山為縣

事不果行然自是之後竟成縣治鄉民便之啓其端者杞也是時海曲族望稱陳梁二家而杞家聲尤著稽其譜牒顯仕者十餘人散在他邑凡千餘指經略使仲簡序之其裔孫現係籍番禺嘉熙二年進士知南康作興學校輟俸增祭器政暇課試諸生舉行射禮民懷之

馬南寶沙涌人家饒於財而能讀書好義尤工於詩景炎二年十月端宗自潮州之淺灣航海過邑境南寶獻粟千石以餉軍端宗救獎之召拜權工部侍郎時帝舟為元帥所迫十一月丞相陳宜中少傅兼樞

香山縣志 卷之七 四

密副使張世傑殿前指揮使蘇劉義奉帝幸香山暫宮於南寶家南寶竭力保衛帝躬勞瘁備至元人無知者居數日元兵陷廣州諸將召募潮居里民數百以行南寶謂諸將曰功成之日當以奉迎孝恭懿聖皇帝為先因飲諸將酒曰痛飲黃龍府在此行也遂歌岳武穆直擣長驅之句以相風勵慷慨激烈聞者莫不壯之帝舟將復駐淺灣時猶未至元將哈刺歹及宣府梁雄飛招討王天祿等來襲世傑等與戰於香山島敗績戰艦符印多為所奪將士被執者甚衆陳宜中所統眾尚數千人舟八百艘走秀山中流大

風壞舟衆多溺死宜中僅以身免十二月張世傑奉
帝舟退保秀山尋次於井澳丙子颶風大作舟敗幾
溺帝遂得驚悸疾旬餘諸兵士稍稍來集死者十四
五元將劉深復襲井澳世傑力戰却之陳宜中欲奉
帝走占城乃先往諭意遂逃去南竇聞之慟哭曰丞
相必不返國事危矣後果然景炎三年春都統凌震
復廣州南竇賦詩志喜時帝舟次於化之碭洲疾人
作四月帝崩於碭洲衛王昺即位走厓山張世傑等
從之而曾淵子克山陵使奉帝遺殯南竇家偽為梓
宮出葬其實永福凌在崖山也今邑之深山多凌亦

香山縣志卷之七

五

蓋遺黎為之諱其葬處云南竇方赴厓山會阻病旦
夕謔語未嘗忘也宋亡悲憤不食元人籍仕宋者南
竇匿姓名當作詩有日擊厓門天地改寸心難與夜
潮消之句又曰象星耿耿滄溟底恨不同歸一少微
聞者哀之相傳端宗臨幸時丹荔方熟帝摘一枝其
後經摘處風味獨殊人以為異已而元兵欲屠潮居
里人為南竇危之而南竇恬不為動竟以壽終

明盧瑞字廷圭麻州人少穎悟從同舍先輩曾賢游
有聲庠序時稱曾廬正統甲子鄉薦與賢名在上第
計偕北上賢道喪明瑞念母老在堂需祿養遂就職

得橫州學正因送賢至家而後奉母就養人皆避之
瑞善講經士皆解願任內三科舉子十三人進士一
人前此未有也學宮久圯州守倅以白金四百兩屬
瑞重建比落成規制視舊有加焉人皆美其有治林
薦補守缺不果用以內艱歸橫士從而來卒業者十
數人服闋改高唐州州久無甲第瑞擇其秀穎者加
意教之三年中得進士二劉魁為御史梁鏞為給事
中人每謂人曰吾輩非盧先生不至此秩滿士子
羣送至二三百里亦有抵京師而後返者考宗權思
恩府學教授思恩乃羈縻州郡立學未久獯人不能

香山縣志 卷之七 六

華言言必待譯瑞諄諄訓諭無少厭倦用是積久而
通真入大學者與柳慶無異岑莫以土人為知府頗
知書以宦遊士夫多求索往往輕之獨于瑞加敬歲
饑從瑞請發倉賑之民賴以甦會缺同知象曰盧先
生生我我無以為報請于英乞以瑞補英遂聞于朝
然已有岷府長史之除矣瑞至藩王與世子皆尊禮
之僚屬卒隸受約束惟僅上下各得其驩心歲餘卒
于官年五十四後藩府有事逮至都御史劉魁適典
獄事訊及其人咸泣曰使盧長史在豈有是哉
黃瑜字廷美仁厚坊人幼聰穎明尚書景泰丙子舉

於鄉入成均以經術為一時冠天順癸未歷事戶部
疏六事上之一曰正身則天下治二曰正家則天下
定三曰正禮則天下化四曰正樂則正下和五曰正
稅賦則天下富六曰正軍伍則天下安凡數千言觸
權貴將得罪賴吏部尚書王翺右部侍郎薛遠拯之
而免行取御史臺銓部已奏明矣其夜有俞姓者奪
之殊不色愠曰吾名類彼姓安知始非錯耶成化己
丑乃授長樂知縣廣興惠鄰郡曰吾鄉人蒞鄉人先
化而後正之乃首捐俸遷建學校日與學官子弟講
明經史時科目闕有問矣自是會瓊林廣連舉於鄉

兄弟有相訟者開導以因心之義皆涕泣受教退讓
而去義官李允擒劇盜盧公林至謂曰盍為良民乎
曲諭數四即破械放之允叩頭爭曰此賊為害數十
年矣縱放則流害茲大笑曰彼良心已動森不可遏
非汝所知也公林果革心力田永不為盜豪民殺人
匿其屍訊不詞服法司欲從疑釋因請自訊忽蚱蟻
折左股斃于硯謂曰汝折其左股沉黑水池中神告
我矣氓驚服其洗寃燭奸此類也以勁直忤當道浩
然求去民攀留不可則立其生祠歸途經黃土嶺向
所化盜盧公林者率子弟親肩其輿過嶺其剛而能

感如此既歸徒居會城番山下手植槐二構亭吟嘯
其中自稱雙槐老人曰子孫能更植其一則吾志畢
矣蓋希蹤三槐也為學以存誠為本嘗自誦曰不欺
心不欺人由外而一之誠之不然而徒有文章事業
終小人耳置朱子語類及唐音杜詩于臥所晨起讀
語類以析名理暮則咏詩數章而後就寢于聲色紛
華一無所好卒年七十有三所著有雙槐集及歲抄
藏于家

黃鑰字世美黃梁都人成化乙未進士授大理寺評
事審讞有能名陞廣西按察司僉事弘治初間住家

香山縣志 卷之七 八

居會鬱林陸川寇起詔鑰軍門聽用定鬱林博白流
民幾三千戶清無徵稅米二千石襲殺歸化賊郭公
才等與陶魯歐磐皆威行夷獍以功復前職改江西
按察司僉事分巡南昌道擒瑞州賊王宏湖廣賊姚
明禮俱散其黨都御史劉大夏總督兩廣以鑰嘗有
功廣西乃薦陞副使整飭柳慶南寧等處兵備兼分
巡右江道洎任旬餘卒

盧淵字光潛晚號釣叟成化丁酉舉於鄉甲辰成進
士授江西新淦縣政暇與多士論文每至夜分不休
隣封遠近之士咸北面焉嘗與郡守議地方利弊語

多抗激守不懌因謂之曰朝廷設官尊卑相馭大小相維未聞等級不辨也淵抗聲應之曰官不論尊卑期於盡職事關民社豈容緘默如以任事為侵官盡吉為犯上恐非朝廷命官之意語畢趨出即求解組歸以詩文自娛有鈞叟集行世

黃佐字才伯號泰泉生而穎異四歲受孝經及就外傳問曰大學自綱領條目之外何以釋本末而不及終始師不能荅年十二成舉子業乃更學為古文詞詩賦學使者以孔氏遺書命論題佐謂會子發堯舜之所未發者慎獨是也授置第一自是廣稽博覽至

香山縣志 卷之七 九

忘寢食歎曰孔門之道知行並進知為行之始行為知之終偏廢者均病也正德庚午領鄉薦第一庚辰以失路引不得與會試大宗伯毛澄少宗伯王瓚咸重佐特許之同考太史張衍慶得佐文置第一大學士召瑤病其專抑置第十八是時武宗南巡不及廷對明年世宗即位五月臚傳大學士蔣冕閱佐卷又擬第一同官楊廷和以其所言切直抑置二甲及選館職五試皆第一時乾清宮告成蔣學士命賦之佐馬萬言授編脩時世宗初政即上初政要數事又上脩舉新政疏皆留中會試克同考官所得士皆一

時知名康陵既祔大禮議興禮官毛澄議兄終弟及無追尊之禮宜仿漢定陶王故事佐王其說署名牘尾異議者以為黨因力請終養會冊封南渭王克岷府副使事竣歸即疏奏陳情不報秩滿覃恩佐曰可以養母矣疏求歸養又不報疏凡三上得俞旨乃出潞河渡大江訪大中丞王守仁於越論及良知佐曰知猶目也行猶足也雖乃一時俱到其實知先行後守仁曰君太信宋儒佐曰知之非艱行之為艱豈宋儒耶夫子亦曰知之未嘗復行也守仁歎曰直諫多聞吾益友也家居奉母無何以年例出佐江西僉

事佐聞命就道疏乞養母不報隨補廣西提學佐屢疏不已或謂曰君命數臨義無屢請恐反為太夫人憂柰何佐乃強起抵蒼梧謁軍門舊謁者必跪佐長揖撫臣不悅甫抵任與諸生發明理一分殊之旨輯理學本源諸書頒行郡邑嚴士習撤淫祠行射禮舉節孝立鄉社以風勵之由是西粵士風丕變其後聞母病棄官歸撫臣劾之大學士李時薦佐有程朱之學宜充經筵世宗亦知佐名遂令致仕時象山之學偏天下多指考亭為支離佐語學者曰朱子有萬世不易之定論有一時荅問之言偶記於傳註而非定

論者如易曰一陰一陽之謂道本義曰陰陽迭運者氣也而其理則所謂道此定論也若註中庸太極圖說語類採入性理大全者則非定論也作格物說諸篇樞部薦佐才可大用垣中董進第等以遺逸薦禮臣呂柟以宮僚薦皆為議禮者所沮然上思李時薦佐欲用之一日幸平臺以問閣臣夏言曰可遂以春坊司諫起佐於家比至京師即上九經政要疏草儲訓書以閣臣沮不果上尋克經筵講官侍讀掌南院事遷諭德脩撰同脩玉牒再遷南京國子監祭酒比辭闕廷至南雍頌五倫條約禁超撥清廩餼以給諸

香山縣志 卷之七 十一

生出舊著樂典使肆習學士張治曰樂典一書籥韶九成可復作也佐始為此書夢夫子告以知崇禮卑之說積思二十年始克成之無何太夫人卒於官舍扶襯南歸服闋進宮詹學士入西苑見閣臣夏言惟再拜議河套事夏遜其通達然益不悅或勸佐委蛇從時佐曰爵懸於君命懸於天道長時也道消亦時也吾惟與道偕行而已遂決意乞休卜築禺山之陽四方士雲集復請講學因倣白鹿故事曰錄所聞曰庸吉居嘗語諸及門曰詞章之說勝始有無用之文虛寂之說行始有無文之學魯論示人篤信好學始

乎說樂不愠終乎知禮知命知言必真知之必誠行之乃成君子遊其門者人見之必推曰泰泉先生弟子也年七十有七將易筭猶講易繫曰自天祐之吉無不利當以王弼註為是援筆作四言詩有氣完光岳身在雲霄之句謂門人曰弘毅之學當如是也言訖而逝贈禮部右侍郎遣官諭祭謚文裕所著有詩文集六十卷樂典三十六卷詩經通解二十五卷春秋傳意十二卷庸言十二卷鄉禮七卷革除遺事十六卷翰林記二十卷廣州府志六十卷廣東通志七十卷香山志八卷小學古訓姆訓兩京賦敷教錄各

一卷

劉士騰字于朝大欖人幼穎異讀書過目成誦年二十二舉嘉靖甲午鄉薦就淮安安東教諭壬子分典浙江鄉試遷知安仁縣縣當孔道苦送迎士騰繪圖上獻請節費省役以恤民疲報可即劄諸石豎縣門及紫雲驛上民賴蘇息治多水患鑿渠導於錦江以決其暴積患由茲止至今名曰劉公渠

楊維震字孟起補邑弟子員湛深經術以博洽入國學六館生成推服咨移吏部選授福建沙縣縣丞維震曰丞佐令行政者也自人不以道任其職遂為世

所輕何職之不可行道耶政事之暇讀書談文與沙士之知名者日相倡和縣令問以事相遺一無所染御史廉知其績特為疏薦嘉隆間薦丞自震始何泝行字方洲小欖人嘉靖辛丑成進士以部郎晉太僕寺卿奉勅按視山西馬政具疏清釐額馬一時權貴咸畏之翼氏某至其地閑說官事謝絕之立促使歸里後乃長跪請罪其介性如此

袁三接字平洲為諸生貧苦嘗抱卷伊吾就隣家燈火盡夜不少輟嘉靖辛酉舉於鄉壬戌成進士司理廬州有平允聲入為戶部主事應酬游譟一切謝絕

香山縣志 卷之七 十三

日夕惟考覈部事得失每呈堂稿多所爭執久歷郎署轉光祿少卿尋晉應天府丞又二年晉順天府尹萬曆初大璫銳意開採珠池夜半遺書訪珠池之利三接艷然變色就燭前焚之越日伏闕疏論開採大為粵害民生愁怨盜賊釀起皆由于是設使朝廷欲得珠不過煩部檄一紙下地方官自可得報上命耳安用中涓為由是寢議未幾中使李鳳復以開採驛騷粵地而三接已卒時論追惜之

何述忠字惺字小欖人與弟述瓚同舉嘉靖甲子鄉闈少有夙慧父世壽嘗與友人借瞿昆湖全場卷授

之覽一過默書一字不失家無藏書古今文詞成就坊間閱歸錄之生平讀書等身無遺忘者十上公車母容氏勉以祿養萬曆辛丑謁選浙江溫州府判憲每鬱鬱不自得至則進父老問地方阨塞振飭之尤重名節捐俸新顏真卿祠自為文表章林景熙唐珏遺事常進諸生講學出豆羹共飯其誠朴如此郡有疑獄經二十年屢讞不結直指檄述忠覆勘盡得其寃狀闔郡稱平未幾奔母喪回里其貧樂道監司某故門下士式閭請謁欲有所獻不敢言而止終其任一無所請托惟受其表門一榜曰東甌遺愛而已享

香山縣志 卷之七 古

年八十有八祀鄉賢

鄭邦栻蓮塘人性孝友未冠補弟子員高等稍長授徒講學道近宗之執經者數百人邑侯周行命其子弟師之曰濂洛之傳端在此矣居父喪哀毀骨立既葬廬墓三年遇諱日水漿不入口已誕辰益哀思雖年逾九十不許孫子觸祝蓋終身孺慕然也以拔貢知廣西荔浦縣縣僻西陲民素頑獷而長吏亦以地遠便為姦利多無名之征以故民益怨上習為刁悍邦栻至一以德化道之蠲額外之征春秋履畝勸課農桑不期月而其民化捐俸飾學宮勵諸士以文藝

前此科名寂然是年邑生劉大業遂擢高第近縣土
司恃險遠每奪民田舍奴役之邦棧為理諭清復民
田數千畝有以威劫其民為獲者悉復之士民為
建革雜稅碑構勸農亭以示不忘之意家居禮請鄉
飲賓者凡十有九時萬曆中鄉評猶為近古邑中雖
有耆年舊德無敢先邦棧者

唐政字文和麻洲人萬曆乙酉舉於鄉數上公車以
親老祿養為急就應天 縣教諭迎養父至儀真
道喪政哀毀踰禮杖不能起扶襯歸葬並葬其先世
數喪服闋補廣西永淳縣教諭陞湖廣光化縣令再

香山縣志 卷之七 十五

陞雲南順寧府通判政坦懷接物至誠率躬民不忍
欺御史薦政卓異會母喪擗踊就道廢辭謝禮銜史
復命中以法士民控軍門為訟寃既歸絕意仕進以
詩賦自娛年八十有一

鄭士熙字我純濠頭人本浦江人先世宦粵遂家焉
性仁孝幼失怙哀動路人奉母教惟謹事前母長兄
友愛尤篤兄業農借之田間夜歸鬼物逢之却走人
以為異讀書攻苦不少輟同舍生強之嬉戲正色告
曰兄力田以糶養食我我耕硯忍以鹵莽報乎弱冠
饒于庠萬曆二十一年拔貢謁選得潮陽學博以端

士習正文體為急于儔人中識拔吳道坤為諸士矜式遣二子一龍一岳從之游遷山東長清令會歲荒民饑輒開倉借賑復念溝瘠未甦不忍追逋時巡方覈報不償將以白簡從事士熙恬然曰幸存活已多一官奚惜乎百姓聞之爭相輸旬日而足調湖廣城步縣先是縣中有橫征嘗例革除之勒石示禁每出童子百十人迎拜馬首曰公實生我士熙笑撫之署中飲水茹蔬及投老歸里家徒壁立晏如也有侵其祖塋者邑尹廉得實欲置之法且檄令他徒士熙止之曰彼誠不直死者何知尹歎息曰先生可謂至德矣

毛可珍字美仲原名元鑑其先耒陽人洪武間從軍入粵後征賀縣有功授香山百戶因家焉生而端慤數歲舉止如成人稍長有聲庠序萬曆癸卯舉於鄉知諸暨縣縣在萬山中夙稱難治可珍月吉讀法進父老講仁讓政大和暨陽有義塚勢家溺堪輿言欲盡奪之可珍焚香誓天具文申請詞旨激烈大吏直其事勒碑永禁侵奪鄉人名其地曰毛公地俗溺女嚴連坐法存活者以千萬計貧民以男女為質踰期沒為奴婢可珍計其傭直還諸父母調靜海時蘆田

久為豪家私庄歲耗課額不數月宿弊頓清晚年高蹈不出屬績前一日授筆自作行狀授門人率年八十有八康熙十二年知縣申良翰申請上臺題准崇祀鄉賢

曹士選號太連龍眼都人善屬文試輒高等萬曆己亥選貢第一廷試第二初授浙江杭州府通判有清聲逾年丁外艱去服闋補湖廣承天府通判時藩王子弟恣橫虐民更不能制士選奮不顧身為民請命藩下稍稍斂戢民賴以安大吏以是重之委署府篆兼攝四縣士選益勵清操勤於庶政案無滯牘獄無冤民尋復丁內艱去之曰囊橐蕭然士民遮道涕泣為建祠立碑

何吾騶字龍友號象岡少時嘗當席試無絃琴賦一座歎賞萬曆丙午舉於鄉公車途次上父詩婉孌肫惻已未成進士痛父不逮祿養愀然不樂廷試初擬鼎甲神宗手書改二甲四名授翰林院庶吉士館課常第一內閣語同館曰若等文行皆當以何生為法性嚴介時神廟端拱四十年人情玩愒士大夫捨廉隅尚圓通吾騶以名教為己任天啓元年秋散館授編脩領覃恩勅命奉冊益藩謝絕餽遺禮成便道覲

母會逆閹用事憂憤太息曰禍將作矣吾其終身奉
吾母乎未幾嫡母劉生母羅相繼去世廬墓六載丁
卯服闋時瑞禍正烈吾駟告於家廟曰兒主臣義不
容已年來皇甫威明之恥懷之久矣嘗恐貽親憂今
不於親存日見膺滂事是天之厚吾親也從此名義
所關倘僅遭削奪當單騎歸奉墓田耳秋入都未旬
日而熹廟升遐烈皇帝從信邸入承大統一切登極
詔誥冊文謚議政府咸以屬吾駟是時逆瑞雖已就
戮而黨類猶列班行遂詣政府曰今日大事在褒忠
起廢而已誠宜速舉行副中外望其頌瑞建祠搏擊

善類諸奸宜分別輕重以彰維新之化至于君子小
人之分宜於激揚中默寓變化之術從此磨礪砥礪
天下人心當漸歸正耳旋得詔毀天下逆祠分別黨
罪重輕其以門戶削籍者次第登用尋晉中允再晉
諭德掌右春坊事知制誥纂修神廟光廟實錄崇禎
元年春晉左庶子掌左春坊事分較禮闈秋克經筵
日講官書義之外多引古證今反覆推明歸之人主
二年正月進講生財大道一節上嘉悅諭內閣曰這
講切裨時政作何票發各部覆行閣臣奏御前講章
無票發之例講內有合聖慮者容臣擬諭該部具覆

上領之因取章內所陳屯田班軍冗濫員役及賦役
全書諸事分屬部覆仍粘所講於文華殿屏二月又
進講畜馬乘二節至無如之何之句吾駟正色起奏
曰天下無不可為之事聖人無不可為之時所以說
無如之何者蓋小人之為國家亦自有聰明疆察之
才似是而非之議人主不覺聽任至於專久紀綱日
壞人心日離雖悔無及此邪正之幾不可不辨之蚤
也然使人主當此無如何之時誠能悚然警懼猛然
改圖亦自有撥亂為治之理臣常讀易當豐之時爻
彖凜凜致戒而時當蠱壞正菑害竝至之日文王繫

詞則曰元亨曰先甲三日後甲三日天下事肯更新
肯丁寧宜無不可為者上復俯詢既已蠱矣如何復
得元亨對曰蠱是紀綱廢墜政事流失此時天心厭
亂人心望治忽然天挺聖人紀綱政事人情天命立
見轉移所以繫曰元亨又詢何謂先甲後甲對曰祖
宗成憲原自無弊到蠱時為小人變亂此時要從新
脩飭所以文王下更新字又要君臣汲汲皇皇始終
振作然後可以傾否開泰所以又下丁寧字上嘉歎
久之會纂脩神廟實錄成晉少詹事兼侍講學士領
恩廕誥命三年春扈從臨雍以師臣禮坐論賜茶轉

正詹侍讀學士四年冬光廟實錄成賜白金文綺五年晉禮部右侍郎協理詹事府事仍克經筵日講官與烏程溫體仁齟齬疏請求歸不報六年會推閣員廷臣咸首舉吾騶晉禮部尚書兼東閣大學士入閣辦事三疏懇辭始拜命既相開誠布公持大體每奉暖閣召對凡會計典禮邊防河漕水旱盜賊諸事言極剴切尤毅然進賢退不肖時陳宗伯子壯姚宮詹希孟張庶嘗溥皆為烏程所嫉吾騶力為調護言宮如范淑秦章正宸凌義渠姜思睿吳履中或慙直忤旨或持正中媚嫉又悉力匡拯於是建白者得以盡

言而忌者益兢兢矣七年以登萊捷功加宮保又以羽林河內捷晉殿學廕子皆具疏辭時中使監督諸路所在驛騷具揭請並徹督餉者火災起戚畹家歸咎道上蓆舍奉旨撤去吾騶具揭爭曰戚畹不慎窮民何辜若撤此將使數萬人宵啼露處於輦轂下矣遂得免撤是年內閣考滿晉殿學廕入監讀書領

三代誥命上手勅褒美時召對命廷臣各舉堪任冢宰者少宰舉欽定魏黨呂純如吾騶不可曰故事會推大僚有不合者科道專司叅駁今可溈然率相舉乎臺省遂交章論劾卒寢之先是都諫許譽卿疏下

溫擬旨譽卿把持行私著革職吾駟曰太宰疏論言
官未有顯跡應令自行回話或發廷臣會勘遽擬革
職非朝廷優養言路意也大忤溫意文震孟太息曰
言官抗論得罪權要自昔為榮許都諫即褫籍去庸
何傷溫色變袖太宰疏是夕宿直房草密揭劾震孟
及吾駟吾駟立草疏乞骸奉旨准致仕去震孟亦同
日去倪司成元璐追別郊外贈詩云如何鼎耳雉飛
鳴占曰台司怪事生累日精思堂偃月一時坐失手
調羹已知渭水分涇水豈必蠻兵報觸兵天上風雷
等閒事讀詩誰不讀東征從前夢卜與人情未若新

篇又送行難得青蠅為杜宇原無鳥鳥變倉鷄蘇公
暴公各盟詛雷戶屋戶如踐更聞道橫琴山色好繇
他王氣屬秦城都人士咨嗟傳誦達于禁籞云既歸
家居講學以匡正風俗為事四方學者過從日衆遂
葺翁陔園創異撰堂愚公樓以處之為香邑請廣第
子員額至今賴之丙寅歲荒捐資貴糴賤售存活甚
衆濠鏡澳彙誘亡命掠市子女吾駟為制府條上方
略邑賴安堵壬午癸未間連歲旱盜且四起先事設
賑諸衛所屯田以荒陷告者貽當事書分別停徵軍
丁賴以安集甲申變作北望哀號直經入省郡行哭

臨禮後聞留都定策旋返山中賦十五聲哭詞秋悲
八章見志憂悲成疾卒時年七十有一所著有元氣
堂詩文集三十卷經筵日講拜稽錄四卷周易補註
四卷雲笈軒稿二卷石刻楷草四種藏於家

李孫宸字伯襄小欖人萬曆壬子鄉試第二癸丑成
進士授翰林院庶吉士乙卯予告還里營先人葬間
登羅浮西樵諸山與樵牧狎處遊屐所至賦詠成帙
庚申秋入京直起居注旋掌內書堂不欲與中涓作
緣求改掌誥勅文辭莊嚴有體壬戌較禮闈得人稱
盛先是神廟光廟相繼升遐班聯中門戶角立孫宸

冊封藩府事峻歸里超然評論之外尋晉掌春坊左
庶子奉纂脩之命乙丑春赴京途次晉南京國子祭酒
除納班准撥之例素封不得輸資買閒丙寅春晉詹
事府侍讀學士教習庶吉士以節義相砥礪晉南禮
部右侍郎攝禮戶兩尚書事中官矯旨命禮部監逆
闈祠額孫宸竟寢不行崇禎初晉禮部左侍郎掌翰
林院察典晉經筵克日講寓箴規於剖析脗合時政
上霽顏聽受有行學俱優之褒庚午回部頒程式以
挽浮靡禁異服以還樸茂申救科場苛摘考官得量
議卒未知貢舉進士井濟文誤犯光廟諱及禮部主

事馮起綸回奏魏光緒參鄧之沛事俱下部從重議處孫宸代為引罪極力申救得輕擬時論多之五月亢暘詔上書陳言孫宸具疏有日母以意在振弛而間加重典母以言者過當而遂動嚴呵隱刺時政意倍婉切奉旨切責回話卒蒙鑒宥十月詔諸臣面陳時政孫宸備陳陰陽消長大小往來國家治亂而外吏貪污繇撫按情面廷臣廢弛因宦官干政反覆剴切晉南禮部尚書上地震疏再申前疏所未悉舊制有寺田五百頃供陵寢香火為豪強所據孫宸清覈復舊額南國子生每大比例待北部發咨應試癸酉

科以他事通行察覆北咨未發孫宸疏請暫據南咨起送國子生乃得與試甲戌秋三疏乞骸俱奉旨慰留孫宸還山念切因賦金陵歸思百韻詳在家乘中年五十有五卒於官囊篋蕭然惟古爐香帶各一鬻克歛殯其餘圖書字畫敝衣數襲而已詩祖三百篇字祖晉魏草篆隸楷皆工著有建霞樓等集行世何藻字采侯小攬人萬曆壬子舉於鄉公車報罷道出齊魯謁闕里登泰山縱觀七十二家之遺發諸歌詠以見其性情以母病不肯赴春官試辛酉冬母曰汝某行也天下事病者未必死而死者未必病也此

行倘博一第邀朝廷祿養便可畢我一生矣乃治裝
然度嶺未幾托疾返甲子丁母憂哀毀骨立幾不能
起三年中未嘗與家人歡接一語有終焉之志戊辰
族人勸勉入都得潮之普寧學博甲戌陞國學博尋
轉戶部主事督理山東臨清倉務倉向用舊斛年久
就壞補治漸失舊制藻念民困以極為請更新斛以
便民時中使督催山東四省糧餉按臨清藻抗禮不
少遜中使啣之飛章劾藻匿新斛用舊斛就逮詔獄
藻處之怡然曰禮蹙君路馬芻者有誅况中使乎臣
知臣罪矣及中使以賄敗得脫詔復原職官至戶部

廣東司郎中卒年七十有三著有普寧宦稿三卷西
塘彙刻二十卷螽斯集二卷四六新抄五卷清署紀
言二卷

蕭來鳳字啓韶萬曆乙卯舉於鄉性狷介不苟取鄉
薦十餘年惟置田二十畝初授龍川學博再補合浦
學博遷知廣西河池州事州故僻簡來鳳因俗為治
吏民安之以循良奏最遷南寧府同知有廉惠聲嘗
署邊州事多所興草地近交趾有官兵鄉勇各五千
悉統於州官來鳳以書生將萬人嚴賞罰勤訓練無
敢譴諫失伍離次以嬉者及得代所過鄉落扶老攜

幼稚牛酒候送于道

伍瑞隆字國開大欖人領辛酉鄉薦解額丁丑中會
科副榜授化州教諭修高州郡志以信史稱擢翰林
院待詔遷戶部主事再遷員外郎管倉場歷河南兵
巡道謝病歸以樗櫟自況所居名雩樂林村蓋取義
樗櫟也著有臨雲集辟塵集金門草白榆草石龍草
雩樂林草賦草工字畫世寶之

盧兆龍字本潛小欖人天啓辛酉壬戌聯捷進士筮
仕清江縣性嚴毅廉介課農桑輕徭役免罪贖犯者
赴官道旁植柳一株有鞫土神殺淫僧諸案遠近神

之政暇則集諸生譚說理要行取工科給事中甲戌
會試分考晉吏科都給事中京察掌計典抗論權要
直聲震朝野時大冢宰缺少宰張捷疏舉呂純如兆
龍率六科交章論呂嘗黨魏害正上手定璫案墨潘
未乾而臣子自違背之何以示天下後世并劾捷妄
舉事遂寢前後掌垣八年多所建白烈皇帝特賜黃
金百金金扇一御書剛大精神直方氣骨以寵異之
冊封益桂兩藩著有桐封集遊五岳集
梁國棟字景升黃梁都人天啓壬戌恩選甲子舉於
鄉授江西彭澤令彭澤俗刁民罷棟廉以持已敏以

御物民懷其惠姦畏其威咸稱為鐵面梁公甲申闖賊之變附逆者蜂起國棟擒獲偽官三偽印二左帥兵所經州縣無不殘掠及過彭澤誠曰此梁侯境土也慎毋擾以母老求歸去官日彭澤士民哭留遮道家居十二載讀書自樂年七十有一鄭一岳字東巖與兄一龍同補邑廩餼而一岳名尤籍甚丁卯舉於鄉丁丑成進士知鎮江丹徒縣縣當大江之衝南北郵傳往來迎送無虛晷且卯辰之間徵兵調賦蹄織羽飛令其邑者往往以奔走簡書形疲神瘁而拊循保障無論已一岳才足四應一切造

請徵發咄嗟而辦未嘗煩苦其民常預支借庫貯遠糴糧米以備漕兌緩急而後緩征補庫藏由是課額屢登歲蝗旱民多流亡一岳建廠賑粥存活以萬計少暇即課文造士捐俸置田二百畝供多士膏火士為立香山書院時邑紳萬編語太守曰歲饑穀貴由於酒戶盍禁之守然其說酒戶鼓譟破萬家守不能禁一岳立遣人擒治其首亂者遂帖然會山賊抵境舉城洶洶太守曰令行矣乃毅然跨馬率家丁百十人夜往轉戰擒其渠魁羣賊散去邑賴以安任滿行取旨下謂行取知縣練達可暫補殘破縣去數月當

另召一岳得山東單縣是時齊魯荒殘尤甚單又僻
邑豪右橫肆鄉里有忤其意者率置獄中不由令而
獄卒又穴地理人至半截立死一岳廉得其冤民狀
立斃獄卒於杖下邑大稱快無何以母周氏八十垂
病陳情會甲申變起孤城疫邑事不可為一岳愴然
就道至南康舟次病忽發不藥以死

朝梁雲扶字圓嶠小欖人為諸生以文章著名制業
之暇旁及詩歌崇禎己卯舉於鄉

朝順治壬辰成進士授山東高密縣知縣甫之任鄰
境鎮將叛雲扶守禦有方民賴以安甲午分闈較士

所識拔率名下士今多為顯官在治卓有政聲奉
欽取授吏部驗封司主事卒於官所著有詩文等集

名賢列傳

宋陳天覺庫涌人紹興八年戊午試博學宏詞科議論直切為時貴所黜不仕先是香山止設寨官一員二十二年天覺建言香山寨宜改陞為縣便民東莞令姚孝資以其言請於朝乃割四縣瀕海地為香山縣

劉中行良治圍人任瓊州監押引諭生黎五百餘人歸款于宋初授秉義郎再授從義郎邕州左右江提舉後致政歸舍宅地為無量寺而終老于恭常都南大涌今子孫尚存

元阮泳延福里人至元初領鄉薦為邑學教諭遷惠州路學授學博行修一時視為儀表攻古文辭以韓歐為宗子士桂亦領鄉薦以文行名

趙若舉黃梁都人本宋宗室瑞宗景炎元年王師航海若舉赴難授武翼大夫帶行在閣門

募潮居里民數百以勤王擢廣南東路兵馬鈐轄宋亡元張弘範遣兵欲屠潮居若舉力以一鄉民命為請于是潮居里三百餘家賴以安

趙梅南黃梁都人本宋宗室承節郎時縱之孫邑令惲夫之裔善書翰浮游物外好品藻詩文嘗作潮居

八景詩同邑楊士元序之評以為因事陳詞氣嚴理
正士元遂廢和梅南往復辯論必求工而後已與士
元書畧曰潮居山窮水盡之鄉刀耕火種之俗周王
馬跡之所不到謝公履齒之所不及蓋遐裔也僕生
長於斯每風日晴明山川耀媚未嘗不登高望遠遊
目之際偶與意會不書所見使其物跡湮淪是林慚
澗慙耳因成八景詩以寄情志勝不擬先生首闡一
序拜詩品題諸公和章疊賜至九十六首承執事轉
付默齋先生仰塵匠石運斤成風斲鼻端之亞斲者
誠難受斲者亦不易昨蒙發至改本披味再四剪蕪

截繁撮機取要浩乎吞鵠夷九湖於胃中而無西子
之累然其中微有一二不無疑焉所謂詩無定鶴會
心是的信矣謹錄別楮呈似乞為詳正自號意翁構
亭吟嘯其中寓意佳山勝水隨在而樂頗尚空寂不
仕終竹徑構亭曰猗某門聯云但存方寸有餘地不
可一日無此君

明周尚文仁厚坊人初遊邑廣以穎俊選入郡學時
翰林侍制黃哲解官家

該博哲重之洪武甲子領解額第一乙丑登進士筮
仕丞龍巖坐事不終然詩文皆超悟有法一時才子

也

林茂小黃圃人鄉里素不知學茂篤嗜不為俗移文
名大著移入郡學洪武庚午領鄉薦入監列上等擢
為湖廣道御史陞刑部員外郎

歐觀生仁厚坊人個儻不羈博學工文詩尤豪邁洪
武丙子鄉貢進士教授紹興以性傲忤當道左遷典
史歸

容悌與字行白烏石人性醇厚學博行脩明經長于
書永樂中署儒學事聘脩邑志士大夫咸推重之執
弟子禮者無遠邇居家有禮男女各有學祀先謹祠

堂之制嫁宗族孤女數人母陳氏病風癱悌與躬侍
湯藥十三年無頃刻懈及母歿哀毀踰禮邑人稱為
孝行先生自經學外攻吟咏別號雲嵐所著有雲嵐
集數卷卒年七十有七

徐觀字瀾若麻洲人生而有神童之目九齡補邑弟
子員景泰庚午舉於鄉甲戌成進士時方弱冠廷對
後請假完婚歷仕至南京刑部尚書郎性曠達不樂
圭組遂棄官歸築室太石之陽賦詩見志詩文不事
雕飾著有臨流集

鄭宗維烏石人宣德中領鄉薦為太平教授性醇厚

善為文嘗典雲南文衡藩臬推重治家甚嚴諸子各能通經以文學名子慈登科知臨武縣三年以內艱歸囊橐如洗民誦其廉

鄭鴻字振儀蓮塘人年十五有聲庠序間成化甲午鄉試第三名屢因公事及梁文康為少宰客曰少宰君姻友也何不於此時求與清華之選而故僕僕道路為鴻正色應之曰遇之得失鑒之好惡出焉進之陂正己之榮辱繫焉子徒知少宰之能貴人而不知人之有以自貴之也遂絕意仕進卜築蓮峯下鑿池構亭徜徉自樂考終於家

香山縣志 卷之七 三十一

黃經字子常麻洲人坐而嚴重律身有禮尤嗜學自少至老手不釋卷終日端坐諷誦未嘗少懈乃築稽古堂于東林山下自號山海子讀書談道邑多從遊者累試於鄉不第貢入南雍弘治乙卯應天府鄉試學士楊守陞得其文歎賞真之上第由是有名辛酉以親老願就遠方任雲南霑益州同知正德戊辰丁外艱及服闋詣銓部請就教職得改直隸泗州學正益肆力于經籍時御史詣學掣籤講書教官率跪奉籤經曰此何禮也即致仕去著有香山志及滇陽第一州志淮泗一覽小學節條等書詩文共千餘首藏

于家

黃畿字宗大瑜之子七歲善屬對鼓琴見者呼為奇童十六歲補郡庠生通詩春秋二經摭括百家然竟不能取合有司一夕同舍生攘鷄邀之謝不往即束書歸曰是固嘗業舉擅場者其行若此吾胡可與侶哉乃告改邑庠即以養親歸自是絕意進取隱居粵山之麓乃研九流通三才五行之蘊撰三五玄書始猶雜于釋老既而讀邵子皇極經世深造其奧嘆曰自箕子以來合術于道其惟堯天乎遂訂律曆作皇極管窺十三篇晚年潛心大易中庸曰中庸易之疏

香山縣志

卷之七

三十一

義也大極通書定性西銘猶中庸也乃述易說若干篇其論學則曰前之三代由夏歷殷而文于周後之三代由漢歷唐而文于宋名理醇粹周宋其齊軌乎周至玄矣道同乎宓義程至大矣見卓于顏淵朱至博矣功亞乎仲尼再闢渾淪不亦玄乎心普萬物不亦大乎功在六籍不亦博乎又曰孔門傳心之要一言而已慎獨是也平生未嘗袒露星月下夢寐中不善語必籲天謝過居暗室臨妻孥無有情色性至孝先意承志惟恐不及父母有怒長跪叩頭俟釋乃起一味之甘必獻廟奉親而後敢嘗居喪哀毀逾禮

既塋日猶哭諸墓方晨有虎突至前俯伏而去旁有
山人廖翼見之大駭爲作孝子感虎歌以美之田宅
財帛兄弟欲之即與一無所靳捐已田七十畝有奇
爲義田以贍族鄉鄰或肆凌轢人所不堪退縮不與
校卒年四十有九別號粵洲學者稱爲粵洲先生嘉
靖甲午父老覈其行實上之當道揭名于孝友坊丙
申家人以其著述送察院御史周煦嘆曰此真隱居
求志之儒也建逸士坊以旌之

楊應魁字啓文髫年善屬文三試皆第一嘉靖甲子
舉於鄉計偕報罷讀書西湖踰年歸盡出其篋中舊

稿赫之曰是不可公之同好也乃沉酣史漢而以韓
蘇爲體戊辰己冠本房副主考抑之璞曰是有命焉
非戰之有利鈍也歸家下帷益力邁疾卒

何世睿字信斯父庠生純母鍾氏世睿姪五月而純
先逝生甫數歲而鍾又逝王母陳顧復之會族人構
難王母襁褓就理郡城比五六歲夜燈熒熒終夕不
寐侍王母側口授書義輒自句讀又預商詰朝法庭
作何告語輒能出已意爲應對詞王母憂悴中拊而
泣曰孫他日成長作何令圖今日爲汝濱死者屢矣
世睿泣跪曰孫讀書勵行圖顯揚以爲報詎敢負祖

母教年十三著聲學宮深研性命之學以敬為本以靜為用根極理要而器量復汪汪千頃方構難時或告貸百數十金不償怡然不問也一日道遇悍男子揮刃執之曰盍解衣與我世睿微笑舉似曰惟君命其人奮割一袂以去返顧曰不爾吾將砍汝矣語畢以刃自殲死乃知其人為仇所陷忿無復之欲挾鮮衣者偕死而世睿從容遇之獲免于厄嘗語人曰洒掃應對雖是狃迹而感應之理即在其中須就狃迹上見得心性方不枉穿衣喫飯又曰我輩肯以廉恥二字共相勸勉念念不忘顧惜則三代之風可復觀于今

白若蕩檢踰閑以示高放江河日下吾不知所救矣嘉靖甲子子述忠述瓚同登貢書祀家廟因出夙昔家難構訟一篋告祖焚之曰願吾宗咸昌大永永無孤危致相殘虐願吾子孫體吾志砥礪自修毋記怨者名自是子姓敦睦鄉黨老無以為養死無以為殯幼無以為字士力學無以供修脯農力耕無以供糲勸緩急咸贊焉年五十三貢于鄉而率以仲子鉉之子大學士吾驕貴誥贈如其官

梁寧雷字震字小欖人邑廩生學識超邁先世以五經分授諸子人治一經寧雷授禮記獨能貫通諸經

為文根極理奧一時學者咸取法焉萬曆間謁選得肇慶府司訓集國家典故如星曆禮樂兵刑錢穀使諸生分習之日母視為迂遠不急也士冠進賢然後搜索此晚矣暇則支筇循行定山石室之勝當其會心處一羶危坐神姿高徹栩栩若僊也鄉黨中與何述鉉稱莫逆一日握鉉手日而家三郎異日事業殆不可量非子女不可配因締姻焉三郎即相君吾驕也其後梁夫人歸相君令德雅度為文宗師嘗以一品命婦朝賀烈廟周皇后於武英殿賀熹廟懿安張皇后於隆道閣一再詔文官問夫人安賜宴歸第夢

雷蓋自其少時而預知之矣生三子長中郎舉萬曆甲午科歷任刑部雲南司郎中誥贈夢雷如其官次中英中醒俱邑庠知名

曹啓益字文泉從父宦吳門北歸學日進而書法日有名補邑弟子員益耽古學宵火晨鷄寒暑不輟由選貢歷官至知州所至有政聲其宦蹟詳麻哈州志解組後構亭北郊日與客觴詠其中客去掩扉臨池池水為黑四方以縑素求字畫者殆無虛日耄而好學詩賦古文詞晚益工

何述鉉字調元小欖人同兄述忠弟述瓚皆貢才名

有香山三何之目兄弟聯翩舉孝廉述鉉獨困諸生
著四書說者再讀易緒論者三性至孝父喪哀搶幾
絕三年足不逾戶限自是遂無進取意縣令嘗因述
鉉兄弟欲識之數年終不可得且遷任去謂其兄弟
曰不意金昆逃虛乃爾讀書五年有醉而遺金者越
半載始得其人還之葬其先遺櫬之未舉者五世初
艱嗣垂暮舉三丈夫子其中子則相君吾騶也教諸
子於相君尤嚴朴責幾不可忍家人曰兒慧甚奈何
苦之曰彼有過人之資不多方裁抑懼無以爲他日
棟樑用耳又嘗曰教子必學爲聖賢科第末事何敢

以功名焚灼後生心乎其後相君卒爲名臣

何述瓚字贊元束髮受書便問聖賢何如人人皆可
爲之否弱冠魁甲子鄉闈於經史諸子性理語錄日
手書數十則以己意論述之遇格言要論矢志躬行
工於詩尤善書法著有周易問介景堂文集崇禎間
祀鄉賢

郭紹鸞字瀛川髫年遊邑庠有文名嘉靖辛酉舉於
鄉丁丑會副任岑溪縣學教諭轉國學廩兵部司務
所得俸置屋爲宗祠復捐己田之半爲祭田子尚敬
萬曆戊子鄉舉任海陽教諭造士有方陞知沙縣後

丁母憂家居捐貲倡復蓮峰舊學址纂輯尚書約註
學者宗之康熙十一年士民公舉宜崇祀候詳

何吾麟字瑞虞邑廩生縣令遣其子受業於仁山書
院未嘗干以私前後科歲諸試首列者十七次中副
榜者三卒不售益淬勵窮理格物究明人心道心之
辨不以得失介介也以子邇道贈文林郎工部主事
繆士傑號賓吾龍眼都人萬曆四十三年選貢初任
河南河內縣主簿陞潁川府衛經歷以清廉敬慎著
聞四十八年乞歸閉門訓子族有貧而鬻子者代贖
之歲饑減價糶穀作粥以食餓者舉鄉飲正賓九次

年八十三子九人俱有聲邑庠第七子志文字子岸
順治八年授番禺縣儒學訓導獎掖秀傑優恤寒儉
造士有方得蘇湖遺意巡道史燧旌曰首郡儒宗子
時對為諸生克紹其家學云

繆志和字子介龍眼都人弱歲能文力追先正縣府
道俱第一食餼文名益盛縣尹重其才數延請不至
曰吾愛吾鼎耳事父母以孝聞樂施予器量尤不可
及隣人梁姓家貧時周其困之梁醜酒以瓦暴擊志
和樨子頭血仆地志和不校梁死仍召其兄之子至
其喪施棺殮具人稱為長者年荒嬰孩載道收養之

死而無告者具葬埋之其事母也饗餼同席晨昏問
寢興有疾必強顏整衣而坐絕呻吟聲恐貽母氏憂
也母微疴即旁皇無措籲天願以身代

朝順治辛卯應歲貢奉 詔准恩貢同年得美官或
勸駕志和曰朝廷鍾鼎雖榮弗易我膝下菽水承顏
之樂也年七十孺慕彌篤常為母沆濯裏衣人擬之
老萊子母黎氏一百有三歲見耆壽

孝子列傳

宋阮與子赤坎人天性純篤讀書能通大義早喪母事父元輔盡孝德祐丙子父病劇與子旦夕稽顙北辰請以身代迺割股肉和藥以進父瘳鄉里以其事達于有司經畧使徐直諒賚以二帛號所居為孝行坊郡志云顯天懇禱開脇割肝以療病與此微不同

邑人黃佐曰嗚呼父母全而生之子全而歸之禮也故刺股割肝法制所禁此韓愈氏所以有鄙人對與雖然世降俗薄固有悖逆其父母者矣以與子之事觀之寧少知愧哉故論者當原其一念愛

香山縣志 卷之七 二十九

親之誠可也

明容師偃字德治悌與四世孫父春泉罹癰疾兄弟六人惟師偃侍朝夕弗離側正德丁丑寇掠其鄉人奔竄師偃負父而逃賊追之急父麾使遁師偃不肯去泣曰父子更相為命去將安之寇至俱被執縱火焚其父師偃泣曰父老且病請以身代寇舍其父遂就焚死時年二十一父哀之設祠置田祀之士夫各有曰淡看諸軼極傷情子不亡身父不生賊火縱燒千丈焰也知終古不燒名又凶千秋烏石岡頭月還

照當年
孝子心

黃廷珍字席之鎰之子賦性剛直涉臘書史精於醫

事繼母孝處兄弟友及沒廬墓三年卒年六十三
容章美字中含長洲村人邑庠生幼喪母事父及繼
母以孝聞繼母生弟友愛彌篤順治戊子海賊入村
章美以父病足負父走為賊所得賊欲買其父遣章
美歸鬻產來贖章美曰父老矣不堪久困舟中願以
身繫使父歸賊從之父歸鬻產得金時章美弟二少
子為他賊所得父先往贖賊聞之怒縛美梃檣上煨
煉備至美無怨言會官兵至賊取被擄者悉投海中
舟輕乃去章美遂遇害鄉人自賊迹歸述其縛梃上
時猶念親子置有詩曰東洲落日洪流緊一望親闈
何所之聞者莫不掩涕

涇陽申維翰曰孝者人子所當盡之事孝子者人
子不敢居之名安常處順竭力承顏總是本分以
內必也猝遇禍患不有其身以全其親乃可云孝
志中有明二百七十餘年惟容氏世濟其美豈孝
德固出於一門抑所遭之不淑後先一轍亡其身
不敢有孝名而名斯歸之舊志載宋阮與子刲股
事此與鄭娟娘之未嫁守貞皆不得為節孝之正
肢體髮膚不敢毀傷女子未嫁身非自主倫常之
間獨見奇節要以激挽頽俗有餘矣

高士列傳

明黃仲翁字壽昌龍眼都人儀表凝峻惇尚行檢見子姪必冠服長于詩遊太學歸不仕所居環植花木自號翠軒闢稽古堂聚書克初曰吾子孫必有嗜之者

鄭子綱字東常雍陌人治經能文隱居教授立家規以善鄉俗率鄉民共遵元尹左祥諭俗三編凡鄉人詩章有及奉先事親言孝敬者採而刻之題曰孝弟詩自序其端以為訓

楊餘蔭字樸庵其先廣陵人生七歲而孤及長博涉

香山縣志

卷之七

四十一

經史尤通春秋大義歲辛酉大饑餘蔭捐賑穀三千石先是元至正間歲饑餘蔭五世祖紹孫與其弟賑穀五千石邑人德之為建麗澤亭至是新之題曰繼美焉

劉君采字而先仁和里人也博極羣書絕意通籍稱高隱著三才要覽續輟耕錄一卷雲溪詩一卷晚號沛泉逸叟榜所居曰樂道年九十三讀書挾策而逝高羽字羽叔有田百畝鬻五十畝為其父立祠又割四十畝公之兄弟以為祀田僅留十畝自贍力學教授至老不倦所著有江臯漫錄存愧錄讀書摘要喪

葬記奇陽漫稿等書居家鷄鳴即起率孫子正衣冠焚香拜家廟隨率讀書曉坐祠門省閱宗族子弟讀書者農工出作者皆隨事訓誡朔望講鄉約越日課文藝一時風俗為之淳美縣令造廬禮訪有修姓與薛姓爭沙坦三十餘頃薛求翀言之縣令願與之均翀曰吾年逾六十屈節以求所不屑也使子孫不肖何用使子孫肖又何用乎修薛聞之感其誼亦不復爭年九十四

毛濬字孟深邑庠生性純孝五歲母歿父元鉅病足濬視寢膳不出戶者數載年十五父歿事繼母以孝

聞弟宜聲為賊所害濬以計得賊及贓告縣捕斬之繼母遺腹生弟天聰濬撫育教誨之尤篤親故嘗與里人黃六亨善六亨被寇擄不能贖濬以菓園質富人數十金卒贖六亨於盜生平博極羣書試輒冠軍著古文詩歌有敬義堂集十卷尤工書法子三人新周大周定周皆有聲士林定周丁酉舉於鄉

梁思誠字用孚黃梁都乾霧村人萬曆時冠犯境兄用欽遇難思誠懼傷父母心乃棄舉子業專意侍養自謂所居可隱因號居隱父母歿獨力營喪葬事不以累其兄子出三百金產為嘗田與兄子同收供祭

祀撫兄子如己子尤仗義好施獎人之善拆人之過鄉人無不悅服天啓間舉鄉飲賓給授冠帶長子應秋遊邑庠力學著四書講意五卷順治戊子社賊起以梁氏世德素行相戒勿入其門

梁源泗黃梁都乾霧村人邑庠生生而有至性甘恬退家力行所學父國棟嘗為彭澤令有聲源泗善事父母晨昏子職惟謹母病籲天願以身代及亡水漿入口者旬日服未闋父又亡哀毀逾於曩時晝夜泣遂至失明生平處已以信接物以謙課子弟書皆著聲庠序食廩饒為善承其家學云

鍾士傑字瑞岳邑庠生生四歲喪母善事繼母庶母父歿異母弟長者六歲少者纔六月士傑誦讀之暇專任家督析遺產代兩弟綜理之凡出入必具數隨子粒多寡無隱弟婚娶悉還之會有家難當之

不以累兩弟在庠四十五年屢困棘闈學使者往往嘉其德行數見優禮年七十傳厥家務遺誠其子曰我出世時幾陷我母於產難長而德不加修生五男僅得一生十一女僅得五生平苦應接太繁無長物諸女不能奩撥亦不能隨俗送租盡吾心與往來而已我處幼弟繩之以禮諭之以道篤之以恩遇患難

無規避親愛之而已承上接下不敢萌一欺心亦不敢輕慢一人恭敬之而已處姊妹每助不給焉心體之而已處同儕言不敢先行不敢過退讓之而已處戚屬寧捐已財不傷人有怨以行之而已此雖吾之天性乎亦由祖宗忠厚傳家故拳拳奉持耳以若所為猶懼不免人指摘況其不如者乎爾於丞嘗田園恪守舊規聽兩叔依序輪收春秋祭祀寧厚毋薄必盡其誠我與爾叔一體所分知有恩不知有利父猶天也親叔猶父也爾以父事叔而叔有不以子視爾者呼噫尤有望焉效祖父早完糧莫煩官司追比效

祖父肯安貧莫使登門索債惜祖父苦儉之積莫賭博傾家體先人付托之重莫酒色喪命爾不思我出世之苦懈怠自安視祖苦艱難之業若弁髦然我肯瞑目於地下否嗚呼觀其所言可以想見其人矣

陳光龍四字都茶園人邑庠生性慷慨好義順治戊子歲饑出穀賑濟康熙戊申海寇犯村殺人施棺以瘞死者仍捐已地築圍墻防守村賴以安

盧間生比山村人邑庠生嘗捐地立村名曰雙龍構講堂課子弟止業之暇旁及詩歌一時從遊者多著聲庠序

義勇列傳

宋劉必從始家仁山下性勇果有材以功授敦武校尉邕州副將贈封其父中孚為忠訓大夫兄必恭訓武校尉紹興壬申初建縣治必從捐其祖居徙家長洲邑人義之

元楊仲玉南門人泰定甲子海寇黎靜海嘯聚為亂宣尉使邛雲谷中奉親師海道仲玉修刺謁之大喜令率義勇五百人以從遂破賊

鄭榮叟蓮塘人仗義有為元末巨寇相繼剽掠縣治宣差達魯花赤朶羅歹力不能支乃率榮叟及邑人

楊昆等移縣于古寨山上屯守已而朶羅歹卒人心動搖有族人曰橘官溺死里人相傳為神為之先鋒太保榮叟迎而禱之每寇至即言見一人衣紅巡行陣中鄉民奮勇先登寇輒逃去與衆築壘鑿塹據守一十八年龍潭賊盧實善等累攻不下洪武初征南將軍廖永忠率兵至乃歸附云

明李英妙大欖都人家饒于財讀書通大義正統己黃肅養作亂族兄有服農者竊往從之拜偽千戶率其黨數十人至家執英妙謂曰前日吾兩足皆塗泥今拜官矣弟盍從我耶英妙大罵曰汝盜也尚可

言兄弟耶恨不斬汝萬段賊怒遂殺之鄉民聞變皆
被脅從越月賊去子智女觀娘收其尸面猶如生
梁富字東橋黃梁都人正統十四年賊黃蕭養反鄉
人林帝佑附之遠近煽動富激烈指陳大義民無逆
志賊怒脇富降不屈復大罵賊賊殺富投崖門海中
王言香山所昭信校尉萬曆十年五月倭寇犯鷄拍
村言奮志前驅生擒倭寇叟叻呢等二十餘名斬馘
無算督撫優賞言悉以所賞散之士卒三十八年隨
征廣西多所斬獲後以扶病出師死於戎壘

張金元黃旗都人由南頭寨把總歷任至廣海守備

香山縣志 卷之七 四十六

逆賊名黑骨腸船數百沿海流劫金元帥帥力戰屢
捷後竟以陣亡

陳禧仁厚坊人以身諍為吏性剛果有為仕夔州府
梁山縣典史正德己巳藍賊寇蜀詔起都御史林俊
秉鉞討之禧督兵前驅奮勇先登大挫賊鋒于華隴
賊遂乘勝追之塢其巢穴而還中途遇餘黨力戰而
死俊痛惜其忠勇為文遣教官祭之事在四川總志
中

國
朝何兆寧字仲軾邑庠生大欖都小欖人沉深有文
畧嘗省相君季父於京師習聞天下大計益究心韜

鈐之畧會上命禁旅討賊河內兆寧遂請從事軍中
所向誠賊以報時總兵官王樸拊之曰儒者勇乃爾
乎七年奏捷叙功實授守備隨禁旅還居京師時兩
廣方用兵兆寧以部咨赴軍門清剿盤古十八洞賊
報功尋又與惠陽叅將施王政犄角並進破沙子下
岡諸賊復合楚師搗王薄同殲渠散脅以兆寧功為
罷授遊擊未幾復從總制沈猶龍征九連山八排諸
峒設竒制勝多出兆寧計畫賊平歷陞叅將轄肇標
水兵援勦海上諸寇兆寧善用謀逞逞豫得賊情賊
夕聚謀而樓船朝至矣賊以是破胆乙酉冬粵西兵

起總制知兆寧可任大事獨召使畫策乃盡藏其哨
船集漁艇溯上流火攻破之晉副總兵時煖峒土司
蹶張犯隆安寧化諸縣制府以兆寧勇畧為諸將冠
于是專師西狗多所擒馘丁亥夏率兵德慶駐舟楊
柳沙與交趾轉戰身被流矢舊躍波中而死兆寧起
書生雖歷行陣猶手一編不置平生喜畜硯次第品
藻各有銘識獨一片純白蕉葉寶之逾玉嘗曰此吾
狗葬物也死時研果食甲間蓋方戰已自分必死矣

列女列傳

明蘇氏指揮林興妻正統己巳黃蕭養來攻城亂民且附之四境率潰援兵不至時興率屬車于外孤城危在旦夕蘇氏乃率軍婦登埤拒守冒矢石待援城賴以完

蕭氏女名烏頭娘大攬都華平里人父思敬母區氏烏頭年十八未字景泰元年黃蕭養既平水軍討鄉民之脅從者遂乘機剽掠見女有容色執之脅以利办烏頭誓死不受鼻載還次新會東亭驛將鬻之女曰願祈一死軍怒曰不聽賣視吾刀女曰我豈容若

賣人亦豈能買我即自引頸斂髮受刃遂殺之新會人哀之買棺葬邑西象山成化辛丑知縣丁積命工脩其墓且割廢廟田六十畝命人歲守祀事弘治甲子知縣羅僑以守非其人墓將就埋乃改葬于雷電山

陳氏何天祐妻年二十有二夫死子純甫三歲族之貧暴者利其資思奪陳氏節陳氏艱貞自矢撫育其孤孤已長娶婦鍾氏一年而純暴殞婦鍾有娠僅五月族之貧暴虎視者十倍于前陳以子身孤嫠痛殤兒而撫姪婦呼天搶地力禦強暴及遺腹生數歲而

婦鍾又死矣故凡陳之所以保持其孤者又百倍其子也有以毒置糗糈誘乳媪嚼孤者陳覺之孤得不死則又結大盜夜刳之陳抱孤渡河若有神物乘以濟又得不死自是歲租資產悉為抄奪陳夜則明燈和淡教孤孫讀書晝則挺身至訟庭辯復產宅歷十五年始得還其故孫世睿以垂髫補弟子員高等然後飄搖稍定而巢卵得完其後享年九十餘視其曾孫述忠述瓚皆舉孝廉陳猶健飯及玄孫吾驕起家翰林請于朝旌表建坊祠祀

劉氏李孟義妻年二十而孀子賽禮事氏以孝聞正

德間建祠旌表曰母貞子孝賽禮奉旨給冠帶

周氏麥文傑妻夫死守節正德間嘗捐銀四百餘兩賑饑縣官旌之曰節義雙美

梁氏庠生趙之璧妻年二十五之璧死無子富人謀娶之百計不為動壽八十有三崇禎十六年卒

陳氏黃旗都人張勝祿妻孕三月而夫死以家貧囑父母必嫁之陳聞言哀不自勝因剪髮矢志時方十有七歲後生子奇巖卒年六十有八

梁氏小攬人性柔順歸何瑤二年瑤暴卒遺腹一子或勸之他適輒慟哭曰一婦二夫行之醜也豈可無

恥以辱宗範且吾弱息非吾奚依吾一移足門祚將誰保乎誓守節年七十嘉靖初官欲表異之氏使從孫止之曰吾薄命至此敢要名乎官亦不之強

梁氏龍眼都人歸高彰二載彰卒梁氏時年二十有二遺腹生子應箕堅志守節矢不他適其母流涕風之梁氏曰姑老子幼忍使之無所歸乎母遂不敢復言嘉靖間旌其門曰高節婦卒年六十有九

劉二娘山谿角人邑文學劉噩女也性至孝侍父讀書常恨不得為男子建奇節於世年十八未笄萬曆己酉三月海賊剽劫攻其廬警迫家人奔潰娘勢蹙

香山縣志 卷之七 五十

不顧身力梯其母踰垣脫仍回襁負幼妹為賊執憤激求死罵賊賊以刃礪其頸益罵不絕口至石龜頭賊擁之登舟適追兵至娘乘間赴水死翌日屍浮從數十里逆流握拳嚙齒尚作罵賊狀邑人哀之爭聞奉旨旌表建祠

鄭氏烏石庠生鄭申重女名娟娘年五歲從兄受女論語因而知書明大義申重與章燦我善約為婚姻許聘燦我子卓琛年及笄卓琛早夭申重恐娟娘知戒家人匿不與聞後知之哭告父母請往奔喪父曰忠孝節義惟節最難今汝既欲守節是天下第一難

做之事汝獨做了即父母亦難沮抑惟是今茲一往不獨為死者起見須要為宗祧起身卜吉而行於事為宜於禮不失娟娘以為其父大義煌煌秉禮君子也日久議變格不得行娟娘以死自誓越一載燼我思子致疾念娟娘為子守節淚囑其後妻曰我死無子尚可議為我後者若娟娘不歸禮難議繼卓琛為不饗之鬼矣我死後當迎娟娘為我成服死瞑目矣因手書貽申重置筆而逝娟娘泣請奔喪母曰未字而奔翁喪不貽父母譏乎娟娘曰私奔貽辱未聞奔喪守節貽父母譏也語畢闔戶投縋母穴墻入氣將

絕踰刻乃甦徐言曰母重苦我始終一死耳母知不可奪許焉翼日韋具輿來迎娟娘入門謁祖拜姑乃易衣鬢直而就哭泣之位擇其繼子為翁承重經其喪葬翁遺產甚薄娟娘勤於女紅事後姑曲盡孝道撫繼子慈不掩義四十餘年如一日縣官旌其廬曰孝節貞操

黃氏庠生黃考功女姓柔淑喜讀書大家女誠諸篇許聘秦建義年及笄建義久病肺娶有日矣而病未瘳及期來迎母曰婿病未愈親迎謂何欲不許女曰為女不幸遠離父母夫豈忍言但受人之聘身即許

人義無再醮遂歸秦恪恭婦道侍湯藥無懈容建義終不起謂黃氏曰卿猶處女也慎勿固執勉事新人侍藥之勞俟諸冥報言訖乃死氏哀毀骨立母欲奪其志以死爭之年六十有三趺坐而逝

楊世說妻何氏小攬庠士何派東女十九歸世說二十有一舉二子世說有異母兄以兄故不得於父蚤死何氏日抱兩孤泣曰未亡人其忍一刻苟活耶顧吾死而兩孤隨之矣翁饒於財而獨於何氏多所靳乃日事紡績以自給子稍長課以詩書派東哀其志構數椽迎歸何氏載木主攜兩孤往足不踰閩時述

已所以忍死之故以勉其子及應童子試仲子以垂髻冠一軍縣以其事上之學使者彙聞於朝旌其廬曰艱貞勁節名載忠孝節義坊中

庠士楊兆公妻何氏小攬羅浦人生而慧數歲能誦詩及長通內則女誠諸書年十九歸兆公事翁姑動止有儀吐詞有則姑姊妹戚屬咸師焉兆公未舉子何氏出奩金為買妾後兆公病肺垂危謂何氏曰命在旦晚倘有不諱如兩尊人何何氏曰妾幼讀禮儀頗明大義夫倘見背理無獨全然妾有身四月矣聞之古人曰仁人必有後如其不然有相從泉下耳兆

公卒閱六月而子晉生何氏鞠育顧復之入小學經傳句讀皆口授或偶及忠臣孝子輒能語其大槩翁病侍湯藥籲天願以身代既歿經紀喪塋無鉅細一準於禮晉既長文日益有名受知學使者試輒高等食餼貢入成均及捧微檄色喜母曰汝欲效毛義故事耶與子偕隱足矣守節三十九年縣官上其事候旌

梁氏黃梁都人彭澤令梁國棟女年二十適庠生方如暘如暘力學不以寒暑輟梁勤女紅給饜飧暘得一意攻苦無內顧越五年如暘死子博甫三歲稍長

教以詩書遇古人忠孝廉節必為之反覆開導孀居三十餘年今六十有奇子博邑庠生

梁氏亦國棟女適前參將何景道八載而孀勵節教子胤榮讀書成立入邑庠今五十有六歲

劉氏南海人年十七歸小欖庠生何晟道未及一載夫死無子以兄子胤禔嗣氏哀痛不欲生姑勸以存孤大義乃鞠育嗣子如已出凡門戶糧役一切經理之上奉孀姑供祭祀課耕織撫孤完娶循禮蹈義三十餘年如一日氏父為南海劉公士斗以名進士為良有司甲申變死難是父是女忠節可謂無慚矣

汪氏麻洲人秦勝祐妻也甫娠而勝佑疾篤命工寫其像授之日吾命止此幸而生子其善鞠之言畢而逝後生子經時年二十一有勸令改志者泣曰是禽獸我也遂不復敢言既去喪佩服皆縞素卒年逾七十

黃氏荔枝山人梁寶卿妻年二十一生一子而寶卿死黃氏事孀姑撫幼子至十八歲娶婦生孫而子又死氏復撫孤孫每至姑與夫諱日號哭不輟聲勺水不入口者竟日典鬻經葬事族人欲奪其山氏願隨夫入塚族人義之乃得葬萬曆二十六年壽八十卒

黃氏雍陌人庠生鄭參妻二十一而參死遺腹生子光震始終一節

梁氏萬曆二十三年適楊文耿二年文耿死守節六十餘年八十有五

黃氏乾霧村梁素韞妻二十七夫死或勸之改嫁乃蓬首垢面呼天慟哭教子士樸成人居家儉約賓祭則豐卒年六十有二

穆氏前世襲指揮穆精輝女前進士丹徒令鄭一岳繼室年十八歸一岳歸五年年二十三歲而孀教子劍長標長入邑庠今二十八年節操如一日

容氏年十八適翠微韋仁伯半載而仁伯死孀守事
姑姑死出所積置嘗田建祠俾族人奉祭祀萬曆四
十四年縣官旌其廬曰節孝可風年八十有二
鄭氏仁厚坊楊璋妻歸歲餘而璋卒遺腹生子桓守
節六十餘年

楊氏鄭達元妻二十五而寡子宗彥生纔三月家貧
守節紡績以事祖姑訓子入邑庠孀居四十八年今
七十有二齡

殷氏黃梁都人庠生曹懋周妻年二十二夫亡生子
纔五月守節至年七十

香山縣志

卷之七

五十五

楊氏吳茂暉妻永寧街人二十二歲夫死無子家赤
貧紡績自給年六十有五

鄭氏南門人庠生趙天挺妻年二十餘天挺死守節
教子聯飛入邑庠

劉氏儒士梁子慎妻歸未三月夫死氏時年十八撫
嗣子守節三十一年

朝黃氏適梁敬存生一子二十七歲而孀美姿容人
多謀娶之氏曰從一而終婦道也若夫死改適他日
何以相見於地下乃蓬首垢面跣足毀容以自誓族
人誘其子飲博呼天哀痛切責之遂得悛改順治丙

戊卒年六十有三

楊氏繆志臯妻歸四載而夫死撫孤子及長為娶婦
治壬辰又值梁賊變兵寇交集 下氏慮涉辱偕
媳唐氏投井死

方氏名秀貞庠生方天明女年十五許字庠生李棊
龍順治乙未歲海寇竊發村鎮多所屠掠秀貞告母
曰兒必不得長奉母矣母以為不祥唾之及賊剽濠
涌村母子皆被擄秀貞知不免乃給賊令母歸取銀
贖已賊信之秀貞度母行既遠遂躍入海中死棊龍
聞之哀悼義不娶後數歲亦死

麥氏小攬人庠生黃肇揚妻家貧紡績供膏火客間
過飯脫粟雖野蕪數莖必整列盥中羹湯瑩然可鑑
眉髮田家瓦盤濯磨如纓鼎蓋其性端潔然也癸卯
冬十一月官兵方捕蛋船遂掠攬鄉執肇揚去氏與
一子三女別掠置戈船中氏散髮號哭不止兵初為
好語勸令勿苦氏憤罵曰狗背安敢覲我兵怒出利
刃加氏頸背曰再哭即欲汝矣氏曰狗輩殺我我死
訴上帝寸磔汝語畢赴水兵挽其髮繫樓櫓問氏私
囑其子初畫曰我非捨兒奈不死不能全身異日父
當來尋爾兄妹勿戀戀我也遂斷髮赴水兵覺已無

及入洪流數丈忽湧立水面猶作憤罵狀兵関弓射之沉尋又躍出兵又射之遂沒時年三十事定肇揚訴諸上官撫院盧贈金差官訪贖其子女三人還之肇揚感其妻節烈遂誓終身不再娶云

鄭氏庠士盧尚雍妻康熙甲辰二月海寇掠鄉民尚雍以孱書生與頽齡父母弱妻穉子不能支賊皆執之而去母哀病不前賊棄之鄭氏方襁負其子度姑可幸脫即解釋其子於地日送姑姑乃攜孫逃歸鄭氏誓死不隨賊賊曰我釋汝後復有執汝者某隨我去可贖汝翁與夫鄭氏曰翁為鄉賓夫為庠士義不

香山縣志 卷之七 二十七

受辱後之得釋與否即翁與夫之得釋與否非所計也觸賊而死

譚氏小欖人把總何月客側室也姿容絕世常持經咒不輕言笑時欖鄉已遷寄寓順德碧鑑津口月客從戎戰死輿尸歸氏號泣躬含殮舉木庭中入室沐浴擬自裁婦嫗環守之曰奚自苦王翁死不可復生爾非正室固可別為計也手捫其口曰無多言徒汚人耳越日乘家人方聚泣總幃中疾馳伏波橋上哀呼投水死

梁氏蒲山村陳昌昆妻康熙三年春海寇入村昌昆

父子被執賊持刀逼氏隨往氏不從引頸就戮賊殺之

耆壽列傳 凡給授冠帶悉入例授此不更載

明徐伯良字顯人麻洲人生而穎異九歲入邑庠十三歲食餼歷十年以通經貢入成均永樂六年授都察院都事獄獄明允居官六載辭歸家居怡然自樂屢舉鄉飲大賓壽八十三嘉靖間祀鄉賢

游秉忠嘉靖時人隱耕於攬溪年踰耄健行不杖或問以延年之道曰吾惟是正心息慮順物來應任其自為脩短而已壽百有十歲無疾而逝

何東源小攬人志意高遠嘗雅歌縱談酣飲飲已即信步山水間少壯人隨之恒不能及嘗曰吾有生未

香山縣志 卷之七 五十九

始一役其神也卒年九十有八

鄧繼禹北山人年九十歲

劉養素山谿角人年九十六歲刻有懶拙詩草

梁標棊常都人年百有九歲子文煒年九十有九歲方定儒性孝支捐產百畝為祀田鄉黨有死而無棺者資給之年一百有三歲

陳應義四字都莆山人性伉直遇事有不平嘗面折人聞者皆悅服初號確松里人以其言確且公羣呼曰確公確公 有四方之志及壯家居侍養杜門不出父母年俱逾九十確公時已耄猶作兒童戲思得

一當親心確公壽七十有九其子疇孫國光俱邑庠
盧志中恭常都人邑庠生性仁厚嘗修盧氏族譜建
祠遇朔望大集同姓子弟講孝友睦婣任恤罰其不
率者異姓子弟來學不計修脯其為教必先品行而
後文藝遊其門者多一時知名士里中推為通都約
正縣令表其門曰端儒教子天錫及二孫皆遊邑庠
壽七十有五

鮑瑞字伯秀子鵬字于洪香山場人父子皆輕財仗
義凶年捐賑壽俱至九十餘孫士奇明朝貢士

陳氏義民秦炫母年九十有七炫為人慷慨好義縣

香山縣志 卷之七 六十一

令王好善遷縣蓮峰使炫任其事乃自捐三百金以
襄之

鄭氏知沙縣事郭尚敬妻年九十有八子良璧八十
有四拱壁七十有八俱邑庠

黎氏貢士繆志和之母年一百三歲縣尹姚啓聖題
其門曰母儀 瑞儒學歐陽羽文旌曰婺星永耀

鄭氏蓮塘人 惠恭儉行年九十九蕭奮之母奮字
省吾有孝行享年九十三萬曆四十年知縣但啓元

旌其齒德俱優

卷之七終



香山縣志

香山縣志卷之八

知香山縣事申良翰纂修

邑人李騰元編輯

藝文志總序

疏 議 牒文 序 引

記 碑 銘 文 辭

賦 詩

序曰文章一道由來尚矣自周秦以降雖言人人殊而運會之污隆風俗之淳漓人心之邪正因其

香山縣志

卷之八

一

言以論其世皆可考而知也在易之賁曰觀乎天文以察時變蓋言日星之經緯不窮即文章不可掩之光又曰觀乎人文以化成天下蓋言燦然有禮以相接秩然有分以相守即文章不可渝之則香雖僻壤作者嘗斌斌焉奏對之篇探源於謨誥紀載之文取法乎史傳諷詠之作涵濡於風雅幾於家握靈蛇矣爰擇其可以維持運會以表正風俗人心者得如干首其或言有枝葉而無闕邑乘槩置弗登庶幾於不可掩之中存不可渝之意

乃列傳之作亦藝文之一體然而或招摭於叢
或藉資於時彥撰中義例附以鄙識成匪一手是
用分載秩官人物之下俾各從其類云爾

疏

區畫濠鏡保安海隅疏

明龐尚鵬南海人

竊惟廣東一省西北聯絡五嶺東南大海在焉蠻彝雜居禁網踈濶倭山寇出沒擾攘見有經畧臣不敢煩瀆外謹摘其禍切門庭者著為論列惟陛下試垂聽焉廣州南有香山縣地當瀕海由雍陌至濠鏡澳計一日之程外環大海乃番彝市舶交易之所往年彝人入貢附近貨物照例抽盤其餘番商私齎貨物至者守澳官驗實申海道關於撫按衙門始放入

香山縣志

卷之八

三

澳候委官封籍抽其十之二乃聽貿易其通事多漳泉寧紹及東莞新會人為之椎髻環耳效番衣服聲音每年夏秋間彝舶乘風而至止二三艘而止近增至二十餘艘或又倍焉往年俱泊浪白等澳限隔海洋水土甚惡難於久駐守澳官權令搭蓬棲息迨船出洋即徹去之近數年來始入濠鏡澳築室居住不踰年多至數百區今殆千區以上日與華人相接歲規厚利所獲不貲故舉國而來負老携幼更相接踵今彝眾殆萬人矣詭形異服劍芒火炮瀰滿山海喜

則人而怒則獸其素性然也姦人且導之凌轢居民
蔑視澳官若一旦豺狼改慮擁衆入據香山分布部
落控制要害鼓噪直趨會城俄頃而至其禍誠有不
忍言者可不逆為之慮耶議者或欲縱火焚其居室
散其徒黨然往年嘗試之矣事未及濟幾陷不測自
是彝人常露刃相隨伺我動靜疑忌之隙已開其端
議者又欲將濠鏡澳以上雍麥村以下山徑險要處
設一關城添設府佐臣一員駐劄其間委以重權時
加護察使華人不得擅出彝人不得擅入惟抽盤之

後驗執官票者聽其交易而取平焉是亦一道也然
關城之設勢孤而援寡或變起不測適足以為驚駭
之資臣愚欲將巡視海道副使移駐香山彈壓近地
明諭以朝廷德威使之撤屋而隨舶往來其灣泊各
有定所悉遵往年舊例如或徘徊顧望即呈督撫軍
門陳兵境上慰諭而譬曉之必欲早為萬全之慮而
後已若以啓釁為憂則禍蘖之萌亦當早見而預待
之故番舶抽盤雖一時近利而竊據內地實將來隱
憂重類既繁根株難拔或謂彼利中國通關市豈忍

為變孰知非我族類其心必異明者觀未萌况已著
乎惟督撫軍門加意調停毋逆其嚮慕中國之心而
亦有以陰折其驕悍之氣自後使番舶入境仍泊往
年舊澳照常交易無失其關市歲利復嚴布通番之
令凡姦人之私買番貨畔民之投入番船及畧賣人
口擅賣兵器者悉按正其罪俾人習知有法之可畏
而不敢為射利之圖區區畫既定威信潛孚則請彞自
將馴服而默奪其邪心潛消禍本矣

給假送母還鄉疏

明黃 位邑人

臣聞事之逼者不容緩言情之切者不能緩聲臣叨
縮院章職務清華誠宜績學堅志雍容歲月以效尺
寸然情事迫切塵瀆聖聰者實由母子天性不容已
者也臣母陳氏行年七十有一歲矣自去來就養以
來觸冒暑熱得病積聚每右脅痛作嘔吐呻吟飲食
難進日益羸瘦延醫診治咸謂不服水土所致臣愛
日之情不勝驚惕欲陳情終養則終之一字非人子
之所忍言欲乞休而去則眷戀明時又所未敢臣誠
日夜惶悚實不知所自處者也竊見給假送母還
鄉係見行事例退既可以遂其烏鳥之情進復可以
效其犬馬之志恭惟皇上大孝達于四海至仁洽于
萬物如臣母子實賴生成為此陳情乞恩如蒙特勅
該部查照事例容臣給假送母回還廣東原籍待臣
調理母病痊可之日復任供職則臣老母餘生皆陛
下之所賜也

瀝陳祖節懇恩旌表疏

明何吾騶邑人

臣高祖二十四歲蚤世時高祖母陳氏年僅二十三歲獨生曾祖年甫三歲親鮮菽功族多貪暴於是刈孤奪食者百計屈高祖母節而臣高祖母鐵心皎行矢死靡他茹荼飯血日夜撫孤育之哀之歷久彌堅既而臣曾祖漸長高祖母心漸舒謂可幸無慮矣娶曾祖母鍾氏甫一年而曾祖暴殞時曾祖母鍾氏僅胎臣祖五月此一日也族強謀繼殺嗣者被髮斬衰破扉踞屋百如狼虎高祖母隻身力禦撫婦拜奠呼天之哀路民莫不痛心酸鼻臣祖甫生曾祖母旋背

香山縣志

卷之八

七

高祖母內撫危孫外禦族福利啗乳媪以毒餅授臣祖賴高祖母察覺得不死於藥買賊刳殺賴高祖母夜半抱孫渡河若有神物憑之得不死於賊歲租貲產悉為族患抄奪賴高祖母挺身訟於官千哀萬苦歷十五年始復還衣且食得不死於饑寒高祖母每夜挑燈和淚課臣祖讀書臣祖年未弱冠授廩鎮學宮族慙計害愈狡臣祖垂髻不經訟事賴高祖母匍匐法庭督學臣為之墮淚堂上下莫不歎息事白得不死於刀筆凡臣祖存膺多難始終得以保全者皆高祖母之力也如以尋常節婦論則夫死年廿三歲

不改嫁既有旌表之條况鞠子已極七哀撫孫尤深
百感孤燈殘燼留何氏兩代幾盡之脉存何氏千百
瓜分之業從古忠臣義士猶或難之况臣高祖母筭
稊女流者哉臣父生前每叮嚀三代孤危高祖母苦
節狀未嘗不流涕沾襟也臣戊午上公車臣母謂臣
曰若汝邀一第得請旌高祖母苦節勝於封章及我
臣揮涕應之母亦泣下臣中式日報至臣家臣母寄
語臣曰吾幸尚健得見汝為高祖母請旌典也臣幸
蒙覃恩題封臣父母今奉差冊封持節入豫章禮成
便道歸者臣母臣母必先以是詢臣臣將何以不媿

人孫何以仰對母訓也臣伏讀大明會典一款凡民
閨寡婦三十歲以前夫亡守至五十歲以後不改者
許旌表門閭又一款節婦但係風憲官覈實到部雖
有病故者亦准旌表查見在萬曆四十八年禮部進
士施邦曜以祖母苦節陳情蒙旨下部行該地方
官勘實題請旌表其在前諸臣為祖母陳情泉壤久
瘞既蒙聖恩咸已表揚臣案筆承明侍從清切皇上
首推不匱之恩豈及遺咫尺寵光之下者乎謹備歷
臣高祖母始終苦節屢經鄉約父老呈舉在案伏乞
勅下禮部轉行本省巡按御史查勘如果臣言不謬

准與題覆如例旌表以見聖朝原不負苦節之行雖
地下貞寬終蒙褒異而鄉里傳聞當日孤危抗節及
其子孫猶得以當日啼嗷酸苦之事聞之朝廷終無
晦蝕斯亦教孝教忠之端而為人子孫圖報父祖之
萬一也

議

擬薛文清公從祀孔子廟廷議 黃佐

古者成均之制教國子弟有道德者沒則祀於瞽宗
隆師道也夫通於天地之謂道心而會之之謂德修
道經德之謂賢崇德報功揭虔妥靈之謂廟祀是故
飾言績文德則有疵者祀弗與焉示民質也伸其咄
嗶反以亂道者祀弗與焉示民行也行修言道內外
合一者祀之否則弗與焉示民勸也瞽宗之設自昔
已然律以準今實惟盛典故禮部左侍郎兼翰林院
學士薛文清公遊心高明養氣剛大立身固達乎禮

香山縣志 卷之八 十

樂在朝克茂其才猷聚公生平大都有五曰靜而明
善曰毅而任事曰誠而感物曰知而奉身曰惠而愛
人屢辨冤獄雖死無惕斯不亦惠乎權象貪天見幾
引退斯不亦知乎格於中貂振以好音斯不亦誠乎
繫狂遏克屹不為動斯不亦毅乎沉潛默契冥心疾
書斯不亦靜乎靜以為幹毅以發之誠以守之知以
通之惠以流之合而言之庶幾仁者矣至其著讀書
錄一篇發明前聖嘉惠後學其曰一於居敬而不窮
理則有枯寂之病一於窮理而不居敬則有紛擾之
患纔收斂身心便是居敬纔尋思道理便是窮理二

者交資而不可缺一也居敬有力則窮理愈精窮理
有得則居敬愈固信是言也是儒者內外合一之學
也我 開國以迄於今抱道備德有言有文無如公
者猗嘻盛矣天順中議以公從祀夫子疇曰不當而
一時 閣名流如劉定之輩顧乃疑之鯁鯁焉較請
宗儒著述之富愚試辨其三事夫宋世道學已明至
考亭而極金王何許之徒著述雖多然亡有發程朱
所未發者矧讀書之作世罕闢其藩垣獨非著述乎
茲愚不謂然者一也妄言性惡如荀况漁色濫音知
馬融惑神志恠如劉向皆孔氏門塲所當麾者亦與
香山縣志 卷之八十一

俎豆其間孰謂道德之粹儻顧弗可與咕嗶浮虛者
齒乎茲愚不謂然者二也公以道德稱天下門人推
其學為許衡配而天下亦信之不疑然衡之仕也網
常膏歎而弗能正習俗易乖而弗能化世且警之以
此言之公蓋迥出其上矣吳澄來臨川貢士也異於
衡產北土者為元學士所著纂言非直無裨聖經而
又亂之今衡與澄俱以勝國之臣久列從祀公其獨
可遺乎茲愚不謂然者三也稽道學之懿式暨宗之
制擬志行之大寃垂教之功陋無根之革文刊贅龐
之咕嗶品裁六度叶和三靈敷教五紀裨益六莪如

公者當追隆伯爵從祀孔子廟庭於禮為宜輿情允
協吾道有裨云

牒文

驅虎牒城隍文

申良翰

嘗讀苛政猛於虎之言即撫膺自矢曰不出而司民社則已苟出而司民社苛政焉忍為之今筮仕茲邑多虎害民畏之猶苛政也司民社者與有責焉良翰德薄不能如劉桓公使虎負子渡河維神為民社主聲靈赫濯禦患攘災邑人攸賴是用虔戒致禱於神其默相之取彼虎虫投畀荒裔毋俾滋害不用命者納諸陷阱殪於鋒械使岫無負使穴無踞茹荼不驚四塾以清此邦之黎赤獲勤穡事而急公好義寔蒙休庇鑿茲誠悃幸勿我棄

序

海潮序

宋余靖南雄人

古之言潮者多矣或言如橐籥翕張或言如人氣呼吸或言海鰭出人皆無經據唐盧肇著海潮賦以謂日入海而潮生月離日而潮大自謂極天人之論世莫敢非予嘗東至海門南至武山旦夕候潮之進退弦望視潮之消息乃知盧氏之說出於胸臆所謂蓋有不知而作者也夫陽燧取火於日陰鑑取水於月從其類也潮之漲退海非增減蓋月之所臨則水往從之日月右轉而天左旋一日一周臨於四極故月

香山縣志 卷之八 十四

臨卯酉則水漲乎東西月臨子午則潮乎乎南北彼竭此盈往來不絕皆繫於月不繫於日何以知其然乎夫晝夜之運日東行一度月行十三度有奇故太陰西沒之期常緩於日三刻有奇潮之日緩其期卒亦如是自朔至望常緩一夜潮自望至晦復緩一晝潮若因日之入海激而為潮則何故緩不及期常三刻有奇乎肇又謂月去日遠其潮乃大合朔之際潮殆微絕此固不知潮之準也夫朔望前後月行差疾故晦前三日潮勢長朔後三日潮勢極大望亦如之非謂遠於日也月弦之際其行差遲故潮之來去亦

合沓不盡非謂近於日也盈虛消息一之於月陰陽之所以分也夫春夏晝潮常大秋冬夜潮常大蓋春為陽中秋為陰中歲之有春秋猶月之有朔望也故潮之極漲常在春秋之中潮之極大常在朔望之後此又天地之常數也昔竇氏為記以謂潮虛於午此候於東海者也近燕公著論以謂生於子此測於南海者也又嘗聞於海賈云潮生東南此乘舟候潮而進退者耳古今之說以為地缺東南水歸於海賈云潮生東南亦近之矣今通二海之盈縮以誌其期西北二海所未嘗見故闕而不紀云嘗候於海門月加

卯而潮平者日月合朔則旦而潮平日緩三刻有奇上弦午而平望以前為晝潮望以後為夜潮此皆臨海之候也遠海之處則各有遠近之期月加酉而潮平者日月合朔則日入而潮平上弦則夜半而平望則明日之旦而平望以前為夜潮望以後為晝潮此東海之潮候也又嘗候於武山月加午而潮平者日月合朔則午而潮平弦則日入而平望則夜半而平上弦以前為晝潮上弦以後為夜潮月加子而潮平者日月合朔則夜半而潮平上弦則日出而平望則入而平上弦以前為夜潮上弦以後為晝潮此南海

之潮候也

齊山縣志 卷之八十六

贈黃正色令香山序

明 霍 韜

香山在郡南海中如瓊崖而差小山之秀峙如垣如屏擁邑治之背邑南襟帶海洋登高觀焉領外之奇境也登圖籍者為里惟三十有五然番禺南海新會順德東莞五邑之民皆托寓產焉一邑藪五邑之產則多大姓五邑大姓藪一邑則微賦督逋曉無寧時故為令難邑多漲鹵積而為島可楸可菱可鹽可漁有力者利焉大姓交利爭是以勢武斷之橫為令操權之難令不能曲直彼弱則阱強則狼悻奔訴上官叫囂於天闕逮械質保及於閭伍什伯為衆為令追

呼之難大吏不能自曲直取基於令則大吏詭曲直責成於令逆大吏則虞禍咎順則獲戾直民為吏任職之難爾琴之詰豈曰以詐實以賄逞胥隸竊燕隙以投焉百一垢受曲直倒操詭夫媿譽譴訾勝湧不為覆究為令自守之難是故小邑也迺難為令黃子昔令仁和起制謁選余請於太宰汪公曰選黃 宰香山採困故也

顧侯公綸靖攬溪序

向吾騶

今天下亟需才尤亟需大用之才不佞以為才而大用之必其大用而才也不可先見待其大用而見之則已晚莫若就其地焉試之過其地弗值其事尤無見也乃吾邑顧君侯則若有以試而見之矣方蒞我香山下車詢黔首疾苦詢老更利病穆然皇然百務修舉城墉復隍鯁鯁然慮之得策培築以登陣為堂事者累月雉堞隆隆雄諸縣寓矣以是為試而見乎未也壬午春王攬溪寇起攬四面環海川塗錯雜羣不逞茫茫符以居住歲稼未成輒出擄掠四方民

患之余告于憲邦諸大夫咸惟使君亟捕之民遂有秋賊計誑圖大逞以鄉兵為口實鄉兵奉文繫賊入邑要而戮于海上衆聲益惡血飲入市捧刀列戰而前自己徂已凡五夕呼火傳兵相屬蜩蟬湯沸幾幾乎半易其良時君侯方將邑校士入省余極使人闕告君侯請即集大兵迅下可以疾倦遲乃不戰既而君侯毅然至矣君侯與治兵大夫挑燈計畫嶺東巡道魯使君時亦至攬商確合遂治兵先擒其僥於海者得四渠詢所同黨又得十數人會於投匭計伯人不爽君侯再商於余瞿然起命之曰今天師四集所

捕獲易耳哀此不臧疇忍駢棄不惟其虔劉惟其
康耆是以難也賊多協從非爾民始心今速來歸見
汝父母妻子嘗汝宥汝毋汝誑於是涕泣求生者累
累來見侯皆視而捷之標於大門俾厥長領歸自是
緝渠必置於重典歸命必俾以新圖遂獲居藏者禦
貨者事乃大定侯得手應心迎刃若然耽髀之處非
弁則斧若其遊於無所擊刺再乃曰此非一日二日
之所藉以安也氓之不淑非氓有咎則惟佐佑鄰里
不能式相以致斯比詢之果其所為編戶奉令甲者
皆惟富人爲合聚慝非必出入友望也君侯乃曰果

香山縣志 卷之八十八

若此奚能責其正告哉乃大昭示環鄉而分方類族
而辨物千夫長伯什夫長必鱗次相制必虛并要會
凡一夫不淑其九共之衆乃大怖咸驚起曰自今其
敢不悛侯復躬履攸舍繩樞甕戶必窺靡遺一茹治
攬三泆日而賊悉平民悉又乃不縱一慝不枉一良
不餐一粒於百姓不假一語於徒胥滿志善兵而藏
之還縣之日余治酒脯駮舟送於海口二人者日夜
謀焉天日見之鬼神聽之攬山攬水永永載之余不
肖子若孫偕吾鄉大夫士人商賈工農世世處此出
入此咸維侯功德噫此侯之所以試也乃所以見也

使候識不到則方始事百里外視懵懵懼發難端而不敢入力不到則入焉見夫盤據援引是非褒譏化濟滯尾為之周章疑蕙不敢舉一意捕殺逮治雖有悔罪輸誠收之或不專來之終不安既去為保苗區區遊魂餘魄不姑付之山魃海魑安堵寧謐之速按堵復業既熙既攘匪善後多方保無竊發之釁侯斯日也吾善備焉若是者故全也方今已試之材為明天子使四方引領式望以為不可幾及文武吉甫壯猶方叔彘彘乎繁崇稱之顧好謀乃成奏言終始得幾人幾事考之試焉見焉亦嘗鑿鑿有可指數否吾

父母也蹈大難成大功永大禧勇大德睿湛九淵明出十日矣爰率鄉黨紳衿耆老登堂載拜咸曰有斐君子終不可謖威德至善百世不能忘也是為序

引

香山書院講學課文引

何吾騶

士必出而任天下事無有過於學問者有一分學問始有一分經濟每至於經綸譬畫有窮始歎學問之淺再欲採摭以從之不知其根之未沃也然吾有感於當今之耳食者每談學問則欣然願趨每稱講學輒掩避焉以為吾黨忌諱曰願毋及此不知學則稽古簡編是矣問非昧者以所疑質之明者乎昧者賢而明者告此非講學而何夫子嘗曰學之不講是吾憂也而且以講為諱何也曾見夫世間樹黨伐異

香山縣志

卷之八

二十

必堅營壘持戈矛以相攻輒曰彼講學人耳夫學何物也忠臣孝子仁人義士之諱也修身見世陶淑範圍樂性情通晝夜治亂持危之書也歡欣祝頌進反周旋感歎離憂思慕憤興之聚也六經百子丘索齊諧越絕汲冢有異而權衡不異吾日日學之學之得而手之舞之足之蹈之學之未得而入叩於師出商於友反覆論辨廢寢食偕憂樂何一不從講學中得力者邇吾鄉妙美之英挺拔之彥宿昔名下卓舉雄深之後兼以四方聲氣個儻之杰不以予為不肖一朝淪懷前贄再拜稽首咸曰願聞微義不佞惶恐汗

恐懼無以報也雖然孔孟之學非周程朱張之學也周程朱張學孔孟之學而有得焉有未得焉聖人之徒也有宋言行錄一書班班可考而富鄭公司馬君實韓稚圭范仲淹諸人悉列於名臣濂雝關閩諸人始列於名儒此言何謂也離名臣而名儒則儒者之所謂講學不幾為今日學宮委委若若諸儒者而無關於翊世扶治之大哉然則世之所以詬病夫聚徒而講者蓋亦有繇已我朝邵文莊公講學之大者也其言曰願為真士夫毋為假道學此一言足以破天

躬勵行汰危就安賢疑行信學不足以致主動國勵世範俗曙於古今之隆替請於四方之興革即日標格致之論誠正之緒披剝精微砥礪淺深五日拘儒一曲之軌咕嗶學究之談非一君子之所以隱居求志大人之所以行義達道也故鵝湖白鹿皆淵乎儒者之蘊而成主尊德性或主道問學不知二言者二而一夫子下學而上達語耳二程氏每從科舉文章事引人証道而朱陸論辨輒曰只就制舉文章指導便差些子蓋以為仁義中正粹然大道一著榮名仕進之想便雜外念噫二子醇而反近於迂矣是故干

祿之心不可有用世之心不可無吾夫子所日與門人擬議者節愛使民道政齊禮用行含藏不一而足魯欲使樂正子為政孟子曰吾聞之喜而不寐乃曰學不從制舉言導入迂儒之末足經世也善乎曾子曰君子以文會友以友輔仁天地間自有真文章日星之燦垂山嶽之凝峙江河之流行入於忠孝仁義之敷施皆為文章而制舉言文之一也非文何以會友非友何以輔仁今與諸君子講明絕學必從文義先之世間能為忠能為孝能為仁義之人其文章未有不超邁等倫高絕今古者也文必從事請與諸君

晉山縣志 卷之八 二十二

子定所讀之書時嘗質之文必從會請與諸君子定作文之期時嘗攷之文必輔仁孝友兄弟是亦為政諸君子一日未登仕版家國閭里必有藹然口用之懿孝子悌弟之行恆救極扶之事請社必設簿每月朔日會而焚香質問相長次後 行有幽芳請登於冊畫而告我相與懽欣樂道之其有非僻誠有心歟無心歟請相與動色告戒毋貳毋飾以歸大道讀書覽世有所疑焉或亦不肖之所及書以見詢知必以告若是者非敢言講學也其亦吾夫子學問之所亟許也已其他具告詞唯諸君子勗焉用序言先之

脩鐵城改南門引

申良翰

四郊多壘鄉大夫之耻而寔士庶人之憂也堅爾垣
墉謹爾斥堠宜亟講矣雖然興大役者所費不貲如
公無贏帑私無蓋藏何茲邑中好義終事者固不王
人僉以樂輸之詞進具述形家言阜民一門改復方
位則人文蔚起民康物阜闔邑蒙休予既蠲俸入以
為之倡又為之請於上臺則是役也固封疆為國阜
財物為民出于好助毋強民志公于出納毋傷民財
亟于趨事毋勞民力善于董戒毋奪民時爰庇爾材
爰鳩爾工揀之陳陳築之登登庶乎不日而告成諒

亦縉紳先生以及父老子弟皆當忻忻然而率從

積火器引

申良翰

嘗觀易之萃象有曰君子以除戎器戒不虞言備禦宜豫也香邑嶺南邊土海國孤城歷年以來幾經寇躪郊無燬烟室無安堵上賴

聖天子之威靈列憲之謨猷以及師武臣力海氛漸謐然而長鯨雖已授首短狐尚未滅跡用戒不虞修爾戎器不可忽也戎器之中殺敵及遠銃礮為先海寇乘潮火攻為上此雖折衝禦侮之責而司牧者與有任焉此雖司牧之任而究其休戚之攸關邑中自紳衿以至乎四民為倍切焉邇年廢弛不舉本縣倖

香山縣志

卷之八

志

浚祿薄私無贏橐罄竭所有不足以濟維身先倡率庶幾急公好義之人羣起而環應之盜是用弭亂庶邈已然後知本縣為爾眾謀甚于自為謀惟爾有眾之自為謀當更甚于本縣之代為謀也

記

浮虛山記

宋鄧光薦廬陵人

凡形於大虛皆浮也地在天中故地有四游水包天
外故天曰六幕人於其間蚊蚋其起滅蟬蛸其生死
其浮孰甚然不自知其為浮也凝塵聚沫適然相遭
認以為己有遺愛餘想業緣相續指以為己出蟻闖
蝸戰勝負相尋跨以為己能皆妄也惟先聖之儉鍊
形以歸真集道以成實是以御風騎氣乘雲倒景以
逍遙於形氣之表與太初而為隣長萬古不老蓋泊
然太虛也顧其聖靈影響變化往來每依乎名山大

川與人若不相遠豈非鬼神幽沉物形偏塞而人類
之靈明通悟者亦可以超然而心會矣番禺以南海
浩無涯島嶼洲渾不可勝計其為僊佛之所宮者時
時有焉未至香山半程許曰浮虛山山虎踞而鳳翥
鐘懸而磬抃蒼然烟波之上四望無不通方空澄而
霽一望千里來航去舶櫂歌相聞及微風鼓浪噴薄
冥迷舟望山咫尺若不可到故過此山且喜且懼異
時灌莽紛披猩狉聚號依險機毒上下相尋以害行
者則又指此山為萑苻綠林相戒而不敢出獨寓公
承節郎番禺趙君時縱過而樂之及請於常平實其

山及四畔水潭數百頃而屬道人達西奉佑聖之祠於其上趙君輕財喜施環祠之數十里內山巖水隈可庵可壺庵之壺之無斲色而達西苦行強志經營十餘年又能哀衆力以相趙君之所不及於是為屋幾間為殿一為壺四為內室一為寮舍二供佛有所施舍有碇殿之弘敞壯麗則永節之子永直君若桃嗣而成之樹林蕭森阪道靖奕雖他山之號稱洞天福地者有不能過戊寅春購舟載馬屋燬於火惟玄帝一殿歸然獨存賴有物呵護者然趙君之施不厭達西之志不倦衆之願助者不輟皆曰必使有加於

前光薦避地三年崎嶇海岸何所不至丙子夏携家潮居冬赴辟於廣嘗過其下祝於神曰他日當為此山記之次年隨永節客香山數月每欲從之往遊輒不果今年既喪家詣府城始獲一拜殿廡時暑方劇舍舟而登烟鳴樹間逕在竹下翛然有出塵意已而坐石撫竹倚巖晚海盤桓終日不能去而山之人為言海中羣盜有侵山之一竹一木者輒驚動禍福以是莫敢犯嗚呼宇宙以來有此山無此屋也有聖者居之使姦無所容適有所肅則前所謂聖靈影響者以名山以度人幾是矣抑山何不可名而相承曰浮

虛豈非天人高舉未忘世間弭節薄游登臨其上以
憫俗歎世將緣是而得名耶山空潮落月朗星清必
有載雲旗聳長劍孔蓋翠於翩然而來下者山之人
以時候之景炎三年戊寅仲秋朔日

脩明倫堂記

元楊存齋西蜀人

將仕郎王公天祥尹香山之明年脩飾學宮重建講堂於法宮之後堂成請記於予辭不獲命於是叩之曰公欲記堂之功乎抑將舍其功而記其所以構堂之意乎公之意吾知之且能言之請為公書之石自井田封建之制亡而三代維持之具惟學校得不廢然亦徃徃學校之虛名耳世降俗移漫然於君臣父子昆弟夫婦朋友之間而不知禮義為何物又其甚也異端乘之敵國因之而國非其國矣昔者先王必致意於學校者以小雅廢則國祚隨之學校立則綱

常明綱常明則風俗厚風俗厚則吾之國家雖與天地同悠久可也彝倫不可廢也學校庠序之教非粉飾太平之常典乎然脩齊治平之學又非記誦俗儒之所能也漢唐以來學校非不設也生徒非不感也曉牕夜檠之揣摩非不勤且勞也究其效驗竟與虛無寂滅之教同歸一謬此尤非學校之罪也蓋學校之名雖立而彝倫之序不明今之學非古之學也故孝弟立則孟軻氏以為可使制梃撻利兵一或反是則雖暗如杵臼亦知其有粟不得而食也聖賢之言豈欺我哉然聖人列朋友於君臣父子夫婦昆弟之

後正以講明此四者望於朋友也三代遠矣井田封建之制不可復矣厚風俗而維國脉者其惟學校之明儉乎泮庠朋友慨然以明儉為己任則地雖遐陬而可齊魯時雖師旅而可三代諸君勉乎哉韶石之九齡日南之姜子安知其不生於今日乎賢尹之意如是而已若夫梁柱之壯麗廊廡之修潔垣屏之鎮審尹之賜也二三子之力也登斯堂者自得之

遷學記

元吳澄臨川人

廣為百粵之地三代政化之所不及漢晉而唐俗漸
漸易至宋彌大香山縣最後置其初東莞縣之香山
鎮也紹興壬申始陞為縣距宋亡百二十餘年耳而
士習亦能與他州相頡頏國朝崇文仍前代之舊文
教所施無遠弗屆而教事之隆替亦繫乎治官之能
否焉疇江左祥職翰林院國史十五年泰定乙丑授
承直郎廣州路香山縣尹其在院也予覘其材之能
官久矣及既赴官予亦歸田越四年調潮州路經歷
以書來言曰祥以菲才叨膺民寄思治之本在乎教

香山縣志

卷之八

三十

也涖官之初首謁先聖廟直縣治之西卑濕隘陋於
嚴祀弗稱謀請同僚擬更諸塋壇再至學俾教官召
集羣儒議成曰縣東有文廟舊基土質堅燥山勢拱
抱宋末遷于今所遷之後士風頓衰今復舊所為宜
迺與同僚往視其地果如所言前直學楊仲玉起而
言曰廟果遷歟教諭高玄生願獻柱梁礎石已而羣
士各備大小材木以供用節縮養士餘資市瓦甃等
泰定丙寅孟秋興役次年春先構大成殿崇三尋有
六尺廣倍其崇深視其廣殺四之一仲秋落成次構
儀門九間九標其崇常有二尺廣十有三尋深三尋

二尺季秋落成惟明倫堂東西廡未完祥既去官亦
儲木石屬同僚嗣成之至順壬申冬左尹來過曰香
山之舊僚與其教官及邑士營造明倫堂東西廡已
畢其堂十一標中五十有二尺廣七尋有二尺深三
尋有一尺夾室左右各三其崇殺於堂三尺其深如
堂其廣五尋有一尺天曆己巳冬構次年春成東西
廡七標各十一室其崇視堂之夾室深亦如之南北
之脩七尋有一尋至順辛未冬構次年春成祥仕於
嶺海間至三幸免瘵曠而香山小邑獲遷廟學於吉
地始謀雖出於祥而終成其事實賴邑僚邑士之力

邑長郡海邑令韓文衍邑貳張方毅黃弘益教諭陳
汾揚以禮黎復叟郭至邑士之翰材竭心者楊仲玉
高玄生陳志袁瑩中也敢斬先生紀其始末垂示永
久以無忘僚友士夫成終之勤予謂左尹有三善今
之居官者惟私於己何卹於民而尹無私于己有志
於民其善一也或優於政不暇于教而尹既優於政
又及於教其善二也官之政教去官則已而尹雖已
去官猶不忘在官未竟之事視官事如家事然其善
三也嘗稽郡志宋紹聖間廣守章棗以郡學在中城
西近市喧雜諸生一百五十餘人各致辭請擇地而

徙乃遷於牙城東南隅左尹之遷學也亦自西而東
與二百餘年前章守之遷郡學時異事同章守自作
遷學記期廣俗丕變如齊魯今左尹屬記於予也所
望香山之士其亦如章守之心乎然則廟堂既遷而
新矣士習之遷而新者宜如之何曰貢詔頒行具有
謨訓為士者亦惟明經修行焉耳矣廓志破愚就義
舍利存理去欲長善消惡此明經之效也能孝能弟
能慈能睦能忠能信能取能讓此行修之實也經不
明行不修而徒綴緝程試之文昧眩主司之目以擢
科名苟官祿而已則近負聖朝之恩遠負聖師之教
抑寧不負色宰遷廟學以新士習之意哉

古之教者家有塾其來尚矣後世里社義齋之設則又推廣其遺意也至元丙子秋予宰湟邑時清江羅君義叔領郡幕其友人王君斯美自香邑挈母而未語予曰吾邑西村有義齋扁曰新美蓋里之賢士創于宋景定甲子而邑令天巖洪公天驥名之也其城爽塏山川相繆扶輿清淑之氣成萃焉凡子厥孫於是乎藏脩息游擇其經明行脩者師之且捐金買田收其租入為束脩廩膳教育之奉殆如邑校焉亦吾鄉一盛事也鄉士陳梁之齋寢微惟王蔣為有後弗

香山縣志 卷之八 三十三

棄基泰定戊辰齋舍損壞請于邑令左承宣公祥公慨然移文修葺欲立石以記其事秩滿且去顧未有記之者竊願一言著其美予惟天下郡邑之學國家敦勵屢形詔旨猶未免有鞠為茂草之歎或連城無絃頌之聲者有之矣今是齋也非有督勸而激勵之者乃能世守勿替非篤於義者能如是耶是可嘉也抑予又有以為王蔣氏勉者夫齋以新美名亦嘗觀諸易乎大畜之象曰剛健篤實光輝日新其德坤之文言曰美在其中暢於四支發於事業凡學於是者俛然日有孳孳積大畜之日新發而為坤之美暢則

度乎有以副當時洪侯名齋之雅意而於繼述之道
亦有光也君其以予言諭諸王蔣之後尚勉旃哉

意翁亭記

元黃觀光

意翁亭趙君梅南寄傲之所也客未解其名亭之義
還諗之日昔淵明之于酒稽康之于琴王猷之于竹
以至阮子之履謝公之碁諸賢之意各有所尚趙君
必居一于此乎曰否吾性不喜紛華意之所寓不寓
于物獨以佳山勝水若有所嗜朝夕觀玩出乎意表
悠然獨酌遂成微醺故特取六一公意不在酒在乎
山水之樂以名吾亭亭成時花木列怪石左右聚尊
前後圖史日課兒書數卷與客奕數枰或倚竹而吟
嘯或步履而徜徉恣意所之隨寓而樂晉人風致吾

無意而兼之然吾之意亦未易以語人也客曰彼陶
稽阮謝輩沉湎司馬之世徃自恣意之所尚固不
可同日而語君際盛明意該衆雅得毋以所居之地
有瑯琊醴泉之秀而君之意趣蕭散高尚可與六一
公冥合於千載之上邪曰非也吾取其意而忘其言
云爾莊周有云子非魚安知魚之樂又曰子非我安
知我不知魚之樂旨哉斯言夫自得之樂唯我自知
也人烏得而知之故六一公亦曰人知從太守遊而
樂而不知太守之樂其樂也昔程子從周茂叔學每
令尋仲尼顏子樂處所樂何事晦菴朱子亦隱而不

發嗚呼聖賢之意豈易知也哉仁者樂山知者樂水
夫惟有所樂則樂必在其中矣今潮居之山巍巍其
高發自萬里而重厚不遷有似乎仁溟渤之海洋洋
其澗涵蓄萬象而流動不滯有似乎知吾觀山水之
樂因悟夫仁知之理沉潛玩味欲進不能欲罷不可
吾意若是是又不在乎山水之間此其所以難言也
客曰唯余聞而喜之書以為記

脩學記

壻陳璉東莞人

香山為邑僻而隘周迴僅七百餘里自昔為鎮隸東莞紹興二十二年始陞為縣舊有儒學建於縣東陽宋李遷於縣西隅元大曆中盱江左祥為縣尹以其地卑濕弗稱復遷縣東隅故址地位高爽氣象軒豁誠育賢講道之所士風由是翕然而盛古今崇儒學校大興詩書禮樂之教洋溢海內香邑士彬彬乎其盛視昔有加唯學廟則仍其舊歲雖修葺因陋就簡頽圯日甚永樂壬寅莆田林公希哲以明經來典邑教越明年偕縣丞款孟壘損俸題助以圖修建未幾

香山縣志

卷之八

三十五

孟壘去官繼而饒之浮梁馮誠以名進士來為邑宰政通人和百廢俱興尤留心教事廟謁之日顧瞻興慨欲成希哲之志乃謀諸同僚縣丞陳李清主簿林汗典史梁傳各損俸倡請好義者香山守禦千戶錢惠劉成百戶周聰等洎邑士民欣然捐資來助乃市財鳩匠撤其舊而新之所存者惟廟之舊柱八舊梁二而已肇工於宣德二年冬十月至次年春二月殿堂廊廡始克落成無何誠拜監察御史自時而後閩郡長樂鄭萬奎由舉人分教是邑亦能以是為心倦倦於邑令黃新主簿周成復捐俸題助補其所未

治儀門齋舍庖庫器用龕牘咸煥然一新士庶來觀
驚歎以為昔所未有乃具書徵文記其興作始末使
有稽焉予惟學校之設自三代以迄於今凡有民社
者率莫之敢後何也誠以政治繫於人材人材出於
學校然士子之學豈待他求惟求吾夫子所以教而
已審如是於經則明於行則脩可以敦倫可以善俗
將見儒風大振士庶一新俾香山為海濱鄒魯可也
若夫由科目登仕版者則思建勲業於明時敷恩澤
于黎庶著名節于邦家庶上不負朝廷教育之恩下
不負諸君子作新之意豈徒務講誦課文詞鈞利祿
而已哉是舉也邑令馮誠實始其事而主簿周成能
踵其後且其功成皆出於好義者而不煩於民是皆
可書故併記之統五年庚申七月既望

繼美亭記

明皮 瑩

楊君餘蔭香山之著姓也自宋以來世德相承至於今益厚高祖紹孫仲玉兄弟同居而家道亦裕迨分產業紹孫以其壞之沃者讓仲玉鄉里高之元季年穀不登民不聊生兄弟發所儲之粟五千餘石以賑貸後值歲豐貸者爭償焉曰周窮恤匱吾之心也償之何為遂却不受衆乃德之作亭於所居之南榜曰麗澤以著其好施不嗇之心且以識鄉人之仰德元杜丘墟亭亦圯焉皇明四方平寧餘蔭先君子顏翁欲新斯亭弗果而卒餘蔭時甫七齡賴母氏鞠育成

香山縣志 卷之八 三十七

立嘗自嘆曰吾先世種德行義澤及鄉里吾可不思所以繼之乃於故址復構一亭扁以繼美以示其志會辛酉歲歉聖朝以民食為憂詔有司驗民之富者出粟輸官計貧者丁口以給餘蔭於是入穀於南賑貸倉不及其高祖之所發者數之半予嘉其事且喜其志之有成遂語之曰作於前者有其人繼於後者有弗類固不可謂之美繼於後者有其人作於前者無其實亦不可謂之美是必前作有其實後繼非徇名然後可謂之美矣君先世之利澤又及於鄉人是則君之美非特無媿於前亦且可傳於後雖然君今

日之美固一鄉之利澤也繼自今為君之子孫尚當
勉力不怠俾利澤加於時則其所以繼前人之美者
豈不大焉君拜曰然遂書以記

小魯亭記

明蔡善繼

夫繪畫之事肇自唐虞以著於三代先師繪象今
宇內徃徃有之不知起於何時至土木雕塑說者謂
類於沙門自佛道入震旦祀聖人者倣而為之然事
有因始作述相仍使古無遺象後之人師心信乎倣
佛氏而妄為大聖之形則又無稽而不可盡信者矣
洪惟聖祖開天易土繪而為木主世廟肇明申飭辨
章服以定位號懿哉聖製千載一時非謂乎土木無
當於神明雕繪描寫無當于天然色澤修短豐瘠為
人工之巧拙同異終非盛德之形容也耶然竊思塑

香山縣志 卷之八 三十九

之與畫相去幾何聖之像與歷代帝王之像何別彼
存而不論此去之惟恐或遺則當時建議諸臣惜乎
何推類之不廣也聞聖祖謁廟舉酒以屬漢高蓋
崛起布衣提三尺以定海內曠世同符倘亦有相視
而笑莫逆於心者耶今世之人入帝王廟舉手而指
之曰此堯此舜此羲農此湯武此漢祖唐宗此牛首
人身此龍顏隆準此披鹿裘而帝此冕旒端笏而王
更數千萬年而隆百神聖肅穆率儀然如見者則
斯廟之遺也今民間之曾元耳孫于其先世曾高宗
祖邈不相接歲時享祀展遺像締而視之曰此曾此

高爾祖爾父孝敬之心油然而起由斯以談理非事則不彰真緣假而始見古人製象非為聖賢而設為愚夫愚婦思聖賢者而設也香山 文廟舊建蓮峰山麓後緣兵燹遷入縣治之東今復遷歸舊址 先師遺像尚置一龕究其時所以不毀者而莫得其故請生昌言毀與葬分門而訟中有嫻於典故者謂禮必觀會而得其通事必遵王而後無議今考於先朝詔令則惟有屏之撤之而已夫屏之則不復高拱廟庭撤之則不忍委而棄之以下同于芻靈稿壤也於是分為室以安焉上依祖制下順輿情闔之則為藏為葬為屏撤啓之則儼然獨存百世而下猶得觀古人衣冠聖賢形象臺墻陟降在上在旁此像此亭即與金陵帝王廟竝垂可也亭在山椒山在邑東名其亭曰小魯蓋倣孔子登東山小魯之意云

仁山書院記

黃佐

晉安文巖鄧君宰香山政成無事顧縣治後坡坵翳
奧草間即所謂仁山也剗而登焉四周幅員將二百
餘武業為鄭圃誼而歸之乃與寮窠躡觀心游目舒
迥臨千里蓋脉發於羅浮施於黃山入於海面大洋
三十里而還為潭洲為金星為三洲諸山碁布海上
又十里為雲亭為張笏澳自東北迤邐而西勢彙而
紆又三里許東為蓮峰與城臺武山對峙中則斯山
王焉其南貴峰尖聳高幾十倍然頽仰拱揖若共几

香山縣志 卷之六 四十一

席蒼碧四出翕然飛動其殆勝地也乎聞諸輿人曰
是宜構以稽經諏政者也君建焉於是鳩工冬隙肇
建書院東西為二夾道其一長一長二十有二丈循後臺
之東折北而達其一長一十有七丈循公堂之南抵
西洞門而達為臺三間高二丈深三丈二尺而潤過
之由大門北入循西階門而升則雲霞草木霏布滋
蔓者入人懷袖畢萃於前臺背築基高二丈構臺三
間深三丈三尺其濶如臺扁曰仕學則讀書處也山
形益以完盱眙益以廣嵐蒸輝變冥合萬化益以思
啓沉潭之思又自東階門而入為豐樂園具衡一十

有二丈其從十丈有奇凡夾道臺園皆繚以垣其周一百五十有二丈形勢高峻土宜植物松檜花竹藪栽其中垂陰蔽芾灑氣自溜輕風搖動天籟互答絃歌燕語恍在霄漢殆有不謀野而獲不風雲而樂者矣是役也貲不官費力不民煩官師薦紳咸助成之與人誦曰薙莽弗鞠仁山當復高臺廣堂仁我無疆益慨昔之遺而慶今之遭也嗟乎應龍作雨必蟠勢以全其神君子役智必燕息以全其性公署游觀之構蓋亦多矣未有天作奇秀以待人者夫登眺於翠微聯合之間與物為體八荒我圍可以識仁矣矧又

仕不遺學毗民閔政若斯之懿者乎黃髮青衫番番
僉僉造予請記載筆使鐫用鴻厥懿于永久

開元泉記

何吾騶

水為天一之氣未有不年以冽者唯入於海則為斥鹵所涸入於河則為砂磧所驅始失其本來矣陸羽所嘗天下水味優劣地各殊指大率以名山醞釀為佳岷嶓鴈宕天目羅浮數千萬仞其水經裂石崩崖而出故凡瀑布皆冽而別有攷光隱曜一隙逗空涓涓浮浮澹澹淙淙故不惟其冽而又年以香若蓮之始舒梅之乍吐也吾嘗得梅花泉既與同志共烹試之無不稱快方將誅茆枕漱其間而地為有主者所難一日有開伍子元子傳子念清緣之掣肘詩喉之

香山縣志 卷之八 四十三

不可匆匆也竝肩而往環走落霞峰之下者三日乃絜一缺相示曰先生且嘗之且烹試之可而後語所自余粲然一吸理火而授之茗其色逾雪其香如蘭非唯五牟之犀泡蟹眼也憶嘗與友人茗戰於中冷惠山之下政復不能優劣余即夕有試泉詩贈二子賢明共履其地與梅花泉相去一里許政在落霞峰之降前為駝山石天雲覆巒壁綠染後則平原千畝異樹叢菁人烟不雜水得以養其和滙其靈蓋自西望古岡崙山一氣如綫行經

鴈而注流於此

其靜深者固有在也初唯一隙玲玲幽響於蒼鬱灌

莽閭二子為之拂拭而泉脉遂大行矣叩主者為海
日居士慨然捐此大塊以盛工築姚刺史之於李庇
千古可起矣二子邀予錫以嘉名因題曰閭元元者
天一之粹也有此泉而天運人事又為之一開大哉
有閭元子之功而海日居士之貺也弟伯承復相與
督率石匠而甃砌之亭榭之旁構小庵延僧住持之
地日以靈緣日以廣高朋勝友日以輳集若閭府熊
公文燦柱史梁公士濟暨余門人督學梁公衍泗都
垣郭公九 至氣先屏輿從歷雲磴睇蒼岑解衣礪
礪于泉間者累日嗣是而星沙陶孝廉汝厲雷湖陸

茂才洽原偕吾黨黎孝廉遠球區孝廉懷瑞黎明府
邦城歐明經主遇高士戴君王言劉茂才相高茂才
之霖余壻陳子復相與烹酌於古松蒼竹之下留連
不舍聲詩倡和傾動中原非茲泉有以大開元運者
其能感召天下豪傑哉國關氏試泉詩有寄語神仙
客梅花遜不香之句不佞與有閭元子大笑曰吾子

衆母菴豐盈井泉記

邑人劉相撰

地靈蘊積之厚俟時而洩誠非偶然必有閔夫運會之賢起而理物然後扶輿貞淑之氣發其所蓄以呈厥瑞董子所稱醴泉出朱草生嘉禾興斯其應也邑侯胡中尊賢弼中而文彪外足以師表未學敬天命而勤民隱又足以感格幽明是故鳴琴伊始適痘疹流行候晨昏齋戒為嬰兒衿祝躬選勝捐建 痘母廟於豐盈二峰之陽後座奉 大士延僧攝理便民詣禱已痘未痘次第蒙麻痘毋香火日盛襁我赤子報賽來者踵相接也邑父老因舉公孫僑故事以

齊山縣志卷之八 四十五

衆母菴顏廟額感侯之生我育我也在處歡聲不絕響顧蒼踞峰麓獨苦鑿井艱於及泉南界東嶽廟北枕壽山寺兩井俱深數丈水始達菴無井日絜瓶往汲之操縵者未免過勤一夕僧夢神指以泉源詰朝從厨左按夢鋪土繞尺許泉穴涓涓溢湧不可禦至四尺而井工告成莫不鹹異聚觀水皆石乳色冷冷瑩徹入齒甘芳逼人飲療諸痘各邀神貺多迪吉邑湯社家一時嘉尚咸托焉品之康王谷蘭溪石下水其肯以梅花讓乎遂走筆為之記

似難優劣議云侯向癖嗜小嶺掬馨泉茲井既闢刻
飲一惟此水即或巡課農桑出洛民瘼諸凡往返必
計日載水俱行不使羶曉核我飲水滋味則侯之性
也苟非孤標濯濯神實相之能令豐盈千年精液若
是乎其效靈獻奇否昔范文正公知青州有惠政泉
溢出如醴遂以范名李錫令虞城治內井清且苦與
錫宜喜飲之後名李令泉嗜心勞撫字若我侯今日
由一事而事事他時書之史冊不一書而足泉將附
焉以傳歐陽公作淳樸山水記曰凡物不能以自見
待人以彰者有矣茲泉得侯名益著方之若范若李
夫何泰

脩文廟復九曲永記

尹源進

東莞人

朝誕敷文教首善有國學凡隸職方雖山陬海澨無地而不建之學所以教民而造士也士者民之秀傑他日將有治民之責而實則此日之民之子若弟也政匪教弗成民匪士弗勸是故賢有司與學博士他務有所未遑惟此之為亟湫隘則拓之圯廢則葺之使講有堂息有舍有藏書之閣有經義治事之齋博士及弟子員日相與討論其間既以養成其材以無忝乎公卿大夫之選而下焉者亦復知所勸勉不至自棄於罷民然而學必有廟此豈如浮屠氏之梵宮

香山縣志 卷之八 四十六

佛像妄希冥福故庶幾春秋修祀事合樂行禮國之大事在焉為士者得以駿奔於几筵登豆之旁以檢束其身而和其心亦所以為教也香山縣儒學舊在蓮峯山下後徙建豐山之陽人文寔衰萬曆間用彤家言復蓮峯舊址九曲水遠其前士稍稍振起科第盛於疇昔歲久支流橫潰故道漸墮博士歐陽君毅然以修復為己任乃請於邑侯申君築堰埭東友瀉之勢決淤疏滯而九曲故道復開又以颶風狂逞大成殿屋瓦飄注兩廡塌擗星門啓聖宮石楹墜周垣多廢壞各捐俸金復謀於鄉人出遺棟滯穗用佐鳩

工庀材之費上不虧帑下不病農不踰時而飄注者
補塌者整廢壞者堅緻完密申君與歐陽君其曙於
造士教民之道矣抑余顧有進焉舉事者必先其所
急修廟與修學孰急必曰修學急今士講習游息有
地乎尊經閣有藏書乎熙寧三舍之法行乎安定經
義治事之齋立乎不然而亟亟乎廟貌是修得毋與
浮屠氏競誇宮闕之壯麗耶又況丹堊輝煌金碧錯
落且不及浮屠萬分之一也是不然廟貌者先聖賢
之神所憑依苟不足以蔽風雨學士之心必有怒乎
不能自安者事在創建則先學而後廟時當補葺不
妨先廟而後學理有宜然無足怪者他日修學告成
余猶將記之申侯名良翰涇陽人歐陽名羽文南雄
人王大猷毛天紳鄭光裕繆維斗諸弟子員則共襄
其事者也經始以某日其成也以某日

碑

縣令梁公德政碑

宋劉漢英

廣郡之西南舟行可四日許有嶼曰香山舊隸

南甯新四邑間紹興壬申始割而邑之前後 吏

頭行文書而已視邑如傳舍生聚教養漫不加

用具友邦亦弗靖令尹梁君以吏最聞擢宰是邑

車 茲土雖僻吾士亦天地間秀民惟閭塾黨

以課民子弟飲射醮祭之間齒位德行之

去王畿為最遠視州長之教為最密令即閭胥族

師之職學乃比校讀法之遺意民未知教雖齊魯之

香山縣志 卷之八 四十八

邦 予不飭茲事其何以謁于夫子先時春秋

未應故事朔望再拜外足罕至學君於

廳事之隅限之程約訓勸獎課以文

也 職

日講釋經史君時未警諭諸生駢

怡怡

以義也

康畝斛微劣每

供二祀

乃跡其田之荒

廢得于豪民

二十有六捐俸量

直請于廣使以

之餽焉邑舊有南濠半疏半

壅襟扼虜洩欲導風氣者動以費尼邦之秀民連捧

賢書竟未有登巍科膺臚仕者君毅然決之疏庫浦

之沙岡引庠池之綠帶欽鍾雲集旬有二日而訖事
前峰屏峙旁護玉立山川草木咸有生氣士旣飽德
民亦旣惠置倉賑濟丁歲大稔我用有年皆令尹之
已俸也灌田有陂瀕邑斥鹵化為膏腴即南濠之餘
波也里無桴鼓之音家無吏胥之席父慶其子長勵
其幼以毋違君命每役之興民子赴之敲鼓樓之茗
完易戒石之卑陋漏有耕籌坊有耕亭輪奐飛棘瞻
聽聳動徵功備器民無頽勞經始落成公有餘積始
君之末萬目睽睽君不以武競不以懦沮每前人疲
精勞思爬䟽剔扶而不能就者君能以談笑辦之前

人指爲迂濶不屑意者君則專心行之至告以催科
弦急不可緩者君輒以不能謝蓋君詩書吏爲政知
所先務不鄙棄吾民而民亦易使也諸生深感美化
一葦謁予曰自吾邑始創垂十九年矣得令尹而邑
之氣象始新自吾邑有學闈數令尹矣得令尹而學
之規模始就至于山川蟠結自天造地設以來伏竒
隱秀者亦得令尹而軒豁呈露焉其事偉矣願求一
言以誌予曰諸生心令尹之政化蓋有與邑相爲不
朽者雖不假予言若士與民他口寧忘之乎至于繼
心燈傳縣譜以無墜令尹之美意又不得不爲後來

者勸

香山縣志卷之八 五十一

脩縣治碑

元阮 涑邑人

嘗謂郡邑之建所以承流宣化也官得其人則民安其業豈有外邑廨哉邑視古子男國地方百里而封域乃大於古焉非得其人愈難於治香山土曠人稀昔為東莞縣之一鎮紹興壬申始建為邑東南海番禺新會東莞疇零鄉分以實之從邑士陳天覺之請也歷百餘年彫瘵彌劇邑治荊榛戶口懸罄習俗簡陋且長佐驟更政卒罕善至元二十年甲申春將仕郎王公來尹斯邑滌篆之初以政新民以學賦政如春而煥如秋而肅崇儒先務也首葺泮宮勸農重本

香山縣志 卷之八 五十一

也次省徭役也至琳宮寶剎咸相與更新戊卒廨隸嚴加糾繩涖政旬月逋者復勞者安憂者泰衆咸宜之一日携邑父老訪縣舊治於草萊之中愀然曰民如子也邑如家也丘墟其家欲俾赤子安輯得乎乃毅然率先以鼎建廨宇為已任屏櫛翳畚瓦礫相陰陽捐已貲市廢屋鳩工聚財力甚勤也塵衣蹇裳躬其勞也是以天與其時地奉其利人輸其力經營於甲申之冬落成於乙酉之春廳事堂廊房廡宇舍凡昔之頽然蕭然者今皆屹然巋然矣邑人士相交慶口胸中有全室然後能作室豎硬脊梁運巧心匠非

公其孰能之吾知公不以驛視縣不以傳舍視官舍
方來事業有燦然耀人耳目者蓋碑以識其事若夫
銘公德政同壽鐘彝有人心之碑在後之紀姓名遷
次者必能覩公盛舉嗣公美意將見大書屢書不一
書與香山之名相為終始於無窮云公名天祥大名
路滑州黃縣人也時至元乙酉仲夏既望

張侯敬之德政碑

元劉復廬陵人

蓋聞天下之大海宇之廣設官分職各有攸可獨守
令之選每難其人必加遴選非有材優望重慈寬厚
仁通經術明治體知閭閻之疾若者則不足以膺是
寄蓋以大樸既散風氣日漓智愚不齊強弱相乘實
賴守令之得人有以開道善化之仁民愛物之本意
也蓋守令之賢否係生民之休戚令所在歲舉廉幹
以俟優擢於是守令之選益嚴矣若是則與茲選者
厥惟艱哉夫以守令重輕關係不苟理亂存焉故樂
於心則一境之人喜不樂乎心則一境之人懼官至

香山縣志卷之八 五十三

此亦榮矣雖然深山窮谷瀕海之民一或不得其所
能求直于鄉社之庭者解矣矧能赴評於縣令之庭
者乎由是凋瘵瘡而不能蘇下情壅而不能達戶口
有恒而民產無恒水旱之豐約相因民日就窮而歛
愈迫乃罔聞知吾見守令之難為也張侯敬之世家
北冀州之南宮早登輟於承宣之役繼膺殊渥循資
歷級出尹香山仁足以愛物智足以燭奸廉足以有
為寬足以御衆卓有材猷克稱厥職而無難為者下
車之初即敦勵風化勉飭學校尋訪民瘼悉去官之
苛政與凡民之不便者首以歲科柴炭漁擾為先務

慨然謂同僚曰吾民供輸之勞誠可矜憫宜具狀以
聞請憲司狀上適際當道廉明嘉尹所請頒榜革除
一時小民賴以蘇息且水旱必禱隳廢必興故黃童
白叟莫不舉手加額更相賀慰其士之耆宿懽然來
言令尹溫恭愷悌公清正直民懷吏畏香山所未有
也盍為我記之以刻諸堅珉庶俾來者知所勸且以
見民黎瞻戴之誠余謂張侯之視民如子民亦仰之
如父母信乎書言民周常懷懷於有仁誠不負天朝
違賢之典然余知張侯之心固無待於邑民之感慕
若此也而邑民之秉彝自不能氓侯之嘉惠厚澤何

至哉於是樂為書其實敬頌其德使人歌詠之於康
衢曰疇克為政勞民於思疇克為治視民如倪民力
竭矣困悴且疲既熱以渴亦寒而饑橫科暴斂莫取
怨咨賢侯戾止載撫載綏科輟斂息賦均役齊饑食
如蜜渴飲如飴暑瘳而愈茲寒而衣雨暘愆忒禱輒
弗違公宇百廢咸舉于茲召父杜母千載一時昔則
飲德今也見之克廉克介孔恕孔慈一境寧謐鯨波
靖奠民樂豐阜及時耨耔婦順夫旨子嚴父慈莫報
之德惟禱惟期早登台輔早振臬司為國元氣澤昭
德垂

重修縣治碑

劉復

環百里之地而為邑有令有丞有 尤有幕官旁求
俊又共圖治理必嚴選其令以為之綱皇元稽 建
官備矣於是冀州南宮張侯敬之以辰溪簿有能吏
聲擢香山縣尹至正甲申冬甫蒞政顧縣治頽圯欲
謀新之念民瘼未理政事未孚年穀未登使民恐力
弗逮遂不果明年政平訟理歲豐民和侯以聞委從
戎事適鄰邑又不果越明天秋雨暘時若歲仍大稔
襦袴之謡竝作侯乃諭于衆曰縣有治治有臺所以
為民宣政化察邪正辨曲直者也風雨空穿梁棟撓

香山縣志卷之八 五十五

扞不新可乎咸曰不新則上無以示宣化之重下無
以聳觀瞻之嚴先後大夫秉政于邑者輒哀資議營
曾未興役以怠止或去今賴賢侯廉潔仁惠民力得
寬且全願各輸資効力期在必成侯遂謀諸邑簿唐
君實委吏掌費慎計出入徵匠僦工以農隙興事戒
匠氏以無侈舊制無棄良材由是民益歡赴之工善
吏勸忘所有事經始于丙戌之秋落成于丁亥之夏
邑士大夫序其始末屬予記之予聞今之居官者知
厲民以自養而已其視公宇如傳舍陵替於吾何有
哉其或知所務矣役矣而不恤其民或知恤其民矣

而德政不加恩惠不立罕能有以得其心是則雖欲使公宇之頽者圮者輪焉奐焉吾未見其成也必強之而後可乎強之則流於刑驅勢逼吾未見其成之速也雖成之速民勞而怨生必矣張侯之善有三解民之倒懸以息其力俟民力之全乃謀創邑宇而民爭竭力是不輕用民力其善一也農功漸收始興工役悅於使民民忘其勞是使民以時其善二也不增舊制諭以高朴費有而堅是節以制度不傷財害民其善三也備此三善所以得民之趨事赴功而事之有成宜矣昔召康公聽訟甘棠之下民思慕之懷樹不伐予知異時民懷侯德觀茲厦宇之巍巍其亦昔之年索歟是可書也已

銘曰太和雍熙肅清邊彘官得其人政無不宜民樂其業化洽以浹邑治孔新輪奐式協堂之渠渠民力之餘力靡民餘推令之謨堂之翼翼為民之式其式伊何唯令之德偉哉斯堂茲邑之光垂於千古邑以永康

重修城隍廟碑

明曹啓益

香山縣城隍廟肇自宋紹興與城郭並建于一時迄
今四百餘年世享淳龐熙洽之化瀕海而國者屹然
金湯神之庇居多焉歲久棟宇圯蝕廟制隳然隘也
則歲相與愍之顧費夥而災之無從也竝令父母孟
侯涖邑申功令振風猷諸所勦革咸次第經略圖之
而屬邑耆民周鎮郭宗顏周延鄭細楊維陞楊大倫
六人請曰廟之欲一新也數矣而竟以時詘見尼意
者神之默有待也非侯昌克舉之侯既得是請則朔
望請廟顧瞻興嘆曰妥靈迓麻孰有先於是乎夫令

香山縣志卷之八

五十七

之與神岐幽明而兩之誠風馬牛不相及至于彰瘡
淑慝使一方之民知所懼而不敢抵於罰則又若交
相待為理也矧金簡錫而平成格山川秩而有度熙
精誠感召之機驗如左券斯廟制之未恢也則研司
者誠愧之矣乃置印簿分給鎮等邊題邑縉紳士民
義助計得銀壹百柒拾餘兩不足侯捐素裝資之揆
日僦工以歲時呈試飭百執事前為鐘鼓樓上下二
楹輪奐奕奕次為儀門香亭翼以兩廡欄楹甬道甃
以文石又次為中臺后為大殿皆易腐以堅并竅為
嚴仍故世而式廓焉城隍聖像加飾莊嚴逸六曹於

兩廓建夫人祠於西側隸人侍女分列東西大門左
右塑神馬二力士二經始於萬曆丁酉年十一月越
戊戌年七月而告成夫經國之準不以彌文侈費則
制隆秩祀之典不以非神徼福則禮協非此道也雖
極土木之華無所用之是舉也財不出公帑役不妨
農作功享其成衆不稱厲人胥和矣廟貌佺佺聚觀
濟濟風氣以敦溫厚攸萃神斯格矣歲時伏臘報祀
衿襦海氛不入頌祝謳吟德馨廣矣語曰有其舉之
莫可廢也噫由是觀之雖千百世且廟食無間焉疇
得而易之者事六人以修廢為已任可謂勤事足計

寸倍巨細靡遺可謂節費不給則措置補之可謂綜
理勤事義也節用儉也綜理敏也一舉而三善備焉
乃伐玄石列其姓氏繫以年月以志重建之所始

銘

儒學鍾銘

明李 庚邑人

於昭皇明聲教廣被率土普天熙然文治惟我香山
建學有制造就譽髦後先相繼弦誦有時庖 有次
範土治金爰命鳧氏翼翼以懸高堂其置扣之春容
以警以勵凡我同倫各勉爾思

文

勸學文

元左 祥

人生天地間惟學乃有覺覺則為善人不覺乃為惡
方其童稚時賦性本淳樸長為物欲昏氣習或澆薄
薄俗不禁止至理日銷鑠卑者不事尊強者必凌弱
二網既淪沒九法亦乖錯問之何因爾由其不能學
人為萬物靈於世當有卓毋為徒讀書心故恒自若
窮則善其身達則獲名爵明時正尚文鳶魚快飛躍
願爾投明師朝夕期博約前經要玩味古道要斟酌
累土可成山積黍堪充倉巍巍文宣王天以為木鐸
坦然垂聖教萬世忭有托我來尹是邦夙夜憂民瘼
才德媿不克未能化奸虐剽竊聖賢緒誠意重然諾
每日三省身奉奉不妄作良善我所嘉兇強即我鄙
風俗期還醇氣質復所斲奉勸爾子弟勤勉無戲誕
學則為聖賢千萬加忖度

辭

關三綱辭有序

黃佐

關三綱者何闡幽以為顯者風也人无不倫始於男女通則父子遠則君臣蓋天牖帝迪存焉自世道汙亂賊作雖薦紳之貴妃主之尊泯滅良心入自禽門者多矣稽諸邑牒若馬南護趙孤於蒙狄滅夏之時阮與子刳股以瘳父於垂絕之際蕭氏女當兵戈顛沛義不受辱蹈白刃焉此其出於編氓生於郊柵而忠孝貞烈卓卓如是烏虜難哉顧世乃鮮有之者吾故為之辭

表忠

香山縣志卷之八 六十一

嗟沙涌兮龍蟠孔蓋駐兮鳴鑿啓蘭宮兮原桀繫禕翟兮芳蓀塵塵兮珮馬弭絳節兮榛菅日侵以施兮將夕列江蘿兮山之間運極兮逢不祥紛總總兮大旱懷瑾京兮迢遞蹇將憺兮周章腥風騷屑兮血人將安適兮九坑悵圖回兮日輟奮余戈兮魯陽顧竭節兮效死獻玉案兮瓊漿揚紛磕兮焉濟荃胡為兮溘而逝玄輿返兮鳴

兮會計帳 望兮

履暴風蕭蕭兮丹荔長淦兮

龍髯兮高厲遁

西山兮遺標踏東海兮捐袂願

秋兮翔翔銜木石

兮精衛

旌孝

嗟赤坎兮崇岵寒橋枝兮采芳杜君之去兮何時魚
 鱗鱗兮環堵芝楣兮蘭楔草生兮羅戶親莫親兮子
 父哀莫哀兮危苦引鋸刀兮剗股額昊天兮憫下神
 靈降兮燎寤斑斕衣兮興舞丹誠通兮齋速幡歿壽
 兮在予羗遐舉兮高尋萬萬萬兮稷森森恍采入兮
 有人烏啞啞兮遺之音誰可與兮晤語魂彷彿兮淚
 泫泫長吁唏兮淹息浮雲鬱兮晝陰世涸兮回極心
 惻惻兮茲禽駸螭兮高駝君不可兮下臨彼鮑篚兮

香山縣志 卷之八 六十二

毒蔓衣夫錦兮櫻金君回翔兮徠下喟哀猿兮翼心
建平夏宗仁進士為令熏探父尸寘篋中鮑魚臭達
 為吏民所逐乃去近時邑之逸民有持胡蔓殺母以
 嚇人財者真象
 猿也故辭及之

憫烈

嗟欖山兮嵯峨結瓊 兮哀歌有免兮爰爰雉何為
 兮罹於羅蕙幃兮 繚之兮葯衡淑女子未纓佩
 理琚兮象璫芳菲菲兮若英志皎鏡兮冰雪氣凜凜
 兮不可凌生不辰兮兵不戢條而囂兮倏而突操吾
 鉤兮如雲抗虹旌兮蔽日咨拘縛兮絲琴熊羆革兮
 狗狺狺冠履兮共約玉石兮同焚朝北渚兮純束夕

東亭号轉鬻斂髮号受刃誓死号身不辱身不辱号
首離耳荼毒号如飴魂為虹号冲天觀者淚号如糜
山有木号條肆特余心号不移木策策号風脩脩儼
全文号翠旗

香山書院告辭

何吾驪

羅不佞謏劣老於山澤辱諸賢咸虛推仰殊絕內顧
悚慚媿莫裨益方當竭誠直躬不敢婉委負茲日月
敢用瀝陳多賢是多維天鑒茲維 帝有赫既登於
途固有攸射維忠維孝是訓是式禮義恭敬是陶是
沃掃滌塵氛講明學脉暗室勵脩周孔是揭方矩圓
規勿差毫髮母昵聲華母尚周滑母唯賄聞母邇櫻
櫻母智自雄母幽以譎母卑苟安母邪自媒罔狎公
門淄我純白罔遊市井爍我氣骨罔習訟言薄我忠
赤母工詩張交亂四國吉人令儀亦孔之碩國人敬
之如金如璧為皇股肱作帝輔翼世有令問交頌明
德仰我請賢敦崇先覺戒用苦詞炤我肝膈庶幾夙
夜毋墜茲席一日長爾願言三復謹告

賦

止遷墓賦為蕭烈女作

明陳獻章新會人

昔兵戈之據兇盜兮孰俵俵而握之符兮號令紛共
 不一兮汨淚玉於泥塗抹之亂之執兵之狗而怨兮
 胡寧知耻而畏誅若美人兮宗廟之瑚無我即帶兮
 毋我捫袿毋我執手兮手可斷而不可污奮犬豕之
 罵以冒刃兮貌凜凜其若蘇死則快兮生安用請嗟
 此烈婦兮彼丈夫弗如丁侯為縣兮德教用敷表貞
 塚兮營祭舍行路嗟嘆兮揚聲教於海隅蠢茲弗畏
 兮託日者以為誣欲改封以自便兮動有識之長吁
 匪今侯之繼軌兮隳四尺其奚辜我將告外史兮筆
 之於書

粵會賦有序

黃佐

佐自幼知讀書先考躬教之十有二而舉子業成乃更學古文詞賦嘗撰越都賦以擬左思稍長厭其枝瑣乃芟整之更曰粵會賦避僭也其辭曰

百粵之會是為南海仰稽璿璣星紀所在黃鍾協律赤燠流形上燭南斗之精下凝衡嶽之靈左跨荆揚五嶺之重阻表以靈洲黃嶺之山右瞰牂牁溟渤之洪波帶以桂鬱滇肆之川神鼈奠足星鵠頰首睇睩甌閩若趨若走前有虎頭之門限隔島蕪來航萬里汗沿瀾而凡躡羅真臘之屬具布猶恭焉於後則

香山縣志卷之八 六十六

白雲紫雲迤為越臺曹幕地湧石門天開跋以羅浮璇房瑤室穹窿嶺峯巖巖鬱律朱明靚深鐵橋案岌神芝珍禽徃徃叢集近郭則會以九曜縈以三江表裏回游奔峭飛淙沉珠拾翠礪砢盪激入極浦而連迴迷不知其所適於遠則循浣口以荒極得靜福之寒林接黃連之巨嶠信南戒之喉襟呀峽山而陟韶石撫神臯而挹奧區蓋自未縣之外於焉重啓堪輿晞陽光於夜半搗靈景之扶胥殆有大章孺亥所不能週林間梗概靡得而書者矣方姬錄之季寵秦擇肉勁越守險戶尉睢而摧監祿雖大荒之南徼風氣

則通乎域中道汙而汙道隆而隆東井緯聚龍戰函
夏季以北王位以基霸遇呂雉而自君待漢文而後
絕潼關以立國迄獲嘉而始郡鄧讓貢而漢復炎
區景攘而火終運郭馬亂吳盧循覆晉馮歸隋治劉
據唐衰至於銀降真伏雖百世可知也宜其可定為
巖邑定係皇輿之安危然而議者猥言荒裔殊異要
綏豈不戾哉自我朝聖明之適興也淮飛神龍陸翥
長鯨溥海內外固有不庭左丞稽首遂合三城千雉
弘麗五翼飛鷲增拓黃圖延納丹溟媿周法而刻元
歲陋噐隲之所經營於是登望則綴珠崖巨銅柱跨

香山縣志 卷之八 六十七

龍編揮鱸清北通燕薊吳鉤楚距萬里帆檣蠻烟蜃
雨胡賈鼎來所居成聚斷虹北颶戩船滂嶼其氣候
之不齊或瞬息而備寒暑然而謫徒寢繁華風日邁
霜雪時降民不告憊允矣樂國四方所屈寔泉貨之
淵藪彙夏之都會也內則閭閻樸地長衢廣陌閨闈
七門溝瀆六脉 列市廛巘分貿易連蓋結駟填壻
相射莫不奴陶頓僕翁伯卑張里臺濁質囊橐孔銳
歛斛仍溢夫馬蹴紅腐緡纏朽赤仄執牙籤以夜籌
向什一而今千百山澤之沃鍾為土毛禾稻綺錯杭
檣穠穉塍埒交經枕海連阜秋成豐蔚富侈相高賽

杜杆年或沉酒而自豪其布帛則攀枝吉貝機杼精
工百卉千華凌亂殿紅蕉芋雲浮綉鮀冰空踈締蕭
暑密斜弭風其材木則椴楠松檉楓樟杉榆檉栝穀
椴榕櫟椿樗合抱隱岑千仞排虛剛柔性異貞脆質
殊卑高沃瘠各隨所如其香藥則沉檀安息白膠青
木馬牙雞舌龍腦天竺卷柏茯苓青精黃獨宜另盆
毋有繁其屬其果則盧橘楊梅黃蕉丹荔栻橙丸金
櫟袖幄翠橄欖餘甘五斂千歲人面薦仁宜濛醞水
其蔬則金薤玉蘼香菌紫芝杞吠靈虺芋眩蹲鴟樹
茄後蔬紅葩綠蕤擢蓂盈園搖芳映畦至於鷄豚散

香山縣志卷之八 六十八

野牛馬量谷家積登椒戶映藤竹魚鹽漆蠟其集如
簇秦術廣於齊民之篇植品多於桐君之錄矧又火
伏孽免海緹懷珠山熾水封鑿礦攻瑜據險角力歲
罔莫居賣身徇財卒為愚島舶之未有築其實嘴

鐐 釧璠璣璋璵璣琲瑟琴璫 瑪瑙玻瓈珊瑚瑠

璃車渠木難火齊陽燧方諸龜筒鶴頂犀角象齒猫
睛日耀鴉鶻霞綺流黃空青縹碧紫英其罽如雲其
曠如星蓋廣南之富傳自古昔苟非上失其道則亦
無郵於捐瘠故其民莫不因歲時事娛嬉蒲澗越井
吊古探竒騰吹峻坂弭蓋清漪遨遨頭以借樂導雙

旌而前馳亦有俠客疇人五豪七貴掄魚鬪雞攤錢
角觥六博五白絃管流涕爰長騁以遐眺挹自然之
神麗循東溪陟北岡度樾橋至珠江刺桐木槿含榮
吐芳素馨茉莉旖旎芬香柳漿醉客侑以檳榔竹枝
金縷翠翹鳴璫擁宦齷之蛾眉萃薤薤之衣裳蓋處
沃土而淫福民之常也方和樂而謳吟世之昌也使
歌喬木之南有戒蟋蟀之太康則雖好樂又奚傷焉
盍亦覽霸迹以自明乎昔尉佗之在秦也力政毒痛
血民于牙咸陽瓦崩萬寓塗擊於是乘黃屋而自王
摠朱垠以為家乃據秦府庫殺其良吏營宮建室自

香山縣志 卷之八 六十九

置神器 門曲榭砥鄂弘闕虹梁纏連雲構林植既
崔嵬以宏璉又 豁而曩負左籛以朝箕踞魁結爰
立相臣御史中尉將軍郎吏盜竊秦制閣道圍闕高
甍甲第上崢嶸而環璋下 履而繪績避暑離宮不
知其幾沆莫能名具一二焉猝遇陸生築臺朝漢蒸
土切厓揭孽隆矸帶霓承雲立其楨連岫複坂環其
畔視奔星之俯馳挹流泉之澆漸國終殄于輶女歸
餘基之漉漫民生其時亦孔之悲工役不息肉刑且
施辟張羅以絕飛走又為豺虎而毆之漢唐休養施
于五季兵纏紫微蠶及丹商劉龔儻據業承先世身

為蛟螭恣厥吞噬乃自謂膺乾符執坤樞熙鴻名恢
駿圖鑿翠闢郭繚瀛作都雉闕徹道九軌經途門千
戶萬宿衛周廬構乾和之寶殿法太紫之矩摹抗應
龍於闕闔耀玉題與金鋪果愚洄泮以迤邐藻井狎
獺以紛敷後宮則有禹餘太一景福龍應玉清思玄
南宮定聖南薰別殿北接明光椒鶴貫魚袿服靚妝
溫室甲帳永巷迴廊錦華復以懸黎緣繡栊以壁璫
苑園則有昌華芳華年泉望春飛橋跨沼崇桃映津
汪杯濯足翼翼鱗鱗離宮閑館亘五十里呼鸞載道
引以蘭鈿蒼蚪銜綬曰澤衛 特升中於圓丘或耕
籍於東鄙復通鄰而耀武啓封疆而自喜左三湘而
右八桂控賁禺而役交趾又有玉液之池明月之峽
含珠之亭紫雲之閣紫壁對峙沈泉旁達脩篁灌木
青翠相發風露披瀼於翳薈日月投光於巖穴躑名
勝而建浮屠宮于四周者二十有八叶列宿之景曜
金磬鑄鉤而互答蓮彼北川迄于西城層軒疊閣建
鼓揚於宮娥競渡貂璫練兵招羽人于藥洲陳不死
之丹經又有三事六官府署司院蘭臺石室濟濟儒
彥虎鷓開幕關戟戩弁張鄧列庫征摧克羨金梭供
御紅雲設宴蟾姬瓊仙握爵銜憲學士自宮以求進

才人調謔而相見乃設水獄劍樹刀山視棘之貴就
僂猶嘗虐斲散於黃墟腥德通乎玄問民亦何辜罹
此凶艱蒙狄方興宋社將屋識符四廣厄鍾有六鑿
輿狩于屋門竟膠舟而不復百萬王師盡化為魚貞
后忠臣之氣恒黯慘而不舒然天厭其德神運五謀
脫揚王於潰伍犖無疆之聖休則夫經慈元之殿陟
瞻永福之陵丘徵天道之終勝而異必詠秀麥之油
油嗟我駭首羈縻於塞日為苛政所芟彘豈徒猛於
虎而已哉乃哀籲于穹而欣戴我聖祖皇矣聖祖
德合泰清命彼征南掃北攬搶風丘月窺歎塞未庭
照幽滯以天光振潛孽以仁聲故雖有粵之遐逝仰
人文而化成洎列聖丕承蕩蕩涵育三辰受撫四靈
在畜道胡不臻化胡不穆天地無為鼓其化者素籥
神功不宰分其治者岳牧是以簡賢哲之霽霽用班
布乎南服乃建薇藩其藩兢兢乃建霜臬其臬巖巖
都茲兵閫竝立為三驄馬行臺以察以監十府七州
雌塗郡閣縣踰六十犬牙間錯駢駢庠序泮宮俱作
衛所戎行督離理舶巡警置郵犴司蓮幕裁棟宇而
萃胥徒依崇墉而臨巨壑於是宣天彝恤民恫播芳
猷息囂風開誠展才表正景從思齊處默抗迹敬宗

使茂德流於有截而芳訊垂於無窮函氣之屬聲教
漸浹雖推埋之雄游俠之客奇衰之首侏儒之域莫
不革面而深心沐浴於皇澤是以邊鄙不聳海波不
揚男勤稼穡女務蠶桑黃耆台背遊戲康莊耳不聞
乎抱鼓目不睹乎牙境歌禾廬之既登談穗石之為
祥今日之民可謂康矣春王初吉置酒交會梨酌
服鏗鏘劍佩元夕冶遊熬鐙絳天士女如雲寶馬璫
清明簪柳椒漿酬墓端午酌蒲錦標競渡中秋重
陽汪芋題糕亦既醉止其樂陶陶春秋社蜡椎牛醜
酒飲以兕觥有濡其首卒歲大儺伐鼓鳴葭銀子萬

香山縣志 卷之八 七十二

童帽首謹諱左軒魁魁右殮蟻蛇宸網為之跼跼况
黃犬與赤虹迄守歲而迎春俗靡愛乎紛奢觴茅柴
而羹谷董亦何恤其無家循河南岸市比如櫛齒革
果布填鑄髹漆藤竹諸器巧逾天出烟雲連騎羅綺
盈室殊方異類豪舉彙集登山取材則柯株攢露傑
湧封塵花梨蒲葦積猶棘薪煮海為鹽則雲濤漂緜
炎甌烹素神液磊魄耳鹵布獲至於狍狗瓊瓌駘鯨
紛披握椒片糖天下所資每易致而輕視或塵泥而
棄之今日之民可謂庶且富矣且夫世方倣擾則龍
蛇起陸駟羊在野山呈古劍海出丹馬今也青雲干

呂靈鈺順經和颺車澍疵癘不興不童不涸不濤不
騰嶽祇貢杜川后效楨城埤隍杜羣公先正春秋秩
其祀事莫不流盼蠶而飲德馨然則山川鬼又可
謂寧矣東北多山獸走鳥翔鳥

鵠山明鶴 鷓

鷓鷯繡質

鷓鷯章白鷓縞衣金鷓黃裳晨風林

鬱時鷓山梁爰居達煖賓鴈避涼鷓鷯以言而畏殺
孔翠因羽而懼戕映明壑而迴翫戀赤霄以悠揚獸
則麇鹿麇麇 獾狻猴麇狼鰻獬土麇沙牛甲攢陵
鯉箭豎豪樓羶矜角逐狸兕儻游狃龜續幡狹狷幽
蚪飛枝擲於猱獾曾崖響乎獲獮蹲深谷而駭駭發

香山縣志卷之八 七十三

密藪而呶呶東南多木韞星浴日珠池貝闕齋宮鮫
室鼉鼉鯤鯢於焉宅窟鱗鬣聳山鱗春揚鈿鯨鯉龍
喙鯨鯉虎質鱗鯨嘉於丙穴鱸鮓夥於沮漆鋸張牙
而戟立劍窺鳥而墨出蝦寄目於水母蟹或腹于璫
瑤海僧泣而占災天吳舞而颺颺胃泉網薄獲必盈
槎編鱗魴鱧鱠鯢鷺鷥毛鳳尾白飯黃花腰帶橫
擲比目貼沙蒼芒蒲赤蒸雲擁霞鱗介交錯既物且
躍煦沫涯瑯睪盱漭泊蚌煙螭蟪蛸螺蜆蠓蛤鱉帆海
鏡江瑤沙白車螯胡鮭蠟蟬蟳蠃仙掌瓦屋石首筍
殼雖汀渚之溷溷猶露鋪而潛鱗然則鳥獸魚鼈亦

既成若臭噫乎天之生物也寒之則彫暴之則榮人之居室也多陰則幽多陽則明惟陽明勝夫陰濁則扶輿淑氣殺而弗傾故嶺海炳靈英俊挺生鍊金之鼎比玉之貞樂道好脩晞古振纓騰其實則為龍光蜚其聲則化鶴鳴邁迹董正疏源則德詔世程追縱羅威唐頌則孝闡天經迄馮翼以儀我天朝也格泰清莫奉寧輔皇極陳丹誠畫置置以合紀力擅擅以承楨苟非其時不榮以楛寧為峴峴無然碌碌彼其兆楚相之僊早馴淮令之白鹿司中正於州閭宣威信於蠻俗又孰與謝湘東以捫蘿遜年溪而采菊也

香山縣志 卷之八 七十四

哉若乃囊笏視位獻鑑楓垣海鷲托諷白羽銜恩從其謨則儲闈靖謚違其諫則擊鼓喧闐張曲江之相開元也平章綸有獻納台司一介不取九死不移安居則非己有却賄則畏人知劉涇川之相懿僖也鷓池擣藻鶴駕養正臺閣品式禮樂命令直金華而獻五箴循秩宗而贊八政馮道宗之傳天聖也力辭相樞疏十三陳秋圃寒香願老海濱臨邊則金人失其勇智登陴則逆卒驚其威神崔正子之為千載一人者也然且躅姬周贊夏商鯀濟虞鷄聖唐駢貫三才周明五帝日着靈乎道德期曼羨其輝光逝洙泗而

涸源挾伊臯與翺翔蓋借昊天而出王洞化育之洋
洋者乎於是旻旻青衿番番黃髮凡窳屏葭葦與鳥
獸羣者咸俾焉憤排而周闕旦夕敷言靡國不達競
倭俶儻晷忽昭察稅隔局而祭鏡易叨墜而闔澤乃
駢坐而謳曰猗粵之昌兮猗俊之章兮彼紉葩環麗
曷克當兮端拱治世儀鳳凰兮後五百歲受厥明兮
圍圍縵縵雲之鄉兮緇積璘璒粵為鄴鄉兮皇兮唐
兮憑天則以無疆兮

午日咏嶺外風上

齊魏 收

麥涼殊未畢，蜩鳴早欲聞。
喧林尚黃鳥，浮天已白雲。
辟兵書鬼字，神印題靈文。
因想蒼梧郡，茲日祀陳君。
陳君乃邑人陳臨也。

汪石歧

唐鄭 愚

此日携琴劍，飄然事遠遊。
臺山初罷霧，岐海正分流。
漁浦颺來笛，鴻遠翼去舟。
鬢愁蒲柳早，衣怯芰荷秋。
未卜虞翻宅，休登王粲樓。
愴然懷伴侶，徒爾賦離

過零丁洋

宋文天祥

辛苦遭逢起一經，干戈落落四周星。
山河破亂風飄

香山縣志卷之八七十六

絮身世，浮雲雨打萍。
惶恐灘頭說惶恐，零丁洋上歎零丁。
人生自古誰無死，留取丹心照汗青。

集杜句有序

前人

御舟離三山，至惠州之甲子。
門駐馬已而遽官，富場丁丑冬。
敵舟來移次仙澳，與戰得利尋望南去。
止碇洲景炎，賓天蓋戊寅四月望也。
嗚呼

痛哉

仙澳即深井山

陰風西北來，青海天軒輕。
白水暮東流，視斷蒼梧帝。
哀歌書烏巖山

鄧光薦

歲云暮矣，可奈何。
雲愁雨濕，陰風多。
林壑摧殘，海鷺

波慘淡一色無山河哀鴻瑟瑟舊枝柯飛矢不容愁
虞羅深山短景一鳥過會看明午風日和

避亂至烏巖山贈趙永節

前人

流水桃花人避秦誅茅西嶺結為隣如公高友浮丘
伯顧我早師梅子真棋酒從容新里社衣冠蕭散古
遺民他年史傳收芳跡應許牽聯作隱人

其二

草草茅茨補數椽雞鳴犬吠白雲邊此山此水前無
古能酒能詩亦是僊奩鏡曉開林外海佩環夜落月
中泉彈餘棋局聽樵斧猶恐還家不記年

香山縣志卷之八 七十七

哭祥興帝

前人

翔龍宮殿已蓬飄此日傷心萬國朝日擊屋門天地
改壯心難與海潮消

其二

前人

黃屋匡扶事已非遺黎空自淚沾衣衆星耿耿滄溟
底恨不同歸一少微

游元興寺

前人

坐閱人間幾劫灰試從清淺問蓬萊此山此水自古
有是佛是仙何處來

春日勸農

元黃裳

原隰東風二月時勸農聯轡到天池宦游花縣三年
舊心事香山有姓知民瘼未甦思活策春耕宜早起
先期有情祇欲陳忠讜天遠無由到玉墀

遊龍井

前人

飛瀑藏龍殷殷雷眼前蒼翠自成堆只緣間俗頻馳
馬豈為探竒數舉杯井面虹霓隨日見山頭雲雨不
時來春遊正與民同樂惟願青天萬里開

考滿自述

前人

製錦無才偶四年為憂民瘼覺華顛公餘風月酬詩
債客對琴書當酒筵縱使便枯南海水斷然不飲石

香山縣志 卷之八 七十八

門泉灘頭波浪雖云險到底難傾載月船

刺桐花

前人

聞道鄉人說刺桐未花先葉是年豐我未到此憂民
瘼只愛青々不愛紅

拈桂歌贈周高文上春官

明黃哲

番山亭亭讀書屋蕭森古桂屯雲綠可憐芳樹着秋
花西風吹吐黃金粟周郎今年二十餘築屋花邊勤
讀書古詩研磨正風雅志節矯矯非凡儒秋未拈得
庭前桂擡袂先趨棘園試欄袍真帶廣寒香名冠群
英三十二持書好去登春闈朝天拜舞生光輝洪恩

更許南歸者載酒花間榮綉衣

按尚文為洪武首科解元聯捷進士

武山觀月

黃經

刁丰寂無聲銀蟾夜自明林風吹短鬢秋氣肅孤城
漫作劉琨嘯仍含庾亮情樓^頭鼓曲曲曲樂昇平

壽星塘

前人

靈潭含曉日喬木入寒烟野鹿啣花戲巖龜傍石眠
歎聲南去雁一騎北來仙縹緲飛霞裏吾將問引年
赤坎村阮孝子宅 前人

阮家門巷草青青綽楔空傳孝義名到脅救親天感

香山縣志卷之八十九

動至今光彩照圖經

寄題友琴堂

汪朝宗

華堂揭榜見真心取友平生只一琴九死不校曾抗
疏百年難遇是知音孤忠大節乾坤動流水高山海
嶼深研喜移居薇省迂請官樽俎日相尋

圓攬山頭有雙樹連枝者下有古墓存焉與諸

子異而賦之

李孫宸

雙根古木接枝垂下有荒墳事可疑應是芳魂甯未
死故將幽恨表連枝

其二

想像泉臺事豈真來生未盡宿生因人間歡合隨流水得似雙枝歲歲新

其三

白楊烟雨畫冥迷何處牛羊下古堤獨有關情雙鷓鴣春來偏傍墓枝棲

宿欖山書屋

陳憲章

一片荷衣也蓋身閉窓眠者乃何人江山雨裏同歌嘯今古人間幾屈伸長與白雲為洞主自栽香樹作齊鄰山中甲子無人記一度花開一度春

別欖山

前人

香山縣志卷之八十八

羅浮山色眼中來老子心情不易裁高浪不驚南海舶白雲聊共欖山杯未知竹徑留人否那問天公著雨催主人更道秋來好收拾黃花待我回

春暮酬黃廷美見過

前人

秧抽平野綠初勻乳燕飛飛不避人春盡忽驚鶯花去眼老來空有病隨身藥爐看火人事廢草履登堂客子親與話平生燈火事羞看白髮滿烏巾

丁明府置蕭烈女墓田鄉人奪之 前人

歲月人間豈待深等閒興廢遞相尋祇應烈女墳頭月還照當年茂草心

自香山汪舟歸粵洲草堂漫興 黃 畿

日暮長風吹釣絲扣舷歌向月明時乾坤納納長如
此世事悠悠自不知積雨盡從滄海去高山不逐白
雲移等閒領得東皇意草色花香總是詩

登蓮峰

前 人

振衣舒嘯陵崔嵬紫翠簇簇臨風開芙蓉千丈海中
出文筆一枝天外來

孝子感虎歌贈黃粵洲

廖 翼 南海人

黃孝子過於菟孝子慟哭不自覺氣吞於菟恰若無
於菟初來威烈烈咆哮未登石欲裂須臾俯伏孝子
前叩頭致敬腰為扞吾儕旁觀股交戰孝子淚眼何
曾見乃知至孝通蒼昊嗟爾於菟良有神

全后疑陵

張 詡 番禺人

全后燕京去不還一陵誰道葬香山頗疑也只衣冠
在月色長如照母顏

遊西林庵

張 通 鳳陽人

寶地高蹇絕壑間回看下界小人窳天涯滄海自消
長洞口白雲空往還客鬢逢秋休著意名山對酒且
開顏肩輿興盡歸未晚又得浮生半日閒

其二

野寺蕭條古木微，老僧相見話禪機。
雲深石洞玄猿斷，烟鎖松林獨鶴歸。
上界躑鍾通碧落，邊城哀角送斜暉。
浮生自覺渾無定，欲解鳴珂問釣磯。

和前韻二首

謝佑桐城人

洞口停車一笑閒，却驚身世出塵寰。
上方知僻人稀到，斜日林深鳥白還。
在處雲山堪滿屐，坐逢泉石即開顏。
豪吟清話逢知己，又得浮生半日閒。

其二

一徑宮窵上翠微，再尋幽寺得忘機。
雪峯鳴磬鶴先去，茶竈斷烟僧未歸。
滿眼白雲迷野樹，驚心黃葉散

香山縣志卷之八十二

清暉鄉園更有湖，山景何日扁舟買釣磯。

北山

黃瑜

青門鬱葱葱，北山佳氣濃。
不見邵平瓜，見此金芙蓉。
芙蓉歷冰霜，秀色射埤海。
喟彼貞心人，素履長不改。
我祖廊廟材，早沒隨蒿蓬。
大母矢靡忒，白首有耳所終。
時平共鍾鼎，世亂逐戎馬。
緬懷東陵侯，哀歌淚盈把。

壽星塘

前人

汪汪壽星塘，上有岵與岵。
松相悲風來，驚波渺不起。
岵岵日登望，父母嗟何之。
驚波有定日，皆淚無乾時。
誰云蓬萊仙，夜來駐筌鶴。
刀圭如可求，庶幾起冥漢。

嗟我寸草心萋萋徒自傷淚下不可收日暮驚波長

長州山

前人

微雨淨山綠賣心投鶴羣拂蘚憩幽洞松花如密雲
龍湫接獅窖石瀨時遠聞野煙濕苔逕牛羊下斜曛

獼猴山

前人

西林簇龍象昔為獼所穴道還入蒼翠永與炎埃絕
禪詰落松風灑作襟上雪坐久明河沉疎簾掛海月

鳳凰山

前人

桃花情無源仙妹渺何許空餘一片山欲逐鳳凰翥
長林暮蕭颼似送飛瓊語倏然卧荒村清猿深夜雨

晉山縣志卷之八 八十三

梅花水

前人

早春適川上興隨流水長時有白雲至遠帶梅花香
口誦文山詩目送孤鴻翔悠悠宇宙間是非兩亡羊

悲井澳

前人

宋末童謠云江南破白鴈過又識云逢崖則
止後伯顏破杭遂至崖山而亡

白鴈過江南破更無一寸土可坐自闕入廣隨波流
氛塵暗天天亦愁黃蘆覆岸風颼颼上有深井下有
仙女溟漁舟不往御舟到風吹御舟力排弄嗟嗟悲
哉誰與告誰與告兮悲復悲逢崖則止會有時星星

之火異威為君不見青苗行時不敢語大事已逐黃
龍去又不見金牌出時不可回殺氣先隨白鴈來舒
王生鄂王死宋家刑賞乃如此嗟嗟并漢徒悲爾

題馬侍郎南齋故宅

前人

萬里風塵染赭黃遙從炎海望錢塘鴉啼曉日樵蘇
集花笑春風輦路荒鄂國有靈餘草木思陵無策失
芑桑龍沙北望成今古猶有人傳馬侍郎

春日過縣東無量寺故址乃劉中行宅 前人

春日尋幽獨向東烟塵埋沒楚王宮劉郎去後桃花
雨杜宇啼時貝葉風又六金身何處所大千沙界浩

無窮絕憐色相歸空後惟有鳶魚指顧中

全后疑陵

前人

南臺北臺浮黛鬢宋朝陵墓徧荒山玉魚金碗誰曾
見梅花流水空濕濕

蕭烈女

何派行

西風吹血濺戎衣負骨山頭忍淚時青塚月明啼杜
宇綠楊烟淨黃鸝百年俎豆嗟殊工千古綱常耀
短碣望闔州雲沒處墓前芳草正離離

前題

齊啓和

此理人共得天命豈有私詐意板蕩世女子獨能為

紛紛豺豕亂擁逼難支持白刃尚可蹈丹心定不移
慷慨一授首堅貞重鼎彝賢侯隆墓祀鄉彥悼以辭
世代今四易族姓揭其遺誰操國史筆表揚其在茲
耿耿芳名在二竇與同垂何如偷生者宣足稱男兒
我為長太息援筆一題詩

仁山書院為鄧侯賦

鄭之藩

高菱丹崖淑氣收宦遊猶勝赤松遊飛軒隱結朝請
島曲檻紆迴帶遠洲中鎮七星為秦岳南賓五嶺作
蓬丘公餘便讀三綱領不媿人稱仕學樓

仁山書院次鄭孝廉韻

鄧遷

香山縣志卷之八十五

仙羊真氣未全收瀛島高玄足勝遊叢桂盈盈金玉
闕扶桑歷歷鳳麟洲海外烟霞還赤縣花間臺榭亦
丹丘江湖登眺朋徒共北望京華萬里樓

登香山次劉潮陽韻

前人

三年作縣花能簇萬里朝天葉正秋遠水碧空元一
色高雲青草共誰游梧州江上傾春蓋蓮石灘前滯
夜舟分手馳驅遙憶汝崇陽鳧鳥未應留

遊通天巖同林二山憲副

黃佐

石林展竒眺飛憶遵崇阿翠壁中洞開雲日相盪摩
桂戶頰瓊闕花宮敞銀河四顧絕埃壘顚氣流靈和

披襟修蕭散盤礴興嘯歌陶陶隨所適野酌依烟蘿
皓月照低柳微風揚澤荷褰帷自茲去真實豈在多

石歧夜泊

前人

香山秀出南海堦四圍碧水涵青天七星峰巒擁樓閣
北斗照耀開雲烟雲烟有自峰巒起覆露千家連
百里漁歌菱唱不勝春桂掉蘭撓鏡光裏石歧夜泊
白鷗沙南臺縹渺浮梅花蛟浦澄澄洗明月龜城藹
藹升繁霞繁霞明月從昏曉翠棋朱萼紛薜蘿井澳
空傳北騎仙鳥巖多見南枝鳥鳥飛仙去杳難尋木
自成橋水自深登堂一入青山郭高友惟聞綠綺琴

香山縣志 卷之八 八十六

綺琴古韻真奇絕正氣當年動濔汜共言解愠協薰
風誰悟知音成白雪白雪薰風調莫彈栽桃栽柳世
稱難身隨列宿歸天上跡比靈光寄此間大北山前
松栢老壽星原上多瑤草采采今為南陌行迢迢昨
憶青門道道出青門月子岡浴鳧飛鷺滿蓮塘競誇
北里牛馬絕勝西康集鳳凰豪華比屋何須數海
錯山珍棄如土到處那無種玉田營家自有藏金塢
豪華堪美更堪悲零落山丘能幾時紅錦歲裝平
臂磨滅芳名誰復知此時壯志期鴻鵠此夜踈燈照
帆宿浩歌梁甫回陽滄波渺渺素田綠

宋行宮

前人

沙涌清夜月曾照宋行宮未抵黃龍府空悲白鴈風
丹心思蹈海正氣化成虹苦遂厓阿願吾鄉有大忠
在松濤猶似擁千軍

張太傅墓

前人

棄官歸香山口號

前人

十載行囊一素琴寥寥天地幾知音淵明已有歸來
賦和靖初無祿養心北郭晚田堪白酒東籬秋菊盡
黃金扁舟一去隨明月回望蒼梧空綠陰

香山縣志卷之八十七

志成補闕一絕有引

前人

予潤邑志既成編矣偶閱更得一事天順
二年三月廣東副總都督翁信奏海賊四百
餘徒犯香山千戶所燒燬備邊大船備倭都
指揮張通坐失機殺賊贖罪由此言之吾邑
海嶼孤絕寇盜易犯不可不妨也今預備糧
以備軍旅警戒無虞其在茲哉田賦此
簾前雙燕舞薰風階下葵花向日紅山邑若能留鄧
令海船何事用張仝

香山象同作相師過吳門解帶贈別余報以漢

鼎黯然之懷詞不能盡

文震孟 蘇州人

有詔還山戒殿爭從君同日出春明共過鶴冷梅間
地重說雲翻雨覆情解帶幸分香比得報瓊聊借鼎
為名時賢別具戈矛在誰挽天河洗甲兵

訪何相君遥望攬山有作

陳子壯 南海人

若士相望海越寬莫疑西漲有狂瀾蛟龍起處多成
島日月分流 作灘識面乍逢漁父問輕身欲 水
仙餐前溪一曲閒情興暫采芙蓉報不難

寄題香山相公元氣堂

錢謙益 蘇州人

嶺表山川規外星扶胥海口累青冥為園五畝無多

齊山縣志 卷之八 八十八

地元氣堂臨浴日亭

讀邵文莊集寄題二泉書院

何吾驄

神龍不可豢澄江不可撓忍謂道委蛇權闡屈矯矯
苦心漕政書大笑出門了戴笠自 丘舜珪以終老
粹然証聖宗輿論歸鶴鶴俎豆虛几筵清風來蔣藻
君子弗可讓民秉終同好一朝豺虎屏青青易臺草
移居鐵城貽友人二首

伍瑞俊

馳驅別丘壑太息問孤城地水思中吉天山感五貞
尋涼雖未速揮里幸同聲相見為懽日差忘離亂情

其二

亂離雲壑漫草草漫謀生我病因貧劇君懷到老清
何期值茲日寧暇問浮名雖有還丹術馳驅悉未成
濠涌水閣成贈馮明府
區大緯

烟濤何處接溟州怪兇雄鯨出上游舊跡百年歸巨
浸庶攻不日賴嘉謀直教半壁憑支柱何事投鞭可
斷流由此金湯萬年利看人開放五湖舟

馮明府驅虎

伍瑞隆

日日山城打虎回誰知官有阿昆來只
幾有精誠
字縱有悲風嘯不開

羅南府刺史晚過

香山縣志卷之八 八十九

山依官舍柳絲垂客到開
窺春盡幾人花下

酌月明猿留嶺頭吹試

碧池解組十年君高憐予五斗折腰時

白鶴峰謁蘇文忠祠

前人

竹樹蕭蕭岼葦秋先生祠廟枕荒丘千年白鶴峰頭
老萬點青山海上浮才大英雄多睥睨身逢聖主更
窮愁振城日落寒雲冷讀罷殘碑淚欲流

仁山古羅漢松

馮祖快

我愧崔斯立茲山却有松陰來和歸鶴坐去失夙龍
雨過穿疎月風生雜暗鐘已成羅漢果何用大夫封

九日酌迎陽石

傅孺

赤榕樹底日沉沉
踈雨欲來陰復陰
莫實乍添糕裏
屑菊花同酌鼎中
金縱橫山色風燭
手瑣碎秋光霜
葉心高興未應年
老減故憑佳節共
登臨

平嵐中秋飲林氏大小阮山居 前人

雲萍亦自有佳辰
席上爭陳海上珍
世外但知耕讀
味山中那識亂離
人 香處 歌 隊綠樹家家

四隣痛飲 往事今

井山居

前人

炎方到此正天南
別有長林可結庵
山盡入懷情自

香山縣志 卷之六 九十

遠窓當 夢猶酣蛟龍蟠處雲中滿
虎豹砦邊水

半淹閉戶著書渾
莫論楞嚴周易日
同忝

又

年光兩度福梁肥
百尺危巖日色稀
松已有花堪午
饌葛多新蔓佐輕
衣雲中收 長謔去
松下驅牛橫
笛歸莫道天涯盡
海山多少釣魚磯

何相國招遊羅浮夢別業晚過寶蓮寺分賦四

題

謝長文 番禺人

野意近寒出山情
絢月遙夢香浮綠
醕幽韻落晴霄
着處含理盡探將
想玉條行當歸鼎
實叢桂不須招

右山館探梅

山月隨人白紆迴野徑微
福香秋雨後虫語夜聲稀
酒醒寒侵面花晴香入依
相君閒杖屐客未言歸

右能山晚步

右蓮寺

策杖荒村外言 晚略長夜寒
冷石橋霜

松籟笙簧引山定 香醉 吟美
露集衣裳

右雙橋歸月

香山縣志 卷之八 九十一

望洋臺

張 穆東莞人

生處在海國中歲逢喪亂竒懷數十年 浪已沫漫
故人建高簾樓船若鵝鶴因之慰豪觀地方盡海岸
西藥近咸弛重譯慕大漢寶玉與夜珠 布異光燦
若夢遊仙瀛金宮紫霞咽危樓切高雲連甍展屏翰
水上多神山青削屢續斷澄波或如鏡一葉亦足玩
及爾長風迴氣色忽已換狂瀾渺何窮萬里生浩歎
飲馬叅戎海曙樓看波斯胡古劍 前人
西洋多寶鐵玉室紫金鏤影動橫秋水神寒哭觸體
無情隨馬甲高價重貂裘可惜雄心日相逢已白頭

仁山書院咏懷

申良翰

宦遊嶺海非初志，猶幸遐陬案牘閒。
堂奏晨琴思閉閣，庭空午訟好登山。
花香鳥語詩為料，梅月榕烟句自刪。
免使人呼真俗吏，泉石笑緣慳。

烈女劉二娘

俞 杲 紹興人

蕞爾山谿角地，以烈女溥庠士一劉。
噩名以烈女宣，烈女行若何節孝兩能全。
梯毋出危難，襁妹被拘擥，罵賊不絕口，成仁命自捐。
竦軀入清流，芳名責九泉，冠冕偷生者，孰如巾幗賢。

貞女鄭娟娘

俞 杲

義夫不世出，貞女每多傳。天地有正氣，何獨賦嬋娟。
君不見敬瑜之妻，截耳咏孤燕，共姜自誓柏舟篇，今有鄭娟勵嫠操。
未許二人擅美，獨居前芳，齡十八尚，未字父母，奪志志彌堅。
善事繼姑，撫繼子，拮据盡瘁，六十年砥俗，維風良可尚。
買題建坊，苦無錢，請伐蕉坑山上石，礮碑特予姓名鐫。

節婦何氏

俞 杲

閨中無奇行，惟節是生敬。義方訓以嚴，柳韓亦李鄭。
喬梓世濟，美文學相輝映。天為賢母報，替縷卜頤慶。
申令君伯兄周伯 歐陽羽文南雄人

大陸

三千

士家重秦中有三關琴韻聽當官舍靜水壺映到客
心閒荔枝盧橘留君住宜為無魚憶故山

和韻酬歐陽學博

申羅翰揚州籍
涇陽人

海日曾聞近可攀三神髣髴有無間馬融此際方施
障李裕當年且度關舞利拓枝常落落齋餘首著自
閒閒分曹未許煩清聽暫藉群材作丰山

天王橋懷古

劉相

憶昔南巡此地過一橋猶是宋山河白鷗後殉崖門
浪蠓蟀前興航海戈懸棧風悲憐危蹕行宮烟冷想
鳴珂天津散步人同感獨倚危欄看逝波

香山縣志卷之八 九十三

前題

楊晉

葛嶺何人日擁娼海濱遺恨守河陽侍貂影冷波閒
月羽騎衣寒板上霜日暮風塵思駐輦夜殘燈火立
含香自從柴市成仁後閱盡狂瀾祇獨傷

沙涌馬侍郎宅荔枝

劉相

行宮進御舊承恩結子如丹黯自存安得鳥喙歸上
苑更無人薦到匡門侍郎宅廢空留恨永福陵荒莫
可論若使冬青還有樹蘭亭應共此銷魂

前題

楊晉

孤村落落翳荒烟丹荔參雲廢宅前封植久辭新甫
露承恩空老舊山川碭州淚灑龍牙濕鄂國丹凝鶴
頂鮮安得泪羅人與語年年午日綴江邊

小嶺探茶寄懷珠江同學

楊錫震

崩崖恠壑尖茶抽雪不禿露髓與雲肪四時爭孕育
石林既幽潛礫壤更清淑老僧咒虎馴寄此豁舒谷
乃屏俗遊踪免為茶所戮我訪丹丘子笑語猿猿熟
茶意似憐人採製每盈掬秘獲山中寶不撻山魃哭
憶昔拉君來共吟千尺瀑左鑄及右杓活火試鮮馥
一片虞洪腸陋彼飫梁肉茲遊倍曠君遠在菖蒲麓
所貴湯社盟夢寐頻徃復何時邀杖笠重訂東溪錄
紫筍封寄誰層霄空縱目

香山縣志卷之八 九十四

八景詩

明黃仲翁

半抹紅光滿山城物色新樓臺三界曉花鳥萬家春

金鼓朝陽

野航春浪急烟柳夕陽低流水南還北行人東又西

石岐晚渡

國南夜澄鮮一望中可臺上路舉步是蟾宮

南秋月

西北朝京派東南合踏潮長風隨入夜吹作雪翻飄

浮虛
春薦

羣峰超絕處特自起孤高卓地青筠管抽天碧兔毫

阜峰
文筆

天池方半畝半畝盡荷花借問荷花主蓬萊是主家

天地
芰荷

垂綉紐瀝瀝漱玉乍玲玲山色驚人目泉流足我聽

金紫
巖溜

柳暗溪橋路雲封古洞門牧童村外笛驅犢下黃昏
長

前題

伍瑞隆

香山縣志 卷之八 九十五

曉日朦朧開紫清萬方如見帝心明鳳凰合在朝陽

下嶺上先傳金鼓聲金鼓朝

城邊河水碧如蔥城外扁舟渡晚風日落月來天在

水行人渾入鏡光中石岐晚渡

秋水秋風秋漸勻南臺秋色日精神清色一夜照閒

無照盡城中城外人南臺夜月

聞道天南浮石山隨波上下此其請看萬里春濤

勢自是神鼇帶柱還浮虛春濤

誰攜彩筆上峰頭剡日擎天駕玉樓真把銀河為墨

海洗開雲霧寫神州阜峰文筆

天上荷花天上開不應吹落世間來
秋風昨夜香如酒帝遣天池作壽杯
天池

日照重簷紫翠高飛泉百尺下奔濤
我曾親手探明玉浣盡龍圖與彩毫
金紫巖溜

烟雨濛濛溪水頭長洲莫即是瀛洲
憑君為撥羣峰看似有玲瓏十二樓
長洲烟雨

前題

申良翰

曉來濛上錦瀾飛望裏雲亭曙色微
鈺鼓無聲滄海靖齊民長此戴堯暉
金鼓朝陽

津鼓闐闐說治安而今邨落子遺殘
疎林返照稀行客唯見迴風漾紫瀾
石岐晚渡

香山縣志 卷之八 九十六

秋老峯高夜未闌蟾蜍皎皎弄清寒
九天宮闕捫空近至山川入掌看
南臺秋月

若個飛舲漫遊隨波上下影沉浮
蒼茫四望無窮際閉數春來海面鷗
浮虛春濤

此山封爾管城侯沉綠鏤青空際抽
天作凝光海研滴大書四野十分秋
阜峯文筆

曾開元末浚南濠池涸誰云事偶遭
三百餘年空勝蹟吟壇贏得競揮毫
天池芰荷

巖溜飛懸銀練色山風吹作玉珂聲
賸有沈泉終古

在遊人曾見幾年清金紫

巖溜

雨似跳珠雲似墨蒼崖翠樹添生色田疇欲墾寇方
張洗我甲兵滋稼穡長州
烟雨

香山寓趙將軍子雍別墅題贈 申詒芳蘇州人


曲徑幽藏別有天疎花小石竹林邊想當濠濮親禽
鳥思入蒹葭鎖暮煙屏裏影留魚麗陣窓中曾著豹
韜篇我攜書卷閑歌枕載酒何人問草玄

輓鄭烈婦文學廬上雍妻 陳國光邑人

遙見雙龍浩氣沖捐軀植節女英雄青霜不改紅顏
操碧血猶凝白刃中拋子始知全子意別姑誰識戀

香山縣志 卷之八 九十七

姑哀倫常說男兒任閨閣偏留萬古風 八卷終



香山縣志卷之九

知香山縣事申良翰纂修

邑人李龍翔編輯

兵防志總序

衛所

屯田

前山寨

營堡

汛哨

序曰井田之法肇自黃帝三代踵行之後世以為兵法之祖自漢晁錯徙民塞下後多以屯田成農戰功至唐宗府兵之制論者以為得井田遺意明初兵防墉塹斥堠率用旗軍屯田隸之衛所且耕

香山縣志卷之九

且守負耒即以荷戈寓兵於農制猶近古厥後屯政漸弛旗軍急在領運回空甫罷耕兌繼之非惟不遑講武貧軍告貸典鬻屯田利歸豪右農事且不可問矣勢不得不以屯田專責之衛所以防守專責之師武臣而兵農乃不可復合我

朝八旗禁旅屯墾近畿有事則調遣是亦府兵之遺制也在外則綠旗兵駐防險要衛所各有屯田香山瀕海額定經制官兵多於曩時陸設墩臺水設汛哨星羅碁布防範可謂周矣遷展田畝以次墾闢亦漸就成熟矣惟是界外間田久為棄地謂宜

申請盡行展復令前山兵士七講武三力農糗以
牛種緩其催科將見兵農合一之良法可行之八
旗者亦可通行之練旗使海濱僻壤地寶咸登豈
不盛哉作兵防志第九

衛所

廣州右衛

廣州後衛有左右前後中各千戶所

廣海衛有右中前各千戶所

香山守禦所

明洪武二十三年設香山守禦千戶所千戶伍員
百戶拾員旗軍壹千壹佰陸拾名撥往征調把守
鎮頭角營備倭守城俱本所旗軍成化間始設立
民壯謂之民兵原額守庫守營守海巡捕守城民
兵共叁百貳拾伍名與宋制縣有弓手鎗手水軍
馬軍主簿兼尉領之元制主簿惟領弓手其制不

同

屯田

明洪武十八年始自邊方遂徧於天下川茶酒米訥之言也每衛所官軍以十分計之七分在城三分留屯每軍承田二十畝歲納糧米陸石十月冬熟起徵限次年正月終完納謂之依期管屯武弁受獎正月終不完納則管屯官住俸延緩益久則罪斯及矣然立法雖嚴而終不完納者何哉軍歿田遺代種轉佃為豪右暨耕民所奪者有之探佃與人預私其利或奸人總領展轉欺延者有之其弊多端不能盡舉也揆厥所由必有執其咎者矣

廣州右衛

大黃圃一屯田貳拾貳頃肆拾畝糧陸百柒才貳石
大黃圃二屯田貳拾貳頃肆拾畝糧陸百柒十貳石
已上二屯田俱未報墾

廣州後衛

左千戶所大攬一屯田貳拾貳頃肆拾畝糧陸百柒
拾貳石

小攬二屯田貳拾貳頃肆拾畝糧陸百柒拾貳石
小攬三屯田貳拾貳頃肆拾畝糧陸百柒拾貳石
右千戶所大攬屯田貳拾貳頃肆拾畝糧陸百柒拾

資石

半邊攬屯田資拾資項肆拾畝糧陸百柒拾資石

小攬屯田資拾資項肆拾畝糧陸百柒拾資石

中千戶所小攬屯田資拾資項肆拾畝糧陸百柒拾
資石

前千戶所小攬屯田資拾資項肆拾畝糧陸百柒拾
資石

後千戶所小攬一屯田資拾資項肆拾畝糧陸百柒
拾資石

小攬二屯田資拾資項肆拾畝糧陸百柒拾資石

香山縣志卷之九

五

小攬三屯田資拾資項肆拾畝糧陸百柒拾資石

廣州後衛原額屯田稅資百肆拾柒項柒拾畝粿叁

釐肆毫壹絲內陸節奉勅過遠年水衝崩陷失額

稅柒拾叁項拾陸畝叁分陸釐玖毫零伍忽又

除遠年老荒稅伍拾資項資拾伍畝壹分肆釐捌

毫壹絲肆忽叁微捌釐實在地稅壹百資拾壹項

肆拾捌畝伍分壹釐柒毫壹絲壹忽陸微資釐

國朝康熙三年奉遷界外康熙八年展界十年分各屯

丁墾復荒稅玖項柒拾陸畝新例康熙十六年分

起徵又康熙十一年分墾復荒稅叁拾壹項壹拾

參畝肆分玖釐壹毫陸絲新例康熙十七年起徵
尚未墾田稅捌拾頃零伍拾畝零貳釐伍毫伍絲
壹忽陸微貳釐餘軍丁原無派徵丁徭之例

廣海衛

右千戶所大攬一屯田貳拾貳頃肆拾畝糧陸百柒
拾貳石

大攬二屯田貳拾貳頃肆拾畝糧陸百柒拾貳石

大攬三屯田貳拾貳頃肆拾畝糧陸百柒拾貳石

中千戶所古鎮一屯田貳拾貳頃肆拾畝糧陸百柒

拾貳石

香山縣志卷之九

六

古鎮二屯田貳拾貳頃肆拾畝糧陸百柒拾貳石

古鎮三屯田貳拾貳頃肆拾畝糧陸百柒拾貳石

前千戶所大攬二屯田貳拾貳頃肆拾畝糧陸百柒

拾貳石

廣海衛屯田地畝原有山水之別水屯則大攬古鎮

是也大攬屯田原列四所一劉起辰所一張鑑所

一錢廣所一陳鑑所共稅伍拾叁頃肆拾伍畝壹

分伍釐壹毫肆絲已上二屯

國朝康熙三年續奉遷移界外於康熙八年展界後招
集大攬屯軍黎珍馮信等止墾復屯田伍拾畝零

粵伍分康熙拾年分墾復叁項資拾伍畝玖分康熙拾壹年分墾復捌頃肆拾叁畝古鎮屯招集屯單周廷旭鄧直生等於康熙玖年分墾復資項肆拾玖畝拾年分墾復壹拾肆頃玖拾叁畝拾壹年分墾復捌頃伍拾畝二屯原稅上則科例每畝係叁斗屯糧重賦軍多逃竄康熙拾年巡撫都察院劉洞悉屯艱特疏 題准減額自康熙拾年分具題年起嗣後墾復之田叁年陞科每畝徵糧捌升捌合捌勺其康九年分開墾田畝仍照例舊例叁斗起科則古鎮康熙九年分墾復資項肆拾玖畝十一年分應徵米柒拾肆石柒斗大攬康熙九年分墾復伍拾畝零伍分十一年分應徵米壹拾伍石壹斗伍升若屯單原無派徵丁徭之例

新寧所原額田稅陸拾叁頃捌拾貳畝捌分陸釐玖毫共額米壹千玖百壹拾肆石捌斗陸升零柒勺每石例定折徵銀肆錢自

國朝鼎足徵納本色解運省倉康熙三年內奉 遷界外八年內展復田畝荒蕪開墾維艱康熙拾年內巡撫都察院劉 題准照民田例每畝捌升捌合捌勺起科康熙十年開墾壹拾壹頃陸拾陸畝陸

分三年以後陸料應於康熙十三年該徵本色米
壹百畝叁石陸斗零伍合柒勺肆抄陸撮康熙十
一年開墾壹拾捌頃壹拾畝零玖分應於康熙十
四年該徵本色米壹百陸拾石捌斗貳升六合零
貳抄玖撮尚稅叁拾肆頃零伍畝叁分陸釐玖毫
內除海島崩陷稅壹頃捌拾柒畝伍分貳釐肆毫
柒絲業經詳明冊報又除老荒稅壹拾貳頃陸拾
叁畝零捌釐陸毫零捌絲尚實未墾荒田稅壹拾
玖頃伍拾肆畝柒分伍釐捌毫貳絲貳忽

香山所額田肆拾陸頃伍拾貳畝陸壹千叁佰伍拾
伍石陸斗

國朝香山所原額屯田肆拾肆頃捌拾畝坐落小攬土
名高沙額徵屯糧壹千肆百肆拾肆石柒斗壹升
壹合肆勺自經 題准減豁荒陷無徵稅壹拾肆
頃捌合伍畝尚實存熟屯地貳拾玖頃玖拾伍畝
康熙三年奉遷界外八年復展邊界康熙九年十
二月守禦所楊邦傑招徠民佃於康熙十一年依
額全墾照 新例每畝捌升捌合捌勺壹抄起料
該米貳百陸拾伍石玖斗捌升伍合玖勺伍抄
按古者寓兵於農此井田為兵法之祖也唐之

府兵為近是營平侯上屯田十二便武侯分兵屯田皆因糧於敵就所敵之地墾田裕食兵休則止非畫一通行之制也明洪武間設衛所官軍擇閒曠處所以立屯堡且耕且守以十分為率七八分守城三分屯耕正軍授田資拾畝餘丁則等而殺之得寓兵於農遺意迨罹荒亂軍丁逃亡故絕田亦荒棄不可復問今際

國朝振舉屯軍漸次招徠生意可待屯田亦漸次墾闢成熟有期將見耒耜干城相因為用土飽馬騰其在斯乎

前山寨

明天啓示收建參將府衙門陸兵柒百把總資員哨官肆員水兵壹千資百把總參員哨官肆員大少哨船伍拾隻防守石龜潭秋風角茅灣口掛提角橫洲深井亞澳尾九洲洋老萬山旅狸洲金星門各處汎海

國朝順治四年本寨額設官兵伍員百名 兩王入粵改設官兵壹千員名

康熙元年柒月內添撥撫標奉裁官兵伍百員名入在塞額駐防縣城

國朝康熙三年以前參將壹員左右營千總資員把總肆員共官兵壹千員名康熙叁年內改設副總府衙門添設左右營各都司壹員各守備壹員各千總壹員各把總資員共添設官兵壹千員名本寨副總府壹員左右營各都司壹員并備資員千總肆員把總捌員康熙叁年伍月內勘海公疏添兵伍百名共官兵資千員名

左營額設官兵壹千員名除陸續抽撥及逃故奉文裁減不准頂補共缺額設兵柒拾資名尚實官兵玖百資者捌員名康熙入年八月內奉行復勘海公疏

題定本營臺汛柒處

右營於康熙四年內設立原經制額設官兵壹千員
名內除抽撥及逃故奉文裁減不准頂補其缺額兵
壹百叁拾陸名實額官兵捌百陸拾肆員名額設大
小哨船資拾伍隻康熙七年內奉行議將本營大船
裁設及別調另設復陸櫓兩櫓及留原本營小船共
哨船資拾伍隻康熙八年內更設營制奉公疏題定
本營新添設防海口官兵肆百零叁員名配駕船隻
防守

邑人何準道曰設險守國昔人綢繆桑土至計也

西洋種類附處濠鏡澳兵官駐前山以扼其吭使
不得為內地患此塞所由設也按水路從省會順
德至香山皆由內河可達陸站百二十里抵澳門
始濱洋海塞距澳約二十里登高而望之澳樓閣
垣墻盡在目中雖屬香山贅旒實則省會要害康
熙七年戊申秋八月海賊從塞右海口登岸攻剽
附塞果福園村殺擄甚多副鎮遂請移寓縣城以
為城垣憑依賊不敢犯坐令扼塞之地武備損威
萬一狡賊乘間突入村庄剽掠貨財擄鬻子女澳
桑日益富庶我民戶口蹙傷田野荒蕪豈惟一邑

之憂抑亦省會之羞惟是協鎮衙門所在照原經
制仍前駐劄則體勢森嚴加以汛防整飾澳奸海
寇欲生讐得乎

營堡

鎮頭角營在邑東白石村嘉靖十八年設征軍捌拾名駐劄民壯伍拾名督以百戶壹員廢

縣海口營在邑東北嘉靖二十四年設民壯貳拾伍名撥弓手拾名廢

象角頭營在邑西北嘉靖二十四年設民壯貳拾名撥弓兵拾名

雍陌營在谷字都雍陌村萬曆四十二年設戊午紅
吳祀澳移營鷹魚埔隨請南頭遊師帶兵肆百名
哨船陸隻防守及天啓元年建立前山寨象將衙

門前營廢

左營康熙八年內奉 文建深灣山墩臺設把總壹員安兵叁拾名 蔴子埔墩臺安名拾名 茅灣村墩臺安兵拾名 秋風角墩臺安兵拾名 沙尾日墩臺安兵叁拾名 吉大村墩臺安兵拾名 雞拍村墩臺安兵拾名

右營康熙八年添設防海口官兵肆百貳參員配駕

船隻防守 師教口 古鎮口 小攬口 竹仔

林口 黃梁都口又撥駐防縣城兵防張婆澳

小洲山 涌口門 平頂山 角頭山 小攬

古鎮

象角頭

曲涌各汛

香山縣志 卷之九

十四

汛哨

康熙七年奉文行議將右營大船裁撤及別調另設復陸槽兩槽及留原本營小船共哨船資拾伍隻哨舟師教口古鎮口小欖口竹仔林口黃梁都口康熙十一年復設本營大小船隻奉文行議將本營原派陸汛官兵盡撤配駕各船巡防縣汛

香山縣志卷之十

知香山縣事申良翰纂修

邑人何源澤編輯

外志總序

澳彙

祥異

寺觀

仙釋

藝術

述聞

序曰外志者何為其非內也而外之亦謂其由內而之焉者也為其非內也而外之於是乎有澳彙有祥異有寺觀有仙釋有藝術有述聞若是者舉非內也謂其由內而之焉則澳彙者由疆域戶口

香山縣志卷之十

而之焉者也詳異者由天文分野而之焉者也寺觀者由公署學校而之焉者也仙釋者由名臣名賢者之焉藝術者由高士義勇而之焉述聞由藝文而之焉者也是蓋招攜懷遠之道於是乎出祇畏修棟之心於是乎生神道設教於是乎興貪媮賊殺於是乎息曲學小技可以觀所用心所見所聞所傳聞可以助流政教又安見外焉者之遂無關於內治也哉作外志第十

澳彙

由前山村而南二十里曰濠鏡澳未至三里為關萬曆二年建設關官守之關關上為樓三間歲久圯知縣申良翰重修其旁官廳二間申良翰建澳中彙人聚處雜以唐人黑兔則皆聽澳彙驅使者也先是番船泊無定所率擇海濱地之灣環者為澳若新寧則廣海望峒香山則浪白濠鏡十字門東莞則虎頭門屯門雞樓嘉靖三十二年番船趨濠鏡者托言舟觸風濤水漬濕貢物願暫借濠鏡地晾晒海道副使汪栢許之特僱草舍數十間後商人牟奸利者漸運磚

瓦木石為屋若聚落然自是諸澳俱廢惟濠鏡獨為船數矣萬曆中督撫奏請就其聚處中大街中貫四維各樹高棚榜以是威懷德分左右定其門藉以旅葵明王慎德四譯咸賓無有遠邇畢獻方物服食器用三十字分東西各十號使互相維繫譏察毋得容奸聽海防同知及市舶提舉司納束四十年海盜俞安性詳請兩院勒碑禁約澳彙高倭畧曰倭性狡鷲澳彙高之為奴養虎遺患害將滋蔓本道奉勅受事憑藉兩臺制馭巡澳察彙追散倭奴凡九十八人還國除此姦賊兩罕遂得相安樂土此後市舶不許

夾帶一倭在澳諸彝亦不得再畜幼倭遺者倭與彝俱摘解兩院軍法究處得四十二年海道禁約畧澳異驕悍不法議者有謂必盡驅逐以清疆宇者有謂移出浪白外洋不容盤踞內地者本道念諸彝生齒蕃衍不忍其累累若喪家之狗當於巡澳日申以國威隨皆弭耳向化因摘其犯順五款行香山縣遵諭約束免其驅徙詳奉兩廣部院張巡按御史周五款准勒石立碑永為遵守今附載如左

一禁畜養倭奴凡新舊彝商敢有仍前畜養倭奴順搭洋舡貿易者許當年歷事之人前報嚴拿

香山縣志卷之十

三

處以軍法不舉一併重治

一禁買人口凡新舊彝商不許收買唐人子女倘有違故舉覺而占愴不法者按名究追仍治以罪

一禁兵船編餉凡番船到澳許即進港聽候文抽如有勉泊大調環馬騶洲等處外洋即係奸刁定將本船人貨焚戮

一禁接買私貨凡彝起貨物俱赴貨城公賣輸餉餉如有奸徒潛運到澳與彝執送提調司報直將所獲之貨盡行給賞首報者船器沒官敢有

違禁接買一併究治

一禁擅自興作凡澳中巽寮除前已落成過有壞爛准照舊式脩葺此後敢有新建房屋添造亭舍擅興一土一木定行折毀焚燒仍加重罪

按澳門舊有提調備倭巡緝行署三所今惟議事亭凡文武官下澳率坐議事亭上巽目列坐進茶畢有欲言則通事番譯傳語通事率閩粵人或偶不在側則上德無由宣下情無由達巽人遺禁約多由通事導之或奉牌拘提輒避匿關閣歲放米若干石每月六啓關廣肇南韶道發封條六道令文武官會同驗放事已關封我

香山縣志卷之十

四

國家之侍遠人者可謂至矣若在信聽通事驕悍違禁窩逃人買子女一旦閉關過糴必致饑殍流離欲如此日之晏安豐富豈可得哉

巽俗貴女賤男生女則豈長則贅婿入其家為後生男出贅他氏奉天主教尤謹樂施與以故建寺獨多有三巴寺賣家私寺大寺飛來寺發瘋寺風汎寺板樟寺龍鬆寺醫人寺尼姑寺望人寺唐人寺花王廟而崇閩瓊麗以三巴寺為最

祥異

宋淳熙十一年大旱明年饑詔有司賑卹 慶元五年大水 開禧元年旱詔賑之 嘉定十四年旱 淳祐五年夏五月晦颶風大作夜潮不得退復駕 晝潮雷之滂潦暴至瀕海室廬俱在四尺民多溺 死 寶祐元年夏六月旱 祥興元年秋八月星 隕於海

元至元十九年夏六月大雨水海溢傷稼 延祐八年饑 至治二年秋九月地震 至正十八秋大水 至正二十五年秋七月慧星而於斗牛縣民

香山縣志卷之十

五

訛言大軍至後征南將軍廖永忠帥師入廣州

明洪武元年春三月彗星見於南斗縣民鄭榮叟歸 附 五年夏四月地震 二十八年大旱 二十九年旱 永樂二年冬十一月民居大火 七年夏五月大雨水害稼九年大有年 二十一年秋九月嘉禾生於龍眼里 宣德元年秋九月大雨水 十年冬十一月雷 正統八年秋九月大饑詔義民出粟賑濟者冠帶榮身千石以上者重 書旌門 十三年秋八月民訛言石岐浮人截頭 明年黃蕭養作亂 景泰元年龍眼里大橧二府

糴不播而獲曰糴二村民以黃寇七年秋八月戊
糴資從致水旱之討無妄之變也

戊朔鄉雲見 天順五年大有年 成化三年秋

大饑斗穀值錢六十六文文錢法大阻好惡皆二當

一日掛索錢八年春正月旱 十年秋七月大

雨水 十六年夏五月癸巳夕地震虎暴入城郭

食一人多被傷者 秋冬疫 十七年冬十一月

壬辰冬至夜破大雷雷雨二鼓盡乃止是年虎暴

連年高疫雞牛猪未息高疫犬甚 十八年高疫 秋九月震雷

十九年夏五月海潮溢壞瀕海民居傷稼 二十

一年夏霖雨一月蟲食禾節歲歉 秋七月饑

二十三年春不雨 夏四月疫 五年庚申地震

有聲 虎暴附郭及龍眼都甚 弘治元年春正

月丁酉震雷 有蜚早禾不獲 夏四月十雨至

於八月晚禾不獲 饑 三年虎暴龍眼谷字二

食者茶常都傳沙魚變虎四月有豺舊為黃山有之至是忽在在皆有為暴虎勢息尋適

去冬十二月芝草生生於儒學西號發垣一本三

五年夏六月無雲而震 冬十月辛酉雷雷雨如

春申子夕陽而雷昏而雷雨甚直分乃止乙丑列

風匝日 六年虎暴谷字都甚 七月高疫自壬寅至是羊

牛猪雞 十年秋九月壬戌雷雷雨甚越三日雷電

犬多災

雨如春 十三年大有年 十四年春不雨四月

雨始電 正德三年饑 九年秋八月颶風害稼

十四年春二月丁卯雨雹暴雨連旬夏五月不雨

至於秋九月晚禾不獲良冬十月丁卯雷電雨如

春 嘉靖二年秋八月丁巳方釋雷忽颶母亘天

大風拔木摧屋縣學櫺星門毀 四年連塘民鄭

七仔妻一產三仔 七月春正月子雨至於夏六

月 八年秋八月颶風傷稼晚禾不獲九年饑

十四年夏四月大水 十五年饑 十八年冬十

月地震二十三年夏六月颶風大雨水全城東南

香山縣志卷之十 七

墻蝶盡毀 二十五年秋八月颶風傷稼大壞舟

楫民多溺死陂池隕決魚皆散逸 二十六年丁

未春霖雨秧苗凍死歲饑 二十七年戊申水災

田稻失敗 二十八年己酉三月朔日食 三十

年申亥三月雨雹九月颶風傷禾稼 三十二年

癸丑正月朔日食蟲傷早稻歲饑 三十六年丁

巳二月雨雹六月三十日地震 三十七年戊午

春旱蟲傷稼七月初五日地震 四十五年丙寅

正月初十日日中有黑子五日乃滅旱未蟲傷七

月潦水大至米價騰湧 隆慶二年戊辰二月初

十日雨雹大風三月天陰無雨四月十二日潦水
至早禾半收 三年己巳六月二十九日颶風大
水壞房屋九月三十夜旄頭星見西方長五六尺
四年庚午正月朔日食二月十九日雨雹 五年
辛未九月颶風作大水至歲饑 六年壬申春旱
夏潦六月朔日食歲大饑 萬曆元年癸酉七月
八月大水傷禾十月初十日雷電大作 五年丁
丑立秋後後飛食苗盡白九月二十三日申時慧
星見西方尾長五六丈白氣亘天至十一月中漸
暗不見 八年庚辰二月初一日食九月慧星見

西方 九年辛巳九月至十二月啓明星不見
十一年癸未十一月初一日食 十二年甲申六
月朔日地震七月朔復震 十三年夏四月大旱
九月大水 十四年大水蟲傷稼 二十一年七
月雨震如石壞屋宇 二十九年九月大水冬詔
免明年夏秋田糧三之一 四十六年戊午六月
五色雲現於小攬 八月旄頭星貫太白 十月
彗星疊見四十七年己未春熊罷一雄一雌至於
泮橋上學役獲之畜於讐宮後逸去 夏五月大
風撤縣衙居民毀塌無數 天啓三年癸亥秋九

月獲白鹿於湖洲山知縣周維持範銀為牌銘曰
國家禎祥命獵人納之大麓 四年甲子秋七月
瑞芝生於小攬國學生何贊侯南游館壁 六年
丙寅夏四月米價騰貴翰林院編修何吾騶時奉
使回里捐米煮粥貴糴賤糶存活甚衆 崇禎九
年五月民大饑

國朝順治九年八月初一日五更地震響如雷鳴初
二早又震 九年八月三次颶風大雨潮田晚造
田禾俱災傷無收殺貴民饑 八月初六日寺前
街猪母生一仔人頭一隻眼頭上正生一角人身

香山縣志卷之十

九

猪脚無毛 九年十一月初九早梁子真破城殺
官劫庫十三日兵到剽平 十年正月起饑荒穀
價每鄉斗一石銀一兩七錢民死甚多本縣煮粥
賑饑穀價增至每鄉斗一石價銀三兩米一升銀
七分五釐至六月民始甦 十一月二月初九日
石岐河出血水如線紅色出兩日 六月十七日
夜戌時地震十二年十月二十五日至五更雷鳴
巳時又鳴小雨午時大鳴二十八早雷大鳴大雨
十二月二十七雷大鳴 二十八晚雷大鳴大雨

閃電

寺觀

無量寺在縣治東北

舊在縣東南五十步本劉中行宅乾道中掘地得鐵佛蓋舍宅

縣令范文林建肅惠叔又捨銅佛一軀洪武中僧本廉修於壽山下因寶慶寺舊址后廢永樂七年僧會祖重建嘉靖二年提學道教諭顏皆毀銅佛鑄建豆二十四以祀文廟七年遊僧重建

本寺田併寶慶廢寺田共九頃六十一畝有奇仁

坊民以正等戶

元興廢寺在縣東大海中浮虛山上

宋趙時鏞始建真武堂見藝文

志元大德中改為寺元末毀於兵火田一十二頃三十畝有奇大都民民曾觀升及順德部民李曰章等戶

西林廢庵在縣北一里蓮塘村

庵後有觀音閣俱毀

田四十九

香山縣志卷之十

十

畝有奇

仁厚坊民徐道慶戶

獨覺廢庵一名寶林

在縣東九十里東山村

宋端平中田鐘俊龍戶

二十九畝有奇

大都民李阿蔡戶

城隍廟

在大攬塞前巡司公署之在

鳳山古寺

在小攬鳳山之陽其前為鄉約亭自昔講六歲於此

寶蓮寺

在大攬

普覺寺

在小攬

王官營祀南宗大禪師恩貢生何源道建

開元庵

在大攬飛駝山落霞峰下

北帝廟

在小攬何內閣建

靈佑康元帥廟

在小攬詩社

西竹廢庵在香山場元至正初田四十四畝有奇恭

都民鮑勝安戶

龍歸廢庵在縣西南斗門村宋紹興初建田二頃一

十四畝有奇黃梁都民黃官保戶

西山廢庵在縣南鳳凰山西宋咸淳三年田六十一

畝有奇恭常都民吳士廉戶

昔陀廢庵在香山場後宋咸淳五年周仁建元大德

日昔庵之未建也有鐘飛墜草莽間父老以為神

遂基之星移基毀玠茲來宰三年政和民樂因農

隙曩除石伐翳木翼之以亭廬繪之以神像重脩

殿庭夾室旬月落成父老來贊玠乎前語之曰是

庵之建層簷飛空金碧炫目梅檀鬱室瑞氣網緼

山鳥間聞空鳴谷應林花飛墜井冽泉甘地靈使

香林庵在縣南十里小嶺山中崇禎年間僧慧融建

嶺產佳茶

白衣庵在縣北西林庵後山之嶺崇禎年間建

象母庵在縣城內東北豐盈廢倉舊址順治年間知

縣胡戴仁建田五十畝附無量寺崎畝之內係僧

慧信自置後撥人

翠竹庵廢在縣南東山下樓前村元大德中田二頃

黃節性建

九畝有奇 林昆祐戶

建福廢堂有二 一在縣海旁濠涌村 宋紹興中 田五

十二畝有奇 龍 眼都民 陳 一在縣西北古鎮村 宋

與中黃巖 田二頃三十三畝有奇 大攬都民 陳俊祥戶

北極廢觀在縣東鎮撫司舊址 宋乾道五年縣令范

簿宋之望重建縣主管勸農事趙希璜記曰北極

觀邑之壯麗者也兩賜之禱朔祭之拜必先焉余

始抵任詔時觀其階級之崇嚴輪奐之弘敞景像

不減於中州退見守者陳夢說曰若其功乎守者

豐然辭曰明邑佐宋公實更此字也初經營隘

久廢不葺重及百年內庭壓矣幾毀寶像兩無墟

矣鞠為莽區門觀亦就頽而僅支矣惟三清殿巋

然如魯靈光獨存益改造於嘉熙之新元而事力

猶困餘未暇理也公見之惻然乃循舊址出新意

增廣而壯麗之觀已俸為邑人先而邑之勇於好

善者亦相與謀曰此為吾等植福基也蓋百以相

其役歟故輸財而獻力者相屬木石山富工斷兩

從向之壓者今荒然向之墟者今森然與夫就頽

而僅支者俱煥然而一新加闢二殿左右對峙慈

濟祠乎東魁星位乎西庭壇儼肅百具整脩癸卯

十一月始營而落成于甲辰之秋役踰時而民不

知倦身督而政自理其他勤且敏皆類此不但心

匠而經畫之精緻也居無何詔余求記余知公廉

強而明決且志趣大異當且有微燄者觀者矧夫

記詞更造更有依矣邑校易治士有養矣凡經營

矩度皆所指授愈出愈新而各中其則其規矩力

量可知也敬授筆記其大畧以誌後人公名之望

享敬山甫之世料云 田二十六畝有奇 都民何四

淳祐乙巳秋記 田五畝有奇 海等戶

集真廢堂在縣東北Y堂 宋紹興中劉 田五畝有奇

龍眼部民劉 進脩戶

顯真廢堂在縣北小黃甫村 宋紹興中 田二十九畝

林仲芳建

有奇黃旗都民
林佛得戶

天妃廢宮在河泊所前洪武中千戶陳豫建田八十八畝有奇

四字都民
黃二妃戶

康師廢堂在縣西沙涌村至中元杜季和建田六十七畝有

奇良字都民
李道蔭戶

忠勇廢堂在縣西小口村宗寶祐中田三十一畝有

奇都民阮景
伯戶

洪聖王廢廟在海洲村元至正中田一頃二十一畝

有奇都民林茂
遠戶

按宋乾道中縣令范文林始建無量寶慶二寺及

香山縣志卷之十三

北極觀邑氓興起多建庵堂淫祠不可盡紀元季

毀未盡者嘉靖初提學副使魏枝盡毀之僅書其

有田糧者以備改爾

仙釋

陳仁嬌者漢廷尉臨之後也父玘母鄧氏自幼靈慧
父母名之曰安自以仁嬌為自家人人嘆異之寧為
逍遙游餐丹霞飲玉液乃寤不瞑每思舊遊不可得
至八月十五日丙夜忽有神仙數百從空招之仁嬌
飄飄然隨象謁於帝居遂掌於蓬萊紫虛洞天歸而
飛至龍塘潭峽中與羣仙共戲釣於潭魚皆不可腥
近半鶴下啄之突以為樂其儔侶五人曰瓊嬌玉潤
伯山瞻姬伯瑰相與飛至深井踏石而取明月漁人
見之須臾凌空而去潭土留屐痕為人號其處為仙
家經略使蔣之奇傳其事

香山縣志卷之十

十四

女澳又曰蓬萊仙云宋元祐中陸於廣州進士黃洞
唐圓明禪師姓陳福州人叅大滿淨旨嘗游五臺山
觀文殊化現開寶中從樞密使李崇矩巡獲南方因
入院觀地藏菩薩像問僧云地藏何以展手僧云手
中珠被賊偷却了也李乃謝之淳化元年示寂壽一
百三十六歲後邑人建西林庵祀之

真教禪師璿姓陳氏嘗對御陞座賜法果禪師號又
奉旨住潭之道林旨唐咸通初從鄭儀射至廣州遂
示寂焉

黃懶者泉人也披剃為僧有異行奇術號黃道人居西村山因名其山曰黃道游龍歸巖跣跌而化弟子塑像於巖紹興中賜號惠慈普濟禪師邑人梅趙南於巖建祠以奉之

許道人者泮沙許東齋女也幼有超塵之志父母禁之不可遂清齋入道先有硯石和尚創雲庵梯山號張道人庵至是脩而居之經年獨處常有虎衛其廬

藝術

官能者千古所小旗也生有巧思成化間林良以寫
花鳥擅名能欲抗衡乃精繪鱗鬣意愜飛動見者以
為真焉士夫携繖楮詣門者無虛日

詹師者北山人習廬山法術以符咒治病祛邪擲火
鈴踏刀梯有神下之病者輒愈失物相誣閔者投銅
錢沸油中常為手探輒得如挹清冷盜得灼爛變幻
物態役使鬼神非止一端故老有能詳道之者

述聞

舊志載地匿曰吾邑荒薄物產不足以克錫貢然有二害焉其一恭常都雞拍村銀涌自宋初產銀官取上供屬廣州宜祿場大觀中廣東廉訪使黃烈奏言鑛內苗脉微甚而浮沉之人以納官為名發毀民田騷動遠近詔罷宜祿場令官封之違禁者誅逾三百年人無敢產者正德中順德豪民勾引勢家糾集逃叛及白水徒賊偽奉朝旨執照乃開鑛採煎村民初猶拒之其後力不能勝盡被屠戮而淫其妻女使供炊爨嘉靖甲辰苗脉已盡賊乃散然其地雞犬桑桑

柘亦俱盡矣其一邑南海中三竈山有田三百餘頃極其膏腴甲於一方在宋為黃字上下園元時海寇劉進據之洪武初屬黃梁籍居民吳進漆通番為亂二十六年都指揮花茂奏討平之悉遷其餘黨詔虛其地除豁田稅永不許耕歲令官軍千人防守正德中南海勢家以新會虛稅影占亡命之徒附之招合猺獠立為十甲聚眾盜耕嘉靖十五年該都里排贖為已業已而有錢備者素通番船倚強占奪里排無如之何分上下園管業而閔擾今猶未息有司量餘田歸官復為勢豪侵據號召海寇大為民害焉

舊志載吾邑山林村澤之阻虎狼虺蜮雖或害人然
毒莫如胡蔓蠱莫如藥鬼者胡蔓草也葉如蔓花黃
白不一一葉目百竅潰血人無復生邇來品彙益入
盛花葉益異山中在在有之兇尼將取以毒人則拾
搖若舞狀真妖物也或有私怨者茹之呷水一口則
腸立斷或與人閑置毒於食以葬其親誣以人命者
有之知縣鄧遷嚴加禁約後得小悛云戊子間有署
縣羅明燮者雲南已知解元於崇禎十七年任鎮平
令戊子春署香山縣事稔知胡蔓草之毒徃徃為奸
人藉以狹詐愚民痛禁之令下曰凡有以事告理者

香山縣志卷之十 十八

人取胡蔓草數十本左携草右挾詞然後得進遂積
而焚之四郊遠近搜羅殆盡藥鬼者愚民造蠱圖利
取百蠱置器中經年視獨存者能隱形與人為禍隋志
載其法以五月五日聚百種蠱大者至蛇小者至虱
合置器中令自相啖餘一種存者留之蛇則曰蛇蠱
虱則曰虱蠱行以殺人因食人入腹內食其五臟死
則其產移入蠱主之家三年不殺人則富者自種其
藥累足子孫相傳不絕 凡屋宇淨無塵網者即其鬼
亦有隨女子嫁馬 菜皆可入人

所為也又老挑生於飲食魚肉 害者腹胸攪痛十日其蠱能動腫脹如甕九孔流血
而死永樂初縣丞彭豫懲數家法於然負郭及諸鄉
而尚或有之 嶺南衛生方治胡蔓草毒急取抱印末
生雞兒細研和以清油幹口灌之乃吐

而甦其蠱毒挑生在上甬者膽礬五分投在一盞熟
茶內候浴化服之以雞翎攪喉令吐在下甬者鬱金
水二錢飯湯調下又有麻藥寘酒中飲後昏不知財
物皆被奪去久而後醒凡蠱毒麻藥今皆無有惟胡
蔓草尚有存者附錄於此

十卷終

